
ՆՈՐ-ԱՅՐ


ՆՈՎԵԼՆԵՐ



ԵՎ
ՍԻՊԱԿՆԵՐ

ՀԱՅՊԵՏՀՐԱՏ







ՆՈՐԱՅՐ

ՆՈՎԵԼՆԵՐ
ԵՎ
ՓԻՊԱԿՆԵՐ




1949

Կազմը, ծիսույթը, Ֆրոնտիսպիսը և ակզբնագաղտեր՝ նկարիչ
ՀՈՎՀ. ՇԱՎԱՐՇԻ

НОР-АИР
НОВЕЛЛЫ И ПОВЕСТИ

(На армянском языке)
Армгиз, Ереван, 1949





ՆՈՎԵԼՆԵՐ

ԵՐԵՔԸ

1.

Նրանք՝ երեքը պահեստային զորագնդում իրար հանդիպեցին այն օրերին, երբ մեր զորքերը ծանր ու արյունալի կռիվներից հետո, ոտք դրին գերմանական հողը: Երեքն էլ մասնակցել էին հայրենի հողում գերմանացիների դեմ մղված կռիվներին և իրենց վերքերը բուժել էին տարբեր քաղաքների զինվորական հիվանդանոցներում:

Պահեստային զորագնդում նրանց ընդունեց հետախուզական վաշտի հրամանատար լեյտենանտ Բորոդինովը:

— Ուրեմն դո՞ւք եք գվարդիայի ավագ Նիկոլայ Կոնստանտինովիչ Սոկոլը:

— Ես եմ:

— Լա՛վ, լա՛վ: Իսկ ձեզանից ո՞րն է Միկոլայ Տարասովիչ Կալուվը:

— Ես եմ, — ձգվելով պատասխանեց Սոկոլը կողքին կանգնած շարքային զինվորը:

— Դե, հասկանալի է, դուք էլ Իգնատ Սոլովյովիչ Պալյանն եք, — ձեռքը բարեկամաբար կարճահասակ երիտասարդի ուսին դնելով, ժպտալով ասաց լեյտենանտը: — Իսկ որևէ գանգատ ունե՞ք:

— Ոչ, ո՛չ մի գանգատ չունենք, — պատասխանեցին երեքով:

— Շատ բարի: Ուրեմն բոլորովին առողջացել եք. շատ ուրախ եմ: Կլինեք իմ վաշտում, կդառնաք հետախուզներ: Իսկ այժմ,

ավագ Սոկոլ, տղաներին առաջնորդիր ճաշարան: Տեսեք, որ պարապմունքից չուշանաք:

— Լսում եմ,— ձեռքը գլխարկի շրոցին մոտեցնելով՝ պատասխանեց Սոկոլը:

Ավագ Սոկոլը երեսունհինգին հասած, բոլորովին շիկահեր, պնդակազմ մի տղամարդ էր, չափազանց երկար թևերով, որոնք վերջանում էին արևածաղկի տերևների նման լայն դաստակներով: Նրա աչքերը պարզ էին ամառային անամպ երկնքի նման, որոնք դիմացինին նայում էին ուրախ ժպիտով: Սոկոլը մինչև պատերազմըն աշխատում էր Լենայի ոսկու հանքերում և վարում էր հետախույզ-տեխնիկի համեստ պաշտոնը: Պատերազմի առաջին իսկ օրը նա կամավորագրվել էր՝ գործող բանակ մեկնելու համար: Օրշայի մոտ ծանր վիրավորվելուց հետո, երկար ժամանակ բուժվում էր ղինվորական հիվանդանոցում:

Միկոլայ Կայլուկը իր կյանքի գրեթե մեծ մասն անց էր կացրել կոմբայնի վրա: Թխահեր, միջահասակ, լայնալանջ կոմբայնավարը գիրտկ էր: Նրա լիք դեմքի վրա կարծես մեկը ներս էր հրել խաժ աչքերը:

Իդնատ Պալյանը մեծացել, ուսումն առել էր հայրենի դպրոցում: Տարիների ընթացքում նա շարքային կոլտնտեսականից հասել էր բրիգադիրի աստիճանին և իր երջանկությունը փնտրում էր բերքառատ այգիներում, ուր վաղ դարնանից մինչ խոր աշուն գործում էր իր մարդկանց հետ: Իդնատը կարճահասակ էր, զարմանալի թուխ դեմքով, սև ու հաճելի աչքերով:

— Սատանան տանի, միթե՞ ինձանից հետախույզ դուրս կգա, — լեյտենանտից բաժանվելուց հետո, թթված դեմքով քրթմնջաց Կայլուկը:

— Այն էլ ինչպիսի՞ն,— հիացմունքով բացագանչեց Նիկոլայ Սոկոլը:

— Բայց ես լավ նշանառու եմ,— արդարանալ ցանկացավ Կայլուկը,— նախ քան վիրավորվելս մեր դասակում ամենամեծ հաշիվը ես ունեի:

— Մի՛ մոռանա, բարեկամ՝, որ հետախույզը և՛ լավ նշանառու պիտի լինի,— խրատել ցանկացավ Պալյանը:

— Նվ դա ճիշտ է. ճիշտ այնպես, ինչպես և այն, որ ես արդեն

ձկան հոտ եմ առնում,— լայն ունգերով օդը հոտոտելով ասաց Սոկոլը:

Ճաշարանում ուրախ խոհարարը երեքին ընդունեց հիացմունքով:

— Նոր թռչուններ եք երևում: Դուք, աղա՛վնյակներս, երբեքից Վառոդի հոտ առե՞լ եք,— աչքերը խաղացնելով հարցրեց նա:

— Ավելի լավ է դու քո անունն ասա,— փնչաց Սոկոլը:

— Սուդակը ձեզ ծառա: Ամենքն էլ իմ անունը գիտեն: Նախքան ուտելու մասին մտածելը, դուք պարտավոր էիք իմանալ ուտելիք պատրաստողի անունը:

— Այդ այնքան էլ կարևոր չէ. ուրեմն դու մեզ Սուդակ ձկո՞ւ՜մ ես պատվելու, — կրկին հարցրեց ավագը:

— Ճիշտ այդպես: Կասպիական է, հիանալի, աղ դրած:

— Հիմար բան է,— փնթփնթաց Սոկոլը:

— Օհո՞, խիստն եք երևում. այդ ի՞նչ է, դուք ձկա՞նը հիմար անվանեցիք, թե ի՞նձ:

— Ինչպես կամենաս. լեզվիդ դոռ տալու ժամանակը չէ: Ես, անուշ մարդ, շատ քաղցած եմ: Առ այս թուղթը և կերակրիր մեզ:

— Ա՛, դուք ավագ եք: Այդպես, բերնիդ դո՛ւից հասկացա: Դուք՝ ավագներդ խոհարարներիս սիրում եք միայն այն ժամանակ, երբ քաղցած եք լինում: Ինչ արած, ես ձեզ կկերակրեմ: Պատվականիդ համար համով շիլա ունեմ, կարգադրված է տալ նաև ձուկ և, եթե դուք արդեն ձեր բաժին շաքարը չեք կերել, այդ դեպքում կարող եք մի կաթսայիկ էլ թեյ ստանալ,— այդ ասելով խոհարարը Սոկոլի ձեռքից վերցրեց կաթսայիկը.— խնդրեմ, վերցրեք ձեր շիլան, այս էլ հիմար սուդակի գլուխը՝ վզի յուղոտ մսով: Ներեցեք, ընկեր ավագ, իսկ կարելի՞ է իմանալ ձեր անուն-ազգանունը, կամ թե ինչպե՞ս մեծարեմ ձեզ:

— Նիկոլայ Կոնստանտինովիչ:

— Հրաշալի է: Իսկ Ազգանո՞ւնդ:

— Սոկոլ:

Խոհարարը թևերը ծալեց կրծքին, ուրախ խաղացրեց մեծ աչքերը:

— Այդ մեկը լավ չէ: Խոստովանանք լինի, խելոք թռչունի անուն չէ,— ժպտով ասաց նա, շարունակելով նայել երեքին:

Պալյանն ու Նիկոլայը ուրախ ծիծաղեցին:

— Հատուցե՛ց, հատուցե՛ց. արե՛ս լիւա, լա՛վ կժեց,— ուրախությունից կռնչաց Կայլուկը:

— Դեռ մենք կտեսնվենք,— թթված դեմքով Փշշացրեց Սոկոլը:

— Խնդրեմ, ես միշտ պատրաստ եմ սոված տեսնել ձեզ և դուք, աղա՛վնյա՛կս, ինձանից միշտ կհեռանաք կուշտ ու երջանիկ:

2.

Կուշտ նախաճաշից հետո երեքն էլ քաղցր դրուցցով շարժվեցին զորանոցների կողմը:

— Իսկ ի՞նչ ես կարծում, ավա՛դ, եթե ես դիմեմ լեյտենանտին՝ նա չի՞ փոխադրի ինձ նշանառուների ջոկը: Այնպե՛ս չեմ ուզում հետախույզ դառնալ... ասաց Կայլուկը:

— Հասկանալի է. դու աղա՛վնյա՛կս ուզում ես ճարպակալվել, դրա համար էլ տհաճ է քեզ հետախույզի դյուրաշարժ կյանքը: Ի՛նչ արած, դիմիր,— ուսերը վեր քաշելով պատասխանեց Սոկոլը:

— Եվ կփոխադրի՞:

— Կարծում եմ դրա համար շարքի առաջ հանդիմանություն կստանաս: Ի՛նչ է, եղբայր, դու ուզում ես ամեն ինչ քո քմահաճույքով լինի:

— Է՛, դու արդեն կատակում ես, իսկ ես քեզ լուրջ բան եմ ասում:

— Կատակել, իհարկե չեմ կատակում և խորհուրդ էլ չեմ տալիս դիմել:

— Մենք այստեղ եկանք միասին,— խոսակցությանը խառնվեց Պալլանը,— լավ կլինի միասին էլ մնանք:

— Հրաշալի՞ միտք: Դուք կլինեք այն վաշտում, որի ավագ կնշանակվեմ ես:

— Ինչ արած, թող ձեր ասածը լինի,— համաձայնվեց Կայլուկը:

— Այդ լավ է,— ուրախացած խոսեց Սոկոլը:— Մեր բանակին պետք են փորձված մարդիկ: Գերմանացին խորամանկ է, նրան այնքան էլ հեշտ չէ խաբել: Եթե ուզում ես նրանից մի բան կորզել, կամ թե թիկունքն անցնել, հարկավոր է սովորել հետա-

խուզութեան բոլոր ձևերը: Նախ պետք է այնպես անաղմուկ վերացնել ժամապահին, որ ճանճն անգամ չողզա, թե չէ ավտոմատի երկար հերթազարկերով աղիքներդ մաղի նման կծակծկեն: Օղորմած տատս, լավ կ'ին էր, աստված հոգին լուսավորի. նա ինձ այնպիսի բարի խորատներ էր տալիս, որ սիրտս փառավորվում էր. «Նիկոլայ, սիրելիս, իմ անգին թաշակա,— ասում էր նա ու պտղունցով բռնոթին հասցնում ռունգերի նուրբ տեղը, հետո ուժովով փռտում,— քանի-քանի անգամ եմ քեզ ասել կատուի ծաղերը գողացիր այն ժամանակ, երբ մայր կատուն այնտեղ չի լինում, թե չէ կճանկոտի սիրունիկ դեմքդ և դու, աղալնյակա, գլուղում ման կզաս ուրուրի կտուցից փախած փետրաթափ հավիկի պես» ... Ուրեմն ի՞նչ եմ ուզում ասել: — Խորամանկ է թշնամին, մենք նրանից ավելի խորամանկ ու հնարադետ պիտի լինենք: Չնայած ժամապահին հետախուզութեան դուրս գալիս, երբ բռնում ես ֆրիցի կոկորդից՝ բերանը խցկիր գելարանակը, որ նրա աչքերը բնից դուրս թռչեն, հետո հանդիստ շարունակիր գործել:

Լենայի ափերին ոսկի փնտրող տեխնիկ Նիկոլայ Սոկոլը, որ պատերազմից առաջ միայն թերթերից գիտեր լայնածավալ ու հացառատ Ուկրաինայի, փոքրիկ ու չքնաղ Հայաստանի մասին, իր մեծ հոգով սիրեց Միկոլայ Կայլովին և Իգնատ Պալյանին:

— Երբ վերջանա կռիվը, Իգնատ, քեզ հետ կզամ Հայաստան, կտեսնեմ Սևանա սիրուն լիճը, որի մասին այնքան լավ է գրել Գորկին, կգիտեմ ձեր պարերը, կգնանք Զանգեզուր: Կարծում եմ դու դեմ չես լինի, այնպես չէ՞:

— Դե՞մ: Այդ ի՞նչ ես ասում: Ուր ցանկանաս կտանեմ, ակապերս. Նորքի այգիներում քեզ համար այնպիսի խորոված պատրաստեմ, որ մատներդ էլ հետը լպստես...

— Իսկ ի՞նձ:

— Քե՞զ, իմ սիրելի Գայլով...

Սոկոլը փռվում էր:

— Նորից կծեց:

— Միթե՞ վատ բան ասացի,— կեղծ լրջությամբ հարցնում էր Իգնատը:

— Հազար անգամ եմ ասել, ասա՛ Կայլով, և ոչ թե Գայլով: Ախր այդ ձեր լեզվով ուրիշ բան է նշանակում: Ինչո՞ւ ես հոգուս հետ խաղում, տո քարանձավի զավակ:

— Ների՛ր մեղքս, ո՞վ իմ Գալուկ:

Երեքով էլ ծիծաղում էին:

— Միկոլայ, միթե՞ քեզ պես մարդուն կարելի է մոռանալ,— հանդիսավոր լրջությամբ ասում էր Պալյանը.— մենք երեքս էլ պատերազմից հետո իրար տեսության կգնանք: Ես կտեսնեմ, թե ինչպե՞ս Նիկոլայ Սոկոլը կենայի ավազներն է խառնում, կամ թե դու կոմբայնիդ հեծած՝ դաշտերն ես հնձում. դուք էլ կտեսնեք, թե ինչպե՞ս եմ ես խաղողի այգիներում փարիզյան կանաչով վնասատուներին ջնջում, որ ձեր սեղանների վրայից անպակաս լինի գինին...

3.

Խոր աշնանը, զինվորական զնացքները ետևում թողնելով հայրենի երկիրը՝ պահեստային զորագնդի մարտիկներին հասցրեցին ռազմաճակատային կայարաններից մեկը:

— Ուրեմն, մենք գերմանացո՞ւ հողումն ենք,— ամենից առաջ ցած թռչելով վազոնից բացադանչեց Կալյուկը:

— Այո: Անիծված գերմանացու հողում,— շուրջը նայելով ասաց Սոկոլը:

— Ինչ եք կարծում, վաղը կլինե՞նք առաջավոր գծում...

— Իհարկե, Իգնատ, մեզ այստեղ բերել են կռվելու և ոչ թե կարկանդակ ուտելու համար:

Եվ զորագնդի մարտիկները քայլեցին պատերազմի ճանապարհներով:

Պրուսական հողը փորվրված էր: Ճանապարհների աջ ու ձախ կողմերում թափված էին այրված ավտոմեքենաներ, սայլեր, ձիերի դիակներ, որոնց վրա բարակ շերտով նստել էր առաջին ձյունը:

— Յոթիցի բանը բուրդ է,— ծիծաղելով ասաց Պալյանը:

— Այդպե՞ս է, չպիտի մոռանալ՝ փոս փորողը ինքը փոսը վրնկնի:

— Տղերք, դուք չգիտեք, թե ինչպե՞ս էր ուզում ինձ կաշառել ֆրիցը,— ծիծաղելով ասաց Սոկոլը:

— Ինչպե՞ս թե կաշառել,— զարմացած ասաց Կալյուկը:

— Պատմիր լսենք,— բացադանչեցին մարտիկները:

Սոկոլը վառելով ծխախոտը՝ սկսեց պատմել.

— Այո, կաշառել: Դա պատահեց պատերազմի երկրորդ տարում: Մեր գումարտակը այդ ժամանակ պաշտպանում էր Ն. քաղաքի մատուցները: Գիշերը մենք գերի վերցրինք հինգ ֆրիցների: Լույսը բացվելուն պես ինձ իր մոտ կանչեց գումարտակի հրամանատարը: «Տա՛ր,— ասաց,— ֆրիցներին հանձնիր զորագնդի շտաբը. տե՛ս, զգո՛ւշ եղիր, չլինի ճանապարհին... Նա արդեն հայտնել եմ, որ ուղարկում եմ հինգ գերի, այնպես որ օր ծերությանս խայտառակ չսնեք ինձ»:

Հետո վերցնելով երկու մարտիկ, ֆրիցներին առաջներս արած՝ շարժվեցինք: Ամառ էր: Սրտիս մեջ զարթնում էին խաղաղ ժամանակվա օրերի հուշերը: Ա՛խ, մտածում էի. եթե չլինեին այս անիծված ֆաշիստները, մենք չէինք կտրվի տնից ու տեղից, ավեր չէին դառնա մեր գյուղերն ու քաղաքները և կապրեինք երջանիկ կյանքով: Եվ ահա սրանք գողի նման հարձակվեցին մեզ վրա: Այսպես մտածում էի ու աչքս չէի հեռացնում դերիններից: Արդեն բավականին հեռացել էինք մեր դիրքերից. մտանք անտառը և գնում էինք խիտ ծառերի միջով, դուրս եկանք մի լայն բացատ: Ֆրիցները կանգ առան. նրանցից մեկը բռնելով կողքը՝ նստեց կանաչի վրա: Մենք ևս կանգ առանք: Է՛, մտածում էի. երևի սատանան հոգնեց, թող մի փոքր հանգըստանա: Տղաներն էլ սկսեցին հերթով ծխել: Սպասեցինք մոտ կես ժամ: Տեսնում եմ, ֆրիցները տեղից շարժվելու մտադրություն էլ չունեն: Նա նշանով հասկացրի, որ շարժվեն, իսկ նրանք իրենց լեզվով մրթմրթացին: Էհե՛, այս ինչ կատակ է, այս ինչ ֆրիցային խաղ է: Տղաներին աչքով արի, որ մի փոքր մոտենան ու ինքս խզակոթը սեղմեցի նստած ֆրիցի կողքին: Ֆրիցը ճչաց ու բարձրացնելով ձեռքերը՝ ասաց. «Մո՛ւս, մի՛ սպանի»: Նա կատաղած թքեցի: Վեր կաց, ավանակ, ասացի, չեմ սպանի: Ոտքի կանգնեցին, նորից բլբլացին իրենց լեզվով, ապա մեկը բավական տանելի ուռերենով դիմեց ինձ. «Մոուս, բանից երևում է, դու լավ մարդ ես, խնայիր մեզ»...

Արյունը գլուխս խփեց. այ քեզ խայտառակություն: Գետինը մտի, Նիկոլայ, ասում էի ինքս ինձ, որ թշնամիդ քեզ լավ մարդ է համարում. ուրեմն դու փալաս ես, թրջված հավ: Նա կատաղությունից դողում էի ողջ մարմնով, կարծես հողը փախչում էր ոտքերիս տակից: Իսկ նա շարունակում էր դուրս տալ. «...Դուք բաց թողեք

մեզ, մենք մի կերպ կհասնենք մերոնց և ձեր լավության տակը չենք մնա, որպես ընծա մեզանից կստանաք մեկական թևի ժամացույց: Քեզ, որպես դրանց մեծավորի, բացի դրանից կտանք տասը հազար մարկի արժողությամբ փիրուզե ակնով մի մատանի»: Այդ ասելով նա սկսեց քանդել կեղտոտ վիրակապը ու մոտից հանեց մատանին. մեկնեց ինձ: Մյուսները թևներից արձակեցին ժամացույցները: Լեղուս կապ ընկավ: Ի՞նչ անեի, չգիտեի: Սպանեի՞ այդ լրբերին. բայց ի՞նչ պատասխան տալի դամարտակի հրամանատարին ու շտաբի մեծերին: Դուք կարծում եք գործը դրանով վերջացա՞վ. ֆրիցը ծամոնի պես կպել էր ինձանից: «Բարե՛ մարդ, բաց թող մեզ, և մենք չենք մոռանալ քեզ»:

Մեր տղաները ծիծաղում էին ֆրիցի վրա, իսկ ես պայթում էի կատաղությունից: Է՛լ չհամբերեցի, հրայանի խղակոթով բլբլացողի մեջքին տալով՝ գոռացի.— ֆրից, անստույգ, քայլիր առաջ, թե չէ աղիքներդ արևին ցույց կտամ: Վախեցան, շարժվեցին տեղներից:

Քայլում էի ու մտածում աշխարհի բաների մասին: Ուրեմն դերմանացին մեզանից ջարդ ուտելուց հետո էլ, նորից միտք ունի տիրել մեր երկիրը, դավաճան դարձնել մեզ:

Կես ժամ էլ դեռ չէր անցել, որ կողքը բռնելով, նորից գետին փռվեց էլի նույն ֆրիցը: Ի՞նչ անեի, ընկերներս հարցական հայացքով ինձ էին նայում: Եվ ես որոշեցի վերջ տալ ֆրիցային խղին: Մոտենալով նրան, հրամայեցի ոտքի կանգնել, իսկ նա իր ապակու նման պաղ աչքերով ինձ էր նայում:— Վե՛ր կաց,— գոռացի,— վե՛ր կաց, ոչխա՛ր, ուշանում ենք:— Իսկ նա անշարժ էր: «Դու մեզ պիտի թողնես, դու լավ մարդ ես» կրկին խոսեց նա: Հնարս ինչ, թող հինգը չլինի՝ չորսը լինի: Էլ համբերել չէի կարող, չէ՞ որ համբերությունն էլ իր սահմանն ունի...

Մարտիկները լիաթոք ծիծաղեցին Սոկոլի պատմության վրա, իսկ Պալյանը գլուխն օրորելով՝ ասաց.

— Այդքան էլ համբերություն:

— Իսկ ինչո՞ւ գերի վերցնել,— բացագանչեց Կալուկը, ես այդ չեմ սիրում: Ճակատում եղածս ժամանակ այդ ֆրիցներին որին հանդիպել եմ՝ այն աշխարհն եմ ուղարկել:

— Օրենք կա, աղավնյա՛կս,— քնքշանքով ասաց Սոկոլը,— մենք օրենքից դուրս մարդիկ չենք: Դու լսեցիր, թե ի՞նչպես վրա

պրծաւ Պալլանը. «Այդքան էլ համբերութիւն», իսկ չէ՞ որ հրամայված էր նրանց ձեռք շտալ:

— Այդ ի՞նչ օրենքի մասին է խոսում,— ետեից գոռաց մեկը: Սոկոլը ետ դառնալով՝ խեթող հայացքով նայեց պեպենոտ դեմքով՝ կարճահասակ մարտիկին ու փնշաց.

— Հորաքույրդ սիրեմ, միթե՞ չգիտես որ, երբ ֆրիցը ձեռքերը վերև է բարձրացնում՝ այդ նշանակում է՝ դու պարտավոր ես գերի վերցնել մահվան սարսուռով դողացող ավանակին: Ուրիշ բան է այնպես անես, որ նա ժամանակ չգտնի ձեռքերը վեր բարձրացնելու...

Տղաները ծիծաղեցին: Լեյտենանտ Բորոդինովը Սոկոլի մեջքին խփելով ասաց.

— Չէ՛, Սոկոլ, քեզ հետ դժոխք գնալն էլ հաճելի է:

4.

Ջորագունդը հասնելով ուղմաճակատի առաջին գիծը՝ դիրքեր պրավեց գերմանական Տ. քաղաքի հյուսիս-արևմտյան հատվածում:

Երբ կապույտ երեկոն տեղի էր տալիս խավարաչք գիշերին, «պատերազմի աստվածը» հուրը բորբոքելով այրվող տների մեջ՝ դեպի անհուն ու մութ երկինք էր պարզում կրակի հրեղեն լեզունները, որոնց հրացուքերով դաժան կարմիր էին հագնում ծառերը, ողջ անտառն ու դետը: Այրվող քաղաքի վրա գերմանացիների գիրքերից անրնդմեջ բարձրացող հրթիռների խաղը շարունակվում էր մինչև լուսաբացը:

— Սատանա:ն տանի, մի տեսակ սովորել եմ այդ հրթիռներին,— պառկած խրամատում, ծծելով ծխախոտի դառը ծուխը՝ ասում էր Սոկոլը:

— Իսկ ես այս րոպեին կուզեի տեսնել ֆրիցներին, հարցնել նրանց, թե հիշո՞ւմ են մեր քաղաքների հրդեհները,— փնթինթաց կայլուկը:

— Տեսնել ֆրիցին— իհարկե դեռ շատ կտեսնենք, այն էլ մոտիկից, գուցե իրար կոկորդ էլ ծամենք, իսկ ինչ դրուժյան մեջ են նրանք, հիմա, այդ չեմ կարող ասել: Դրա համար ասենք մասնագետ պիտի լինել, այն էլ հմուտ անասնաբույժ:

— Թքած ֆրիցի վրա, ես այնպես սոված եմ, որ կարծես մեկը խառնում է ալիքներս. եկեք մի բան ուտենք:

— Սկզբունքորեն դեմ չեմ,— կանչեց Պալյանը:

— Իսկ ես օղի ունեմ:

— Օղի՞ ... Ո՞րտեղից:

— Տղերք, միթե՞ դուք չգիտեք, որ ես դրստվել եմ խոհարար Վալոդյա Սուդակի հետ: Նա օղի չի խմում. անցյալ օրը նա իր բաժինը ինձ տվեց. «Խմիր, անուշ արա, իմ հոգեառ,— ասում էր նա,— մենակ թե քաղցր խոսքերով (հայհոյանքներով) մի դիպչի ազիզ խաթրիս»: Խմեցի նրա բաժին օղին, կերա շահել կովի տապակած մսից երկու կտոր և խոստացա պատերազմից հետո տեսության դնալ նրա յոթ փթաճանոց մորաքրոջը: Այդ Սուդակ կոչվածը, հնարագետ է. «Նիկողայ Կոնստանտինովիչ,— ասում է նա,— մորաքույրս քեզ շատ սազական է: Ձերդ ազնվությանը եթե դեմ չէ, հենց վաղը պատկերդ կուղարկեմ նրան, որ սեղան նստելիս շատ ուտելու դեպքում նայի նկարիդ ու փակվի ախորժակը: Ախր նրան շատ ուտել չի կարելի...»: Մի խոսքով, նա այսօր ինձ տվեց իր երեք օրվա օղու բաժինը և պատվիրեց ձեզ էլ բաժին հանեմ. բացի դրանից կա սուդակյան մի ուրիշ նվեր էլ՝ տապակած մսի մի մեծ կտոր, որը հերիք կանի երեքիս:

Բաժակները, որոնք ոչ այլ ինչ էին, եթե ոչ տափաշների կափարիչներ, լցվեցին օղիով: Նայելով այրվող քաղաքին ու հրթիռների խաղին, նրանք, երեքը սկսեցին հերթով բաժակաձառ ասել:

Հնթրիքից հետո, գետի խուլ վշշոցի տակ, փաթաթվելով մուշտակների մեջ՝ նրանք քուն մտան...

5.

Այրվող քաղաքի համար մղվող ճակատամարտը ընդունում էր արյունալի բնույթ: Գերմանացիները օրական մի քանի անգամ անցնում էին հակահարձակման, որ վերջանում էր գետափին դիակների, այլանդակված ինքնադնաց հրանոթների ու տանկերի թիվը ավելացնելով. մի քանի օրվա արյունահեղ կովից հետո զորագնդի հրամանատարն իր մոտ կանչեց հետախուզական վաշտի հրամանատար Բորոդինովին և նրան առաջադրանք տվեց՝ մանրազնին հետախուզել թշնամու ուժերի կուտակումները:

— Ուղարկի՛ր լավագույններին:

— Էսում ե՛մ:

— Զգուշացրո՛ւ, որ ինչ զնով էլ ուզում է լինի՝ թիկունք անցնեն առանց նկատվելու, առանց աղմուկի:

— Կուղարկեմ Երեքին:

— Երեքի՞ն:

— Ճիշտ այդպես, ընկե՛ր գնդապետ:

Գնդապետը մի րոպե լուռ մտածում էր: Ինքն անձամբ մի քանի անգամ խոսել էր նրանց հետ. փորձված տղաներ էին:

— Հարմար ընտրովյուն է: Հայտնի, որ ես մեծ հույս ունեմ նրանց վրա:

Իրիկնադեմին Երեքը վաշտի հրամանատար Բորոդինովի դիտակետում լսում էին գնդապետի առաջադրանքի մասին:

— Նա, տղերք, մեծ հույս ունի ձեզ վրա: Զգույշ, շատ զգույշ եղեք. մի կրակոց և ամեն ինչ կորած կլինի, կենդանի կընկնեք թշնամու ձեռքը...

Ուշ երեկոյան նրանք կազմ ու պատրաստ, նստած դիրքում՝ զրույց էին անում ու սպասում գլշերվան:

— Է՛, վերջապես դուրս ենք գալու խրամատներից, — ասում էր Իգնատը, — արևս վկա, չեմ սիրում նստակյաց կյանքը, մարդս ծածկված խմորի պես թթվում է:

— Իսկ իմ սիրտը խառնում է նստակյաց կյանքից այնպես, ինչպես ֆրիցի լեշը տեսնելիս, — ասում էր Սոկոլը:

— Ինձ համար միևնույն է. ուզում է՝ այստեղ, ուզում է՝ այնտեղ, — մեջ մտալ Կայլովը:

— Մի խոսքով, կոմբայնավար լինելով հանդերձ՝ դարին ու ցորենը չես ջոկում իրարից:

— Այստեղ ոսկեխառ ավազ չկա, որ տոկոսը որոշես, — փրնթփրնթում է Միկոլայը, — հարկավոր է մտածել՝ որ կողմից քաղաք մտնենք, որ ծուղակը չընկնենք, թե չէ ինչ ես կաշաղակի պես կըշկըշում:

— Կգնանք գետից հարավ, ամենից հարմարն այդու կողմիցն է: Այո, այդպես էլ կանենք, — լուրջ տոնով նկատեց Սոկոլը: — Այդ արդեն լճոված է:

— Տղե՛րք, եկեք ասենք այս րոպեիս ով ի՞նչ կցանկանար, — առաջարկեց Իգնատը:

— Ես դիտեմ, — ծիծաղելով ասաց Սոկոլը, — Կայլովը մտածում է ծոցադրականում պահած թաշկինակները Գլաշային հասցնելու մասին: Ախր, տղան սիրահարված է:

— Այ թե գտա՛ր, — դժգոհ ասաց Կայլովը, — ասենք միթե՞ այդ վատ բան է: Ինչ օգուտ, որ հետո տանեմ, դուցե ... անտեղի

կորչեն, իսկ եթե Գլաշայի մոտ լինեն՝ նա այնպես խնամքով կպահի ե կգործածի այն ժամանակ, երբ կհիշի ինձ. կսրբի արցունքոտ աչքերը...

— Դատարկ բաներ ես դուրս տալիս: Գլաշան ինչո՞ւ պիտի բեզ նման փղի համար լաց լինի. ախր դերմանացու գնդակը չի կարող ծակել ճարպոտ մաշկդ:

— Կա՞լ կծեց, — ծիծաղեց Իգնատը:

— Իսկ դու ի՞նչ կցանկանայիր:

Մթան մեջ ոչ ոք չտեսավ Սոկոլի դեմքին փայլող երանական ժպիտը:

— Ես այս բոլորիս կցանկանայի տեսնել աղջկանս՝ Լյուբկային: Նա արդեն տասը տարեկան է: Օ՞, եթե նա այժմ ինձ մոտ լիներ, ես այնպես կարոտով կրծքիս կսեղմեի նրան, կհամբուրեի փոքրիկ թաթիկները, սիրունիկ դնչիկը...

Հետո մի պահ լռեցին:

Երեքից միայն Սոկոլն էր ամուսնացած: Երկուսն էլ դիտեին Իգնատի սիրո պատմությունը: Նա սիրել էր մի գեղեցիկ, սեռայա ունանողուհու. պատերազմի տարվա դարնանը որոշել էր աշնանը ամուսնանալ, իսկ աշնանը նա արդեն կոպում էր թշնամու դեմ:

Իգնատն ու Սոկոլը գիտեին և Միկոլայ Կայլովի գլխին եկածը:

Կազանի զինվորական հիվանդանոցում բուժվելու ժամանակ նա սիրել էր Գլաշա անունով գթության քրոջը:

— Իսկ դու ի՞նչ կցանկանայիր, — երկուսով հարցրին Իգնատին: Իգնատը մի պահ լուռ մտածում էր: Հետո նա քնքշանքով ասաց.

— Ա՛խ, այնպես մի երգ կուղեի լսել...

— Երգ, — հառաչելով ասաց Միկոլայը, — երգը ազնվացնում է մարդուս սիրտն ու հոգին:

Սոկոլը մեղմորեն սկսեց երգել: Նրան ձայնակցեցին ընկերները.

Սիրելի բնկերոջը՝

Աղջիկը հայտնում է լուր,

Որ նորը սերը նրա՝

Ձի մեռնի իգուր:

Այն, ինչ խորհում էին,

Բոլորը հիշում է հիմա,

Ձի հանգչի վաղաժեմ

Կրակը ոսկյա...

Հոգեզմայլ երգին սիրով ձայնակցում էին դիրքերում նստած մարտիկները:

Նրանից ոչ այնքան հեռու, հենված խրամատի թաց պատին, հոգեպարար երգն էր լսում լեյտենանտ Բորոգինովը: Այդ երգը հարազատ էր և նրա սրտին. «Իմ ոսկե կրակ հեռավոր»... ո՞րքան լավ է ասված:

Ոչ ոք չնկատեց, թե ե՞րբ դիրքերից դուրս եկան ու խավարի մեջ սուզվեցին Երեքը...

6.

Անցնելով գետը, սողեսող հասնելով այրվող քաղաքին՝ երեքով մի լսողություն դարձած՝ որսում էին նույնիսկ շորացած խտերի ու մացառների շշուռը քամու հետ:

Սոկոլի հրամանով Պալյանը թողնելով իր ծանր բեռը՝ ձեռքի նոնակներով լի տոպրակը, շարունակեց սողալ առաջ՝ դեպի քաղաքային այգին:

Հենվելով հաստաբուն մի ծառի՝ նա զննում էր շուրջը: Ընդամենը հինգ քայլ էր նրան բաժանում գերմանական ժամապահից: Յուրտ էր: Թշնամու ժամապահը կծկված շարունակում էր մի ուղղությամբ ետ ու առաջ քայլել: Աղմուկով քիթը մաքրելուց հետո նա հենվեց ծառին: Պալյանի դաշույնը մի ականթարթ փայլեց հրդեհների հրացուներից:

Թաքնվելով ծառի տակ՝ նա նայում էր շուրջը: Ոչ մի շարժում:

— Վերջացավ, գնանք, — մոտենալով Սոկոլին շնչաց նրա ականջին:

Երեքը փաթաթված ձյունափայլ խալաթների մեջ, սողալով առաջ շարժվեցին: Քաղաքի փողոցներն ամալի էին: Ընտրեցին բարձր շենքերից մեկը և անաղմուկ բարձրացան ձեղնահարկը:

— Հազալը, քիթ սրբելը կամ փռտալը հետախուզի թշնամիներն են, — զգուշացրեց Սոկոլը: Եվ ձեղնահարկում պառկած՝ նրանք սպասում էին լուսաբացին, որը քիչ-քիչ ցրում էր խավարը:

Լույսը բացվելու հետ գործի անցան: Սոկոլը հայացքը չէր հեռացնում այրվող քաղաքի: Ոչ հեռու կատարվող գործողություններից: Բեռնատար մեքենաները նոր փորած դիրքերի մոտ անընդհատ թափում էին երկաթ, շեմենտ: Տասնյակ քարշակներ բերում

էին հրանոթներ: Սովորը երբեմն նշումներ էր կատարում ծնկներին փռած փոքրիկ քարտեզի վրա: Իգնատը ոտքերի ծայրերի վրա պտտւում էր հօլի պես, նշում դոտերի, կրակակետերի տեղերը՝ թշնամու պաշտպանութեան երկրորդ գծում, որի մասին մինչ այս հետախուզութեանը ոչ մի բան չէր կարողացել պարզել... Կայլուկը հսկում էր նրանց խաղաղ աշխատանքը, երբեմն հայհոյում անբզգույշ շարժումներ անող Իգնատին:

— Կամաց, կամաց, քարանձավի ծնունդ, — ատամների աւրանքներից թշշում էր նա:

Մինչ կես գիշեր Երեքը մնացին ձեղնահարկում: Կես գիշերին իջան թաքստոցից, կորան խավարի մեջ...

7.

Երեքի վերադարձին սպասում էին լարւած ու անհամբեր: Գնդապետը մի քանի սնդամ հարցում էր արել նրանց մասին:

Երբ ներկայացան՝ լեյտենանտ Բորոդինովը գրկեց նրանց.

— Կեցցեք տղերք, ամոթով չթողեցիք ջահելիս:

Գնդապետը նրանց ընդունեց սառը, պաշտոնական: Լսելով Սովորի զեկույցը՝ նա երեքին էլ հրավիրեց նստելու:

— Ուրեմն, ամեն ինչ հաջող անցավ:

— Ճիշտ այդպես, ընկեր զնդապետ, — ոտքի կանգնելով պատասխանեց Սովորը:

Խստաբարո զնդապետը մանրամասնորեն ծանոթացավ նրանց կատարած հետախուզութեան արդյունքներին, նշումներ անելով դեմը փռւած քարտեզի վրա, ապա ամփոփելով կատարած աշխատանքը, ոտքի կանգնելով շտաբի պետին հրամայեց.

— Գլարդիայի ավագ Սովորին, շարքայիններ Կայլուկին և Պալյանին ներկայացնել կառավարական պարզեի:

— Լսում եմ:

— Գլարդիայի ավագ Սովորին ներկայացնել սպայական կոչում շնորհելու:

Տիրեց կարճատև հանդիսավոր լռություն:

— Այդպես է, տղաներ, — նայելով իր դեմը կանգնած Երեքին՝ ասաց զնդապետը, — Հայրենիքը գիտե գնահատել իր զավակներին: Հայրենիք, միթե՞ հայրենիքից սուրբ բան կա աշխարհում: Հայրեն-

նիքի սերը չէ՞ արդյոք, որ մեզ հասցրեց աշխարհակործան այս որջը: Հայրենիքի սերն է, որ մեզ ուժ, կամք է տալիս վիշրելու թշնամուն: Հայրենիքի սերն է, որ ձեզ բոլորիդ դարձրել է մի մարդ և կռիվ հանել մեր անկախությունն ու երջանկությունը խլել ցանկացող թշնամու դեմ: Գնացե՛ք, հանդստացե՛ք, իմ քաջեր, վաղը կտեսնեք այն հոյակապ գործի արդյունքը, որն այնքան ճշտությամբ կատարել եք դուք:

Երբ երեքը վերադարձան խրամատները, բառեր չէին գտնում արտահայտելու իրենց համակած զգացմունքը:

— Ես այս բանը չեմ մոռանա, չեմ մոռանա երբեք, — կրկնում էր Պալյանը:

— Շատ բան եմ տեսել — և լավ, և վատ, բայց այսօրվա տեսածս ուրիշ էր: Ախ, մեկը հարցնող լինի, ի՞նչ ենք արել: Մեր պարտքը կատարեցինք, և ահա պարգև, գովասանական խոսքեր և թշվառիս աստիճանի բարձրացում, — ասում էր Սոկոլը:

— Այդ բոլորը լավ է, բայց սրտովս չի, որ սպա ես գառնալու, — խոր հոգոց հանելով ասաց Կայլովը:

— Իսկ ինչո՞ւ, — հարցրեց Պալյանը:

— Քարանձավի զավակ, միթե՞ այդ հասկանալի չէ: Երբ նա մի աստղանի դառնա, ձեռք կքաշի մեզանից:

— Ուր էլ գնամ, ես անբաժան կմնամ ձեզանից, — ծխախոտը վառելով ասաց Սոկոլը, — Օ՜, ինչպես կուզեի ապրել, ապրել հաղթանակի համար և տեսնել իմ աղջկան՝ Լյուբկային:

8.

Այդ օրվա առավոտը ռազմի դաշտի վրա բացվեց տարօրինակ լուսթյամբ: Այրվող քաղաքից չէր լսվում ոչ մի պայթյուն: Մեր դիրքերում մարդիկ դեռ զբաղված էին նախաճաշով, կարծես մոռացել էին երեկվա ահեղ մարտը, երբ գերմանական հետևազորը տանկերի պաշտպանությամբ մեծ հարձակման անցավ, նույնիսկ կարողացավ անցնել գետը: Միայն արյունոտ սվինամարտից հետո ետ քաշվեցին գերմանացիները:

Ամպամած առավոտը կախվել էր ռազմի դաշտի ու այրվող քաղաքի վրա, կարծես գորշ ու ծանր ամպերը տաքանում էին հըսկայական խարույկից:

Երեքը դարթնեցին սովորականից շատ ուշ: Նրանց շրջապա-

տեցին ընկերները: Հրելով նրանց շրջապատողներին, հաստամարմին խոհարարը հայտնվեց Սոկոլի կողքին և ձեռքերը կրծքին դնելով ու խոնարհ գլուխ տալով սվսվաց:

— Ձերդ պայծառափայլությունը ողջ և առողջ է:

Սոկոլը խեթ նայելով նրան՝ ատամների արանքից տնքաց:

— Էլի ի՞նչ է պատահել: Չլինի՞ խոռել ես մեր նախաճաշը:

— Սոկոլիկս, ես մեղավոր չեմ: Սերժանտը այսօր էլ ձեզ հանել է մատակարարումից, այնպես որ կարող ես ախորժակ չպահել: Ինչ արած:

— Քեզ էլ, սերժանտին էլ գրողի ծոցը կուղարկեմ, — ահագին բռունցքը նրա դեմքին մոտեցնելով, քնկոտի ձայնով մուտաց Սոկոլը: — դու պարտավոր ես կերակրել մեզ: Իմացիր, որ եթե չկերակրես՝ քեզանից կարկանդակներ կպատրաստեմ:

— Այդպե՞ս, շատ բարի, ուրեմն նեղանում ես, — ասաց Սուդակը: — Ես միայն դարմանում եմ մի բանի վրա, թե այդ ինչպե՞ս է, որ մինչև օրս դիմացե՞լ եմ ձեռքիդ և ինչպե՞ս է, որ կնիկդ չի քաժանվել քեզանից:

— Բլբլում է թռչնիկը, — երեսը սրբելով ասաց Կալուկը:

Սուդակը աչքով անելով Պալյանին, դրսյանից հանեց օդու լիքը շիշը և մեկնեց Սոկոլին, ապա խոր գլուխ տալով՝ երգեցիկ ձայնով ասաց:

— Համեցեք, իմ մեծավոր, իմ տեր, արքայական սեղան կը պատրաստեմ քեզ համար: Միթե՞ չոր գլուխդ կարծում էր, որ աղատ ծովերի սուդակը ծարավ կթողնի Երեքին:

Այդ ասելով նա իր կողքին կանդնած օգնականից վերցրեց մսով լի ամանը՝ կանգնեց Սոկոլի դիմաց:

Մարտիկները լիաթոք ծիծաղեցին, գովում էին Սուդակին նրա հնարամտության համար:

— Լավ խաղաց Սոկոլի հոգու հետ:

— Ազատ ծովերի սուդակ, հո՛-հո՛-հո՛: Այ թե հնարեց:

— Սատանայից երկու օր առաջ է ծնվել:

Նրանք ծիծաղում էին, կատակում, ախորժակով ծխում: Լսում էին Սուդակի ուրախ պատմությունները:

Երբ Երեքը նստեցին նախաճաշի, Սուդակը տափաշշի կափարիչի մեջ օղի լցնելով, ասաց Սոկոլին:

— Կենացդ: Ես օղի չեմ խմում, բայց այս մեկը կխմեմ: Աստ-

ված տա՝ միշտ տեսությանդ արժանանամ։ Առանց քեզ տխուր է անցնում խոհարարիս օրը։ Չմոռանաս մորաքրոջս։ Արժանանաս նրա տեսությանը։

Սոկոլը ժպտաց, իր լիքը բաժակը մոտեցրեց նրա բաժակին և քնքշանքով ասաց.

— Ազատ ծովերի դու հիմար սուղակ, լավ կաների, եթե մի անգամից ցույց տալիր օղին ու միսը։ Իմ մտքով չէի էլ անցնի քեզանից կարկանդակներ պատրաստել։ Նա աստծուն կխնդրեի, որ կյանքդ խոհանոցի կողքին՝ անցկացնեիր։

Գոհ ու երջանիկ էին Նրեքը։ Կեսօրից առաջ նրանց մոտ եկավ լեյտենանտ Բորոդինովը։

— Ստացա՞ք նվերս։

— Ի՞նչ նվեր, — հարցրեց Սոկոլը։

— Սուղակի միջոցով ուղարկել էի մի շիշ օղի։ Մի՞թե նա ձեզ չի հանձնել։

— Շնորհակալ ենք, ստացանք, — ասաց Սոկոլն ու կծեց շրթունքը։

Բորոդինովի գնալուց հետո նա հայհոյում էր Սուղակին։

— Տեսա՞ք թե ինչ խաղ խաղաց մեր գլխին Սուղակ կոչված սատանան. չապաց, որ օղին լեյտենանտն է ուղարկել մեզ։ Իսկ ես հիմարս, քիչ մնաց համբուրեի նրան, կարծում էի, թե նա բարի է։ Ոչինչ, ես դեռ կխոսեմ նրա հետ...

9.

Կեսօրին սկսվեց հրանոթային այնպիսի կրակ որի նմանը մինչև այդ չէին տեսել մարտիկները։ Գետինը դողում, ցնցվում էր զարկերից։ Կրակի մի հեղեղ էր դա, որ խուժեց այրվող քաղաքը։ Սկսեցին անկանոն խփել նաև գերմանական հրանոթները։ Ահեղ հոնդյունով կարծես գետնից դուրս թռան ու քաղաքի վրա կախվեցին սավառակները։ Հրանոթային զարկերին խառնվեցին ումբերի պայթյունները։

Սոկոլը նայում էր ծխի ու հրի մեջ պարուրված քաղաքին։

— Մեր նշած կետերն են ումբակոծում, — գոռաց նա Պալյանի ականջին։

— Տեսնում եմ, տեսնում, — պատասխանեց Պալյանը։

— Է՛, ինչպես կուզեի տեսնել հիմա ինչ են անում ֆրիցները: Սոկոլը բարձրաձայն ծիծաղեց.

— Առանց ըտքերի՝ նրանց գլուխները օդում վերվերի են պարում:

Կայլուկը նայում էր վառվող քաղաքին ու մտածում ընկերների մասին: Իր համար այժմ մեծ ցավ է բաժանվել նրանցից: Նա շատ կցանկանար տեսնել Սոկոլին սպայական ուսադիրներով, այդ հզոհացներ իր սիրտը, բայց երբ մտածում էր բաժանման մասին, սիրտը կտրավում էր ցավից: Երևի Սոկոլը ինքն էլ ուրախ չէ բաժանման համար, նա էլ իր ու Իգնատի պես կտանջվի:

Սոկոլը նայում էր այրվող քաղաքին ու մտածում Իգնատի և Կայլուկի մասին: Այո, ինքը սիրեց նրանց, սիրեց իր հոգու ողջ կարողությամբ: Պատերազմը, — խորհում էր նա, — դաժան փորձություն է մարդու համար: Զինվորի շարքաշ, վտանգներով լի կյանքը անքակտելի կապերով մարդկանց իրար է կապում: Սոկոլը պատրաստ է նրանց հետ դժոխք էլ գնալ, մահն էլ նրանց հետ սարսափելի չէ: Միթե՞ ինքն Իգնատին ու Միկոլային իր հարազատ եղբայրներից ավելի չի սիրում:

Հրանոթների որոտը գնալով ավելի էր ուժեղանում, իսկ սավառնակները որս տեսած ուրուրի նման ճախրում էին գերմանացիների պաշտպանության երկրորդ դժի վրա:

Մինչ երեկոյան մութը շարունակվեց թշնամու դիրքերի ուժգնորոշումը:

10.

Փիշերվա կեսին հետախուզական վաշտի երկու դասակ դվարդիայի կրտսեր լեյտենանտ Սոկոլի հրամանատարությամբ գետն անցնելով՝ ուղղվեց այրվող քաղաքի կողմը, հետախուզություն մարտով, որի նպատակն էր խուճապ առաջ բերել թշնամու թիկունքում, շոշափել նրա պաշտպանության թուլյլ օղակը: Սոկոլի սիրտը դողում էր հաճույքից: Ուրախ էին նրա անբաժան ընկերները՝ Կայլուկն ու Իգնատը: Նրանք հպարտ էին իրենց ընկերով: Թփուտների միջով սողեսող առաջ էին գնում մարտիկները: Մոտեցել էին գերմանական դիրքերին: Կայլուկը առաջ անցավ, նրան հետևեցին Պալյանն ու էլի երկուսը:

Խոր լուսթյան մեջ անցնում էին բոպենները: Տրվեց ազդանը-
շան. օդը սասանելով պայթեցին նռնակները: Սոկոլը ոտքի կանգ-
նելով գոչեց.

— Հառա՜ջ...

Հետախույզները սլացան առաջ: Հանկարծակիի եկած գերմա-
նացիները դուրս թռան դիրքերից և կարծելով, թե ընկել են շրջա-
պատման մեջ, բարձրացրին ձեռքերը:

— Խի՛ր, անցի՛ր առաջ, — խզված ձայնով կանչում էր Սո-
կոլը:

Հետախույզները լցվեցին քաղաքի փողոցները:

— Իմ նախնի գեպի քառահարկ շենքը, — հրամայեց Սո-
կոլը:

Հարկավոր էր հնարագիտություն և երիտասարդ հրամանա-
տարը վճռեց.

— Հինգ հոգի մի գնդացիքով այս մուտքի վրա, երկուսը վե-
րևում, երեքը ներքև: Կայլուկ, տասը հոգու հետ երկու գնդացիքով
բարձրացիր չորրորդ հարկը: Իգնատ, յոթ հոգու հետ երրորդ հարկ,
երկու ջոկ դիմացի շենքը, քսան հոգի նրա կողքի շենքը, մնացած-
ները իմ ետևից՝ այս շենքի երկրորդ հարկը: Կազմեցեք շրջաձև
պաշտպանություն, կրակեցեք նպատակահետքերին: Կայլուկ, չոր-
րորդ հարկից գնդացիներն իրակով և նռնակով կտրիր թշնամու՝
շենքին մոտենալու ուղիները: Եղեք զգույշ և համարձակ, մենք
պետք է մեզ վրա բեռենք թշնամու ուշադրությունը՝ մինչև գըլ-
խավոր ուժերի մոտենալը, չէ որ նրանք այժմ գիտեն թշնամու թույլ
օղակը, լսում էք, արդեն հարձակվում են: Մարշ տեղներդ:

11.

Այրվող քաղաքում, լուսաբացվից առաջ, քնալով ուժեղանում էին
համազարկերը: Գերմանացիները խելակորույս շարունակում էին
փնտրել քաղաք թափանցած խիզախ հետախույզներին, որոնք
տարբեր շենքերում շրջաձև պաշտպանություն կազմելով՝ լռել էին և
ուշադիր հայացքով հետևում էին թշնամու ուժերի տեղաշարժերին:

Երբ մեծ շենքի մոտից մարտական պատրաստությամբ անց-
նում էր թշնամու մի հետևակ գունդ, հետախույզները Սոկոլի հրա-
մանով գնդացիներից, ականանետներից և ավտոմատ հրացան-

ներից կրակ բաց արեցին։ Սկսվեց անօրինակ իրարանցում։ Հանկարծակի եկած գերմանացիները թողնելով զենքը՝ փախուստի դիմեցին։ Շենքի շորս հարկերից էլ փախչողների խմբերի մեջ էին նետվում նռնակներ՝ սալահատակների վրա փռելով հարյուրավոր մարդկանց։ Գերմանացիները ուշքի գալով՝ դիրքավորվեցին կիսավեր շինություններում, նրանց օգնություն շտապեցին հրետանավորները։

Երկրորդ հարկի դիմացի կիսավեր շենքի պատուհանից իր դունչը ցցեց հաստոցավոր մի զնդացիի և սկսեց դիպուկ հերթադարկեր բաց թողնել հետախույզների վրա։ Պատուհանի մոտ պառկած Սոկոլը սողեսող անցավ պատի կողմը և կրակող զնդացիի կողմը շարժեց նռնակների մի կապոց։ Լսվեց ուժգին սլայթյուն։ Սոկոլը նայեց բոցերով բռնկված շենքի կողմը, այլևս չէր երևում ծանր զնդացիի դունչը։ Հրակոծությունն ու պայթյունները քաղաքի տարբեր մասերում զնալով ուժեղանում էին։ Շենքի երկրորդ հարկում բռնկվեց հրդեհ, որի ծուխը փոշու հետ լցվում էր կուլողների աչքերը։ Թշնամու հրետանին ճշտելով իր կրակը, մեկը մյուսի հետևից լռեցնում էր հետախույզների կրակակետերը։ Շենքի մեջ սկսեցին պայթել արկերը։ Արկի բեկորով վիրավորվեց կրտսեր լեյտենանտ Սոկոլը։ Պառկած տեղում նրա վերքը կապեց մարտիկներից մեկը։ Չորրորդ հարկում ևս իր թևերը պարզեց հրդեհը, սենյակից սենյակ էր վազում Պալանը և մարտիկներին խրախուսում մինչև վերջ դիմադրել շենքը ներխուժել փորձող գերմանացիներին։

— Պինդ կացեք, տղերք, կես ժամից մերոնք այստեղ կլինեն,— կանչում էր նա։

— Չգաղարե՛լ կռվելուց,— գոռում էր Սոկոլը,— կռվե՛լ մինչև վերջին շունչը։

Սոկոլի դեմքը սևացել էր ծխից։ Վերքը կապելուց հետո նա սողեսող մոտեցավ լուծ գնդացիին և սկսեց կրակել այդու ծանոթի միջով շարժվող գերմանացիների վրա։

— Առաջին հարկը գրավված է,— Սոկոլի ականջին ճչաց կապվորը։

Գերմանացիները շենքի առաջին հարկը գրավելուց հետո կրակի տակ էին պահում երկրորդ հարկը տանող աստիճանները և կրակի պաշտպանության տակ մագլցում էին վեր։

— Երբորդ և շորորդ հարկերից թող բոլորը գան ինձ մոտ,—
կապավորին կարգադրեց Սոկոլը:

Եվ այդ պահին հարձակվող գլխավոր ուժերի հետ քաղաքը
թափանցած լեյտենանտ Բորոդինովի հայացքի տակ, վեր սլացալ՝
կարմիր հրթիռը: Այդ նրանք էին՝ Սոկոլի մարտիկները, որ ազդա-
րարում էին իրենց գտնված տեղը:

— Տղերք, իմ ետևից,— գոչեց լեյտենանտը և վազեց առաջ:

— Նրանք կան, կովում են, հասնենք նրանց,— գոչեցին մար-
տիկները:

Մինչ Բորոդինովն իր մարտիկների հետ օգնություն կհասնեի,
շենքի ներսում արդեն երբորդ հարկը թափանցած գերմանացիները
օղակել էին այն սրահը, ուր գտնվում էին հետախույզները: Վայ-
րենի աղաղակ բարձրացնելով՝ նրանք գոռում էին.

— Ռո՛ւա, հանձնվի՛ր:

Շենքը կլանող բուցերի մեջ երկու կողմերը իրար հասան ու
սկսվեց արյունահեղ մի ձեռնամարտ, ուր մարդիկ իրար կոկորդ
էին ծամում, դաշույններով կտրատում իրար: Սոկոլը հանկարծ
երերաց գլխին հասցված ծանր հարվածից: Բերանը լցվող տաք ու
թանձր արյունը թքելով, նա տեսավ իրեն հարվածող գերմանացուն,
որը փովեց Իգնատի հարվածից: Իգնատը աչքերը արյուն կոխած՝
հարվածում էր աջ ու ձախ: Նրանից ոչ այնքան հեռու Կալուկը մի
քանի մարտիկների հետ կրակում էր իրենց մոտենալ ցանկացող
գերմանացիների վրա:

Գոտեմարտը գնալով ավելի արյունալի էր դառնում: Եվ հան-
կարծ այդ պահին դրսից լսվեց իրար հաջորդող հրաձգություն, որը
մոտենալով լցվեց աչքվող շենքը: Պալլանը առաջինը նկատեց բու-
ցերի միջից վազողներին: Նա ճանաչեց լեյտենանտ Բորոդինովին.

— Մերո՛նք, լեյտենա՛նտը, խփե՛ք իժերին:

— Մերո՛նք,— գոչեցին կովողները:

— Մերո՛նք,— կանչեցին վիրավորներն ու փորձեցին ոտքի
կանգնել:

— Խփե՛ք գարշելիներին,— գոռում էր Բորոդինովը:

Գերմանացիները սարսափահար ետ քաշվեցին, ապա վայր
դցելով զենքերը՝ բարձրացրին ձեռքերը:

Բորոդինովը մոտեցավ ու գրկեց Սոկոլին:

— Նիկոլա՛յ...

— Առաջադրանքը կատարված է. — կապտած շրթունքների միջից շշնջաց կրտսեր լեյտենանտը:



Քաղաքը գրավված էր: Ավերված էր նաև գերմանական պաշտպանության երկրորդ գիծը: Թշնամուն կրնկակոխ հետապնդում էին մեր զորքերը:

Կռվի վայրը հասած զորագնդի հրամանատարը նայում էր շենքի շուրջը, այգում փռված թշնամու դիակներին:

Շենքից դուրս եկան կենդանի մնացած հետախույզները և նրանց օգնության հասած մարտիկները:

Մոտեցան հրամանատարին:


Սոկոլը ազատվելով իրեն տանողների ձեռքերից, հազիվ կանգնելով ոտքերի վրա՝ զեկուցեց.

— Ընկեր գնդապետ, հրամանը կատարված է:

Գնդապետն իր գիրկն առավ Սոկոլին, համբուրեց նրա կապտած շրթունքները, ապա դառնալով լեյտենանտ Բորոգինովին՝ հրամայեց.

Գիշերը քաղաք թափանցած երկու դասակի բոլոր մարտիկներին ներկայացնել շքանշաններով՝ պարգևատրելու, իսկ Նրեքին... Սովետական Միության Հերոսի կոչման:

1945 թ. փետրվար



1.

Դոկտոր Վիլենբերգի միակ որդին՝ Վիլլին դժեկով հորը տված երգումը, դարձավ զինվորական:

Օբեր լեյտենանտ Վիլլին մասնակցեց գերմանական բանակի կոմիսերին, եղավ Լեհաստանում, հետո իր գումարտակով անցավ ֆրանսիական հողով: Փարիզի, Բորդոյի կաբակներում խմում վեր գինի, պառկում հասարակաց կանանց հետ, թախանում ֆրանսիական գլուղացիներին ու կյանքի երջանկությունը գտնում էր դրա մեջ: Միթե՞ այդ բոլորը վատ էին: Չէ՞ որ հոր կենդանության օրոք ինքը չէր հանդգնում նույնիսկ մի շիլինգի շռայլություն թույլ տալ: Սիրող, բայց խստապահանջ հայրը որդուն հեռու էր պահում այդ կյանքից: Երբ մտաբերում վեր հորը, հեգնող ժպիտն էր ծաղկում դեմքին, հիշում էր նրա վերջին խոսքերը. «դու գնա գիտություն դիմորի ճանապարհով, դու չես կորչի: Հեռու մնա նացիստներից, նրանք քեզ դեպի կործանում կտանեն»:

Վիլլին ծիծաղում էր. խեղճ գիտնական: Նա մեռավ և նույնիսկ չտեսավ իսկական կյանքը, իսկ ինքը...

Ֆրաու Լուիզան ուրախ էր որդու ճաշողություններով: Նա ջերմ սիրով ընդունում էր Վիլլիի նվերները: Երկրի տերերը որդու ծառայությունը բարձր էին գնահատում: Երջանկությունն ու բախտավորությունը միանգամից ժպտացին նրան: Տիկինը տեր դարձավ մի հրեա արդյունաբերողի ապարանքի: Հրճվում էր ֆրաու Լուիզան: Ասպարանքը, իր թանկարժեք կահավորանքով՝ կաշեպատ օթոցներով, ծանր վարագույրներով, ոսկեզօծ ջահերով, ընտիր մահճակալներով երիտասարդացնում էին նրա սիրտը: Բեռլինյան ճոխ հագուստների մեջ ֆրաու Լուիզան իրեն պատկերացնում էր հիտլերյան Գերմանիայի համար առյուծասիրտ որդի ծնած թագուհի: Նա ապրում էր իր նմանությունը չունեցող երկրորդ երի-

տասարգութիւնը և նողկանքով էլ հիշում հիվանդոտ ամուսնուն, որը դեմ էր որդու՝ բանակի սպայութեան շարքը մտնելուն:

Վերջացավ ֆրանս-գերմանական պատերազմը: Վիլլին հրաման ստացավ մեկնել հայրենիք: Կարճատև հանգստից հետո նա մշտական ծառայութեան մեկնեց Կրակով քաղաքը:

2.

Կրակով... Վիլլին հիշում է այդ քաղաքում վարած իր կյանքը: Նա երբեք այնպես երջանիկ չէր եղել, ինչպես այդ քաղաքում:

Կրակով... Երկու օր ինքը այնքան վարպետորեն խաղում էր տասնութամյա հրաշագեղ աղջկա սրտի հետ: Կապույտ, երկնագույն աչքերով, նրբագեղ, դեռ կուսական կյանքով ապրող լեհ աղջկա հետ անցկացրած օրերը Վիլլին չէր կարողանում մոռանալ: Նա աղջկան հանդիպեց զիշերային շրջադասութեան պահին, երբ ինքը մի խումբ զինվորների հետ ներս մտավ լեհ ծեր ուսուցչի տունը: Տեսավ աղջկան ու կիրքը եռաց կրծքի տակ: Նույն զիշերը նա բանտարկեց աղջկա հօրը: Հետո խոստացավ նրան ազատել բանտից, եթե աղջիկը հանձնվի իրեն: Դառը վշտերի ծովը ընկած աղջիկը շուրթերին մոտեցրեց թմրեցնող խմիչքի բաժակը...

— Ի՞նչ կցանկանայիր նազելիս, — գրկելով նրան հարցրեց Վիլլին:

Ձքնաղ աղջիկը օրորվելով արբեցնող խմիչքից, փակելով դեղեցիկ թերթեանունքներով աչքերը, մրմնջաց.

— Նա կցանկանայի, որ աշխարհի վրա իշխեր խաղաղութեան բարի հրեշտակը և բոլոր մարդիկ վայելեին սերն ու ազատութեանը:

Վիլլին ծափահարեց, համբուրեց նրա անուշ բուրմունք արձակող մազերը: Նա հրճվում էր իր հաղթանակով:

— Իսկ դու երբեք սիրե՞լ ես:

Լեհուհու աչքերից, կարծես պարզկա երկնքից, կաթկաթեցին արտասուքի կաթիլները:

— Սիրում էի, այո... Նա, իմ սիրածը ջութակահար էր... Հիմա նա չկա: Իմ Լիոնիդին սպանեցին, երբ նա նվագում էր:

Վիլլին լսում էր նրան... Նա հիշեց այն մեծ տոնախմբ-

բովանդակում, որ տեղի կեն գիշերից մինչև լուսաբաց, ուր իրենց համար նվագում էին լեհ երաժիշտները... Այո, նա հիշում էր: Կային և Բեռլինից եկած կանաչք: Լուսադեմին, երբ շամպանիան նոր շրջանառություն էր կատարում, քաղաքի կայազորի պետը ուղեց փորձել իր հոգու կարողությունը:

— Վիլլի, եթե դու մի գնդակով ծակես երաժիշտների երկուս-եարդ ղեկավարի ճակատը, ապա դու կարժանանաս այս գեղեցիկուհուն, — այդ ասելով գնդապետը հրամայեց սեղանի վրա բարձրանալ մանկական դեմքով, խարտյաշ մազերով, մինչև ուսագլուխները բաց աղջկան, — իսկ եթե ոչ, այն դեպքում հեռացիր մեզանից:

Դոկտոր Վիլենբերգի որդին, որը դրժել էր հորը տված երգումը և թողնելով տիեզերագիտությունը՝ աստղեր էր փնտրում երկրի վրա, ոտքի կանգնեց: Նրա հրամանով իր երաժիշտ ընկերներից հեռացավ երիտասարդն ու ձեռքին բռնած ջութակը, հանդիստ կանգնեց պատի մոտ: Նա չդողաց, երբ տեսավ իրեն ուղղած հրազենի փողը, տասնյակ զույգ աչքերի լսիրշ հայացքը: Նա կանգնած էր լուռ ու հանգիստ: Թեթև ցնցվում էր Վիլլիի ձեռքը: Հետո, երբ նշանացույցի ու հատիկի դեմ հալասարվեց երաժշտի լայն, դուրս ընկած, բարձր ու գեղեցիկ ճակատը, թնդաց հրազենը: Սրորվեց, ընկավ երաժիշտը ու մի պահ, քար լուծվյալ մեջ, վերջին անգամ տխուր լացեց ջարդված ջութակը...

— Ասա, ի՞նչ կանեիր, եթե հանդիպեիր նրան, ով սպանեց քո Լիոնիդին:

Վիլլին երբեք չի մոռանա նրա լայն բացված աչքերը. կարծես մի աներևույթ ձեռք այդ աչքերում կապույտ բոց բռնկեց:

— Ի՞նչ կանեի, — դողալով հարցրեց աղջիկը, — ես, ես իմ այս ձեռքերով կհանեի նրա օձաչին աչքերը, ատամներով կքրքրեի շնային կոկորդը...

Վիլլին լսում էր ատելությունից վառվող լեհուհուն ու ժպտում: Աղջիկը, որ մինչ այդ զզվանքով էր ընդունում խմիչքը, դողացող ձեռքով վերցրեց շիշը, լիքը լցրեց իր բաժակը: Վիլլին ծափահարում էր: Մինչև վերջ ծծելով ումը, աղջիկը մի փոքր հանգստացավ: Կարծես մոռանալով իր ուր լինելը, նա քնքուշ ձեռքը դնելով կրծքին, աղոթքի նման շնչաց:

— Օ՛, աստված իմ, միթե՞ ես կարժանանամ հատուցման այդ սուրբ ժամին, միթե՞ ես կգտնեմ նրան սպանողին:

Վիլլին հիշում է: Ինքը հրճվում էր իր հաղթանակով. լեհուհու բարակ իրանը առնելով իր գրկի մեջ...

Այո: Կրակովը հիտլերյան բանակի սպա Վիլլին տվեց նոր հարստություն և աստվածանման լեհուհու գեղեցկությունը վայելելու հաճույքը:

Սակայն նա լեհուհու հետ ապրեց միայն երկու օր...

Երկրորդ օրը, լուսաբացից առաջ, ինքը զարթնեց և թիկնած փափուկ բարձին ծխում էր ու նայում՝ մանկական քաղցր քնով քնած աղջկան, որի նուրբ այտերի վրա թեթև կարմրությունը նրան քնած հրեշտակի էր նմանեցնում: Գուցե ինքը այդպես երկար նայեր ու հիանար բնության այդ գեղեցիկ զարդով, եթե...

Լեհուհին պարզելով թևերը ժպտաց, գրկեց իր պարանոցը, այդ այնքան դուր եկավ Վիլլին, որ ուղեց համբուրել նրա քնքույշ ու նուրբ շրթունքները: Աղջիկը շնչացավ.

— Լիոնիդ, սիրելիս, միթե՞ երջանիկ չես դու:

Ցնցվեց Վիլլին, ատելության մի ակիք սեղմեց նրա կուրծքը: Բռնելով քնի մեջ ժպտացող աղջկա մերկ ուսերից, նա կատաղաբար ցնցեց նրան.

— Դու, զգվելի կին, նորից հիշում ես երաժշտին, նրան ես փարվում քնիդ մեջ... Դե՛, այժմ իմացիր՝ այնտեղ, դղյակում, նա բնկավ իմ գնդակից:

Վիլլին հիշում է ինչպես ճշաց աղջիկը և իր դեմքը այրվեց ասպակից: Հետո մի ցնցող քրքիշով վիթի նման սենյակից դուրս թռավ լեհուհին: Որքան կուզեր Վիլլին նորից հանդիպել նրան:

3.

Բեռլինում Մաքս Բեհերշտրասսեում Վիլլին վայելում էր ա՛մուսնական կյանքի մեղրամիսը, երբ աշխարհը ցնցեց Օովետական երկրի վրա գերմանական զորքերի հարձակման լուրը:

Չանցավ երկար ժամանակ և Վիլլին կանչվեց գլխավոր շտաբ:

Ինչ հոգ: Ինքը նորից շարունակելու էր պարետի արդյունավետ իր պաշտոնը՝ Օովետական երկրից գրաված քաղաքներում:

Ֆաշիստական Գերմանիայի բանակները սովետական զորքերի ծանր ու արյունալի հարվածների տակ, ետևում թողնելով

հրդեհներն հրացուքով բռնված քաղաքներն ու շենքերը, մտնում էին լայնարձակ երկրի ներսը: Շարժվող զորքերի հետ իր պարետով շրջանով Ղրիմի թերակղզին հասավ Վիլլին, նա, որ աստղեր էր փնտրում երկրի վրա...

Գեղեցիկ է Ղրիմն իր քարաժայռերով, ծովափնյա անտառներով, նմանը չունեցող հարուստ մրգաստաններով, ծաղկի ու ծառերի մեջ թաղված քաղաքներով ու դղյակներով, և այդ ամենը միանգամից զվարթացրին օբեր լեյտենանտ Վիլլիի սիրտը:

Ղրիմում կարելի էր հանգստանալ, իսկ ծովափնյա Ս. քաղաքը, այգիների մեջ կորած, անվթար մնացած ապարանքները նրա առաջ բաց արեցին հարստանալու նոր ուղիներ: Նա մորն ու երիտասարդ կնոջն էր ուղարկում ծանրոցներ, գրում էր նամակներ հիասքանչ թերակղզու անբավ գանձերի մասին, պատկերացնում այն օրը, երբ կվերջանա պատերազմը և ինքը կունենա իր լայնարձակ կավածքը՝ Ս. քաղաքի մերձակայքում...

Սակայն Վիլլիի երջանկովժյունը երկար չտևեց... Ս. քաղաքից հարավ-արևմուտք, ուր բարձրանում են ծովափնյա ժայռերը, ուրիշ սկսվում է և անտառը, սկսեցին հաճախակի դառնալ պայթյուններ:

Վիլլին սկսեց կարոտով հիշել Կրակովը, չքնաղ Փարիզն ու Բորդոն, ուր անհոգ անցնում էին իր օրերը:

Երեկոները, երբ ծովի ու մրգաստանների վրա կախվում էր լուսինը, Վիլլին փակվում էր իր կացարանում: Այո՛, Պարտիզաններին մոտ լինելը Վիլլինն զրկեց քնից ու հանգստից: Նա հաճախ տարվում էր մտքերով, ուզում էր հասկանալ սովետական մարդկանց անընկճելի դիմադրության իմաստը: Ինչո՞ւ են նրանք դիմադրում, երբ իրենք գրավել են աշխարհի հացի ու ածուխի ամենահարուստ շտեմարանները, ավերել մետաղներ մշակող գործարանները և վերջապես զրաված երկրամասերում են մնացել միլիոնավոր մարդիկ... Վիլլին խորամանկ ժպտում էր, ամփոփում մտածածը. «Ձէ, շուտով կվերջանա ամեն ինչ և սովետական պարտված զորքերը վայր կդնեն զենքը»:

Վիլլին երազում էր այդ օրը:

4.

Պատահեց անխուսափելին:

Մի օր նրա պարետովժյունը ժամանեց գրոհային շտաբի պետն

ու նրան հանձնեց պարտիզաններին շրջապատելու օսկերատով պլանը:

— Հոռամ, պարոն օբեր լեյտենանտ, — մեկնելու ժամանակ ասաց նա, — որ դուք հաջողութեամբ կ'ապականեք ձեզ հանձնարարված գործը: Կատանաք օժանդակ ուժեր:

Այդ օրվանից օբեր լեյտենանտ Վիլլին սկսեց հետախուզել անտառը: Այնտեղ ուղարկած նրա հետախուզիչներից շատ քչերն էին վերադառնում... Վիլլին, որն այնքան ապահով կ'յանքով գլորել էր պատերազմի մի քանի տարիները, կանգնելու էր գնդակի առաջ: Ո՞վ գիտի, մի գուցե հենց վաղը անտառում դարանակալած պարտիզանի գնդակը գետին գլորի իրեն:

Դառը մտածմունքների այդ պահին դեմը կանգնում էր հայրը. «Դու կկորչես Վիլլի, նրանք, նացիստները, քեզ անդունդ կվորեն...»:

Տեղ ժամանած օժանդակ վաշտի հրամանատարի հետ երկար ժամեր նա նախագծում էր երկաթե օղակի մեջ առնել պարտիզաններին:

Հասավ գործողությունն սկսելու օրը: Օբեր լեյտենանտ Վիլլիի հրամանով գումարտակի երկու վաշտը, օժանդակ վաշտի զինվորների հետ դեռ կես գիշերին շրջապատեցին անտառը: Նստած դիտակետում՝ նա նայում էր կապտագույն ամպերի տակ բացվող արշալույսին: Հրաման տվեց սկսել հարձակումը:

Անտառի չորս կողմերից դեպի կապտագույն ամպերը թռան հարձակումն ազդարարող հրթիռները: Դիտակետից ոչ այնքան հեռու որոտացին հրանոթները, անընդմեջ կրակազարկերով նրանց ձայնակցեցին գնդացիներն ու ավտոմատ հրացանները, վայրցով անտառը թռան արձակած ափանները:

Մինչ ուշ երեկո շարունակվում էր գնդակոծությունը: Սակայն անտառը լուռ էր և այդ լուռությունը կատաղեցնում էր օբեր լեյտենանտ Վիլլիին: Իրիկնադեմին, երբ նա պատրաստվում էր դադարեցնել կրակը, թիկունքում, երկաթգծի մոտ, մեկը մյուսին հաջորդեցին պայթյուններ և հրդեհի հրեղեն սյուները երկինք քարձրացան:

Օբեր լեյտենանտ Վիլլին վճիռ ընդունեց գնդակոծել պայ-

Յիւններն ի վայրը: Սկսվեց երկու կողմերի կատաղի հրաձգութիւնը, որը տեւեց մինչև լուսաբաց:

Բացվում էր առավոտը: Ծառերի միջից հայտնվեց ու անհայտացաւ սպիտակ մի դրոշակ: Հետո այն երևաց կրկին ու կրկին անդամ: Օ՜, օբեր լեյտենանտ Վիլլին վաղուց էր սպասում այդ ժամին... Ուրեմն ինքը ընկճեց գոռոզ պարտիզանների դիմադրութիւնը: Ուրախության արտասուքներն աչքերին՝ նա տվեց դադարի նշան: Վիլլին հրձվում էր: Նա որոշեց հենց այդ օրը քաղաքի կենտրոնական հրապարակում կախաղան բարձրացնել թի տասնյակ պարտիզաններին...

Նրա հրամանով օգնականը, որին հետեւեցին զինվորները, ձեռքներին պատրաստ պահած ավտոմատ հրացանները, հաղթական քայլեցին դեպի փողփողացող դրոշակը: Վիլլին մի պահ մռայլվեց: Չլինի՞ իր քաջերը այնտեղ վերջ տան կենդանի մնացած պարտիզաններին և իրեն զրկեն նրանց կախաղան բարձրացնելու հաճույքից: Նայելով հեռվում ծածանվող սպիտակ դրոշակին, հաղթողի հպարտ շուքով, շրջապատված իր թիկնապահներով նա շարժվեց անտառի կողմը, ուր հողը փորփրված էր արկերից ու տականքներից, ծառերը տերևաթափ էին եղել, կարծես աշուն լինէր, այն ինչ դեռ ամռան առաջին ամիսն էր: Վիլլին ձեռքերը կանթած կողքերին, նայում էր դեմը: Սակայն ինչո՞ւ լուռ ու գլխակոր են իր մարդիկ, կարծես նրանք հաղթողներ չլինեն, իսկ ո՞ւր են պարտիզանները: Նրան է մոտենում օգնականը.

— Թույլ տվեք զեկույցելու պարսն օբեր լեյտենանտ: Գիշերը մենք կռվել ենք մեր խորտակված զնացքի կենդանի մնացած զինվորների դեմ, որոնք մեզ ընդունելով պարտիզանների տեղ, դրոշակ են բարձրացրել անձնատուր լինելու համար:

Դողացին օբեր լեյտենանտ Վիլլիի ոտքերը: Խորտակված զնացքի զարհուրելի տեսարանը, աջ ու ձախ ընկած սպանվածների դիակներն ու վիրավորների հառաչանքները, գլխահակ կանգնած իր զինվորներն ու սպաները խելագար պարով պտտվեցին աչքերի դեմ:

Իրիկնադեմին ջարդված, բզկտված գումարտակի ու գիշերալին սարսափը ապրած խորտակված զնացքի զինվորները քաշվեցին քաղաքը, ուր լեռնացած ալիքներով ավերն էին ծեծում Սև ծովի ջրերը:

Հնարագետ է Վիլլին: Նա դուռով կործանումից դուրս գալու էլքը:

Նստած ապարանքի ծովահայաց փեղեցիկ պատշգամբում, նա հրամայեց զիշերը քաղաքի բնակիչներից հարյուր աղամարդու ու կանանց քշել ձորակը և վերջ տալ նրանց կյանքին: Այդ «սպարտիզաններն» էին. հետո հանդիսավոր կարգով զինվորական փեղեղմանոցում թաղել տվեց սպանված զինվորներին ու սպաններին: Խնամքով կազմված զեկուցագիրը արժանավայել ընդունելութուն դտավ շտաբում: Եվ ահա հայտնվեց շտաբային զենքերալը, որը շնորհավորեց նրան պարտիզանների դեմ տարած հաղթանակի համար: Վիլլին ստացավ կապիտանի կոչում, դենքերալը նրա կուրծքը զարդարեց երկաթե նոր խաչով:

Սակայն կապիտան Վիլլին դողում էր իր կյանքի համար, նա հաճախ մորը՝ ֆրաու Լուիզային գրում էր իր ապրած սարսափների մասին, խնդրում նրան միջնորդությունների դիմել իրեն Ղրիմից դուրս բերելու համար...

Մայրը կատարեց որդու պահանջը: Առատ ընծաներն իրենց գործը տեսան: Կապիտան Վիլլիի Ղրիմում քաշած տանջալից օրերը վերջացան:

Նստելով գնացք, նա իր հուշատետրում գրեց. «... Այստեղ Ղրիմում, պարտիզանի ռիսակալ աչքը ամեն վայրկյան տրիակալի ցեղի մարդկանց է փնտրում, ուր «հաղթող» լինելով հանգերձ, սարսափում ես կյանքիդ համար, դժվար է, նույնիսկ անկարելի՝ ընկճել սովետական մարդկանց կամքը: Հուսամ, որ էլ երբեք չեմ տեսնի այդ երկիրը...»:

6.

Վիլլին իր ծանրոցներով Բեռլին հասավ: Նա գոհ էր ու երջանիկ: Հնարագետ մայրը բարձրանում էր որդու աչքում:

Մայրը որդուն ցույց տվեց հարստությունները: Ե՞րբ է ինքը կարողացել այդքան բան ուղարկել: Դաշնամուրներ, կովկասյան հրաշագեղ գորգեր, կերպաս, վարագույրներ, փղոսկրյա ազնիվ իրեր, ժամացույցներ՝ աշխարհի բոլոր ֆիրմաներից, տարբեր շա-

փի ու մեծութեան ոսկե ատամներ, ձուլած սսկուց եկեղեցական խաչեր, մանյակ, գոհարեղեն: Մի քանի միլիոն մարկի կարողութեան տեր էր դարձել Վիլլին: Ու նա կրկին հիշեց հորը.

— Մայր, եթե կենդանի լիներ հայրս անշուշտ նա կընդուներ իր սխալը:

Յրաու Լուիզան հեղնանքով պատասխանեց.

— Եթե նա ողջ լիներ, մենք ծայր աղքատութեան դուռը կը հասնեինք, հետո՝ բանտ, համակենտրոնացման ճամբարներ: Իսկ այժմ, խնդրեմ...

Վիլլին խորամանկ ժպտաց:

— Այո, մայր, դու ճշմարիտ ես...

Յրաու Լուիզան գովում էր որդուն, նրա ջանասիրութեանը:

— Այժմ, սիրելիս, քեզ հարկավոր է մտածել պատերազմից ողջ դուրս պրծնելու մասին:

— Իսկ ի՞նչ կարող եմ անել ես:

Այո, Վիլլին ուզում էր ապրել: Ապրել, վայելելու այն անբավ հարստութեանը, որը դուրս է կորզել գրաված երկրներից: Պառկած անկողնում՝ նա պատկերացնում էր այն օրը, երբ կվերջանա պատերազմը... Իր առաջ իրենց դռները լայն բաց կանեն խոշոր փայտափրական ընկերութեանները և ինքը՝ դոկտոր Վիլենբերգի որդին, շրջանառութեան մեջ կդնի իր կապիտալը:

7.

Մոր ջանքերով Կրակով քաղաքում վերստին պաշտոնավարելու իրավունք ստանալով, Վիլլին նրա պատվերով, այնտեղ հասնելուց մեկ ամիս հետո անկողին մտավ: Նա սկսեց գործադրել բավարացու բոլոր հնարագիտութեանները՝ պատերազմից անվթար պրծնելու համար: Եվ այդ ունեւր իր գորավոր պատճառը... Սովետական զորքերը մոտենում էին Վիսլային: Սկսվել էր և օր-օրի: Ժավալվում էր ռուսների հարձակումը ամբողջ ռազմաճակատում: Վիլլին կանչվեց լեհական ռազմաճակատի հրամանատարութեան շտաբը: Սպայակույտի ընտրութեանը կատարող նացիստ մռայլ ղեներալը նույնիսկ չցանկացավ լսել նրա գանգատները:

— Դուք չեք եղել ռազմաճակատի առաջին գծում: Այժմ մեր բանակում քիչ են այնպիսի կադրային սպաներ, ինչպիսին դուք

էք: Հասել է ձեր հերթը... Բնտրեցեք երկուսից մեկը՝ կամ բուշուկներին դեմ՝ առաջավոր դիժ, կամ՝ կախաղան:

Ապրելու տենչը սրտում Վիլլին դողաց իր մեծավորի առաջ:

Այնուհետև կապիտան Վիլլին իր վիշտն ուզում էր թաղել խմիչքի մեջ. լուսաբացից մինչև գիշեր նա ծծում էր ռոմը, սեղմում ատամները, որ չգոռա ցավից:

8.

Կապիտան Վիլլիի դումարտակը մեկնեց ռազմաճակատ: Նա տխուր էր, մահվան դողն էր պատել սիրտը: Առաջ չէր հավատում սովետական ուժին, իսկ այժմ սարսափում էր այդ ուժից: Նրան խլում էր, թե ինքը գնում է մահվան դուռը... Տխուր ու մոռյլ էին սպաններն ու զինվորները:

Խաղաղ գիշերին Վիսլայի ափերին պատրաստած ամբոլթյուններում պաշտպանության գիժ բռնեցին գումարտակի զինվորները: Վիլլին ոչ մի սպայի չէր ճանաչում. նրանց մեջ կային կորացած մեջքերով, տարիքավոր մարդիկ, դուցե և իր հորից մեծ էլ լինեին, կային և անբեղ, դեռ աղվամաղով պատած դեմքերով պատանիներ:

Հնգօրյա ծանր մարտերում բզկտվեց Վիլլիի դումարտակը: Նա սրտի դողով հաշվում էր օր-օրի վրա պակասող զինվորներին: Նստած հրամանատարական կետում, կապիտան Վիլլին իրիկնադեմին լսում էր վաշտերի հրամանատարների զեկույցները, իսկ զինվորները դիրքերից դուրս էին քաշում սպանվածներին:

Վիլլին իրեն լավ չէր զգում: Անգամ գիշերները ականջներում պայթում էին արկերը, ինքնաթիռներից ցած էին թափվում ռումբերը:

Անցնում էին օրեր:

Սկսվեց նոր ու մեծ հարձակումը: Գերմանական բանակի հզոր ամբոլթյունները դողացին, փլվեցին, երկինք թռան ցեմենտի, պողպատի կտորներ: Հետո Վիսլան անցած Սովետական դուրքերը գրոհի անցան:

Սկսվեց տագնապն ու խեղակորույս նահանջը: Գերմանական բանակի զորամասերը, նրանց հետ և Վիլլիի արյունաքամ գումարտակը բռնեցին փախուստի ճանապարհ՝ անթաղ թողնելով սպանվածներին, տրորելով վիրավորներին:

Ռուսական զորքի ահեղ հարձակումից կասկիտան Վիլլին ուղ-
քի եկավ Կրակով քաղաքից ոչ այնքան հեռու, երբ նրան ստիպե-
ցին զլխավոր ուժերի հետ միասին դիրքեր գրավել քաղաքամերձ
կայարանում:

9.

Գիշերները լուսածիր ումբերի լույսի տակ սովետական ինք-
նաթիռներն ու հրանոթները գնդակոծում էին թշնամու զորքերի
դասավորության շրջանները: Վիլլին, կսլած հրամանատարական
կետի ցեմենտե հատակին, չէր շարժվում տեղից: Օ՜, նա պատ-
րաստ էր իր ողջ հարստությունը տալ, դեթ մի ժամով դուրս պրծ-
նելու համար կրակի բոցերից, ուր պայթող ումբերի հետ երկինք
էին թռչում մարդկային մարմնի մասերը:

Լուսաբացին նոր ուժով որոտացին հրանոթները, նորից երկինք
բարձրացան հարյուրավոր ինքնաթիռներ: Սարսափահար Վիլլին
նույնիսկ չէր մոտենում դաշտային հեռախոսին: Ամենակարող ումն
անգամ չէր ազդում նրա վրա: Կասկույտ կանաչ բոցերով բռնկվեց
հրամանատարական կետը: Վիլլին դուրս թռավ այնտեղից: Պայ-
թեց մի նոր արկ և ամեն ինչ խառնվեց նրա աչքերի առաջ: Նրան
թվում էր, որ գտնվում է տոնախմբության մեջ, ուր սալժառու լույ-
սներով վառվում են ջահերն ու իր դեմ պարում են մերկ ֆրանսու-
հիները: Նա ուրախ ծափ տվեց, պարզեց ձեռքերն ու նոր պայթյալ
ումբի հզոր օդային ալիքը նրան շարտեց հրամանատարական
կետի հատակին, նա ոտքի կանգնելով գոռաց...

Սակայն նրա ձայնը չէին լսում իր զինվորներն ու սպաները:
Նրանցից շատերը գերեզման էին գտել դիրքերի մեջ. ողջ շրջապա-
տը փայլում էր բոցերի ու պայթյունների հրացուլքով...

Կասկիտան Վիլլիի ավերված հրամանատարական կետի դռանը
հայտնվեցին նռնակներով զինված մարտիկներ:

Վիլլին դուրս ընկած աչքերով նայեց նրանց: Նա պարզեց ձեռ-
քերը, հետո սկսեց քրքջալ ողջ մարմինը ցնցող մի քրքիջով, նըմ-
տեց գետնին, սկսեց փետել մազերը:

— Յնորվել է սատանան, — ծիծաղելով ասացին մարտիկներն
ու ոտքի կանգնեցրին նրան:

լեհական հինավուրց գեղեցիկ քաղաքի վրա ծածանվում էին գույնզգույն դրոշները, անցնում էին հաղթողների գնդերը...

Նրանց մոտենում էր ցնցոտիապատ, խոշոր, կապույտ աչքերով, նիհար ուսերով լեհուհին:

— Գիտե՞ք, դերմանացի սպան իմ Լիոնիդին սպանեց... ապացեք, դուք կգտնե՞ք նրան: Լիոնիդին սպանեցին, երբ նա նվադում էր:

Աղջիկը մերթ ժիծաղում էր, մերթ հեծեծում և մեծ ու կապույտ աչքերով նայում անցնող զորքերին...

Կեսօրին կապիտան Վիլլին, որի կուրծքը զարդարված էր խաչերով, տանում էին քաղաքի կենտրոնական փողոցով: Նրա դեմ կանգնեց ցնցոտիապատ լեհուհին: Խոժոռադեմ սպան, որի աչքերի սուռչ կարծես դեռ կապույտ, կանաչ բոցերով պայթում էին ոռմբերը, կանգ առավ, նայեց լեհուհուն:

— Միթե՞ նա է:

Ցնցոտիապատ աղջիկը լայն բացելով աչքերը, ծափ տվեց ու բռբռաց: Վիլլին տրորեց ճակատը, հիշեց կապույտ աչքերը, կապույտ աչքերի բոցը ու նրանց հայացքները հանդիպեցին իրար, մեկը որ մարդասպանին էր որոնում, իսկ մյուսը՝ որ դադարեց աստղեր փնտրել երկրի վրա:

1945 թ. ապրիլ

Լ Ե Ռ Ն Յ Ի Ն

1.

Զորագունդը պատրաստվում էր հարձակման: Հետախույզները շփշեր ու ցերեկ դադար չունեին:

Սախյան վաշտի հրամանատարը կարծես մոռացել էր նորերս գինվորական հիվանդանոցից վերադարձած սերժանտ Արամյանի գոյությունը: Սմեն անգամ իր մարդկանց «ոքսի» ուղարկելիս ավագ լեյտենանտ Չեռնովը կարդալով նրա անունը՝ ժպտում էր շեկ բեղի տակ:

Նորից իր վաշտը վերադառնալը, որ առաջին օրերին ուրախությամբ էր համակել Վարոսի սիրտը, տեղի էր տվել տխրության: Օրեր շարունակ հետախույզության շուղարկվելը հուզում էր նրան, ու նրա սիրտը սողոսկեց մահվան չափ դուր մի միտք: Չլինի՞ իր սիրելի հրամանատարն այլևս չի վստահում իրեն... բայց ինչո՞ւ համար: Ինչո՞ւ է ինքն արժանացել դրան: Գիշերները քունը մոտ չէր գալիս աչքերին: Նա տանջվում էր անորոշությունից:

Վարոս Արամյանը, կամ ինչպես վաշտում ընկերներն էին անվանում լեռնցին, իրենց գյուղի միջնակարգ դպրոցը ավարտելուց հետո բանակ կանչվեց: Նա կադրային գինվոր է, կովել է ֆինների դեմ: Հայրենական Պատերազմից առաջ ստանալով սերժանտի կոչում՝ սովորեց և դարձավ հետախույզ: Սրտով սիրեց վտանգներով լի գինվորական այդ արվեստը: Արամյանը վաղուց չէր եղել իր ծննդավայր Լոռում, և տխրում էր դրա համար: Վաշտում ամենքը հարազատ էին նրան, նա միակ հայն էր ոչ միայն վաշտում, այլև զինում, նրան ոչ միայն ավագ լեյտենանտ Չեռնովն էր ճանաչում, այլև զնդապետ Վալիկոն: Վարոս Արամյանը քսանհինգ տարեկան, միջահասակ, լայնական, արծվաքիթ մի երիտասարդ էր՝ պարզ, հաճելի, ընկերասեր բնավորությամբ:

Արամյանը ստալինգրադյան մարտերում ծանր վերքեր ստանալով՝ տարվեց զինվորական հիվանդանոց: Բուժվելուց հետո ընկնելով հավաքակալային և այնտեղ տեղեկանալով իրենց զնդի ուղղության մասին, ներկայացավ հավաքակալայինի պետին, խնդրեց իրեն նախկին վաշտն ուղարկել:

— Հավատացած եղեք, ընկեր պետ, ես կգտնեմ մեր գունդն ու վաշտը: Գնդապետ Վալկոն և ավագ լեյտենանտ Չեռնովն էլ ուրախ կլինեն: Ախր, միշտ նրանց հետ եմ եղել թե ֆիննական կռվում, թե Հայրենական Պատերազմում: Մեր վաշտում ես լավ հաշիվ ունեցողներից եմ: Ճիշտ է, Դմիտրին գերմանական զնդապետին ծուղակը գցեց, բայց ես էլ նրանից ետ չեմ մնացել:

Հավաքակալայինի պետին դուր եկավ լեռնցու պարզությունն ու վճռականությունը և նա կատարեց Վարոսի խնդիրը...

Ընկերները դիտեին Վարոսի տխրության պատճառը: Բայց ինչով կարող էին օգնել նրան, երբ ամեն ինչ կատարվում է հրամանատարի կամքով: Չէ՞ որ հրամանատարի ասածը օրենք է զինվորի համար: Ամեն կերպ աշխատում էին ամոքել տղայի սիրտը, կատակներ էին անում նրա հետ, խորհուրդներ տալիս.

— Մի տխրիր: Քեզ հանդիստ է պետք, — ասում էր վաշտի ավագը:

— Միթե՞ ես հոգնել եմ, — տխրությամբ պատասխանում էր Վարոսը:

— Հասկանալի է, — գուշակում էր մեկ ուրիշը, — այդ, ախպերս, մի տեսակ ստուգում է: Հմուտ բժշկի հոտառություն ունի մեր ավագ լեյտենանտը. նրան ոչ ոք չի կարող խաբել: Այժմ նա ստուգում է քեզ, ուզում է իմանալ արդյո՞ք չեն թուլացել ջղերդ, արդյո՞ք չես կորցրել հետախույզվի սառնասրտությունը:

— Իմ այդ ճիշտ է, — բացազանչում էր Դմիտրին՝ Վարոսի ամենասիրելի ընկերը՝ վաշտի հռչակավոր հետախույզներից մեկը, որին հաջողվել էր Չեռնովի առաջ կանգնեցնել գերմանական մի զնդապետի, — երգվում եմ պատվովս, — կուրծքը ծեծելով ասում էր նա, — որ այդ ճիշտ է: Նա ստուգում է քեզ, և եթե խելքիդ փշի աղմուկ բարձրացնել՝ հետախույզության գնալու համար, նա անպայման ետ կուղարկի քեզ և դու դրանով մեծ վիշտ կպատճառես մեզ: Լավ է լոռս, և կարևորն այն է, որ շատ քնես:

— Է՛, ինչ ես մտածում, — ասում էր խոհարարը, — նորից

Ֆրիցները որսի կգնաս: Միթե՞ արժե դրա համար պառավի նման թթվել: Քնիր գիշերը, քնիր ցերեկը, իսկ եթե քունդ չի գալիս, արի ինձ մոտ: Ես կարողո՞յնի կամքրեմ, իսկ դու ծոր տալով ետք կասես, և երբ միսը եսիլ՝ միասին կվորձենք, կամ թե, ինչպես ինտելիգենտ մարդիկ են ասում, առաջինը մենք կճաշակենք, իսկ եթե այդ չես ուզում, ձեռք լեռնցիների պես կրակի վրա միս կխորովենք, մի-մի կում էլ օղի կխմենք և ամեն ինչ իր կարգին կդնա:

Ընկերների ուրախ կատակները քիչ էին օգնում Վարդսին: Նա տխուր էր: Արամյանի տխրության մասին գիտեր ինքը՝ ավագ լեյտենանտ Չեռնովը, որ՝ ամեն անգամ լսելով վաշտի ավագի զեկույցը լեռնցու տրամադրության մասին,՝ փառ-փառ ծիծաղում էր:

Եվ մի օր նա իր մոտ կանչեց Վարդսին:

— Հը, ինչպե՞ս ես Վլադիմիր Սեդրակովիչ, — մտերմական տոնով հարցրեց նա:

Արամյանը տարիներ իր ծառայության ընթացքում ոչինչ չէր թաքցրել հրամանատարից: Նա անկարող էր ստել, ուստի և ասաց.

— Տխուր են անցնում օրերս, ընկեր ավագ լեյտենանտ:

— Ինչո՞ւ համար, — կարծես զարմացավ Չեռնովը:

— Անգործ եմ: Չանձրանում եմ անգործ մնալուց:

— Իսկ ես կարծում էի, որ դու գոհ պիտի լինես ինձանից: Մի-թե՞ վատ բան է հանգիստը: Ես ցանկանում եմ, որ դու հանգստանաս:

— Շնորհակալ եմ: Արդեն հանգստացել եմ, իսկ երբ տուն կըլնամ, այն ժամանակ ավելի կհանգստանամ: Հոսպիտալում էլ քիչ չհանգստացա: Սպանիչ է ձանձրույթը:

Չեռնովը բարձրաձայն ծիծաղեց:

— Այ թե համառ տղա ես: Ոչինչ: Հենց այս գիշեր որսի կըլնաս, — ասաց նա, ու աչքի տակով նայեց նրան և տեսավ, թե ինչպես մի կրակ լուսավորեց տղայի դեմքը, սև աչքերը փայլեցին ուրախ ու երջանիկ:

— Կտամ եմ, հրամայված է պատրաստվել, — նստած տեղից վեր ցատկելով և ձգվելով պատասխանեց Արամյանը:

— Ես քեզ համար նորոթյուն էլ ունեմ ասելու: Այսօր շարքի առաջ կհայտարարվի: Երբ դու վերադարձար, առաջին օրը գրեցի

շտաբ աստիճանդ բարձրացնելու վերաբերյալ: Այժմ դու ոչ թե սերժանտ ես, այլ տվագ սերժանտ: Աստիճանի արժանավոր բարձրացում: Շնորհավորում եմ, իմ լեռնցի:

— Ծառայում եմ Սովետական Միությանը, — հստակ շեշտելով բառերը՝ բացազանչեց վարոսը:

— Քեզ հետ կլինեն քո տղաները, որոնց թվում և Դմիտրին: Ահա առաջագործները...

Եվ Չեռնովը մանրամասնորեն Արամյանին բացատրեց առաջագործները:

— Հասկանալի՞ է, — վերջում հարցրեց նա:

— Ճիշտ այդպես:

— Այժմ ճաշ և հանգիստ քուն: Մնացածը ինքդ դասավորիր:

2.

Ընկերներն սպասում էին վարոսի վերադարձին: Եվ երբ, նա ուրախ դեմքով մոտեցավ նրանց, անմիջապես շրջապատեցին նրան:

— Հը, — սրտատրուկ հարցրեց Դմիտրին:

— Գնում ենք:

— Շնորհավորում ենք, բարեկամ, — գոչեցին բոլորը միասին:

— Իսկ ո՞ւմ հետ, — հարցրեց նրա մշտական «ոբսի» ընկերներից մեկը՝ Վոյտենկոն, որին հետախույզները ուղղակի Դոնեցի էին կանչում Դոնի Ռոստովում ծնված լինելու պատճառով:

— Հասկանալի է ում հետ:

— Այսինքն, — վրա տվեցին ամեն կողմից:

— Նորից մեր կազմով:

Տղաները գրկեցին և շնորհավորեցին նրան, իսկ Դմիտրին առաց.

— Ձէ, ինչպես երևում է մինչև պատերազմի վերջը մենք միասին ենք լինելու, — հետո խորամանկորեն կիոցելով աչքերը, սկզբեց ինքն իրեն նախատել. — Հեմ հասկանում, տղերք, վերջերս ինչոր լիտ բան է կատարվում ինձ հետ, սկսել եմ հիմարություններ

դուքս տալ. ինչպես թե մինչև պատերազմի վերջը: Չէ՞ որ ես և Վլադիմիր Սեդրակովիչը պատերազմից հետո էլ միասին ենք լինելու: Ախր ես նրա քրոջ՝ Անուշի իգիթ աճուսինն եմ լինելու և իմ հարսանիքին լոռեցիները պարելու են «Չոբանների պարը» ուսելին մի-մի գառ առած:

Տղաներն ուրախ ծիծաղեցին

— Բայց և կարող է հրաժարվել իր խոսքից, — կատակեց Վոյտենկոն:

— Եվ դու այդ չես մոռացել, — Դմիտրիի ուսին խփելով գոչեց Վարոսը:

— Ինչպե՞ս, այդ ի՞նչ ասացիր, — կոմիկական լրջությամբ բացադանչեց Դմիտրին, — դուք, պատվականդ իմ, խաղում եք երիտասարդիս սրտի հետ: Ո՞ւր է իմ դաշույնը, — ասաց նա և կատվի ճարպկությամբ մերկացնելով կողքից կախած հետախուզվի սրածայր դանակը խրոխտորեն կանգնեց Վարոսի առաջ: — Պարոնայք, — դառնալով հավաքվածներին՝ կանչեց նա, — արդարամիտ դատաւոր եղեք: Այս մարդը գրկում է ինձ երջանկություներից: Պարոն, մի զրկեք ինձ կյանքից: Ասացեք ձեր խոսքը և նախ քան ձեր խոսքն ասելը՝ իմացեք կամ ձեր Անուշ քույրը իմ կինը կլինի, կամ թե ձեր ոտքերի տակ կթափվի արյունս:

Բնկերներից մի քանիսը փորձերը բռնած՝ կպել էին գետնին, նրանց լիաթոք ծիծաղին մասնակից էր և Չեռնովը, որ թաքնված հաստաքուն ծառի ետևը՝ նայում էր այդ տեսարանին, մարում ծիծաղից:

Մինչ ճաշ շարունակվում էր նրանց ուրախ կատակը: Նայելով ժամացույցին՝ Վարոսը ոտքի կանգնեց և երջանիկ, ուրախ հայացքով նայելով ընկերներին՝ ասաց.

— Իսկ այժմ, սիրելի ընկերներ, կուշտ ճաշ, որից հետո հանգիստ քուն:

Երբ Արամյանն իր խմբով մոտեցավ ծառերի մեջ քողարկված դաշտային խոհանոցին, քրտնաշաղախ խոհարարը ձեռքերը կանթելով կողերին և ուշադիր նայելով նրան՝ կոնչաց.

— Ուրեմն Արեմտյան ճակատում ամեն ինչ խաղաղ է:

— Ծիշտ այդպես, ձերդ պայծառափայլութուն, — լեզուն հանելով կատակեց Վարոսը:

— Հասկանում եմ, — փնչաց նա, — առանց խմելու դու ար-

դեն հարբել ես:— Հուսամ, որ ձերդ արնվությունը այսօրվա համար տրվող կրկնակի նորմա օղին մենակ չի կոնծելու և բաժին կհանի իր դառը օրերի ընկերոջը:

— Հուսացեք: Այժմ ճաշ, հանգիստ քուն և հետո...

— Որսի,— այժի պես մկկաց Դմիտրին՝ խոհարարին մեկնելով իր կաթնալիկը:

— Այո, որսի,— ձեռքերը հտեղ զննելով՝ ասաց Վարդաբ,— ես, ախպերս, ձանձրացա քո խոհանոցի հոտից:

— Լսո՞ւմ եք, բարեխաֆնեռս, թե ինչպես է երգում թռչնիկը: Իսկ երեկ, անցած օրը ինչո՞ւ ձայնդ փորդ էիր պցել: Ասա, երգիր, աղա՞վնչակս, տեսնո՞ւմ ես չեմ նեղանում: Այդպես է մեր անիծված արհեստը: Կերակրում ես մարդկանց, գիշերները չես քնում, մտածում ես ի՞նչ անես, որ համով լինի շիլան, իսկ ուտելուց հետո մոռանում են քեզ:

— Դե, դու մի բարկանա, Միտրիչ, չե՞ որ մենք գնահատում ենք քո շերեփը: Միթե՞ այդ դու չէիր, որ հաղթական շերեփը ձեռքիդ՝ մարտի նետվեցիր:

Ընկերները ծիծաղեցին: Այո: Նրանք չեն մոռանում: Շուրջայի պատմությունը բոլորը հիշում էին... Այդ պեպքը պատահել էր ամռանը. գերմանացիների դեռքը անտառում շիլայի անուշ հոտ առնելով, քրտինք մտած փնտրում ու դառնում է խոհանոցը: Գետքը կազմված է լինում յոթ հոգուց, իսկ Շուրջան մենակ: Գերմանացիներին առաջինը նկատելով՝ նա թողնում է, որ մոտենան իրեն ու մի քանի քայլ հեռավորության վրա ավտոմատով հնձում է վեցին: Ֆրիցներից մեկը, որ թեթև վիրավորված է լինում, ուզում է փախչել: Շուրջան ընկնում է նրա ետևից և իր ծանր շերեփի հարվածով դետին է գլորում նրան: Կրակոցների ձայնի վրա տեղ են հասնում ընկերները և ախանատես են լինում այդ ամենին ու հետո հալա-տացնում են, որ խոհարարը յոթին էլ շերեփով է սպանել...

Հաստ խոհարարը ուրախ ծիծաղում էր.

— Ուրեմն հասար նպատակիդ:

— Այժմ ճաշ...

— Իմ լեռնցուն ամենալուրտ պատառը:

— Դեմ չեմ:

— Երկու հարյուր գրամ օղի:

— Ուրախությամբ:

— Հերթը ձեռն հասաւ: Կերեք, անուշիկներս, թող ձեզ ձեր մօր կաթի պէս հալալ լինի իմ եփած մսապուրն ու շիւան, բայց եթէ առանց Փրիցի վերադառնաք, էլ աչքիս չերեաք:

Անցան օրեր և նորից հետախուղական վաշտում թնդաց Արամ-յանի իննյակի անունը:

3.

Ծովից քաշվող ձկնորսի ուռկանի պէս ռազմաճակատը գնալով սեղմվում էր: Վաղուց արգեն հեռավոր թիկունք էին դարձել Հեհաստանը, Բալկանյան երկրները: Սովետական զորքերը ահեղ մարտեր էին մղում Բրանդենբուրգյան հողում:

Գերմանացիները կառչում էին ամեն մի թփից: Սակայն Բեռլինի վրա թռչող սովետական ինքնաթիռներն իրանց թևերի վրա աշնանդ էին հասցնում հրանոթների մոտեցող որոտը:

Ավագ լեյտենանտ Չեռնովը զորագնդի շտաբից վերադառնալուց հետո իր մոտ կանչեց Արամյանին: Երկուսով երկար ժամանակ կռթնած դաշտային ծալովի փոքրիկ սեղանին՝ ուսումնասիրում էին քարտեզը: Հետո մի զննող հայացքով նրան նայելով, հրամանատարն ասաց.

— Մեզ է բախտ լիճակվել: Պետք է ոչնչացնել: Այո, ծանր, շատ ծանր խնդիր է: Երկու օր ժամաանակ է տրված: Պատկերացրու, ավիացիան մի քանի անգամ ռմբակոծել է, սակայն ապարդյուն: Ինչպէս երևում է՝ տեղանքը ճիշտ չէ որոշված: Սա, ինչ-որ հանելուկային բան է: Կարո՞ղ ես կատարել:

— Ուրիշ տվյալներ կա՞ն,— հրամանը ուշադիր լսելուց հետո, հարցրեց Արամյանը:

— Եվ ոչ մի բան: Հայտնի է այն, ինչ բացատրեցի:

— Պատրաստ եմ կատարելու:

Չեռնովը թեթև շունչ քաշեց:

— Իմացիր, իմ լեռնցի, այդ գործողութայնից է կախված մեր պատիվը: Ամբողջ ռազմաճակատը հարձակման կանցնի, եթէ մեզ տեղից վերանա այդ ստորերկրյա լաբյուրինթոսը, որ գեներ, վառոդ, արկ ու ափան է մատակարարում մեր դեմ կանգնած թշնամուն: Դա ոչ միայն զինանոց է, այլ սատանան տանի, նաև սննդի գլխավոր աղբյուրն է, և պետք է ոչնչացնել: Դու այդ գործի մաս-

նազեան ես, իմ աջ թեր: Քո իննյակով ցույց տուր, որ Չեմուլի տղաներն էլ կարող են հերոսներ դառնալ:

— Առաջադրանքը կկատարվի:

— Եթե ուզում ես կազմը փոփոխել, փոփոխիր: Հենց հիմա հրաման կտամ այդ մասին:

— Ոչ երբեք: Իմ տղաներով կկատարվի առաջադրանքը:

— Ինչպես ուզում ես:

Գիշերը ավագ սերժանտ Արամյանի իննյակը թողեց դիրքերը՝ վերջին պահին Չեմուլը ամուր, շատ ամուր սեղմելով հետախույզներին ձեռքը, գրկեց Վարոսին:

— Բարի ճանապարհ իմ բազեներին: Տեսեք չտապեք: Մի մոռանաք հետախույզի զգուշությունը: Պայմանավորված ժամին:

— Վստահ եղեք:

Եվ դնացին:

Լուսադեմից առաջ թշնամու դիրքերն անցնելուց հետո, հետախույզները անտառի մեջ պահված՝ սպասում էին լուսաբացին:

— Այս տեղանքն անծանոթ է մեզ: Հարկավոր է լավ ուսումնասիրել, — բացատրում էր իր մարդկանց Արամյանը:

Լույսը բացվելուն պես նրանք իրենց թաքստոցներից սկսեցին դիտել շրջապատը: Հետո նրանք շարժվեցին անտառով: Հաջորդ օրը իրիկնամթին մոտեցան նշված նպատակակետերից ոչ այնքան հեռու գտնվող ագարակին: Գիշերվա ուշ ժամին հասան ստորերկրյա գինանոցի արևմտյան կողմը:

Լայնածավալ դաշտավայրում, ուր երբեմն ցածրիկ բլուրներ էին ցցվում, մթովթյան մեջ, հետախույզների առաջ, վստում էին դերմանական գինվորները: Երբեմն բուր պես կոնշում էր մեկը, պատասխան ծվծվոցով լալիս էր մեկ ուրիշը: Լսվում էին պահակապետերի խուլ մոլոտոցները, որոնք փոխվում էին դառնադին կադկտնձի. ամեն ինչ ահավոր ու խորհրդավոր էր Բրանդենբուրգյան նենգ ու դաժան գիշերվա մեջ:

— Փոխում են գիշերային պահակների վերջին հերթը, — կողքին պառկած Դմիտրիին շշուկով բացատրում է Վարոսը:

Գիշերը, դանդաղ մեռնում էր դաշտերի ու անտառների վրա... Վաղուց լուել էին ձայները: Արամյանն իր հետ վերցնելով Դմիտրիին ու Վոյտենկոյին՝ սուզվեց խավարի մեջ: Ստորերկրյա աշխարհը տանող առաջին պահակակետում երկու պահակներն էլ

հավիտենապես քնած մնացին: Ոչ ոք չսեց նրանց ձիշը, որ մարեց անակնկալ հարվածի ու բերանները խցկած շորագնդի տակ:

Հետախույզները՝ վերևում սպանված գերմանական պահակների կողքին կարգելով իրենց պահակները, կարծես գետնի տակն անցան: Երբ լիցքառատ, պայթման մեծ ուժի ականները պայթել էին բացված խոռոչների մեջ՝ Վարոսը հրաման տվեց թողնել ստորերկրյա աշխարհը: Եվ չորեքթաթ, երբեմն էլ սողալով հետախույզները կծկել սկսեցին դարձի ճանապարհը:

— Արագ, արագ: Շուտով գլխանոցը հօդս կցնդի ու նրանք մեզ կվնասեն,— շտապեցնում էր Արամյանը:

Հետո խավարի մեջ վազել սկսեցին նրանք, ընկնում էին, բարձրանում, սակայն համառորեն առաջ էին սլանում: Ինչ որ տեղից վեր սլացան հրթիռները: Հետախույզները կպան գետնին:

— Սողալով, միայն սողալով,— կրկին հրամայեց Արամյանը:

Սողալով շարժվում էին մարդիկ, արյունոտվում էին նրանց ծնկները, ձեռքերը: Ետևում մնաց ազարակը. հեռու չէր և անտառը. և նրանք հասան անտառը՝ հաշվելով յուրաքանչյուր վայրկյանը:

Անտառում հետախույզները ոտքի կանգնեցին ու խոր շունչ առան:

— Զօխել,— եղավ Արամյանի հրամանը,— երկու ընկերից հետո շարունակելու ենք ճանապարհը: Մի մոռանաք, որ դեռ մոտ ենք կրակին: Բոլորս կխլանանք, հեռանալ է պետք:

Իննյակը նորից շարունակեց իր ճանապարհը: Ծառերի չոր ճյուղերը քերծում էին նրանց դեմքերը, պատառոտում զգեստները:

Հանկարծ զարհուրելի մի որոտ ցնցեց անտառը: Վազքի ժամանակ հետախույզներն իրար դիմի թափվեցին: Հորիզոնը արնակարմիր հագավ և խավար գիշերի սիրտը սողացին բոցերի հրեղն: սյուները: Պայթյունները գնալով սաստկանում էին:

Հետախույզները շունչները պահած՝ ուրախ հայացքով նայում էին ահեղ տեսարանին: Ահռելի էին զարկերը, կարծես գերմանական ողջ հողն էր պայթում:

Կարճ դադարից հետո՝ հետախույզները շարունակեցին ճանապարհը: Հեռու չէր լուսաբացը և դա անհանգստացնում էր նրանք:

— Դու կրակ նկատեցիր,— մոտենալով Արամյանին շշնջաց Դմիտրին:

— Կրա՞կ:

— Այո: Լավ նայիր:

Ճառերի միջից առկայծում էին ինչ որ լույսեր:

Հետախույզները կանգ առան:

— Դռնեցին իմ ետեից, մնացածներդ պատրաստ եղեք:— Եվ նրանք տեսան խիտ ծառերի մեջ, խոր փոստում վառվող կրակը: Գեմմանական մի խումբ զինվորներ նստել էին կրակի շուրջը:

— Ետ դարձիր: Հարկավոր է հեռանալ այստեղից,— ասաց Վարոսը:

Կռաբացից առաջ, պայմանավորված վայրում իննյակին դիմավորեց Չեռնովը:

Նրա տրամադրությունը բարձր էր:

Չեռնովը ամուր սեղմելով Արամյանի ձեռքը՝ ասաց.

— Երբ հորիզոնում երևացին կրակի սյուները, ես գններալին ղեկուցեցի առաջադրանքը կատարած լինելու մասին, երբ այժմ դուք ողջ և թողջ վերադարձաք, ինքս կզնամ նրա մոտ: Ապրեք տղերք: Գններալը հրամայեց ձեր իննյակին ներկայացնել կառավարական պարգևի:

Հաջորդ օրը ռազմաճակատի այդ հատվածում սկսվեց սովե-տական զորքերի նոր ու հզոր հարձակումը:

1943 թ. նոյեմբեր

ՋԻՆՎՈՐԻ ՆԵՄԱԿԸ

Վերջալույսին, երբ արևը իր ոսկե շողերն էր հավաքում Մասիսի գագաթից, երկօրյա լարված ու անընդհատ աշխատանքից հետո, տուն էր վերադառնում ճարտարապետ Սահերյանը:

Ճարտարապետը հոգնած էր: Անքուն գիշերներն իրենց կնիքն էին դրել նրա լայն ու թուխ դեմքին: Մեքենան արդեն ետևում էր թողել արվարձանը, արագացնելով ընթացքը սլանում էր կենտրոնական պողոտայով, սակայն ինչ որ բանից դժգոհ, նա փնթփնթում էր: Միտքը չէր կտրվում կիսատ թողած գործից: Ինչո՞ւ իրեն ստիպում են տուն գնալ հանգստանալու, միթե՞ ինքն այնքան հոգնած է, որ այդ արդեն նկատելի է ընկերների, զիրեկտորի համար: Տուն հասնելով նա նախասենյակում հանեց վերարկուն, անշտապ մոտեցավ լվացարանին: Երկար ժամանակ սառը ջրով զովացնում էր դեմքը, պարանոցը, քունքերը: Նրա կողքին հայտնվեց մայրը, որը դորովագուժ հայացքով նրան էր նայում: Սահերյանը լվացվելուց հետո սանրված, թարմացած դեմքով նայեց մորը, ժպտաց ու նրան առավ իր լայն թևերի մեջ, ջերմորեն համբուրելով խորշոմներով պատած ճակատը:

— Անհանգիստ եմ լինում, որդի: Գոնե գիշերները տուն արի,— մրմնջաց մայրը:

Սահերյանը ծիծաղեց:

— Ի՞նչ հարկ կա անհանգստանալու մայր, քեզ հայտնի է, որ գործարանից տեղ չեմ գնում:

Մայր ու որդի թևանցով ներս մտան գեղեցիկ կահավորված, կաթնագույն լույսերի մեջ փայլող սեղանատունը, ուր ճարտարապետի երիտասարդ կինը արդեն պատրաստել էր ընթրիքի սեղանը: Փոքրաթիվ ընտանիքը խաղաղ ու հանգիստ նստեց ընթրիքի:

Ընթրիքից հետո Սահերյանը անցավ յուր առանձնասենյակը ուր գրասեղանի վրա դրված երկու օրվա նամակներն ու հեռագրերը սպասում էին նրա ուշադիր հայացքին, սակայն նա անտրամադիր

էր: Կարդաց հեռագրերը, որոնցից մեկը՝ Օդեսայում ապրող ավագ քրոջիցն էր: Քույրը խնդրում էր գրել ռազմաճակատում գտնվող կրտսեր եղբոր մասին: Հետո նա վերցրեց տարբեր դույնի ու մեծության ծրարներ և թեթևակի աչքի անցկացրեց: Կարդում էր ուղարկողների հասցեները և նորից դնում իրենց տեղը: Ուշագրությունը գրավեց վարդագույն մի փաթեթ, որի վրա դրոշմված էր՝ «գործող բանակ» եռանկյունի կնիքը:

Խնամքով բաց անելով փաթեթը, ճարտարապետը այնտեղից հանեց կապույտ կազմով սովորական մի տետրակ, որի առաջին էջի վրա տղամարդու ուղիղ ձեռագրով գրված էր՝ «Բարեկամիս՝ ճարտարապետ Սահերյանին»:

— Հետաքրքրական է, — կիսաձայն ասաց նա ու վառելով ծխախոտը, նստեց սեղանի մոտ, ձեռքը վերցնելով կապույտ տետրակը՝ զինվորի նամակը:

«Մենք չենք տեսել իրար, — սկսեց կարդալ նա, — մենք հեռու ենք գտնվում իրարից, բայց մենք մտերիմ բարեկամներ ենք և ահա թե ինչու: Դուք ճարտարապետ եք, իսկ ես զինվոր: Դուք ստեղծագործում եք հայրենի երկրի փառքի համար, իսկ ես զենքը ձեռքիս կռվում եմ նրա հավերժության ու ազատության համար: Ուրեմն միևնույն է մեր նպատակը, մոտ ու հարազատ են մեր սրտերը: Ինչ ասեմ իմ մասին: Ես զինվոր եմ և այդ բավական է ձեզ համար: Կավեւացնեմ միայն, որ ազգությամբ ռուս եմ:

Այսօր մենք գրավեցինք զերմասնական քաղաքներից մեկը: Չգիտեմ ինչու, ցանկություն զգացի նամակ գրել ձեզ, պատմել մեր զորագնդի հրամանատարի մասին, որի հետ Կովկասյան լեռներից հասանք ռճիրների ոստայն՝ Դերմանիան...

Իմ հրամանատարը, որի մասին պիտի պատմեմ Ձեզ, երիտասարդ էր: Մենք սիրում էինք պարզ ու անբիծ հոգու տեր այդ մարդուն, մարդ, որը չգիտեր ինչ բան է երկյուղը: Հանգստի թե կավի ժամին միշտ մեզ հետ էր լինում: Սիրում էր մարտիկներին, անձամբ ճանաչում նրանց: Իսկ ես անբաժան էի նրանից: Դառնանում էր նրա սիրտը, երբ կռիվներում կորցնում էինք մեկն ու մեկին: Նրիտասարդ էր, ուներ սիրող հայրական սիրտ: Հիշում եմ, կարծես այսօր լինեք, երբ մենք ծանր ու արյունալի կռիվներից հետո հասանք Դնեպրին...

Մեծ ու խաղաղ այդ գետի վրա իմ հրամանատարին բախտ

վիճակվեց առաջին գետանցը կառուցել:

Հայնահորդ, երբեմնի խաղալ այդ գետը ահեղ զարկերից կընճռոտվում էր, վեր շարտում ջրի հսկայական սյուներ, կարծես բողոքի ու ցասման պոռթկումից լինեին դրանք, որոնք Նիագարայի ջրովեփից գահավիժող ջրերի պես ամեհի ուժով ցած էին թափվում, առաջացնելով սև, պղտոր ալիքներ, որոնց վրա տաշեղների պես օրորվում էին ծանր բարձած լաստանավերն ու հարյուրավոր նավակներ:

Կես գիշերը վաղուց էր անցել: Իրար ետևից ձգվող կամրջակապերը ետևում էին թողել գետի լայնությունը: Մենք մեր հրամանատարի հետ աջ ափին արդեն լսում էինք ալիքների մեղմ խըշշոցը ավազների մեջ, երբ գերմանացիները նկատեցին մեզ ու մեր վրա ուղղեցին կրակի հեղեղը...

Ձախ ափից խոսեցին և մեր հրանոթները՝ օդը սասանելով իրենց ահարկու զարկերով:

Իմ հրամանատարի հնարամտությունն անսահման էր. իր նախընթացը շունեցող թափով առաջ տանելով հսկայական շարժվող կամուրջի կառուցումը, նա ճիշտ որոշում էր պայթող արկերի ու ուժեղների տեղը, կատարում տեղաշարժեր, շտալով մարդկային ուժի մեծ զոհեր:

Լուսաբացին գերմանացիները սարսափեցին, երբ տեսան գետի լայնության վրա կառուցված տասնյակ ու հարյուրավոր գետանցներ:

Մեր կառուցած կամուրջի վրայով բոցեղեն լեզուները դուրս գցած սլացան ինքնագնաց հրանոթներն ու տանկերը:

Կանգնած աջափնյա կամրջաղլխին, իմ հրամանատարը նստում էր ղենքի ու զորքի փառավոր երթին: Նա արծվային հայացքով զննում էր թշնամու ուժերից ու արկերից ծակծկված գերանները: Արդյո՞ք կղիմանան հզոր ճնշմանը՝ զորքերի ու տեխնիկայի անընդհատ հոսանքին: Այո՛: Նա իր մարտիկների հետ բռնեց փայլուն քննություն, դրա լավագույն ասպետույցն էր տանկային դիվիզիայի հրամանատարի խոսքերը, որը զրահապատ մեքենայով անցնելով աջ ափը, դուրս եկավ մեքենայից, մոտեցավ նրան, հարադատ եղբոր պես գրկեց, համբուրեց ու ասաց.

— Ձեր խիզախությունը երբեք չի մոռացվի:

Հենց այնտեղ, նա բարձր հրամանատարության հանձնարա-

ըությամբ իմ հրամանատարի կուրծքը զարդարեց փառքի ու հերոսության նոր շքանշանով:

Նայելով հեռացող, դեպի թշնամին խոյացող հարազատներին, ցնծում էր նա, իր սրտի խորքում բարի երթ մաղթում անօրինակ պայքարի մեջ մտած միլիոնավոր բախտակիցներին, նրանց, որոնք իրենց դեմքի վրա ամեն վայրկյան մահվան շունչն են զգում, որոնք հայրենիքի ազատության համար անձնազոհությամբ արհամարհում են դաժան մահը...

Թշնամին չէր հաշտվում այն մտքի հետ, որ մենք հասանք ու անցանք ջրային այդ մեծ պատենշը, որը համարվում էր անառիկ, և դրա համար սև ալիքների նման գրոհի էր նետվում, երկինք հանում հազարավոր ինքնաթիռներ: Գետը եռում էր թափվող ոռոմբերի, արկերի ու զնդակների տարափից:

Սակայն իզուր էին նրանց ջանքերը: Աշխարհում և ոչ մի ուժ չէր կարող կանգնեցնել մեր մարտիկներին, նրանց, որոնք պատերազմի ճանապարհներին տեսել էին նենգ թշնամու կողմից հրոճարակ դարձած հոյաշեն քաղաքներն ու լի շենքերը, մեր մարդկանց թափած արյունը:

Ահեղ կռվի պահին, թշնամու ինքնաթիռները հրկիզող ոռոմբերով այրեցին մեր կառուցած շարժվող կամուրջը: Մի պահ դադարեց լավալի պես հոսող դենքի ու զորքի ընթացքը: Մարտիկներից առաջ մեր հրամանատարը ինքը նետվեց դեպի հրեղեն բոցերով վառվող կամուրջը: Այդ դժոխային մի պայքար էր մարդկանց ու կրակի միջև՝ ոռնացող արկերի ու ոռոմբերի ահասարսուռ կարկուտի տակ, որը և վերջացավ կրակի պարտությամբ. նորից վերանորոգված կամուրջի վրայով դեպի մարտ սլացան տանկերն ու ինքնազնաց հրանոթները:

Այդ օրվանից ես ավելի չերմ սիրով սիրեցի իմ արծիվ հրամանատարին: Նա ևս սիրում էր մեզ, սիրում էր մի առանձին սիրով, որը հատուկ է մեծ սիրտ ունեցող մարդկանց:

Նվ մենք անցանք ռազմի ճանապարհներով: Հեռավոր թիկունք տարձան Բալկանները:

Այսօր մենք գրավեցինք գերմանական Տ. քաղաքը, իսկ հարձակման նախօրյակին ես ստացել էի մորս նամակը: Նա ունեի հայր, կին ու երկու արևանման մանկիկներ: Տխուր էի ես, զարմանալի տխուր: Թվում էր ինձ, որ կողքիս կանգնած էր սևազգեստ

մայրս ու իր գեղնոցի ծայրով վշտից կուրացած արտասուքոտ աչքերն էր սրբում: Մոտեցավ հրամանատարս՝ «Տխուր ես», — ասաց: Տխուր եմ, պատասխանեցի ես ու նրան մեկնեցի մորիցս ստացած նամակը: Այո, ես ունեի հայր, կին, երկու պալժառ մանկիկներ, որոնց տեսության էի կարոտում, իսկ նրանց ողջ-ողջ այրել էին դերմանացիները. մայրս զրում էր, որ վրեժխնդիր լինեմ ու տուն չվերադառնամ մինչև արյան մեջ չխեղդվի թշնամին: Հրամանատարս մարտիկների համար բարձրաձայն կարդաց նամակը, հետո լուռ սեղմեց ձեռքս, իսկ լուսաբացին տվեց հարձակման հրամանը:

Գերմանացիները կատաղի հակադրոհների էին դիմում, բայց մենք լեռնացյող ուժով ետ էինք մղում նրանց հակադրոհները և քայլ առ քայլ մոտենում քաղաքին:

— Հա՛ռաջ, միշտ հա՛ռաջ իմ քաջեր, — կռվի տաք պահին լսում էինք մեր հրամանատարի ձայնը:

Եվ մենք կռվում էինք: Մոռացել էինք ամեն բան, մենք տեսնում էինք թշնամուն և կռվում էինք նրան կործանելու համար:

Այդ քաղաքի համար մղվող վերջին մարտը արյունով ներկեց այնտեղ ամեն քար ու թուփ...

Օ՛, եթե կռվի ահեղ ժամին տեսներք նրան՝ մեր հրամանատարին, կցնծար ձեր սիրտը, նոր թևեր կառնեք ստեղծագործ ձեր միտքը: Նա մերկացնելով սուրը վերջին գրոհի տարավ մեզ:

Երբ առավոտը, որ մեր աշխարհի վրա բացվում է խաղաղ ու հեղ, այստեղ բացվեց ավարտվող մարտի հրացուքով ու մեր հաղթանակով, քաջի մահով ընկավ իմ հրամանատարը:

Բռնելով արյունոտ կուրծքը, նա հրաման տվեց.

— Բարձրացնել մեր սուրբ հայրենիքի դրոշը:

Այն շենքի մոտ ուր վիրավոր կրծքով ընկավ իմ հրամանատարը, բարձրացավ հուրհրան մեր հայրենիքի փառքի նվիրական դրոշը՝ բարձր բուցերից, բարձր պայթյուններից ու հրացուքներից ամպերն էին շիկնել:

Հետո փակվեցին իմ հրամանատարի աչքերը, դադարեց բախել վեհ ու ազնիվ սիրտը: Մենք երդվեցինք վրեժ, սուրբ վրեժ յուժեղ ոսոխից: Զե՛՛ որ մեր ամեն քայլափոխին նորից մեզ հետ էր մեր հրամանատարի անմահ հոգին:

Այո, այսօր մենք գրավեցինք դերմանական Տ. քաղաքը ու իմ

մեջ ցանկություն զգացի գրեւ ձեզ այս նամակը, որ դուք միշտ հիշեք իմ հրամանատարի դյուցազնական տիպարը: Կատարեք զինվորիս ցանկությունը՝ Արարատների դեմ փռված վարդագույն մայրաքաղաքում թող խոյանա իմ հրամանատարի արձանը:

Այսպես, իմ ազնիվ բարեկամ, գուցե այն օրվա գիշերից հետո, երբ մեր հաղթանակը աշխարհը ցնցեց, դուք ապրեցիք երկու հաղթանակ՝ այն, որ ռազմի դաշտում զենքով ու պատվով նվաճվեց և այն, որ ձեր լուսաշող մտքով ստեղծագործեցիք: Ստեղծագործեցեք ի բարոյություն մեր մեծ հայրենիքի, այն հայրենիքի, որի համար իր երիտասարդ կյանքը չխնայեց իմ հրամանատարը:

Հավերժ փառք հայրենի հողի համար ընկած հերոսներին:

Իմ հրամանատարը ձեր կրտսեր եղբայրն էր...»:

Երբ մայրը բաց արեց որդու առանձնասենյակի դուռը, տեսավ նրան կանգնած գրասեղանի առաջ:

— Ինչ բանի՞ ես որդի, — գրկելով նրան հարցրեց մայրը, — քեզ, հոգիս հանդատանալ է պետք:

Սահերյանի աչքերից կախվեցին արտասուքի խոշոր կաթիլներ: Նա դեմքը հպեց մոր կրծքին: Լալիս էր նա ու համբույրներ քաղում այն կրծքից, որ արծիվ էր սնել հայրենիքի համար...

1945 թ. մարտ

ՔՍԱՆՀԻՆԳԻ ՏԱՐԵԿԱՆԸ

Վանդյանը արդեն քսանհինգ տարեկան է: Բայց ե՞րբ լրացավ: Տասնութամյա հասակում նա ոտք դրեց ինստիտուտի շենքը: Ուսանողները տեսնելով նրան, հարցական հայացքներով նայեցին իրար: Միթե՞ այդ վատառողջ, վտիտ պատանին որոշել է սովորել: Չէ՞ որ ուսումը հեշտ ձեռք չի բերվում, հարկավոր է գիշեր ու ցերեկ սովորել, իսկ դրա համար ամենից առաջ պետք է ունենալ ամուր առողջություն:

Սակայն Վանդյանը ցույց տվեց, որ ինքը գիտե տոկալ: Նրա հոգին թև էր առնում, սավառնում ճարտարապետ դառնալու անհադ ցանկությունից: Նրեք տարվա ուսանողական կյանքը ամրապնդեց նրա մեջ հավատը, որ ինքը կդառնա ճարտարապետ: Գիշեր ու ցերեկ սովորում էր նա, դժում այնպիսի նախադժեր, որոնք արժանանում էին դասախոսների առանձին ուշադրությանը: Նրա ուրախությանը չափ չկար, երբ ուսման երրորդ տարում նախագծային բյուրոյի կողմից ընդունվեց իր նախագծերից մեկը: Այդ դեռ ուսանողական նստարանից, իսկ երբ ավարտի ինստիտուտը, այն ժամանակ նա հանդես կբերի իր նոր նախագծերը, որոնցով կառուցված շենքերը նոր փայլ ու շուք կտան քաղաքին: Այո, այո Վանդյանը քիչ գիշերներ չի լուսացրել, ուսումնասիրելով ազդային ճարտարապետության նմուշները, որոնք այնքան հմայիչ են և գերող:

Քսանմեկ տարեկան հասակում լուսկաց ու ինքնամոլի Վանդյանը սիրեց մի աղջկա: Նրա սիրտ էակը մի աչազեղ ուսանողուհի էր:

Ջուլուսին էլ սիրում էր նրան, սիրում էր խելագարի սիրով. կարծես նա իր փրփրազեղ հույզերի մեջ ուղում էր հալել Վանդյանի մոռյալ ու փնքնամոլի քնափորությունը: Նույնուֆո նրա մեջ տեսնում էր բարձրացող նոր ճարտարապետի, որի պայծառ միտքը իր հզոր թռչքով ստեղծելու էր հոգեզմայլ գեղեցիկը...

Հանգստյան օրերին նրանք երկուսով բարձրանում էին Նորքի այգեշատ բլուրը, որտեղ սվավում էր քնքուշ հովիկը, զովացնում դեմքերը, իջնում տափարակի սրտին նստած քաղաքը, իր աներեմույթ փափուկ թևերով թևահարում տոթը, շարժում ծառերի սաղարթները: Նրանք պառկած կանաչների մեջ՝ նայում էին քաղաքին:

— Փակիր աչքերդ, իմ անգին Նունու՛թ, և մտքով թռիչք կատարիր մի տասնամյակ: Պատկերացրու, որ այդ ամբողջ տասը տարիների ընթացքում դու բացակայել ես մայրաքաղաքից: Եվ ահա Արարատյան աշխարհի սրտով անցնող երկաթուղին, որի վրայով կսլանան էլեկտրական դնացքները, քեզ կհասցնեն քաղաքամերձ, առենք «Արևելք» կոչվող կայարանը: Դու ցած կիջնես մադոնից և մի փոքր հանգիստ առնելուց հետո դուրս կգաս, դիմացդ կբացվի մի հրապարակ, որի շուրջն աստղային ծիծաղով շարվել են բազմաքանդակ կամարակապ. շենքեր. հրապարակի կենտրոնում, մարմարյա բարձր պատվանդանի վրա, ձեռքին բռնած բաց գիրքը, երկնքի կապույտին է նայում Մաշտոցի բրոնզե արձանը:

Ակամայից քայլերդ քեզ առաջ կտանեն, և դու կանցնես լայնարձակ, ծառաշատ պողոտայով, որի երկու կողմերում բարձրացած շենքերը կհմայեն քեզ իրենց պարզովթյամբ, գեղեցիկ ոճի ինքնուրույնությամբ:

Նունու՛թն իր նուրբ մատներով խառնում էր սիրած աղայի պանդուրները, համբուրում լայն ձակատը, հավերժահայտի նման շշնջում նրա ախանջին.

— Հավատում եմ քեզ, դիտեմ, որ կգա այդ օրը:

— Այո: Եվ Զանգուն իր ընթացքը կփոխի... քաղաք կմտնի նոր հունով և նրա արտասուքի նման վճիռ ջրերում կարտացոլվեն նայիրյան բարդիները: Կապուտակ ծովակից մինչև քաղաքը նրա ընթացքին զուգահեռ կբարձրանան բազմաթիվ գեղաքանդակ արձաններ:

Երիտասարդ Վանդանը սիրում էր կյանքը, սիրում էր իր Նունու՛թին և գիշեր-ցերեկ կլանում կյանքից, դիտական աշխարհից այն, ինչ անհրաժեշտ էր ստեղծագործական մտքի թռիչքի համար:

Սակայն աշխարհի վրա կախվեցին սև ամպերը, և դավադիր ու նենգ ոսոխը մտավ հայրենի հողը:

Վանդյանը վերջին անգամ նայեց Նունուֆին, գրկեց նրան, սեղմեց իր բաբախող կրծքին, համբուրեց նուրբ շարթերը և հետո նրան հանձնելով իր նախադժերի կապոցը՝ տարիներ իրազը, գնաց ռազմաճակատ:



Քաջում էր ռազմի դաշտերով Վանդյանն ու խորհում Նունուֆի մասին, նրա, որի մոտ թողել էր իր սերն ու տարիներ լիալիցալից երազները... Նա հիշում էր հայրենի երկիրը, որտեղ կտպույտ մշուշի մեջ նազում էին նախրյան բարդիները:

Այո, մեր լուսավոր կյանքը կործանելու համար են գալիս արյան մեջ լողացող նացիստական ոհմակները:

Նրա պաղ հայացքի տակ պայթում էր հրազենը, և ինքն իր արձակած գնդակից հետո ուզում էր իմանալ, թե արդյո՞ք ինքը չի վրիպել:

Օ՛, որքան ժամանակ է, ինչ Վանդյանը չի տեսել Նունուֆին, իսկ պատերազմի հրի ու ծխի մեջ անցնում են տարիները: Ինչպե՞ս է ինքը մոռացել... Վաղը դարնան առաջին օրն է: Նա աշխարհ է եկել քսանհինգ տարի առաջ, դարնան առաջին օրվա հետ միասին: Քսանհինգ տարեկան: Ուրեմն պատերազմի դաշտում է բոլորում իր կյանքի առաջին քառորդ դարը... Գուցե առաջին ու վերջին քսան և հինգ տարին:

... Վաղը դարնան առաջին օրն է, իր ծննդյան օրը: Նա հիշում է մորը: Հիշում է, թե ինչպես հարազատ մայրն իրեն գրկած սեղմում էր կրծքին ու ասում. «Դու ծնվեցիր դարնան առաջին օրը, դու լույս աշխարհ եկար, երբ գարունը բացվեց մեր աշխարհի վրա, և կանաչ գարունով կծաղկի կյանքդ...»:

Քսանհինգ տարեկան... Այժմ ավելի քան երեկից ինքն ուզում է ապրել, հաղթելու ու ստեղծագործելու համար:

Կրակում էր Վանդյանը, հազարավոր հրազենները ժայթքում էին կրակ ու բոց, և ռազմի դաշտը ծածկվում էր թշնամու նոր դիակներով:

Վանդյանը տեսավ, թե ինչպես իր կողքին խոցված կրծքով

ընկաւ հրամանատարը: Տեսաւ նա ու կրծքի տակ սիրտը զարկեց լեռնացող մի մոլուցքով:

Ոչ ոք, բացի Վանդյանից, չսեց հրամանատարի վերջին խոսքերը, գուցե և ոչ մի զինվորի սիրտ այդ պահին այնպես կըսկիծ շապրեց, ինչպես նրանը...

Գալիս էին թշնամու զինվորները: Մի ականթարթ, և խրամատի առջևի եզրին կուտակված խոնավ հողաթմբի վրա հայտնվում է սվինակիր հրացանը գրկած, նիհար ուսերով երիտասարդ մարդը...

— Հանուն սուրբ հայրենիքի, եղբայրներ, ելեք սվինամարտի...

Հազարավոր զույգ աչքերի մեջ արտացոլվեց խրամատի վրա հրացանը գրկած Վանդյանի պատկերը: Մարտիկները կռվի ահեղ աղաղակներով դուրս թռան խրամատներից, ու հողը տնքաց նրանց ոտքերի տակ... Գերմանացիները, որ խելակորույս ու օրհասական կռվի էին նետվել, դողացին, ցնցվեցին իրենց գեմ խոյացող սվինավոր մարտիկներից, ու ցույց տալով թիկունքը, փախան կռվի դաշտից...



Երբ արյունոտ սվինամարտը վերջացավ, երբ թշնամին փախավ կռվի դաշտից, օգնության հասած զորագնդի հրամանատարը մարտիկների հետ սկսեց փնտրել թաց հողաթմբի վրա բարձրացած նիհար ուսերով զինվորին, նրան, որն օրհասական ժամին սվինամարտի տարավ իր ընկերներին: Գտան նրան շրջապատված թշնամու զինվորների դիակներով: Նա ծանր վերքերից տնքում էր: Տեսնելով զորագնդի հրամանատարին ու ընկերներին, նա քաքի ու սև աչքերով նայեց նրանց, ուղեց բարձրանալ, բայց չկարողացավ: Նրան ոտքի կանգնեցրին ընկերները:

— Դու՞ տվիր սվինամարտի հրաման,— հարցրեց դնդապետը:

— Այո: Ես, ընկեր հրամանատար:

Դնդապետը, գրկելով նրան, համբուրեց ճակատը:

— Քաջ ես, արժանի հայրենի երկրիդ: Դեռ որքան էլ ջահել ես: Քանի՞ տարեկան ես, իմ զինվոր տղա:

Գարնան առաջին օրն էր, այդ օրվա հետ նա աշխարհ եկավ.
Թշնամին ուղեց խելի գարնան այդ օրը, որ վերջինը լինէր նրա
քսանհինգ տարին, և այդ օրն ինքը սվինամարտի գնաց... Նայե-
լով իր հրամանատարին, վանդյանը մեղմորեն պատասխան
տվեց.

— Այսօր լրացավ քսանհինգ տարիս:

1943 թ.

ՓԱՐՈՍԱՎԱՌԸ

Սև ծովի ափին, սպիտակ տնակում ապրում էին ծերունի Արեսն ու Փիրուզան:

Վաղուց, շատ վաղուց էին նրանք ապրում այդ տնակում, իսկ տնակը հարազատ էր նրանց. աստղակիր նավերից այցի եկող նավաստի որդիները մի նոր ուրախությամբ էին լցնում այն:

Բայց եղավ ժամանակ, որ մարդկանց աչքից չքացավ ծանոթ տնակը...

Ո՞ւր գնացին նրա բնակիչները: Ի՞նչ եղավ տնակը, չգիտեին մարդիկ:



Մռայլվեց ծովը, ծովից էլ մռայլ դարձավ Արեսը, երբ մի օր ծովափնյա նրա տնակը մտան թշնամի գինվորները:

— Այստեղից մենք կհսկենք երկինքը, — ասաց սպան, — իսկ դու, ծերուկ, կծառայես մեզ, պառավդ էլ մեր շորերը կլվանա:

Արտի խորքում լացեց Արեսը: Դառը արտասուքներ թափեց Փիրուզան: Ահա թե ինչ է նշանակում տիրակալ: Նրանք իր կյանքի վերջալույսն են ուզում մարել, ստրկացնել, որ հարբած երախներով ծիծաղեն մարդկանց խեղճության վրա:

Մռվափին, փարոսի բարձր աշտարակի մոտ դլրդոցով կանգ առան երկար փողերով ինքնագնաց հրանոթներ, երկնքի խուզարկու ձայնորսներ, շարժական փարոսներ:

Երկինքը խաղաղ չէր: Նրբ ամեն անգամ ծանոթ հոնդոցով սլանում էին աստղակիր սավառակները, կրակ ու հուր էին ժայթքում երկարափող հրանոթները, գործի էին դրվում ամպերը թրատող լուսարձակները:

Ծերունին ջուր վեր կրում, մաքրում գերմանացի սպաների

կոշիկները, իսկ Փիրուզան լվանում էր նրանց կեղտոտ շապիկները ու լվացքի տաշտակի մեջ դառը արտասուքներ թափում: Մոլուցքը կծկում էր ծերունի նավագնացի սիրտը:

Ուրախ ու գոռոզ էին գերամնացիները: Խմում էին Կովկասի անմահական գինին, վայելում ռուսական հացը:

— Այ, շուտով կվերջանա պատերազմը ու մենք կլինենք աշխարհի տերերը: Ինձ դուր է գալիս այս ծովափը: Այստեղ ես կառուցեմ կտամ իմ պալատը ու քեզ, ծերուկ, դռնապան կկարգեմ,— հաճույքից մարելով ասում էր գերմանացի սպան:— Կապրես իմ դռան առաջ քո պառավի հետ միասին, որն իմ հավերժ ու սագերը կպահի: Ուրախ չե՞ս ծերուկ:

— Ինչու չէ,— կույ տալով վիշտը, տխրությամբ պատասխանում էր ծերունի Արեսը ու մտքի մեջ փնտրում էլք՝ ոսոխին հպատակ շմնալու համար:

Ու մի գիշեր, որ առավոտ ծնեց, մռայլ ծերունին դարմանալի փոխվեց. անկարող էր իր միտքը Փիրուզային հայտնել և շշուկով նրան պատմեց... Ուրախացավ և Փիրուզան:

— Սա գիտեի, որ դու գլուխ չես խոնարհի թշնամուդ առաջ,— համբուրելով ծերունագարդ ճակատը ասաց նա:



Այդ գիշեր նորից խնճույքի էին նստել գերմանացիները: Սպան տոհմում էր Բեռլինաբնակ իր ֆրաուի ծննդյան տոնը:

Ծերունի Արեսն ու Փիրուզան ծառայում էին նրանց: Գինին հոսում էր գետի պես, ձկան պաղ աչքերով մարդիկ երգում էին ու խոպոտվում: Կես գիշերն անց էր, երբ ծովափին հայտնվեց Արեսը:

— Ո՞վ կա այդտեղ,— լսվեց պահակի ձայնը:

— Ինքն է, ծերուկը, գնդապետի հրամանով գալիս եմ քեզ մոտ:

— Ա՛, այդ դու ես ծերուկ: Խմում են բոլորը, իսկ ես մրսում եմ այստեղ:

— Ահա քեզ գինի, ինքը՝ բարի գնդապետն ուղարկեց և հրամայեց խմել իր ֆրաուի կենացը:

— Ինչ հրաշալի միտք, թող ֆյուրերը պահի նրան:

Եվ դողալով ձեռքերով նա վերցրեց գինու շիշը:

— Կենացը լինի մեր գնդապետի չքնաղ ֆրաուի:

Մթան մեջ ծերունու ձևըին դաշյունը շողաց ու գետին տապալվեց զինվորը: Արեսը հանեց հրանոթների փակադակները ու ծովը նետեց, հետո ավաղ լցրեց փողերի մեջ: Երբ գործն ավարտված էր, նա դանդաղ քայլերով տնակի կողմը քայլեց: Դռան մոտ նրան սպասում էր Փիրուզան:

— Ընկիր ճանապարհ, գնա ծովափով, չի անցնի կես ժամ և կենդանի չի մնա այստեղ ոչ մի մարդ...

Փիրուզան հպարտ քայլեց ծովափով, իսկ ծերունի Արեսը ախաններ դրեց խրճիթի պատերի տակ:

Հոսում էր գինին Կովկասի, ուսական հացն էին կրծում հարթած մարդիկ ու թնդում էր օտար երգը այն հարկի տակ, ուր իրենց բախտավոր ծերությունն էին անցկացրել Արեսն ու Փիրուզան:

Լեոնացած մոլուցքը սրտում ծերունին վառեց պատրույզն ու բռնեց ծովափնյա ճամփան: Հետո անցան սպասումի դար թվացող բոսիները, ու հանկարծ խաղաղ դիշերվա սիրտը պատռեցին պայթյունները:

— Վրեժն իմ արդար,— գրկելով ահից դուլացող կնոջը, հպարտ ասաց Արեսը,— հիմա, որ մեռնեմ, չեմ ավստոսա դրա համար...

Իսկ այդ պահին ծանոթ հոնդյունով դեպի մարտ էին խոչանում աստղակիր սավառնակները:

— Բարի երթ ձեզ օդային օվկիանոսների հպարտ բազաներ, ձեզ հետ է աշխարհը, ձեզ հետ եմ և ես...



Հետո հաղթանակ եղավ: Եկան հարազատ մարդիկ ու ոսոխների համար դերեզման դարձած տնակի տեղը նորը կառուցեցին:

Հիմա էլ այնտեղ են ապրում ծերունի Արեսն ու Փիրուզան, որոնց աստղակիր նավերից ամեն անգամ այցի են գնում նրանց երախտապարտ որդիները, իսկ ամեն զիշեր ծովային մեծ ճանապարհներէ վրա ուրախ կրակներով վառվում են լույսերը և բարի երթի պայծառ աչքերով ուղեկցում աստղակիր նավերին:

ԻՄ ԸՆԿԵՐ ՍՈՒՐԵՆԸ

1

Երբ ամեն անգամ հիշում եմ իմ ընկեր Սուրենին, հիշում եմ մեր գյուղը, գետակը, կարմիր ու սպիտակ ծաղիկներով ծածկված մարգագետինը, հիշում եմ գյուղին մոտ, գետակի վրա կառուցված կամարած կամուրջը, նրա տակ ջրերից դուրս ցցված երկու մամռոտ քարերը, որոնց վրա, ամռան շոգ օրերին, նստում էինք մենք ու կարթը ջուրը գցած՝ երազում աշխարհի ու արևի հավերժական երթի մասին: Ամեն անգամ մեր խոհերը պայծառորեն էին վերջանում, թե խավար գիշերից հետո միշտ առավոտ է լինելու աշխարհի վրա:

Իմ ընկերը մեր գյուղի վարժապետի մինուճար որդին էր. վարժապետի տունը գտնվում էր գյուղի ծայրին, որտեղից հավերժական մրմունջը պալ շրթերին հոսում էր գետակը: Հաճելի էր ժամերով նստել գետափին ու նայել սառնորակ ու վճիտ ջրերին, հրճվանքով դիտել հոսանքն ի վեր ընթացող ձկների վտառների հոգեզմայլ խաղը, հետո լողանալ, դուրս գալ ամբ, պառկել ու տաքանալ մանրահատիկ ավազների վրա: Այդ ո՞ր մանկան սիրտը ուրախությամբ ճիշ չի արձակել, երբ նրա պայծառ հայացքի տակ կարթի ծայրին ամրացրած խայծին է մոտեցել բլիկի ձկնիկը: Լիաթոք ծիծաղում էր իմ ընկերը, երբ խայծը կուլ տված ձկնիկը իր հետ քարշ էր տալիս թելը, որից ճկվում էր բարակ ու երկաթ ձողը և կտր շրջաններ էր գծվում ջրի երեսին:

Սուրենը բարձրահասակ էր, սև ու բոլորակ աչքերով: Երբ ծիծաղում էր՝ սպիտակ ատամնաշարի փայլն էր գծվում կարմիր շրթունքների վրա: Նրա աչտերը հացի միջուկի նման փափուկ ու լիքն էին: Սիրում էր երգել: Զնգուն ու քաղցրալուր էր նրա ձայնը, և այդ շարժում էր նախանձս: Ինչքան եմ ուզել նրա պես երգել, քանի՜-քանի՜ անգամ նրանից ծածուկ վազել եմ տերտերի տան հտնաբակը, ուր ամեն տարի գարնանը արևահամի համաբ մշակ-

Ներք դուրս էին բերում ու իրար կողքի շարում հաստափոր ու դատարի կարասները: Գլուխս կարասի մեջ կախած, երջանկությունից խոտի աչքերով երգում էի ընկերոջս երգած երգերն ու նրա ձայնի պես զիլ ու քաղցր էր հնչում ձայնս: Քանի՜-քանի՜ անգամ հպարտ ու ինքնագոհ, քրտնած գլուխս կարասից դուրս հանելիս հանդիպել եմ մոտս կանդնած ընկերոջս, որ ուրախ ծիծաղում էր: Եվ մենք երկուսով ծիծաղում էինք, իսկ աշնանը մշակները իմ երգեհոն կալասները մառան էին փոխադրում:

Յարի ու դթասիրտ էր իմ ընկերը:

Քանի-քանի անգամ աչքերին արտասուք եմ տեսել, երբ դասի ժամանակ զայրացած վարժապետ հայրը քանոնով խփում էր աշակերտներից մեկն ու մեկի գլխին, կամ դուրս վռնտում դասարանից: Տանը, տղան դառնում էր փոքրիկ մի դև. սեղան չէր նըստում ծնողների հետ, լալիս էր ու ոտքերը հատակին խփելով, պահանջում էր հորից չժեծել երեխաներին:

— Մի ծեծի, խնդրում եմ մի ծեծի երեխաներին: Եթե ծեծը լավ բան է, ապա ինչու ինձ էլ չես ծեծում, ես ամաչում եմ իմ ընկերներից, իսկ նրանց հայրերը չեն ծեծում ինձ:

Վարժապետը գլուղում ամենքին՝ պատմում էր իր որդու մասին:

— Խելոք ու ազնիվ է տղաս: Երբ մեծանա՝ ժողովրդի մարդ յղառնա նա:

Անբաժան էինք մենք:

Զմեռները, երբ ուշ էր լինում, գիշերում էինք որիս տանը պատահեր: Սուրենը սիրում էր տատիս, որ անհամար հեքիաթներ գիտեր: Իսկ ես սիրում էի վարժապետին, որը մեզ պատմում էր աշխարհի ու օվկիանոսների մասին: Երբ Սուրենն էր մեր տանը լինում՝ իջնող մթնշաղի հետ իրենց տան տափակ հողածածկ կտուրն էր բարձրանում վարժապետ հայրը, ուսերին գցած հնամաշ վերարկուն, նա տուն էր կանչում որդուն: Տառս լսում էր վարժապետի ձայնը, խորհրդավոր ժպտում էր ու աչքով անելով՝ հորս ասում:

— Սուրենը այս գիշեր մեր տանն է մնալու, խոմ կիսատ չեմ թողնելու հեքիաթը: Գնա և խմաց տուր վարժապետին:

Եվ մենք շնորհակալական մեր հայացքներն ուղղում էինք սիրունատես պառավին: Մինչ հայրս կտուրն էր բարձրանում պա-

տասխանելու վարժապետին, տատս ծնկի վրա ետ էր ծալում հինգ տակ իրար վրա հագած գույնզգույն շորերը և տակի գրպանից դուրս էր բերում քթախոտի հին ու մաշված տուփը: Խնամքով բաց էր անում հնամաշ տուփի իրար վրա հեծած կափարիչները, պլտ-վունցով վերցնում քթախոտը ու մոտեցնում ոռնգերին: Նա իր ձեռքի շարժումի հետ տանում էր ուշադիր ու չարաճճի մեր հայացքները: Առաջին փռշտոց... Ուրախ ճշում էինք մենք, թավալզոր գալիս թաղիքով ծածկված լայն թախտի վրա՝ օդան լցնելով մեր հոգեթով կանչերով, իսկ տատս շարունակում էր փռշտալ:

— Հա... փի՛, ա՛, փի՛-ա, փիա...

Հետո հանգստանում էր ու շարունակում արծվի թևով ճամբորդող քաջ երիտասարդի հեքիաթը:

Իմ ընկերը երազող էր:

— Կավարտենք մեր ծխականը, — հաճախ ասում էր նա, — քաղաք կգնանք, մեծ մեծ շենքեր, օվկիանոսներ ու ծովեր կտեսնենք: Եթե տա աստված՝ փող էլ ունենանք, կսովորենք ու բժիշկ կդառնանք, սպեղանի կդնենք մարդկանց վերքերին: Լավ է, չէ, կարեկից լինել մարդու վշտին, ամոքել նրա ցավերը:

Ինչ լավ ու պայծառ էր իմ ընկեր Սուրենը:

Մեր հայրերն էլ էին մտահոգված:

— Չէ, չէ, — գլուխն օրորելով ասում էր վարժապետը, — սրանց իրարից բաժանել չի լինի, պետք է մի բան մտածել, որ միասին քաղաք գնան:

Այո, մեզ բաժանել չէր լինի իրարից: Մեզ բաժանեց աշխարհի վրա բարձրացրած ամենակող պատերազմը, որ մի օր էլ իր արյունոտ ճիրանները պարզեց մեր գյուղի վրա...

2.

Այն տարվա ամառը դեռ իր հաշիվը աշնանը չէր հանձնել, երբ սուգ ու շիվանք բռնեց գյուղը: Գալիս էր անօրեն ու անգութ վաղեմի ոսոխը, լալիս էին մայրերը, լալիս էին հարս ու աղջիկ: Տղամարդիկ մռայլ էին, հայացքները՝ չարագուշակ, նրանք բարձում էին սայլերը, գոմերից ու բակերից դուրս էին բերում ոչխարի հոտերը, կովերի նախիրները: Կես գիշերին իրար ետևից ճռնչալով շարժվում էին սայլերը: Քանի օր ու գիշեր գնացինք, չգիտեմ: Շոգ

էր ու մեծ ճանապարհից բարձրացող փողին արևի դեմքն էր բռնեւել: Սայլերի ետեից կապած շները կարմիր ու չորացած լեզուները դուրս գցած, հազիվ էին քարշ գալիս: Կարծես դրանք այն շները չէին, որ կուշտ ու կռուշտ, պառկած բարձր ու բուրմունավետ խոտի դեզերի վրա, ահարկու ու արնակալած աչքերով հսկում էին շրջապատը, կամ տափակ կտուրներին պըպզած, դունչները վերցցած՝ լուսնահաշ տալիս, վախեցնում հավատացյալ պառավներին ու քունը աչքերին մոտ չեկող մանուկներին:

Քանի՜-քանի՜ անգամ իրենց սայլից ցած իջավ ու մեր սայլի կողքից քայլեց իմ ընկերը: Քանի՜-քանի՜ անգամ կարոտած սիրտըս ծով եղավ նրան տեսնելով և քանի՜ անգամ փորձ արեցի իջնել սայլից: Հայրս աշալուրջ հսկում էր և առաջին անգամ բարկացավ ինձ վրա, երբ փորձեցի նրանից ծածուկ իջնել սայլից, վազել ու գրկել իմ ընկերոջը: Նա ծանր տնքաց, պարզեց հաղթանդամ թևը, բռնեց վզիցս ու, ինչպես տանը եղած ժամանակ էր աներես լակոտին դուրս շարտում շեմից, շարտեց ինձ իրեղեններով բարձած ծածկված սայլի խորքը: Ես լաց եղա, առաջին անգամ զգացի վիրավորանք և այն վտանգը, որ ահավոր թևերը թափահարելով գալիս էր մեր ետեից: Իմ արտասուքները տեսավ ընկերս, նրա աչքերն էլ արցունքակալեցին ու նա գլխահակ հեռացավ մեր սայլից:

Լուսաբացին մեր գլխի վրայով սուլել սկսեցին գնդակները: Մենք հասել էինք մեծ գետին, և լուսաբացին մեծ գետի ջրերը մարդկանց արյունով ներկվեցին:

Ո՞վ ինձ հասցրեց լուսավոր այս ափը: Բայց երբ վտանգն անցավ՝ փնտրեցի իմ ընկերոջը ու էլ չգտա նրան...

3.

Անցան տարիներ...

Հեռու հեռավոր հուշ դարձավ մեր գյուղը, գետակը, կարմիր ու սպիտակ ծաղիկներով ծածկված մարգագետինները, բայց սրտումս անմեռ մնաց իմ ընկեր Սուրենի լուսապայծառ պատկերը: Որքան եմ նրա մասին մտածել, որպիսի ահավոր մտքեր են

անցել գլխովս: Ո՞վ գիտի, մի գուցե անօրեն թուրքի յաթաղանը նրա սիրտը պատռեց ու նրա դին գետը ծովի հատակը հասցրեց ու նրանով կշտացած՝ ծովաձուկը հաճույքից լողաց նավերի ետևից. դուցե վշտացած Արաքսը ափ շարտեց նրա դին ու մինչ լուսաբաց արյունոտ վերքերը լիզեցին բորենիները, հետո կշտացած սկսեցին սարերն ու անտառները չափել...

Որքան լավ ու պայծառ էր իմ ընկերը. ես չկարողացա մոռանալ նրան: Անդրանիկ որդուս անունը Սուրեն դրեցի, տարիներ հետո գտա նրա նկարը, մեծացրեցի ու կախեցի սնարիս վրա: Երբ քունը մոտ էր գալիս աչքերիս՝ բարի գիշեր էի ասում նրան, երբ լուս առավոտն էր մեր աշխարհը գրկում, բաց էի անում աչքերս. ու հոգիս խնդովթյուն էր ապրում. միշտ անպակաս էր ժպիտը նրա պատկերից:

Վիշտ, զրկանք ու ցավ տեսած մարդն ապրում էր երջանիկ ու բախտավոր՝ կառուցում էր նորն ու գեղեցիկը, երբ մահի ասպետները մահ սփռելով Հոենոսի, Վիսլայի ափերին՝ իրենց աշխարհակործան բանակները նորից ուղղեցին մեր հայրենիքի վրա: Հրով ու սրով նրանք անցան Դանուբն ու Դոնը, սև ամպի պես չոքեցին Վոլգայի ափին:

Վերջին անգամ ես կանգնեցի իմ ընկերոջ պատկերի առաջ ու խոսեցի նրա հետ.

— Տեսնում ես իմ մանուկ օրերի դու պայծառություն, նորից գալիս է գորշագգեստ պրուսացին, որ արյան խրախճանք կատարի, որ գետերը արյուն դառնան ու լացից կուրանան մայրերը: Օ՜, եթե դու կենդանի լինեիր, որպիսի մոլուցքով կկռվեիր ոսոխի դեմ, քանզի դու նույնպես մոռացած չէիր լինի արյունոտ այն տարիները:

Եվ մենք, որ սուրբ ազատությունն էինք վայելել, անցանք Դոնն ու Դանուբը, Վիսլան ու Օդերը, և մահվան ասպետների սփռած մահը իրենց բաժին դարձավ: Մեր հաղթական բանակներն անցան Բրանդենբուրգյան դարբասներով ու այնտեղ կախեցին ազատության մեր դրոշակները:

Օտար ափերում ես նորից հիշում էի իմ պայծառ ընկերոջը: Օ՜, որպիսի խնդովթյուն կզգար նրա սիրտը, եթե ապրեր նա ու տեսներ մեր մեծ հաղթանակը...

Զինվորական հիվանդանոցի պատուհանները բաց էին կանաչ պարտեզի վրա: Օդը խնկարկում էր ծաղկանց բույրը ու սղա-տության երգն էին երգում մարդիկ:

— Այստեղ, այս հիվանդանոցումն է պառկած պարտիզանա-կան ջոկատի հայ հրամանատարը, — ասաց իմ պետը: — Ես տա-նում եմ նրան գերագույն հրամանը, միասին գնանք:

Եվ մենք գնացինք:

Պառկած էր նա անկողնի ձյունե սպիտակության մեջ: Դալուկ էր դեմքը: Դողդոջ ձեռքերով բռնեց հրամանաթերթը, մոտեցրեց աչքերին ու կարդաց: Եվ ինձ ծանոթ մի ժպիտ լուսավորեց նրա դժգույն դեմքը:

— Ծառայում եմ ժողովրդին, — շրթունքներին սեղմելով Կե-րագույն Գլխավոր Հրամանատարի հրամանը, արտասովաթոր աչքե-րով ասաց նա:

Հետո մեր հայացքները հանդիպեցին իրար: Նա դողդոջ ձեռ-քերով շփեց ճակատը, սև աչքերի մեջ ուրախ վառվեցին կրակները, և ես հիշեցի մեր գյուղը, դետակը, մարգագետինը: Մենք վաղե-ցինք կարմիր ու սպիտակ ծաղիկներով ծածկված մարգագետինով ու քամին վը', վը', վը', վը', վը', վը' սուկեց մեր ականջներում: Ս', մանկական աչքերի անմար կրակներ, մի՞թե կարելի է մոռա-նալ ձեզ:

— Դուք հայ ե՞ք, — կամացուկ հարցրեց նա:

— Այո:

— Եվ անշուշտ Ղ. — ից: — Ու նա ժպտաց, — մի՞թե մոռացել եք ձեր ընկերոջը:

Նա էր, իմ ընկեր Սուրենը: Ես վախենում էի թարթել աչքերս. կարծես անկողնի սպիտակության միջից դալուկ դեմքով մարդու փոխարեն ինքը՝ իմ մանուկ օրերի ընկերը բարձրացավ ու նրա դրնդուն երգը օրոր ասեց ջրերին, նա կրկին նախատինքով խոսեց վարժապետ հոր հետ, և ես լսեցի նրա խոսքերը. «Մի ծեծիր, եթե լավ է ծեծը, ինձ էլ ծեծիր»:

Այո, ես վախենում էի թարթել աչքերս. կարծես երազ ու պատ-րանք էր այդ, նույնիսկ չէի շնչում: Նա փակեց աչքերը, ժպտաց խուփ աչքերով ու կամացուկ շշնջաց:

— Մենք գտանք իրար: Մոտեցիր ու գրկիր ինձ: Կյանքում ամեն ինչ պատահում է:

Ու կարոտակեզ մեր շրթունքները իրար հպվեցին:

— Ինչ լավ է, որ հանդիպեցինք: Յիր ու ցան եղանք այն դժնի-
օրը, անցանք պարսից հողը, հետո հայրս բնակություն հաստատեց
սլավոնական այս երկրում: Ազատության գինվոր դարձա ես: Տես-
նում ես, ծանր եմ շնչում, վայրկյաններով եմ հաշվում այն կյան-
քը, որի համար արյուն թափեցինք: Տար զավակներին Սովետա-
կան մեր հայրենիքը, թող տեսնեն ու սիրեն նրանք մեր լեռներն
ու շմոռանան ազատության գինվոր իրենց հորը...

Լռեց: Դաժան մահը իր դեղին մատներով սեղմում էր կոկոր-
դը:

— Մանուկ օրերի պես ամուր գրկիր ինձ, ես ուզում եմ վեր-
ջին պահին հայրենի երկրի կարոտն առնել քեզանից...

Իմ գրկում հանգավ նա, դադարեց բաբախել մեծ ու ազնիվ
նրա սիրտը:

Իսկ ես երբեք, երբեք չեմ մոռանա իմ ընկեր Սուրենին...

1947 թ. փետրվար

ԱՆԱԿՆԿԱԼ ՀԱՆԴԻՊՈՒՄ

Հայրենական Պատերազմի օրերին, Հովասափը մայրաքաղաքում ավարտելով գյուղատնտեսական բարձրագույն դպրոցը, չմտահոգվեց՝ պաշտոնավարելու մասին, նա կամավորագրվեց Սովետական Բանակին՝ նպատակ ունենալով զենքը ձեռքին՝ կռվել թշնամիների դեմ:

Բայց կատարվեց անսպասելին: Ռազմական բարձրագույն հաստատությունից Հովասափի դիմումն ուղարկեցին Հողագործության Ժողովրդական Կոմիսարիատ, իսկ այնտեղ նրան քարտեզի վրա ցույց տալով Օ. գյուղը, ասացին:

— Թիկունքում էլ աշխատողներ են պետք: Մեկնիր այս գյուղը:

Հովասափը համառեց, աղաչանք արավ: Ապարդյուն: Եվ նա գյուղ մեկնեց:

Մեծ է Օ. գյուղը:

Կռեկտիվ տնտեսության դաշտերն ու այգիները տարածվում են Կարմիր լեռներից մինչև Արաքսի ափը: Հովասափը օրեր շարունակ շրջեց դաշտերն ու այգիները, եղավ Արաքսի ափին, այնտեղ հանդիպեց սահմանապահ զորամասի ուղեկալի պետին, ծանոթացավ նրա հետ ու սրտով սիրեց նրան: Եվ Հովասափի հոգում հուշեր զարթնեցին, գծվեցին արյունի ու արցունքի տարիները: Արաքսի ջրերն այն տարիներին կարմիր էին հագել հարազատ մարդկանց արյունից: Ամեն ինչ լափող բոցերի մեջ վառվում էին շենքերն ու գյուղերը... Որպիսի՞ ժամանակներ էին: Այդ թոհ ու բոհի մեջ էր, որ կորցրեց ծնողներին... Հիշեց և մանկության օրերը: Իրիկնադեմին հարազատ գյուղը գծվեց ընդարձակ հարթության վրա, սպիտակ ու բարակիրան բարդիները նազեցին մայրամուտին: Ահա գյուղի մոտից անցնող գետակը պաղ ջրերով: Եղբոր հետ անցնում են գետակով, և ջրերի կոտրված հայելու մեջ քայ-

չում, դողում է իրենց պատկերը: Մայրը, բարի ու գթառատ մայրը, կտուրի վրայից կանչում է իրենց՝ Ի՞նչ եղան ծնողները, Ո՞վ գիտե, մի գուցե այն պահին, երբ որդեկորույս մայրն իրեն ֆիքնտրել արտասուքն աչքերին, անօրեն թուրքի յաթաղանն է պատռել նրա սիրտը, և ճանապարհի տրորված հողը ներկվել է մայրական արյունով:

Ուղեկալի պետը, որ նույնպես խորհում էր, հայացքը հեռուներից շլտրելով, կարծես ամփոփելով գյուղատնտեսի միտքը, առաջ.

— Ոճիրներ, նողկալի ոճիրներ են կատարվել այս վայրերում: Այստեղ, անմեղ հայի արյունն է թափվել:

— Եվ նրանք մենակ չեն կատարել: Ուր կա արյուն այնտեղ է գերմանացին:

— Դուք ճշմարիտ եք ասում: Բայց այս անգամ հավետ ծունկի կգա թշնամին:

Կոլտնտեսականները սիրեցին Հովասափին:

— Իր գործին գիտակ է, — ասացին նրանք:

Երեսունհինգ տարեկան, թիկնեղ, ռաֆայելյան դեմքով գյուղատնտեսը, լինելով ուշիմ ու խստապահանջ, ոչ մի ջանք չէր խնայում օգնելու հողի մարդկանց՝ պատերազմի տարիներին հողից վերցնելու այն ամենը, ինչ պետք էր հաղթանակի համար:

Դյուղից՝ ռազմաճակատներում կռվող իրենց հարազատներին գրած նամակներում կոլտնտեսականները չէին մոռանում և Հովասափի մասին գրել, գովում էին նրան:

Սակայն գյուղում գտնվեց մեկը, որ չսիրեց գյուղատնտեսին: Եվ սկսեց չարախոսել նրա հասցեին: Դա հաշվապահ Վարանցոն էր:

Հովասափի համար տարօրինակ էր հաշվապահի դիրքը: «Ի՞նչ է ուղում ինձանից, մտածում էր նա, ինչ վատ բան եմ արել նրան: Եթե խելոք մարդ է նա, ապա պետք է հաշվի առնի, որ այն ինչ կատարում եմ, միայն արդյունք է բերելու կոլտնտեսությանը»: Եվ հաշվապահից դառնացած գյուղատնտեսը այդ մասին պատմեց կոլտնտեսության նախագահ Լիպարիտին:

— Ես էլ եմ լսել, որ Վարանցոն չարախոսում է քեզ: Մի երկու անգամ դիտողություն եմ արել: Դու նրան մի լսիր, մենք գոհ ենք քեզանից:

Վարանցոյի մոտիկ մարդկանցից էին բանջարաբուծական բրի-

գաղի բրիգադիր Նուշիկի հայրը՝ քեռի Բարսեղը, պահակ վարոս ապերը:

Նրա պատերազմի վերջին տարվա բերքը ամբարները հասավ ու կոտնտեսականների հասնելիքի մասին տեղեկացավ քեռի Բարսեղը, մի օր էլ մոռցված դեմքով ընդունեց Վարանցոյին:

— Բանից երևում է,— ասաց նա,— որ քո բոլոր ասածները հիմք չունեն ու ժողովրդի համար աշխատող, դադափարով երիտասարդ է մեր գյուղատնտեսը:

— Ճտերը աշնանն են հաշվում, այս դեռ հեռ, մարդկանց աշքերին թող է փշում նա, իսկ գիտես ինչ ծախսեր ենք անում նրա ներսից. հայ պարարտանյութի համար դրամ տվեք, հայ պարարտանյութը կայարանից փոխադրենք, հայ գոմաղբը դաշտ տանք ու այդպես անվերջ:

— Ասում ես ճտերը աշնանն են հաշվում: Հաշվեցի ու հիմա գտնում եմ, որ աղջիկս ճիշտ էր ասում Հովասափի մասին: Մարդը գլուխը դրել է գործի համար. չէ, երևում է հալալ կաթնակեր է:

— Սաջի հացի պես շուտ ես շուտ գալիս, այ Բարսեղ,— սրտնեղած պատասխանեց Վարանցոն: Աղջիկդ ուրիշ բան ասել չէր կարող. դու դեռ շատ բան կիմանաս...



Հաղթանակի լուրը ցնծովյամբ ընդունեցին գյուղում: Ուրախովյան արտասուքներ էին թափում պատերազմի երկար ու ձիգ տարիներին իրենց կյանքն ու վատապալ հայրենիքին նվիրաբերած մարդիկ: Ռազմաճակատներից վերադառնալ սկսեցին հերոսական մարտիկները, ծայր առան խնճուկներն ու հարսանիքները:

Գյուղատնտես Հովասափի կրծքի տակ սիրտը ուժգին բաբախեց ընտանիք կազմելու ցանկովյամբ: Ինքը, վաղուց նկատի ուներ քսանհինգամյա սիրունատես Նուշիկին, բայց երբեք սիրտը բաց չէր արել նրա առաջ: Այո, նա իրավունք չէր համարում իրեն, պատերազմի ժամանակ ընտանիք կազմելու մասին մտածել: Իսկապես, Նուշիկն էլ կարծես անտարբեր չէ իր նկատմամբ, մի գուցե սիրում է...

Նվ պատահեց այն, ինչ հաճախ է պատահում երիտասարդ մարդկանց հետ: Նույն տարվա ամռանը, երբ արծաթափայլ մի գիշեր հարսանիք կար և լուռնան կարծես լուռնին աչքով էր անում, մարդիկ երգում ու պարում նորապսակներին տուն՝ էին տանում,

Նուշիկի կողքին հայտնվեց Հովասափը: Նրանք ժպտացին իրար: Հետո չզգացին իշ, թե ինչպես ետ ընկան հարսանիքավորներին... Դարավոր ընկուզենու տակ նրանց հայացքները հանդիպեցին իրար:

— Սիրում եմ,— հազիվ կարողացավ շշնջալ Հովասափը,— ասա՛, դու էլ սիրո՞ւմ ես ինձ...

Նուշիկը լուռ էր: Նա շիկնել էր հացթուփի բատաթին պատրաստ թոնրի շրթի պես: Աղջկա լուովթյունը Հովասափի սրտում նոր ուժով բորբոքեց սերը: Նա վերցրեց Նուշիկի ձեռքը, որը իր լայն ափի մեջ դողդողաց վանդակ ընկած թռչնիկի պես, ապա մյուս թևը փաթ տվեց նրա կարապի նման բարձր ու ճերմակ պարանոցով և նրանց հայացքներն ու շուրթերը հանդիպեցին իրար: Հետո ծիծաղեցին երկուսով և որպես մոտիկ բարեկամներ, ձեռք-ձեռքի բռնած հասան խնդովյամբ համակված մարդկանց...

Գյուղում մարդիկ սկսեցին խոսել նրանց սիրո մասին:

— Լավ է,— ասացին կոլտնտեսականները,— Հովասափն էլ մեր գյուղից չի գնա, տուն-տեղ կդառնա:

Ծերունիները գոհ սրտով ընդունեցին այդ լուրը և անհրաժեշտ համարեցին արագացնել նրանց հարսանիքի պատրաստությունը:



Հովասափի և Նուշիկի սիրո մասին վարանցոյից իմացել էր նաև ծերունի Բարսեղը:

— Տղան մեր գյուղում մնացող չէ, արտմովյամբ ասել էր վարանցոն,— ով գիտի, որ գնաց, էլ նրան որտեղ կարող ես գրտնել, մի թողնի, քեռի Բարսեղ, որ աղջիկդ կապվի նրա հետ, մի անբախտացնի Նուշիկի պես սիրուն բալիդ:

— Ասում ես գյուղում մնացող չէ՞:

— Հա: Ինքն է ասել:

— Ուրեմն աղջիկս էլ նրան ուզող չէ:

Եվ այդ օրվանից վարանցոն հաճախակի հանդիպում էր քեռի Բարսեղին, նա վերստին նվաճել էր նրա սերը, իսկ քեռի Բարսեղը սկսել էր խուսափել Հովասափից:

— Տո մի ասող լինի, ինչ է արել Հովասափը, որ ամեն տեղ մարդիկ նրա լավի մասին են խոսում:

— Վա՛, Բարսեղ, էդ որ օրվանից է, որ խիղճդ կորցրել ես ու

Հովասափի մասին վատն ես խոսում,— ասում էին կոլտնտեսականները,— Հովասափը սրտով աշխատող մարդ է, ով էր տեսել որ Շեկ հողերի այգիները բերք տան, հիմա միլ գնա տես, ինչ է դարձրել, մարդը գաղափարով աշխատող է երևում...

— Ասում են, որ ուզում է մեր գյուղից հեռանալ:

— Հեռացողը չի, հարկավոր է նրան մեր գյուղում պահել, էդ չէլ քո շնորհքից է կախված, ախր նուշիկը սիրում է...

— Է՛, շատ բան են ասում, դու ինձանից հարցրու,— սրտնեղած պատասխանում էր քեռի Բարսեղն ու անիծում Վարանցոյին, որ նորից կասկած էր գցել իր սիրտը: Թե որ սիրում է աղջկանս, ինչո՞ւ մի օր ինձ հետ չի խոսում: Ծ՞ս եմ պահել, մեծացրել նրան, թե ինքը...

Նուշիկը գիտեր հոր մտադրությունը: Եվ չէր զարմանում, որ քանի մոտենում էր աշունը, նա այնքան հաճախ ակնաբկներ էր անում նշանադրության մասին:

— Բալաս, անցյալ օրը մեր Վարոսը կտրեց առաջս, թե քեռի Բարսեղ Վաղոն ոնց տղա է, դե ես էլ ասի, որ նրա նմանը գյուղում չկա: Նա էլ՝ ուրեմն հավանում ես, ես էլ թե ոնց կարելի է ուսումնական մարդուն չհավանել, համ էլ իմ աչքի առաջն է մեծացել, լավ էլ ծնողներ ունի, որ էդպես է, ասում է, քեռի Բարսեղ, շուտով նրա հերն ու մերը խնամախոս են գալու:

— Ես ինքս ինձ համարժ փեսացու կընտրեմ, հայրիկ, մի՞թե դու համաձայն չես դրան:

— Նայած թե ով է:

— Կիմանաս, մի օր էլ նրա կողմից խնամախոսներ կգան:

— Չի՞նի գյուղատնտեսին ես ընտրել:

— Ասենք թե:

— Հա, բա շուտ ասելիք էլի, որ աղա փեսացուիս աչքը վրաս քաղցր լինեք:

— Դու ծաղրո՞ւմ ես:

— Բա, որ քեզ թողնի ու քաղաք գնա:

— Այդ Վարանցոյի հնարած բանն է: Նա կմնա մեր գյուղում, իսկ եթե գնա էլ մենք երկուսով կգնանք: Իմ քույրերից որն է մնացել գյուղում: Ինչ վատ բան է:

— Տես, չսխալվե՛ս:

— Անհոգ կաց, բայց դու սիրիր նրան հայրիկ, նա ազնիվ

մարդ է, լավ ու բարի սիրտ ունի: Ես երբեք ու երբեք չեմ կասկածում նրա ազնվություն վրա:

Եվ աղջկա հետ ունեցած զրույցից հետո, քեռի Բարսեղը, որ տարիներ շարունակ հիվանդության պատճառով դաշտ չէր գնացել, որոշեց գնալ Շեկ հողերի այգիները և իր սեփական աչքով տեսնել այն ամենը, ինչի մասին խոսում էին կոլտնտեսականները:



Մի քանի օր անց կոլտնտեսականները զարմացած հայացքներով չափեցին ծերունի Բարսեղին, որը քայլում էր այգիները տանող ճանապարհով:

— Էդ ո՞ւր բարով, — ծերունու ձեռքը սեղմելով հարցրեց կոլտնտեսության նախագահ Լիպարիտը:

— Շեկ հողերի այգիներն եմ ուզում տեսնել:

— Զեա ճանաչի, ուրիշ բան են դառել: Դե սպասի՛ր կարգադրեմ կառքը դա, միասին գնանք, — ասաց նախագահը:

Ողջ ճանապարհին Լիպարիտը պատմում էր գյուղատնտեսի մասին:

— Աշխատող է, ասում եմ, աշխատող: Սիրտը ցավում է ամեն մի վազի համար: Նրա ղեկավարությամբ տնկած նոր այգիներն էլ այս տարի բերք են տալու, պետք է շնորհավորել նրան, քեռի Բարսեղ, ասում են չովասափը սիրում է նուշիկիդ, լսել ե՞ս:

— Ասում են:

— Ասում են, որ Վարանցոն տակից գլխից դուրս է տալիս ու դու էլ նրան ես լսում:

— Ո՞վ է ասում:

— Ասում են, — ծիծաղելով պատասխանեց Լիպարիտը, — որ ասում են, ուրեմն մի բան կա:

Ամռան վերջին ամիսն էր ու այգիների վրա, օդի մեջ կախված էր հասունության բույրը:

— Ահա և Շեկ հողերի այգիները, — կառքից ցած թռչելով ասաց Լիպարիտը, — մի բերքին նայի՛ր քեռի Բարսեղ: Արևս վկա, այս տարի աշխօրին երկու կիլոգրամ խաղող այստեղից կբաժանենք, իսկ հիշում ես, որ Վարանցոն առաջարկում էր քանդել Շեկ հողերի այգիները:

— Հիշում եմ: Ասում էր ստացածը, ծախսած աշխօրերի արժեքն էլ չի հանում:

— Բաս, մարդու գործը այստեղից է երևում: Կա՛վ փեսացու է Հովասափը, դեմ մի կանգնիր, Նուշիկի սիրտն էլ մի կոտրիր:

— Դեռ կտեսնենք,— վազերի միջից կիսաձայն ասաց ծերունին,— բերքի մասին ասելիք չունեմ, թե որ ձեռքերովս շտնաղեի խաղողի ձիթերը, չէի հավատա:

— Արդեն երկու տարի է ինչ այսպիսի բերք ենք հավաքում: Հիմա գնանք բոստանները: Դու մի տես ինչ ենք վերցնում այնտեղից: Հիշում ես չե՞, քեռի Բարսեղ. էլի Վարանցոն չե՞ր, որ կուրծք էր ծեծում թե Արաքսի ափի հողերում բոստան կամ այգի չի լինի, մեր պապերը շատ են փորձել ու դատարկ են նստել, հը, հիշո՞ւմ ես:

— Հիշում եմ:

— Զե՞ր ասում, որ դյուղատնտես Հովասափը ծախսեր անելու հետ շատ գլուխ ունի, հողբաժնումն էլ դեռ դեմ էր խոսել մեր կազմած պլաններին: Բա հիմա ոնց է կոտրած ձեռքով ամեն օր մուտք գրում, իսկ ծախս չկա, հավաքի բերքը թե որ կարող ես:

— Էդ մի քիչ էլ փա՛ աղջկա շնորհքիցն է,— հպարտությամբ ասաց ծերունին:

— Զեմ ժխտում, այստեղ աշխատողները, բրիգադիր Նուշիկի հետ միասին կարող են օրինակ դառնալ բոլորի համար:

Տեսնելով մոտեցող կառքը, Հովասափն ու Նուշիկը ընդառաջ գնացին: Դյուղատնտեսը մոռացած իրեն հասցրած վիրավորանքները, մեծ հարգանքով ու սիրով ապագա աներոջը պատմում էր.

— Աշնանը այս բոստանների տեղը գառան դմակ տեսակի խաղողի մատներ կտնկենք և մի քանի տարուց հետո հրաշալի բերք կվերցնենք: Բերրի են այժմ այս հողերը, շատ բերրի:

Ծերունին փորձառու մարդու համառությամբ շարունակում էր լինել փարթամորեն աճած թաղերը, որոնք փռվել էին ածուկներում: Ամբողջ ժամանակ նա լուռ էր: Երբ հառան վերջին ածուկները, ուր կանաչ գամբուլներով հավաքում էին ծերը ծաղիկ, կանաչ ու ախորժակ դրդառող վարունգներ, քեռի Բարսեղը կանգ առավ:

— Հա՛, հիմա որ հասկացա: Դրուստ են ասում, գիտությու՛ն ասածը լավ բան է: Այ, ինչ եմ ասել: Յոթնասուն տարեկան մարդ եմ, բայց մեր դյուղում էսպես հրաշք բան չէի տեսել: Ասլրես

որդիս: Շնորհավորում էմ: Քեզ էլ, աղջիկս, լավ կամքի տեր ես: Էլ ինչ ասեմ, բարով հասնեք ձեր մուրազին, — և ծերունու ձայնը կերկերաց, ուրախության արտասուքները կախվեցին արծվային աչքերից:

Նուշիկը շրջեց դեմքը, նա իր կյանքում երբեք այդպես բախտավոր չէր եղել: Ուրախ էր և նախագահ Լիպարիտը:

— Այգեկութից հետո հարսանիքի թամադան ես եմ լինելու, ասենք ես էլ խնամախոս կդամ:



Ճաշից հետո Հովասափը ձեռքը վերցրեց Միշուրինի աշխատությունը: Նա չզգաց էլ թե երբ գյուղի վրա իջավ երեկոն ու երբ գիշեր եղավ: Քնել էր և դարձյալ Արաքսի ափին էր: Նուշիկն էր ժպտում նրան, այն պայծառ աղջիկը, որը դաժան պատերազմի տարիներին անբաժան էր իրենից: Դռան վրա կրկնվող զարկերը արթնացրին նրան:

— Կեսօր էր, իսկ հիմա արդեն գիշեր է, — մթնոթյան մեջ գլուխը երերալով փնթփնթաց նա:

Դռան վրա կրկնվեցին զարկերը:

— Ո՞վ է, — ձայնեց նա:

— Ես եմ Հովասափի ջան, — դրսից լսվեց պահակ Վարոսի ձայնը:

— Խեղ լինի Վարոս ապեր, — էլեկտրական լամպի կոճակը պտտելով խոսեց Հովասափը, ապա բաց արեց դուռը:

— Խեղ չէ, բա ինչ պիտի լինի, — կիսաբաց դռնից ներս մտնելով ուրախությամբ պատասխանեց կարճահասակ, սապատավոր քթով ու կարճ բեղերով Վարոս ապերը, — եկա որ մի արագ անուշ անեմ:

— Շատ էլ լավ ես արել: Ես, իսկույն, Վարոս ապեր, — հյուրասիրաբար ասաց գյուղատնտեսը և պահարանը բաց անելով սեղանի վրա դրեց օղիով լի շիշը:

— Սաղ լինես, որդի, բարով-խեղով հասնես մուրազիդ: Հ՞ը, Բարսեղը էլի՞ քացի-քացի է անում, — հանկարծ հարցրեց ծերուկը:

— Չէ, չէ, — ծիծաղելով պատասխանեց Հովասափը: Մյուսօր դու այնտեղ չէիր. նա դաշտ էր եկել, մենք հաշտվեցինք:

— Իշալլա, ուրեմն սաղ ու սալամաթ լինես, Նուրիկի հետ մի բարձի ծերանաք,— բարեմաղթեց նա ու լիքը գավաթը մոտեցրեց շուրթերին:

Հովասափն էլ մի գավաթ օղի ըմպեց:

— Հա՛, արաղը իրա տեղը, համա դրա համար չեմ եկել: Էգուց կիրակի է, բոստաններում աշխատանք չկա: Բայց դու արի, կարևոր բան պիտի ցույց տամ քեզ:

— Ի՞նչ նոր բան ես մտածել, Վարոս ապեր,— ժպտալով հարցրեց Հովասափը:

— Արի, կիմանաս, լավ բան է, լավ բան:

— Էավ, շատ լավ, Վարոս ապեր,— քո աղիզ խաթրի համար առավոտյան անպայման կգամ:

— Ես էլ թոռս կպցեմ ու քեզ Արաղի ձկով դոնաղ կանեմ,— բարի գիշեր մաղթելով ասաց Վարոս ապերն ու դուրս գնաց:



Իր սովորության համաձայն Հովասափը վաղ առավոտյան քաժանվեց անկողնուց: Կվացվելուց հետո թեթև նախաճաշեց: Ժամը ութին դուրս եկավ տանից... Նրկու կամուրջների վրա նկատեց ուղեկալի պետին, որը սպիտակ նժույգ նստած, վարգով, երեք հեծելակների հետ դեպի գյուղ էր գնում: Ուղեկալի պետը հասնելով Հովասափին, քաշեց ձիու սանձը:

— Դեպի բոստաններ՞ը,— ջերմորեն սեղմելով գյուղատնտեսի ձեռքը, հարցրեց նա:

— Ճիշտ այդպես,— ժպիտով պատասխանեց Հովասափը:— Հարկավոր է դեռ երկար ուսումնասիրել այս հողերը: Ձեզ հայտնի է՞ արդյոք, որ մեր վարչությունը որոշել է աշնանը բոստանների տեղը նոր այգիներ տնկել:

— Այո: Ի սրտե շնորհավորում եմ ձեզ: Գիտեք,— Հովասափին ծխախոտ առաջարկելով խոսեց նա,— չգիտեմ ինչու, երբ ամեն անգամ տեսնում եմ ձեզ, ահամայից հիշում եմ ընկերոջս: Երեք տարի նրա հետ միասին, կողք կողքի կռվեցինք գերմանացիների դեմ: Նրա երակներում սովետական մարդու արյուն էր հորդում: Հիշում եմ, թնդանոթների ահեղ որոտից հետո, նա հաճախ պատմում էր ինձ իր կյանքի մասին: Վերջին գիշերը նա ջերմ, շատ ջերմ ու պարզ կերպով արտահայտեց իր մտադրությունը, «Հաղթանա-

կից հետո,— ասաց նա,— քաղաք չեմ վերադառնալու: Գնալու եմ հայրենի իմ գյուղը. այնտեղ մենք ունենք «կուրգաններ» կոչվող հանդամաս ուր չի բուսնում և ոչ մի հասկ: Փոքրիկ ջրանցք կհանենք, ջուրը կհասնի այդ հողերը և ես այնտեղ կտնկեմ խնձորի մի այգի, թող մեր սերունդները հիշեն, որ եղել է մի ռազմիկ, կռվել է ու հաղթանակով տուն եկել, տնկել է այս այգին...»: Այժմ դուք կատարում եք այն, ինչ իմ ընկերն էր տեսնում: Այո, իմ ընկերը զոհվեց ռազմաճակատում, իսկ դուք իրականացնում եք նրա իղձը:

Ուղեկալի պետից բաժանվելուց հետո, Հովասափը ավելի դանդաղեցրեց քայլերը: Իսկապես, ի՞նչ արտակարգ դործ է կատարել ինքը, որ ամենքն այնպես սրտով են ընդունում իրեն: Այ, ուրիշ բան է ուղեկալի պետը, նրա ընկերն ու էլի քա՛նի-քա՛նի հազար մարդիկ: Որպիսի պայծառ միտք հայտնեց ուղեկալի պետը... Քայլում էր Հովասափը և մտքի թևերով սլանում մի հնգամյակ առաջ: Այո, Կարմիր լեռներից մինչև Արաքսի ափը հարյուրավոր հեկտար նոր այգիներ կփռվեն Արարատների դիմաց, իսկ որպիսի երջանկություն կբերեն կոլտնտեսականներին առատության աղբյուր հանդիսացող այդ այգիները... Բոլորի կամքով այգիների կենտրոնում ինքը կառուցել կտա մի աղբյուր հուշարձան, հայրենիքի ազատության համար իրենց կյանքը նվիրաբերած հերոսների հիշատակին: Բազմաքանդակ աղբյուր հուշարձանի մարմարիոնալանջ ճակատին գրել կտա Իմաստուններից Իմաստունի խոսքերը. «... Մեր մարդկանց թափած արյունը անտելի շանցավ և տվեց իր պտուղները...»: Այո՞, այդպես էլ կլինի:



Հասնելով բոստանները, Հովասափը կանգ առավ և տիրակալի հայացքով նայեց այնտեղ աճած փարթամ բուսականությանը: Կարծես գետնի տակից նրա կողքին բուսնեց ծերունի Վարդսը:

— Եկա,— ծերունու պարզած ձեռքը սեղմելով ասաց Հովասափը:

— Մեր աչքի վրա եկար: Գնանք հուլայը, մի նստիր հանդրատացիր,— ուրախաձայն պատասխանեց կարճահասակ ծերունին:

— Է՞, Վարդս ապեր, դու էլ էիր ասում, որ Արաքսի ափի հողերը բար չեն տա: Բա ո՞նց տվեցին:

— Ինչ իմանալի: Գիտությունս սենեցող մարդիկ Մասիսն էլ կծակեն: Հիմա ես էդ բանը հասկացել եմ:

— Այդպես է Վարոս ապեր: Եթե մենք գիտություն չունենալինք և սրտով շտիրենք մեր հայրենիքը, չէինք կարող հաղթել թշնամուն:

— Հա՛, դրուստ ես ասում,— փնթփնթաց ծերուկը:— Գնանք, զնանք հուլալը:

Երբ երկուսով ներս էին մտնում տնակը, սեմի վրա գլուղատնտեսը հանկարծակիի եկած, կանգ առավ, այնտեղ էր հաշվապահ Վարանցոն, որը թիկն էր տվել փալասով ծածկված թախտի վրա:

— Դու, այստե՞ղ,— չկարողանալով թաքցնել իր հուզմունքն ու զարմանքը, հարցրեց Հովասափը:

— Հա՛, ես այստեղ եմ,— շողում ժպիտը դեմքին պատասխանեց Վարանցոն,— Ի՞նչ կա որ, ուզում եմ քեզ հետ առանձին խոսել: Գործ ունեմ:

— Գործ ունե՞ս,— ավելի տարակուսած հարցրեց Հովասափը:— Մի՞թե այդ մասին չէիր կարող ինձ հետ խոսել գլուղում:

— Չէ, գործը երկուսիս է վերաբերում...

Հաշվապահը աչք ունքով Վարոս ապորը հասկացրեց, որ նրա բացակայությունը ցանկալի է:

— Հա՛, է, ոնց էի մոռացել: Մի գնամ տեսեմ ինչ եղավ թոռս, չի՞նի անտեր ձկները տարած լինեն,— ասաց ծերուկն ու դուրս գնաց...



— Ես գործ ունեմ քեզ հետ Հովասափ, դրա համար էլ կանչել եմ այստեղ,— ուղիղ նայելով գլուղատնտեսի աչքերի մեջ և տեղից չշարժվելով խոսեց հաշվապահը:

— Ի՞նչու անպատճառ այստեղ,— կրկին հարցրեց Հովասափը և նրան համակեց վատ նախազգացումը,— Ի՞նչ է ուզում անել իրեն այդ շար մարդը:

— Գաղտնիք է,— հողագույն, խոշոր աչքերը կկոցելով պատասխանեց Վարանցոն,— կան բաներ, որ մեր մարդիկ չպետք է իմանան:

— Մեր մարդիկ չպետք է իմանա՞ն: Տարօրինակ է:

— Պատահում է:

— Ուրեմն ասացեք, ես ձեզ լսում եմ:

— Եկեք լինենք անկեղծ: Դուք գիտեք, որ ես ձեզ չեմ սիրել: Բայց այժմ դուք իմ բարեկամն եք, ասա իմ ձեռքը:

— Ինչպես հասկանալ այդ: Ուրեմն դուք զգացիք ձեր անիրավացի լինելը իմ նկատմամբ: Տեսաք, որ հաղթեց գիտությունն ու աղնիլ աշխատանքը, — հաշվապահի ձեռքը սեղմելով ասաց նա:

— Ես այդ մասին չէ, որ պետք է խոսեմ ձեզ հետ: Մի կողմ թողնենք մեր հին վեճը: Այդպես էլ պետք էր: Բանից երևում է, որ դուք շատ խակ եք քաղաքականության մեջ: Իսկ այժմ, աղնվորեն պատասխանեք իմ հարցերին:

— Ես, վարանցո, իմ կյանքում միշտ էլ աղնիլ եմ եղել, — վիրավորված շեշտով պատասխանեց Հովասափը:

— Լավ, այդ դեպքում ասացեք, — խորամանկ ժպիտը դեմքին խաղացնելով, մի պահ լռությունից հետո վերստին խոսեց հաշվապահը, — ինչ ազգականներ ունեք Արաքսի այն ափին:

— Արաքսի այն ափին, — Հովասափը դառնորեն ժպտաց: — Ո՞վ պիտի ունենամ: Հայկական ջարդերի տարիներին կորցրեցի ծնոդներին: Նրանք կենդանի լինել չեն կարող: Ես ոչ ոք չունեմ այնտեղ: Իսկ ինչո՞ւ եք հարցնում այդ մասին:

— Կարևոր է:

— Բայց, ներեցեք, ինձ դուր չի գալիս ձեր խոսակցության եղանակը: Դուք հանդես եք գալիս որպես քննչական մարմնի աշխատող: Խնդրում եմ վերջ տվեք ձեր յուրօրինակ հարցաքննությանը:

Հաշվապահը վառեց ծխամորձը:

— Ուրեմն ոչ ոք չունե՞ք:

— Ասացի ոչ ոք:

— Իսկ եթե կենդանի լինեն ձեր հարազատները:

— Այդ անկարելի է:

Վարանցոն գրպանից դուրս բերեց մի լուսանկար և մեկնեց Հովասափին.

— Մի գուցե կճանաչեք այս մարդկանց:

Հովասափը վայրկենապես խլեց նրա ձեռքից լուսանկարը: Մի պահ դժվեց հայրենի գյուղը, հարազատները: Նա ճանաչեց: Այդ իր ծնոդների նկարն էր:

— Ինչպե՞ս... միթե այս պատրանք չէ:

— Ոչ բարեկամ, բայց մի շտապեք: Վերցրեք այս նկարը ևս և ասացե՛ք՝ այս ձեր ավագ եղբորը՝ Սամսոնի նկա՞րն է, թե՞ ոչ:

Երկար ժամանակ Հովասափը նայում էր նկարին, նա սկսեց ողջ մարմնով դողալ, ճանաչեց եղբոր նկարը: Այո, հարազատ դիմագծերը չեն մոռացվում, թեկուզ անցնեն տասնյակ տարիներ:

— Խոսեցե՛ք վերջապես: Այս ինչ անլուծելի հանելու՞ճ է, — կերկերուն ձայնով ասաց նա:

— Հանգստացե՛ք, սիրելի բարեկամ: Ես ամեն ինչ կբացատրեմ ձեզ:

— Եղեք բարի և ոչ մի բան միք թաքցնի ինձանից: Հասկացե՛ք, ես ոչինչ, ոչինչ չգիտեմ նրանց մասին:

— Ես ձեր եղբոր՝ Սամսոնի բարեկամն եմ, — ծանր լուովյունը խզելով սկսեց իր խոսքը Վարանցոն: Մենք տեսնվում ենք... Նա ինքը գտավ ձեզ, երբ մեր հանդիպումներից մեկի ժամանակ ես հարց տվեցի նրան, թե այդ ինչպե՞ս է, որ ինքը ոչ մի բարեկամ չունի, նա խորին կակիծով պատմեց, որ ոչ ոք չունի: Հետո ասաց, որ ունեցել է կրտսեր եղբայր, որին կորցրել է գաղթի ժամանակ: Իսկ դուք նրան շատ եք նման: Ես պատմեցի ձեր մասին: Նա խընդրեց, որ ես իրեն ցույց տամ ձեր լուսանկարը: Ինձ հաջողվեց տանից վերցնել ձեր լուսանկարը: Ես ցույց տվեցի նրան, իսկ նա լաց եղավ ուրախությունից: Սամսոնը ճանաչեց ձեզ: Ահա այն ամենը, ինչ կարող եմ ասել նրա մասին: Իսկ ով եմ ես, կռահիր ինքդ: Այստեղ առում եմ ամենին: Հայրս անգլոհայատալ էր, մանկությունս անց եմ կացրել Սիրիայում: Այո, մենք այստեղ եկանք նրանց թելադրանքով. երբ մի անգամ հայրս անդգույշ գտնվեց ու բացվելու վրա էր կծիկը, նրա կյանքին վերջ տվեց հորեղբայրս: Այս ինձ իր խնամքի տակ առավ, ես շատ բան սովորեցի նրանից: Դուք ասում եք վերջացել է պատերազմը. ո՛չ, այն նոր պիտի սկսվի: Առ այժմս այսքանը: Ասացե՛ք, խնդրեմ, չէի՞ք ցանկանալ երբեք տեսնվել ձեր մեծ եղբոր հետ:

Վարանցովն ոտքի կանգնեց, — ես մի ղնամ տեսնեմ ինչ եղավ Վարոս ապերը, իսկ դուք որոշեցե՛ք՝ երբ եք ցանկանում տեսնվել ձեր եղբոր հետ: Անշուշտ մենք կպայմանավորվենք:



Այն, ինչ կատարվեց հաշվապահի դուրս գնալուց հետո, մի քանի րոպեում, երբեք իր կյանքում չի մոռանա Հովասափը:

— Այստեղ եմ, եղբայրս,— տնակի խորքից լսվեց մի ձայն և հետ գցելով անկյունի ծածկոցը, նրա դեմ կանգնեց միջահասակ, գեղջկական շորերով թիկնեղ մի մարդ: Ասա՛, չե՞ս ճանաչում քո Սամսոնին:

— Գյուղատնտեսը ցնցվեց: Վատ երազի մեջ ընկած մարդու նման ուզեց ճշալ, որ շարը խափանվի, չկարողացավ: Ուշքի եկավ եղբոր գրկում, որ նրան համբուրում էր ու կիսածայն ասում.

— Ամեն ինչ պատահում է, մի արտասովոր, մենք գտանք իրար: Որքա՞ն երջանիկ եմ ես:

Վարանցոն ու Վարոս ամին դուան մոտ կանգնած լսում էին նրանց խոսակցությունը:

— Ի՞նչ եղան ծնողներս, ապրո՞ւմ են նրանք,— կարծես երազից նոր արթնանալով, դողդողացող շուրթերով հարցրեց Հովասափը եղբորը:

— Նրանք չկան,— դառնությամբ պատասխանեց Սամսոնը,— մեր հայրը վաղուց է մահացել: Մայրիկին գերեզման տարավ քո կորստյան վիշտը:

... Հետո Սամսոնը Հովասափին պատմեց իր կյանքի մասին: Ծանր է եղել նրա վիճակը: Շրջել է երկրից-երկիր, ծնողներին դտնելու համար վերադարձել է Թյուրքիա, և այստեղ է, որ կատարվել է նրա կյանքի դրաման:

— Ես ամեն, ամեն ինչ ասացի քեզ, եղբայրս: Այժմ վերցրու այս լուսանկարը և իմացիր, որ իմ բախտը քո ձեռքումն է գտնվում... իմ պահանջը կատարելը երջանկություն կբերի և՛ քեզ, և՛ իմ երեք անմեղ մանուկներին, և՛ իմ կնոջը՝ քո անծանոթ հարսին, որ մի գուցե ամեն օր անկողին մտնելով արտասուքն աչքերին աղոթում է ամենակարող աստծուն, որ ողջ ու առողջ իրենց գիրկը վերադառնամ:

Գյուղատնտեսը լուռ էր: Նա աչքերի անթարթ հայացքով նայում էր եղբոր ընտանիքի լուսանկարին, որտեղից երեք մանուկներ, մեկը մյուսին նման, իրեն էին նայում մանկական անմեղ հայացքով, իսկ գեղանի, անծանոթ կինը, որ այդ երեք մանուկներին մայրն

էր, իր անժանոթ հարսը, նուրբ դիմադժեր ուներ և դեմքի վրա փայլող մի լուսաշող ժպիտ:

— Ծանր չի լինի քեզ համար, այն, ինչ պահանջում եմ ես... Զոհաբեր, որ եթե ես այդ քեզանից չստանամ, կզրկվեմ և՛ կյանքից, և՛ ընտանիքից:



Կեսօրին Հովասափը թողեց տնակը և բռնեց գլուղ տանող ճանապարհը: Դալուկ էր նրա դեմքը, տարտամ էին նրա քայլերը:

Տուն հասնելով, նա սեղանի վրա դրված օղիով լի շիշը մոտեցրեց շուրթերին: Ծարավ էր զգում, այրվում էր կոկորդը: Մի քանի կում խմելուց հետո, նա շիշը դրեց իր տեղը և առանց կոշիկներն ու պիջակը հանելու մեկնվեց մահճակալի վրա: Մերթ ընդ մերթ տրորում էր ճակատը, խառնում գլխի մազերը:

— Միթե՞ երազ է: Սամսոնը Արաքսի ափին՝, հաշվապահ Վարանցուն ու Վարոսը... Ծանր հոգոց հանելով Հովասափը փակեց աչքերը: Ու կարծես կրկին Սամսոնը խոսեց... Թաց էին նրա աչքերը, նա աղերսագին հայացքով իրեն է նայում՝ «եղիր իմ դահիճը, եթե չես կատարելու պահանջս: Այս մարդիկ շմատնվելու համար վերջ կտան՝ քո կյանքին: Մի համառոր, մի գլորի՛ր ինձ եղբայրասպան լինելու արյունոտ ճանապարհը...»:

Հովասափը ոտքի կանգնեց, կրկին՝ շուրթերին մոտեցրեց գավիլ, մոտեցավ լուսամուտին: Իրիկնամութ էր և ապակու մեջ կարծես նորից երևաց եղբոր դեմքը: Հովասափը գլուխը հենեց պատուհանին և նրա աչքերից թափվեցին արտասուքները: Խուլական պարով մտքերը խառնվում էին իրար: Նա դողդողջուն քայլերով մոտեցավ մահճակալին, երեսն ի վայր ընկավ անկողնու վրա և գլուխը թաղեց բարձերի մեջ:

Նվ Հովասափի դեմ, Արաքսի ափին փոփեցին այգեստանները, բարձրացավ բազմաքանդակ աղբյուր հուշարձանը, Իմաստուններից Իմաստունի խոսքերը ոսկետառ շողացին, հետո պատկերացրեց, որ կատարել է եղբոր պատվերը... Կեռ յաթաղանները շողացնելով, թրքական հրոսակները անցան Արաքսը, մտան Օ. գլուղը, երկինք բարձրացավ հրդհների հրացուլը և այդ բոցերի միջից մի զույգ աչքեր լի նախատինքով ու ցասամամբ գամվեցին իրան...

— Ո՛ր, այդ շի լինի նուշիկ, ես չեմ դավաճանի իմ սուրբ հայրենիքին, — ճշաց նա:

Գիշեր էր, ու խորը գիշերվա մեջ լուսինն էր լուլում գյուղի վրա:



Նրեք օր անց, խավարչտին գիշերին գետակի թփուտների մեջ նստած գինավառ մարդիկ անթարթ հայացքով նայում էին դեմը: Լսվեց ջրերի ճողփյուն և քիչ անց ափի ավազները խշշացին...

Լուսաբացին Սամսոնը, հաշվապահ Վարանցոն ու Վարոսը սփրթնած դեմքով նստած էին ուղեկալի պետի առանձնասենյակում: Դրսում լսվեց ավտոմեքենայի շշակի ազդանշանը: Ուղեկալի պետը ոտքի կանգնեց.

— Ժամանակն է, — ասաց նա, — ապա խորագնին մի հայացքով շափելով Սամսոնին, դրպանից հանելով քառածալ մի թուղթ, մեկնեց նրան:

— Վերցրեք, ձեզ է հասցեագրված, — ասաց նա:

Երկտողը Հովասափից էր.

— «Ես թանկ գնահատեցի հայրենիքը, նրա պատիվը: Տարբեր էն մեր ուղիները: Կար ու իմ հիշողության մեջ ապրում էր մանուկ օրերի եղբայրս: Անակնկալ հանդիպեցի իր հայրենիքը ուրացած մարդուն և նա այլևս չի ապրի իմ սրտում...»:

— Մենք ձեզ գիտեինք, գիտեինք և այս մարդկանց: Բայց լավ եղավ, որ այսպես վերջացավ: Պարոն Վարանցոն այլևս կդադարի հալածելու ազնիվ մարդկանց, — ասաց ուղեկալի պետը:

Երբ ուղեկալի մեքենան կծկում էր Օ. գյուղը տանող ճանապարհը, Երկու կամուրջների վրա Սամսոնը նկատեց Հովասափին ու նուշիկին, որոնք բոստաններն էին գնում: Նա ուռած շրթունքների արանքից կոնշաց.

— Նա, եղբայրս ինձ հանձնեց, ես այլևս չեմ տեսնի իմ ընտանիքը:

Ուղեկալի պետը իր լուաշող հայացքով նայելով զուգին, դորովանքով ասաց.

— Ինչ հրաշալի, ի՛նչ պայծառ են մեր մարդիկ:

ԱՌԱՋԻՆ ԱՆՁՐԵՎԸ

Երեկ դեռ ձյունով ծածկված էին դաշտերն ու այգիները: Ձյունոդ ամպերն իրենց սառը ուտերն էին կախել Արարատյան դաշտի վրա ու թափվում էր ձյունը: Ամենուր իշխում էր ձյան սպիտակութունը, անգամ ձյունեղեն էր թվում բիբլիական հսկայի նման երկինք խոյացած Արարատ լեռը:

Այդ երեկ էր:

Այս առավոտ Արաքսի վրա իջած ամպերը վեր բարձրացան ու ծանրացած ստինքները քսելով Արարատի ձյունածածկ փեղհերին, պատեցին երկինքը: Փչեց հարավի քամին: Հարավի տաք ու հաճելի շունչը դգացվեց օդի մեջ ու տեղալ սկսեց գարնան առաջին անձրևը:

Առաջի՜ն անձրև...

Ո՛րքան թուլություն կա գարնանային անձրևի մեջ: Գարնան առաջի՜ն անձրև: Հիշում եմ...



Մեր դեմ փռված էին ձյունածածկ օտար դաշտերը: Իրիկնամթ էր: Ընկերս մեջքի վրա պառկած, նայում էր գորշ ամպերով պատած երկնքին, իսկ գերմանական դիրքերի վրա, ամեն օրվա պես վեր էին սլանում հրթիռները, սատանայական ժպիտով ծվառում թանձրացող խավարը:

Եվ հանկարծ խորը լռության մեջ լսվեց ընկերոջս ուրախ բացազանչությունը.

— Ա՛նձրև, ա՛նձրև:

Մեր շուրջը ձյուն էր, հեռվում, խավարի մեջ շառաչում էր ծռվը: Տարեց մի զինվոր քրթմնջաց.

— Է՛—ո՞վ գիտի, երազի մեջ է տղան:

Ծիծաղեցին ամենքը:

— Եղբայրներ, միթե՞ ինձ չեք հավատում: Երկու կաթիլ անձրև ընկավ դեմքիս,— հուզմունքից դողալով կրկին խոսեց ընկերս: Տիրեց կարճատև մի լուռություն: Հետո խրամատներից ձայնեցին ուրիշները:

— Ա՛նձրև...

— Ա՛նձրև...

— Թո՛ւն, թո՛ւն է գալիս:

— Ախր, առաջին կաթիլը իմ դեմքին ընկավ,— ուրախ ժպտալով խոսեց ընկերս:

Եվ տեղաց գարնան առաջին անձրևը:

Խրամատներում մի նոր կենդանություն տիրեց: Մարդիկ ուրախ աղմկում էին, լսվում էր ծիծաղի ձայնը:

Անհատական վրանի մեջ փաթաթված, խրամատում կողքիս նստել էր պատերազմի տարիների հիմ սիրելի ընկերը: Նա ուներ նուրբ դիմագծեր, պայծառ հայացք: Ծնվել ու մեծացել էր Արտաշատում, խաղացել ծաղկած ծիրանի ծառերի տակ, կարոտով նայել հորդահոս գետին, ձյունագագաթ լեռանը: Հաճախակի հիշում էր հայրենի տունը, կարոտում էր մորը, հարազատներին: Սիրում էր երգել: Երիտասարդ էր, խոստովանում էր, որ համբույր չէր առել սիրած աղջկա շուրթերից:

Այդ օրը, նա մորից նամակ էր ստացել: Մայրը կատարել էր որդու ցանկությունը և նամակի հետ ուղարկել էր իր նկարը: Ընկերս շինելի գրպանից շուտ-շուտ հանում էր մոր պատկերը և լուռ ու անձայն սեղմում շուրթերին: Օ՛, որքան կուզեի լույսով տեսնել որդու ողջագուրանքները մոր պատկերի հետ: Ո՛րպիսի սեր էր այդ:

Իրիկնամուտից մինչ լուսաբաց տեղաց անձրևը: Մենք լսում էինք անձրևի խշշոցը:

— Ինչ լավ է գարնան անձրևը,— ասում էր ընկերս,— ես երբեք, երբեք չէի զգացել գարնան առաջին անձրևի հաճույքը: Ինչ հոգ, որ կթրջվեմ: Սիրտս ասում էր, որ շուտով կվերջանա պատերազմը և տո՛ւն, տուն կգնանք մենք: Տես, չմոռանա խոստումդ, առաջին անգամ գնալու ենք մեզ մոտ: Ես մայրիկիս կպատմեմ գարնան առաջին անձրևի մասին:

Եվ նա ծիծաղեց այնպես անհոգ, լիքը կրծքով, որ մենք նրա կողքին նստածներս էլ սկսեցինք ծիծաղել:

Լուսաբացին գորշագույն դարձան դաշտերը: Գարնան առաջին անձրևի հմայքով ապրած, թնդանոթների ահեղ որոտի տակ հարձակման անցանք:

Այդ կռվում քաջի մահով ընկավ արտաշատցի ընկերս:

Այդ գարնանը եղավ հաղթանակ:

Առաջին անձրև...



Երեկ դեռ ձյուն էր գալիս: Երկինքը պատած ձյունող ամպերը սառը հալացքով երկրին էին նայում:

Այդ երեկ էր:

Այս առավոտ Արաքսի վրա իջած ամպերը վեր բարձրացան, ծածկեցին երկինքը: Փչեց հարավի տաք ու հաճելի քամին: Օդի մեջ ղգացվեց հարավի շունչն ու ընկան անձրևի առաջին կաթիլները:

Չգիտեմ ինչո՞ւ, երբ դեմքիս ընկան անձրևի առաջին կաթիլները, սիրտս անձկություն ապրեց: Արդյո՞ք հիշեցի հաղթանակի գարնան առաջին անձրևը, թե հայրենիքի համար կյանքը տված արտաշատցի իմ զինվոր ընկերոջը:

Եվ ես փողոց դուրս ելա:

Մաղում էր գարնան առաջին անձրևը: Այգիներն ու պարտեզները լողանում էին անձրևի տակ, թոթափում ձյունե ծածկոցը, որ վաղը փայլեն ու շողան կանաչ ժպիտով: Արտաշատը էլեկտրական լուսե պայծառ աչքերն էր թարթում, որոնք հեռվից լուսատուիկների էին նման:

Լայն ճանապարհի երկու կողմերին, պարտեզների մեջ բարձրացած երկհարկանի տներից մեկի պատշգամբի վրա բացվեց դուռը: Լույսը ցուլաց ճանապարհի վրա՝ ակնհայտ դարձնելով անձրևի հյուսքը, որը անընդմեջ իջնում էր երկնքից:

Պատշգամբում երևաց կանացի մի կերպարանք: Կինը ցած նայեց:

Ուր էի դնում, ինքս էլ չգիտեի:

— Անձրև է, որդիս, կթրջվես, վեր բարձրացի, երբ անձրևը կտրվի, կշարունակես ճանապարհդ:

Ի՞նչը, արդյոք ի՞նչն ինձ տարավ այդ լուսավոր տունը...



Անծանոթ կիներ, որն ուներ ալեխառն վարսեր, բարի ժպտացող դեմք, նախամուտքից առաջնորդեց ինձ իր համեստ կահավորված, հաճելի ջերմությամբ հագեցված սենյակը։ Սենյակի մեջտեղում դրված, սպիտակ սփռոցով ծածկված սեղանի շուրջը նստել էին մանկահասակ երեք աղջիկ և թիկնեղ, տասնութ տարուն մոտ մի պատանի։ Նրանք ոտքի կանգնեցին, տեսնելով իրենց հարկի տակ անծանոթ մարդու, հարգալից ընդունեցին ողջունես։ Նրանց մայրը ինձ հրավիրեց նստել վառարանի մոտ, ինքն էլ նստեց իմ դիմաց։

Եվ մենք, որ կյանքում առաջին անգամ էինք հանդիպում, այնպես հարազատի պես զրույցի նստեցինք։ Դրսում մաղում էր անձրևը, կտկտում տանիքի վրա։

— Զինվոր եղե՞լ ես,— զրույցի ընթացքում հարցրեց ալեխառն վարսերով կիներ։

— Եղել եմ։

— Իմ որդին էլ զինվոր էր,— ասաց նա ու նրա բարի ժպտացող դեմքը կարծես մի պահ մշուշվեց։ — Խելոք, բարի, քաջն էր իմ որդին... Նա հիմա չկա։ Նա ընկավ, երբ մոտ էր հաղթանակը։

Արտասուքի երկու շիթ գլորվեցին մոր աչտերի վրայով։

— Արդյոք կարո՞ղ եմ տեսնել ձեր որդու նկարը,— ինչ որ հարազատ դիմագծեր տեսնելով մոր դեմքին, հարցրեցի ես։

Մայրն անխոս վեր կացավ, անցավ կից սենյակը և այնտեղից վերադարձավ որդու նկարը ձեռքին։

Նա էր, իմ երիտասարդ զինվոր ընկերը, որի հետ ճաշակել էինք նահանջի դառնությունը և հարձակման քաղցրությունը։

Ես գրկեցի մորը և նրա գլուխը իջավ իմ կրծքին։

— Քաջն է՞ր որդիդ, մայր,— ասացի ես,— մենք կռվել ենք կողք-կողքի, նա միշտ ձեզ էր հիշում, հարազատներին...

Մենք անցանք կից սենյակը և մայրը թաց աչքերը սրբելով, խնդրեց պատմել որդու մասին...

— Ի՞նչ ասավ որդիս վերջին պահին,— հարցրեց նա։

— Նա խնդրեց, մայր, գրել ձեզ, որ ինքը պատվով է կատարել իր պարտքը հայրենիքի հանդեպ։ Այսպես էլ արվեց։ Երբ հողին հանձնեցինք նրան, մեր հրամանատարը բոլորիս առաջ կար-

դաց ան նամակը, որ պիտի ուղարկեր ձեզ: Միթե՞ չեք ստացել:
— Ծշմարիտ է, այդպիսի նամակ ստացել եմ...

Անձրևը բարակել էր: Ես ոտքի կանգնեցի: Պատշգամբում
մայրը հարազատի պես համբուրելով ինձ, ասաց.

— Օ՛, ինչ լավ էր, որ հանդիպեցինք: Եվ ի՞նչն եղավ պատ-
ճառը...

— Առաջին անձրևը, մայր, գարնան առաջին անձրևը,— պա-
տասխանեցի ես:

1947 թ. մարտ

Արտաշատ

ԿԱՐՄՐԱԾԱՂԻԿ ԴԵՂՋԵՆՆԻՆ

Նվիրում եմ ազիտատոր Սաճասարին

Այգիներն ու դաշտերը տանող յոթ ճանապարհ ունի Վ. դյու-
զը: Վերջին ճանապարհն անցնում է կոլեկտիվ տնտեսության
պուղտատեսա Տիրանի տան առջևով ու ձգվում մինչև Արաքսի
ափը:

Հիասքանչ է Վ. դյուզը գարնանը: Ի՛մ բարեկամ, ահա դու
կանգնած ես հարթության վրա թառած Արտուտի բլրին ու նայում
ես շուրջդ: Հայացքդ իրենց են ձգում յոթ ճանապարհների երկու
կողմերին աճած ծառերը: Կարծես յոթ գունավոր գծեր են քաշված
լայնածավալ դաշտի կրծքին: Դու իջնում ես Արտուտի բլուրից ու
քայլում առաջին ճանապարհով: Անվերջանալի է թվում քեզ այդ
ճանապարհը, անվերջանալի են թվում ճանապարհի երկու կողմե-
րին հավասար հեռավորության վրա աճած ծիրանիները: Ծառե-
րի ճյուղերը հազար ու բյուր ծաղկեպսակներով են զարդարված,
խսկ ծաղկաթերթիկները կարծես մանկան աչիկները երիզող ար-
տևանունքներ լինեն: Ահա մայր ջրանցքը. դու քայլում ես ափով:
Անուշ խոխոշով ջուրն է հոսում ներքևում և ջրերի մեջ կարծես լո-
ղանում են արծաթափայլ փշատենիները: Հովն է խաղում մանրիկ
տերևների հետ ու դեղնածաղիկ փշատենիներն են բուրրում արբե-
ցընող բույրով: Նայիր հեռուն, տես, հորիզոնի հետ են մերվում
փշատենիները: Քայլիր առաջ, ի՛մ բարեկամ, քայլիր կեռասենիներ-
ով եղբրված ճանապարհով, կարծես բյուր սպիտակ թիթեռնիկ-
ներ են թառել բարակիրան այդ ծառերի ճյուղերին: Ահա կարճա-
հասակ նոնենիներով պճնազարդված ճանապարհը: Մի՛թե հոգեթով
չեն այդ թիերը, որոնք իրենց ծաղկեթափակների արևային գինով
խմում են մայր հողի կենացը: Քայլի՛ր, քայլի՛ր առաջ, ի՛մ բարե-
կամ, տես մարդու ձեռքով ստեղծածը, որ փառավորվի հոգիդ, որ

ալեկի ջերմ լինի հայրենի երկրի համար ունեցած սերդ, որ դու էլ ստեղծես նորը, գեղեցիկը: Ա՛հ, դու կանգ առար, այլևս խոսքեր չես դառնում հիացմունքդ արտահայտելու: Նայիր առաջ, նայիր հեռուն, քո դեմն է Արաքսի արծաթափայլ ժապավենը, իսկ շուրջդ վարդակարմիր դեղձենիներն են: Կարծես վարդաջրով են ցողել դեղձենիների ճյուղերը:

Կյանքի հմայք կա այստեղ, հմայք ունի այստեղ աճած ամեն մի ծառ ու թուփ:

Այդ ծառերը տնկել են ծերունազարդ գյուղատնտես Տիրանն ու նրա կրտսեր որդին, որը կրում է սև ակնոց, իսկ ակնոցի տակ ունի հանգած զույգ աչքեր:

Ի՛մ բարեկամ, այստեղ աճած ամեն մի թուփ քեզ՝ մեր օրերի մարդուն կպատմի կարմրածալիկ դեղձենիների մասին:



Տիրանը մանուկ օրերից սիրում էր ծառեր, խիստ հափշտակվում էր ծառերով: Ամեն գարնան, երբ ծաղկում էին ծառերը, նա ժամերով նստում էր առվի թմբին ու նայում նրանց ծաղիկներին: Աշնանը ուտում էր անուշահամ մրգեր, կորիզները թաղում սրեկատես հոգում, գարնանը նրանք ծիլեր էին արծակում, իսկ աշնանը նրանց նուրբ, դալար ուղեշները քնքշանքով էին նայում մայր հողին...

Տիրանը մեծ զրկանքներով սովորեց ու գյուղատնտես դարձավ: Նա նոր էր պատվաստի համար ճյուղը ձեռքն առել, երբ աշխարհի վրա կախվեցին պատերազմի մահաբեր ամպերը: 1914 թվական... Այգիների երիտասարդ սիրահարը ցավով ու ախոսանքով բաժանվեց իր տնկած ծառերից ու քայլեց ռազմի ճանապարհով: Ապրեց նա բոլորի տառապանքը և տառապեց միլիոնների հետ: Երբ տուն վերադարձավ, արևի նման պայծառ ազատությունը շողաց հայրենի երկրում: Նա տուն եկավ ազատագրության լուրը շուրթերին: Խոպան դաշտերում հորովելի անուշ ձայնը լսվեց: Զրնգաց բահը անմշակ այգիներում, ու խրճիթներից ազատության մանեման ծուխը բարձրացավ:

Տիրանը ձեռքը վերցրեց պատվաստի ոստը: Նա նոր կյանք մտալ՝ նոր մարդու համար ստեղծելու այն ամենը, հանուն ինչի

արյուն թափեցին իրենք: Տարիներ անցան և երիտասարդ մարդու կինը յոթ արու զավակ պարգևեց բերկրանք ապրող ամուսնու ու աշխարհի համար: Խնդությունը նրանց խրճիթը մտավ մանուկների ճիշերով... հետո անցան տարիներ ու գյուղում կոլեկտիվ տնտեսութուն կազմակերպվեց: Ազատ հողի ու ջրի մարդիկ Տիրանին գյուղատնտեսի պաշտոն տվեցին ու համայնական դաշտում նա տնկեց առաջին պտղատու այգին:



Գյուղատնտես Տիրանի որդիները մանկուց սիրեցին ծառերը, ցանկացան գյուղատնտես դառնալ, տիրանալ. հոր մասնագիտությանը: Հայրը գովեց նրանց:

— Լավ էք մտածել,— գորովանքով ասաց նա,— մեր երկրում ծառերը երջանկություն են բերելու մարդկանց: Սիրեցեք, աճեցրե՛ք անուշ ու հյութալի պտուղներ պարգևող ծառերը:

Երբ անդրանիկ որդին՝ Հայկակը ավարտեց ուսումը, հայրը նրան ցույց տվեց դաշտերն ու այգիները տանող առաջին ճանապարհն ու ասաց.

— Որդյա՛կ իմ, տնկիր այս ճանապարհի երկու կողմերին քո սիրած պտղատու ծառերի մի տեսակից:

Հայկակը ճանապարհի երկու կողմերին ծիրանիներ տնկեց:

Մեկ տարի հետո ուսումն ավարտած՝ ծնողներին ներկայացավ Հայկակից կրտսերը: Հայրը նրան ցույց տվեց դաշտերն ու այգիները տանող երկրորդ ճանապարհը և ասաց.

— Տնկիր, Վահան, սիրածդ պտղատու ծառերի մի տեսակից: Վահանը նրբիրան կեռասենիներ տնկեց:

Երբ Վահանից փոքրը՝ Մհերը ավարտեց ուսումը, այդ տարի Զանգվի ջրերը նոր հուն մտած՝ հասան ջրատակավ դաշտավայրը:

— Հրաշալի ջրանցք է,— ասաց հայրը:

— Այո, հայր իմ, բուրաստան կդառնա մեր երկիրը: Որքա՛ն, որքա՛ն նոր այգիներ կարելի է գցել...

— Ինչո՞վ կարող ես երախտահատույց լինել քեզ կյանք ու գիտություն պարգևած հայրենիքիդ,— հարցրեց Տիրանն իր որդուն:

— Եթե պահանջվի, կյանքով, հա՛յր, կյանքովս ու իմ ար-
յամբ:

— Փշատենիներով զարդարիր կյանքը հորդացնող այս ջրանց-
քի ափերը, — ասաց հայրը, որ բուրեն սուր ու ականաթ բույրով:

Մհերը փշատենու դալար ճյուղեր տնկեց մեծ ջրանցքի ափե-
րին:

Հետո իրար ետևից ուսումն առած ծնողներին ներկայացան
մյուս որդիները: Արամը իրեն բաժին ընկած ճանապարհի երկու
կողմերին խնձորենիներ տնկեց, Միհրանը նռենիներ, Մուշեղը
տանձենիներ:

Քաղաքումն էր մնացել ծերունի գյուղատնտեսի կրտսեր որ-
դին՝ Սանասարը, որ դեռ շարունակում էր ուսումը:



Ծերունի Տիրանի որդիները՝ երիտասարդ գյուղատնտեսները
աշխատանքի անցան շրջակա գյուղերում: Սակայն չքեցին հայրե-
նական տունը, այն օրրանը, որտեղից սնունդ էին առել իրենք, սի-
րելի ծառերը. զարմանալի հափշտակվել ծառերով: Սանասարին
բաժին ընկած վերջին ճանապարհի վրա կողք-կողքի բարձրացան
նրանց տները, մեկը մյուսից շքեղ այգիներով:

Այդ օրվանից ծերունի հոր և ուսումնավարտ որդիների մեջ
սկսվեց ծառեր պատվաստելու, նոր ու հյութալի պտուղներ ստա-
նալու մի մրցություն: Կուտնտեսականները սիրով սովորում էին
նրանցից և հիացմունքով խոսում նրանց անձնուրաց աշխատանքի
մասին: Նրանց ձեռքով գցված նոր այգիները դարձան բերքառատ,
խսկ պտուղները՝ արևահամ:

Ծերունու և նրա գյուղատնտես որդիների համբավը տարածվեց
ողջ երկրով մեկ:

Գնացքը Աբարատի մոտից նրանց տարավ ու հասցրեց աշ-
խարհի կենտրոնը, ուր դիշերն է նիրհում սուտակե աստղերի փայ-
լի տակ ու հայրենի մեծ երկրի համար միշտ առավոտ է ապրում
Իմաստուններից Իմաստուն մարդու սիրտը...

Ծերունի գյուղատնտեսը պատմեց Աբարատյան աշխարհի ու
նրա մարդկանց մասին, որոնք ունեն մի սիրտ, մի կամք ու մի
հայր, որին պարտական են իրենց գոյության ու հայրենիք ունե-
նալու համար:

— Մեր հայրը դու ես, դու, որ սիրով ես լցնում մեր սրտերը: Այդ քո հայրական շնչիցն է, որ այնպես ծաղկում են մեր դաշտերն ու այգիները: Փափաքում էի տեսնությանդ, արժանացա և երգվում եմ քո առաջ, որ ես ու իմ զավակները շուտով մարդկությանը կտանք կարմրածաղիկ դեղձենի, որի պտուղները վարդ կբուրեն, խնդովյամբ մրգանուշի կնստի մեր հայրենիքի երջանիկ քաղաքացին:

Ժողովրդի հայրը սեղմեց ծերունու ձեռքը, գորովագույթ գրկեց նրա որդիներին, սեղմեց իր մեծ կրծքին, ու ասաց.

— Գնացեք ու նոր բուրաստան դարձրեք Արարատյան աշխարհը...

Հուզվեց ծերունի գյուղատնտեսը, հուզվեցին նրա որդիները և սուտակե աստղերի տակ երգվեցին երախտահատույց լինել Իմաստուններից Իմաստուն՝ մարդուն ու հայրենիքին:



Այդ օրվանից ծերունի Տիրանը իր յոթ որդիների հետ տընկարաններում պատվաստումներէ անելով սկսեց ազնվացնել դեղձենիները:

Եվ ամեն գարուն նոր խնդովյուն էր բերում նրա սրտին:

— Եվս մի քանի տարի, — պատմում էր նա կուտնտեսականներին, — և մենք կոմենանք ցրտակայուն, լիմոնագույն մեծ-մեծ պտուղներով կարմրածաղիկ դեղձենիներ:

Կուտնտեսականները լսում ու հավատում էին ծերունի գյուղատնտեսին, հավատում իրենց վաղվա պայծառ օրվան, երբ հանկարծ բռնկվեց նոր ու ահեղ պատերազմը, որի հրացուքից արյունագույն դարձան երկինք ու գետին: Նորից կովի ասպարեզ էին մտել արյան ու արցունքի ծարավ դորշագգեստ պրոսացիները:

Յոթ որդիները հավաքվեցին հայրական հարկի տակ: Տխուր էին նրանք:

— Ի՞նչ են մտածում իմ զավակները, — խորը վշտով հարցրեց ծերունագարդ հայրը:

— Մենք ռազմի դաշտ կզնանք, հայր, — ասացին եղբայրները:

Ծերունին նայեց, նայեց որդիներին ու նրանց աչքերի մեջ կարդաց այն վճիռը, որ ինքը, հայրենիքն ու Առաջնորդն էին գրել:

Թող ձեր կամքը լինի, — պայծառացած դեմքով ասաց հայրը: Բայց յոթից բանակ վերցրին երեքին:

Ռազմի դաշտ գնացող իր երեք որդիներին հայրական օրհնություն տվեց ծերունի Տիրանը:

— Դնա, ի՛մ Հայկակ, դնա և դու, արիասիրտ ի՛մ Մուշեղ, գնա, ի՛մ կրտսեր Սանասար: Ես՝ ձեր ծեր հայրը, օրհնում եմ ձեզ, որ կտրուկ լինի ձեր սուրը, անվրեպ ու կայծակից էլ շանթող լինեն ձեր զարկերը: Մենք շենք դադարեցնի ձեր գործը: Ես գիտեմ, որ հաղթանակը մերը կլինի: Հաղթանակը մենք կնշանավորենք՝ տընկարաններից աշգիները տանելով կարմրածաղիկ դեղձենիները:

Եվ ռազմի դաշտ գնացին նրա երեք որդիները:

Հայրը շրջում էր գյուղից գյուղ, սրտի խոսք ասում հաղթանակի համար քրտինք թափող կոլտնտեսականներին: Լսում ու նրան հավատում էին կոլտնտեսականները. գիտեին, որ ծունկի կգա թշնամին և տոնն ու խնդությունը կրկին կվերադառնա իրենց հարկի տակ:

Բայց եղավ մի պահ, որ ծերունի Տիրանի հոգուն սև ամպ լուսավ: Նա կքեց վշտի տակ, երբ գյուղ հասավ ահեղ մարտում քաջի մահով ընկած Հայկակի մահվան գույժը: Դառը արտասովեց նա, բայց չդադարեցրեց աշխատանքը...

Օ՛, ինչպե՞ս կարելի էր զսպել որդեկորույս ծերունու ատելությունն առ թշնամին, որ խորն էր, ինչպես նրա սերը դեպի կյանքն ու բնությունը:

Բացվում էր հաղթանակի գարունը: Ծերունին պատրաստվում էր աշգիներն ու դաշտերը փոխադրել կարմրածաղիկ դեղձենիները, երբ դերմանական հողից հայրենի տուն վերադարձավ Սանասար որդին:

Քաջի պես էր կուլել նա: Նա Հաղթանակի համար մարտերի մեջ էր եղել ու հանգել էր աչքերի լույսը:

— Ազնիվ իմ հայր, — գրկելով ծերունուն ասաց նա, — ես իմ հայրենիքի համար տվեցի այն, ինչ թանկ է մարդու համար: Ահեղ ճակատամարտերում զրկվեցի աչքերիս լույսից, ու հիմա լուսավոր ու պայծառ է մեր հայրենիքը:

Բացվում էր հաղթանակի գարունը և ծերունին, կուլ տալով վշտի դառը բաժակը, իր մոտ կանչեց որդիներին:

Բոլորն էլ այդտեղ էին՝ հայրական հարկի տակ։ Սեղանատան պատից կախված գորգի վրայից խաղաղ հայացքով ծերունի հորը և եղբայրներին էր նայում Հայկակի մեծագիր նկարը, որի տակ թափշե բարձիկների վրա ամրացված էին կռիվներում ստացած նրա շքանշանները։ Հայկակի նկարի կողքին կախված էր առյուծասիրտ Մուշեղի նկարը, որը այդ պահին Օդեսի ավից կրակ էր թափում գերմանացիների վրա, իսկ սեղանի շուրջը նստած էին նրանց եղբայրները, որոնց մեջ էր սև ակնոցն աչքերին կրտսեր Սանասարը։

— Բացվում է գարունը, զաւակներս, բացվում է հաղթանակի գարունը։ Այս գարնանը ես նվեր եմ բերում կարմրածաղիկ մեր դեղձենին։ Սա ու Սանասարը կծառաղարդենք դաշտերն ու այգիները տանող վերջին ճանապարհը, իսկ դուք մեր կուեկտիվ տընտեսության տնկարաններից տարեք ու ամենուր տարածեցեք հաղթանակի կարմրածաղիկ դեղձենիները...

— Այո, հայր ի՛մ, թող ամենուր ծաղկեն հաղթանակի կարմրածաղիկ դեղձենիները, իսկ ես կշրջեմ դաշտերն ու այգիները և կարմրածաղիկ դեղձենիներ պատվաստող կոլտնտեսականներին կպատմեմ, թե ինչու թշնամին ուզում էր մեր երկրին տիրել. ես մարդկանց հողիները կվառեմ սրբազան սիրով դեպի հայրենի երկիրը և սուրբ ատելությանմբ դեպի թշնամին, որ էլ երբեք ու երբեք արևի լուսից չզրկվեն ինձ նման երիտասարդները։

ՉԿՆՈՐՄՆԵՐ

ԱՌԱՋԻՆ ՄԱՍ

ԳԼՈՒԽ ԱՌԱՋԻՆ

Ամեն օր, լուսաբացին, հայրենի Սևանա ծովակի դարավանդ ավին՝ ձկնորսակայանի դիմաց հայտնվում էր բարձրահասակ երիտասարդ մարդը: Կանգնում էր նա ու նայում դեմը: Նրա ոտքերի տակ ծովակի կապուտակ ջրերն էին վետվետում վաղորդյան հովից, իրենց հայելու մեջ անդրադարձնելով շառագոռնող ամպերը:

Ձկնորսակայանից ոչ հեռու գտնվող գյուղակից ուրախ կանչերով դուրս էին դալիս աղջիկները սափորներն ուսած:

Երիտասարդ մարդը հայացքը կտրում էր ծովակից, նայում մոտեցող աղջիկներին ու նրա դեմքին՝ բացվող առավոտվա պես պայծառ ժպիտն էր ծաղկում:

Աղջիկները սափորները սառնորակ ջրով լցնելով, գյուղ էին վերադառնում:

Երիտասարդ մարդը ուրախ երգի մի եղանակ սուլելով, իջնում էր ցած՝ ջրերի վրա օրորվող նավակների մոտ, ուր հավաքվում էին ձկնորսները...

Ո՞վ էր այդ երիտասարդ մարդը:



Ձկնորսակայանում ու գյուղակում բոլորը ճանաչում էին Նահապետ պապի թոռան, ուստա Իվանեի որդի ձկնորս Ավետին:

Ավետը ծնվել էր ձկնորսակայանին մոտիկ գտնվող գյուղակում: Աչքը բաց անելով նա տեսել էր ու սիրել ջրերի և երկնքի կապույտը, ծովակի վրա կախվող խոր ու աստղազարդ գիշերները, լսել՝ վայրի բաղերի թևերի բախումը:

Մանուկ Ավետը ժամերով չէր հեռանում ձկնորսների մոտից: Նա ուրախ կանչերով թռչկոտում էր ամի հանած ուռկանի կողքին, որի մեջ թփրտում էին ձկները: Փոքրիկ ձեռքերը ցանցի արանքից

ներս պարզելով նա բռնում էր իշխան ձկները, ագահությամբ նայում նրանց վրայի կարմիր կետերին, եղունգներով քերում կարմիր թեփուկներն ու յիաթոք ծիծաղում:

Բարի ու սիրող պապը տղային պատմում էր հին-հին պատմություններ՝ ծովակի ափին եղած կռիվների մասին: Հայ զորավարների թրերի շառաչը, տապալվող թշնամիների ձիչերը նա լսում էր երազում, իսկ առավոտները օդի մեջ խաղացնելով փայտյա սուրը, նա մանուկների խմբի դուխն անցած արշավում էր վանքի մոտ, ջրերի վրա լողացող վայրի բաղերի վրա, որոնք թափահաբելով թևերը, երկարաձգելով վզիկները ձիչերով կտրվում էին ջրից, թռչում հեռու, հեռու, իրենց թևերի վրա տանելով ուրախ մանուկների կանչերը...

Ավետը ծնողների կրտսեր զավակն էր, Նահապետ պապի սիրելին: Վերջինս չարաճճի տղային տվել էր ազատ իրավունք: Տան մեջ ոչ մեկը չէր համարձակվում խոսել նրա վրա: Պապն էր նրա հոգին, նա էր նրան սանձահարողը, նա էր Ավետի տնային ուսուցիչը:



Միջնակարգ դպրոցի վերջին դասարանում Ավետի սիրտը գերեց ձկնորսակայանի վարիչի տասնվեցամյա աղջիկը՝ աչագեղ Նվարդը:

Գեղեցիկ էր Նվարդը: Ուներ սլացիկ հասակ: Երկար արտեվանունքների միջից ժպտացող խոշոր աչքերը կապույտ ու ջինջ էին հայրենի ծովակի ջրերի պես...

Երբ Ավետն ավարտեց դպրոցն ու ծնողներին ներկայացրեց ստացած գովասանագիրը, պապն ու հայրը համբուրեցին նրա ճակատը.

— Այժմ քո առաջ բաց են համալսարանի դռները, գնա և սովորիր, — ասաց հայրը:

Սակայն տղան միտք չունեւ թողնել գյուղն ու ձկնորսակայանը: Ծովակի ափին նա ուխտ էր կապել Նվարդի հետ՝ սպասել նրան, միասին գնալ մայրաքաղաք՝ ուսումը շարունակելու:

— Ուզում եմ մի երկու տարի աշխատել, — պատասխանեց նա հորը:

Իվանին շատ զարմացրեց տղայի պատասխանը:

Նահապետ պապը համաձայնվեց:

— Իվանե,— ծանր լռությունից հետո, ասաց նա,— Թող տղայի ասածը լինի, վնաս չունի: Թող ձկնորս դառնա: Ուսում էլ կըստանա, բան չկա, դեռ ջահել է, սիրտը մի կոտրի:



Ավետը ձկնորս դարձավ:

Նվարդի հայրը, ձկնորս Վրթանեսը, տղային ընդունեց անբարձրացակամ:

— Առավոտյան աշխատանքի կգաս,— ասաց նա ու դեմքը շրջեց նրանից:

Ավետը ձկնորսների սիրելի էր: Նա արթնանում էր վաղ առավոտյան, վերցնում նախաճաշիկը և շտապում ձկնորսակայան: Նա գլուղակի ու ձկնորսակայանի միջև ընկած տարածությունն անցնում էր մի քանի բույգում: Ամեն օր նույն ժամին կանգնում էր ծովափին, սպասում աղբյուրը ջրի գնացող աղջիկներին: Գիտեր, որ Նվարդը նրանց հետ է լինելու:

Նվարդն էլ գիտեր, որ հանդիպելու է Ավետին ու դրա համար առավոտները աղջիկների հետ ջրի էր գնում:

Դեռ հեռվից ժպտում էին իրար: Ավետը գլխարկը շտկելու պատրվակով բարձրացնում էր ձեռքը, Նվարդն էլ սափորը մեկ ուսից փոխադրում էր մյուս ուսի վրա: Այդ գործողությունը կատարելիս վարպետորեն գլխից վեր էր բարձրացնում ձեռքը, ընկերուհիներից աննկատելի շարժում նուրբ մատները: Սիրող զույգի ողջույնն էր այդ:

Նվարդն ամենքից ուշ էր լցնում իր սափորը, գողունի հայացքով մեկ Ավետին էր նայում, մեկ կռունկի աչքի պես զուլալ ջրերին, ուր իր պատկերն էր արտացոլված: Նվարդը երազում էր այն օրը, երբ Ավետի հետ գնալու է մայրաքաղաք ուսումը շարունակելու:

Վրթանեսը չգիտեր իր դստրիկի սրտի գաղտնիքը:

Նվարդը վախենում էր հոր մոռյլ բնավորությունից և գլուղում, ձկնորսակայանում Ավետին հանդիպելիս, խնդրում էր նրանից:

— Թատրոնում կամ կինոյում հանդիպելիս շատ մի նայիր
ինձ, աշխատիր շտաբիլել, թե չէ հայրս կնկատի ...



Ավետն ամեն կերպ աշխատում էր չվշտացնել աղջկան, ջա-
նում էր դուր գալ հին ձկնորսին:

Ձկնորսները ուռկան էին քաշում, իսկ նա նավակի մեջ նստած
մեն-մենակ՝ երեք հոգու փոխարեն պահում էր ուռկանի գլխամա-
սը:

Ավետի համար երգը վշտի թե տխրության ժամին
միշտ էլ մեծ մխիթարություն էր: Իսկ Ավետն ուներ անուշ ձայն,
դիտեր շատ երգեր ու իրենից անբաժան էր պահում երգարանը:

Վաղ առավոտյան պարզում էին ուռկանը: Երգում էր Ավետը:
Նրա երգին ձայնակցում էին ձկնորսները: Նորանք երգում էին սի-
րով ու զգացմունքով: Երգը հնչում էր ազատ, համարձակ: Երգում
էին և ուռկանը ջրից դուրս քաշելիս, կարծես իրենց փռած ցանցի
մեջ վերջին հրավերն էին կարգում ծովակի տիրակալ իշխա-
նին:

Ավետից գոհ էին ընկերները: Գոհ էր և ձկնորսակաջանի պե-
տը: Սակայն, երբ ամեն անգամ միտքն էր գալիս տղայի ուսումը
կիսատ թողնելու պատմությունը, մռայլվում էր.

— Փղի ուժ ունես, ոսկի ձեռքեր, զանգակի պես էլ զնգուն
ձայն, բայց որ սովորելու չգնացիր, սիրտս քեզ չի կաշում,— դառ-
նությունք ասում էր նա:

— Եկող տարի անպայման գնալու եմ սովորելու,— գլուխը
կախելով ասում էր նա:

— Գնա, թեկուզ էս տարի: Ուսում առեք, առանց ուսումի
մարդը գրոշ չարժե:

Նվարդը շուտով պիտի դպրոցն ավարտեր: Ավետը երազում էր
այդ օրը: Զե՞ որ երկու տարի շարունակ դառնությունք կուլ էր
տվել հոր և Վրթանեսի նախատինքները ու ոչ ոքի չէր հայտնել
իր սրտի դադտնիքը:



Այդ օրերին էր:

Դեռ կեսօրից առաջ Վրթանեսը նավակով մեկնեց տրեստի կառավարչի մոտ: Ավետը ցանկացավ տեսնվել Նվարդի հետ: Նա, իր Նվարդին հասցրեց մի երկտող: «Հայրդ կվերադառնա առավոտյան: Դիշերվա ժամը տասին եղիր վանքի մոտ»: Իրիկվա դեմ նա ստացավ աղջկա պատասխանը: «Սպասիր նշանակածդ ժամին»:

Հինավուրց վանքի մոտ, ալեկոծ ծովակի ափին, նրանք երազում էին առաջիկա աշնան մասին, երբ անթափանց խավարի մեջ, ծովակի վրա երևաց ու հանգավ մի լույս: Այնուհետև այն կրկնվեց մի քանի անգամ: Ազդանշան էր այդ, մոլորված նավից տրվող ազդանշան:

Ձկնորսակայանում մարդիկ իրար անցան:

Սիրող զույգը տագնապը սրտում հետևում էր խավարի միջից երևացող ու հանգչող թույլ լույսին:

Նվարդը դողաց, ցնցվեց ողջ մարմնով:

— Այդ, մի դուցե հայրս է մոլորվել,— հազիվ կարողացավ արտասանել նա:

Նրանք վազեցին դեպի փոքրիկ նավահանգիստը, ուր հավաքվել էին ձկնորսները: Ձկնորսները ազադակում էին, գոռում:

— Ես կգնամ օգնության,— ցատկելով նավակի մեջ, դռնեց Ավետը:

Հայրը լուռ մնաց: Արտասվում էր Նվարդը: Ճափակն անհայտացավ խավարի մեջ ուղղությունն վերցնելով դեպի օգնություն աղերսող լույսը:

Լալիս էր Նվարդը... Ինչո՞վ է վերջանալու տարերքի այդ դաժան խաղը:

Լուսաբացին նավակը մոտեցավ ափին:

Ավետը, իր երկու ընկերների հետ, թևերից բռնած ցած իջեցրեց գունատ ու դողդողջուն Վրթանեսին: Բաղմությունը շրջապատեց նրանց: Վրթանեսը գրկեց Իվանին:

— Հավիտյան պարտական եմ քեզ, Իվանե: Ավետը փրկեց կյանքս,— կասկած չըթունքների արանքից ասաց նա:

Ձկնորսների մեջ մինչև օրս էլ պահպանվում է հին սովորութիւնը: Նրանք տոն օրերին միատեղ են անցկացնում հանգիստը:

Ձմռանը, հալաքվում են ընկերների տները: Ուտում են ողջ գիշեր թոնրի մեջ եփած հարիսան, կարմրացրած իշխան ձուկը, խմում թունդ օղի ու պատմում իրենց նպատակների մասին...

Գարնանը, մայիս ամսից կիրակնօրյա հանգիստը նրանք անց են կացնում ծովակի ափին: Դեռ վաղ առավոտյանից տներում սկսվում է եռ ու զեռը՝ թխում են լավաշ, եփում ամենաընտիր կեռակուրները:

Հունիս ամսին էր. օրը կիրակի: Ձկնորսները կրկին հալաքվել էին ծովակի ափին դտնվող աղբյուրի մոտ:

Կեսօրից առաջ գորգերի վրա բացվեցին սփռոցները: Մեջտեղ բերվեցին մարդաբոյ լավաշ հացեր՝ կարմիր փրփուն բշտիկներով: Խոր ափսեներով մի քանի տեղ դրվեցին մոթալի պանիրը, սառը քյոֆթան, համեմունքի մեջ տապակած իշխան ձուկը, բանջարանոցներից բերված ու աղբյուրի սառնորակ ջրով ցողված կանաչեղենը:

Ուրախ ու երջանիկ էին մարդիկ: Ուտում էին, խմում, հիացմունքով խոսում երիտասարդների մասին, որոնք նավակներով շրջում էին ծովակի վրա ու երգեր էին երգում:

Թամաղան հին ձկնորս Նահապետ պապն էր, որի կենացը խրամեցին լիքը բաժակներով և ոտքի կանգնած:

Հպարտ, ինքնագոհ վաթսունհինգ տարեկան ծերունի Նահապետը շտկվեց բազմած տեղից, կանգնեց ոտքի, բարձր պահելով լիքը բաժակը դիմեց իր բախտակից մարդկանց: Նրա պատկառելի, մինչ գոտկատեղը հասնող ձյունափայլ միրուքը թեթև հովի հետ տարուբերվում էր, հիշեցնելով հայրենի դաշտերում հասունացող ցորենի արտերը:

— Ձեր բոլորի կենացը, առողջ լինեք, սրտով միշտ ուրախ: Մենք էլ, ծերունիներս, տեսնելով ձեք բախտավորութիւնը, փառք կտանք մեր աշխարհը բախտավորացնողներին...

Ծերունու վերջին խոսքերը ծածկվեցին ուրախ ծափերով, որոնք բաղերի երամների պես թռան ծովակի հարթության վրա...



Սահում էին ուրախ, երջանկությանը լի ժամերը...

Ձկնարդյունաբերողների ժամանակ խեղճ էին ձկնորսները: Լուսաբացից մինչև մոլթ երեկո մեջքները կքած քաշում էին հին ուռկանը, օթևանում գյուղակի դետնափոր տնակներում:

Հաստատվեց սովետական կարգը: Այդ օրվանից անցած ամեն մի տարին նոր բարիք բերեց ձկնորսներին: Նոր ուռկաններով հեշտացավ աշխատանքը, շատացավ վաստակը: Ծովակի ափին մեկը մյուսի կողքին սունկերի պես հայտնվեցին սալիտակ շենքեր, ստեղծվեց միջնակարգ դպրոց, գյուղ եկան ուսուցիչներ, կառուցվեց ակումբ, բաղնիք, հիվանդանոց: Հինավուրց գյուղակը փոխեց իր դեմքը: Գետնափոր խրճիթները իրենց անղը ղիջեցին երկհարկանի տներին... Իսկ երիտասարդությունը... Ի՞նչն է պակասում նրան:

Հիշելով անցյալը, ծերունիները հառաչում էին, որ իրենց կյանքի մայրամուտին ստեղծվեց նորը, չտեսան բախտավոր երիտասարդություն: Նրանք մխիթարվում վին ապրելով երջանիկ ծերություն, տեսնելով իրենց զավակների ու թոռների ուրախ կյանքը:

Լի սփռոցների մոտ նրանց սրտերն ուռչում էին ուրախությունից, թե էին առնում հոգիները, ճախրում ծովակի կապույտ ջրերի վրա: Եվ հանկարծ...

Պա՛... տե՛... րա՛ղմ... պա՛... տե՛ րա՛ղմ...

Մարդիկ իրար նայեցին հարցական հայացքներով.

— Ի՞նչ ...

— Յնդվե՞լ է:

— Պատերա՛ղմ, պատերա՛ղմ...

Ձկնորսակայանի հաշվապահ Տիրանը թափահարելով երկայն թևերը, գոռալով մոտենում էր նրանց: Նրա խռպոտ ձայնը հասավ ծովակի վրա նավակներով շրջող երիտասարդությանը...

— Պատերա՛ղմ,— կանգնելով մեծ աղբյուրի գլխին գոչեց Տիրանն ու ինքն էլ սարսափեց այդ խոսքից: Ահավոր բառը, անցավ բերնե-բերան ու օդի մեջ, մարդկանց դեմքերից կախվեց պա-

տերազմը: Կապույտ ծովակի վրա սառած մնացին Ավետի հոգե-
ղմայլ երգի վերջին հնչյունները, ջրերի մեջ անշարժացան թիերը:

Ծովափը դատարկվեց: Կարծես մի աներևույթ ձեռք մարդկանց
հայացքներից դողացավ, սրբեց ջրերի վրայից նավակները: Պըղ-
տորվեց ջրերի ջինջ հայելին, ավերը ծեծել սկսեցին փրփրաբաշ
ալիքները:

Ավետը նվարդին գտավ աղբյուրի մոտ. նրանց հայացքներն
իրար հանդիպեցին:

— Պատերազմ, — դողալով շնչաց աղջիկը:

— Նա կգնամ պատերազմ, — պատասխանեց տղան: Նվ այդ
պահին բաժանման կսկիծն այրեց նրա սիրտը: Ո՛ւր մնաց մայրա-
քաղաքում միատեղ սովորելու վառ ձգտումը:

Կրծքում լեռնացող հույզերն Ավետին պոկեցին կանգնած տե-
ղից: Նա շտապ քայլերով հեռացավ սիրած աղջկանից:



Այդ օրը ողջ գյուղը շքնեց:

Ահալուր լուսթյուն էր թագավորում ձկնորսակայանում: Փա-
րոսավառ ձերուռնի Աբելն էլ չվառեց ծովակի աչքերը:

Առավոտը ծովակի վրա բացվեց տխրությամբ: Լույսը բացվե-
լուն պես Ավետն ուներին զցեց կիրակնօրյա կապույտ պիջակը,
դնաց կանգնեց դարավանդ ավիին: Սակայն չերևացին աղջիկները:

Արտասուքն աչքերին ձկնորսակայանի ու գյուղի երիտասար-
դությանը ձանապարհ դրեցին մարդիկ:

Գյուղից հեռու կամուրջի մոտ մայրերը գրկախառնվեցին ու-
րիներին հետ, ջահել հարսները կրծքներին սեղմեցին մեկնող ամու-
սիներին: Ավետը թափառական հայացքով բաղմության մեջ
փնտրեց սիրած աղջկան, նա տեսավ նվարդին կանգնած
հոր կողքին: Նրանց հայացքները գրկեցին իրար: Արտասուք-
ները հորից թաքցնելու համար, նվարդը շրջեց դեմքը: Ալեկոծ-
վեց երիտասարդ տղայի սիրտը. կուլ տալով արտասուքները նա
գոչեց.

— Պա՛ր, պարեկ եմ ուզում:

Հնչեց զուռնայի ձայնը:

Ավետը պարզեց հաղթանդամ թևերը, հուլի նման պտտվեց

կրունկների վրա: Թմբուկն ուրախ օրերի նման իր թնդոցով պահ մի մարդկանց սրտերից քամեց վիշտը: Շրջանի մեջտեղը թռան տղա ու աղջիկ:

— Ծափ, ծափ, — խելագար պտույտների հետ գոչում էր Ավետը: Ծափ էին տալիս ծեր ու մանուկ:

Պարում էր չքնաղ ծովակի երիտասարդ ձկնորսը, խիզալ լողորդը, նայում ծովակին, նայում հարազատներին և ո՞վ գիտեր այդ պահին ինչ էր կատարվում նրա սրտում:

Մինչև ծովափնյա շրջանային քաղաքը մայրերը ուղեկցեցին իրենց որդիներին:

ԳԼՈՒԽ ԵՐՐՈՐԴ

Գնացին ձկնորսակայանի ու գյուղի երիտասարդները: Կյանքը կարծես պահ մի դադարեց:

Տխուր էին ձկնորսները. ինչի՞ց սկսել, ի՞նչ անել: Տխուր էր Նահապետ պապը: Տխուր ու մռայլ էին Իվանեն, Վրթանեսը: Պատերազմը, որ բարձրացել էր աշխարհի վրա, նրանք գիտեին, որ դաժան է լինելու: Մահացու վտանգ էր կախվել սովետական հայրենիքի վրա:

Տխուր էր և Վրթանեսի միակ դուստրը:

Գնացին ձկնորսակայանի ու գյուղի երիտասարդները, և ուրախությունը դուրս թռավ մարդկանց տներից: Նրանք մոռացան կիրալնօրյա հանգիստը միատեղ անցկացնելու սովորությունն էլ:

Պատերազմ...

Ինչպե՞ս հանգիստ սրտով սեղան կնստի մայրը, կամ էլ փափուկ անկողին մտնելով, քունը մոտ կդա՞ աչքերին, երբ սիրտն ուղավակը կյանքի ու մահի կռվի է բռնվել շար ոսոխի հետ:

Ոչ: Ո՛չ, ոչ մի ծնող չի կարող մոռանալ իր զավակին, ոչ մի սիրող սիրտ չի կարող չապրել այնտեղ՝ ռազմի դաշտ մեկնած սիրած երիտասարդով: Չէ՞ որ պատերազմի ահեղ որոտի մեջ պետք է վճռվի կյանքի ու մահու, սիրո ու երջանկության հարցը...



Անցան առաջին օրերը: Մարդիկ սխալվեցին, սկսեցին խորհել պատերազմի ժամանակի կյանքն ու աշխատանքը կազմակերպելու մասին:

Այդ օրերին էր, որ ձկնորսական եկամբ երիտասարդ մասնագետ Ռուբենը:

Վրթանեսը նրան ընդունեց հարգանքով:

— Բարով եկաք, — սեղմելով Ռուբենի ձեռքը ասաց նա, — գիտեք, չէ, ինչ ժամանակներ ենք ապրում: Երկու ամսից հետո սկսելու ենք աշնան որսը, իսկ գործը տեղից չի շարժվում: Մենակ եմ մնացել, կարոտ եմ ձեր օգնությանը:

— Կաշխատեմ ուժերիս ներածին չափ, — համեստորեն պատասխանեց Ռուբենը:

Նույն օրը Վրթանեսը տուն հրավիրեց Ռուբենին:

— Միասին կճաշենք, համ էլ զրույց կանենք, սիրտս շատ է նեղվում, — ասաց նա:

Ռուբենին դուր եկավ Նվարդը: Այո, դեղեցիկն էր նա:



Ձկնորսները սիրեցին երիտասարդ մասնագետին: Նա պարզ հոգու տեր մարդ էր: Սիրում էր կատակել, զարմանալի աշխատանք էր: Տրեստի պահանջի համաձայն նա կազմեց որսի տեղերի օգտագործման նոր պլան: Իր խորհուրդներով նրան օգնում էր Նահապետ պապը:

— Իշխան ձուկը Ձաղին մոտենում է սառույցը հետո, մեկ էլ աշնան դլխին, Օրդոյի քարին՝ ապրիլի կեսերին և աշունքվա հոկտեմբեր ամսին, Լոթոլանում՝ մայիսին ու մեկ էլ հունիսին — և նա մատները ծալելով թվում էր որսատեղերի անուններն ու ձկների ծվարման ժամկետները:

— Մենձ թոռի տեղերն էլ սրանք են, — մատը դնելով Ռուբենի գծած տեղագրական քարտեզի վրա, բացատրում էր պապը:

Ռուբենը լսում էր պապի բացատրություններն ու զարմանում նրա գիտակ լինելու վրա:

— Ձուկ բռնելը մենձ փեշակ է, ամեն մարդու գործը չէ, —

փստացնելով երկար շիրուխը, հաճախակի խրատում էր պապը, —
թե վախտին չհագար, թողի՞ մեջ գորտ էլ չի ընկնի, թե հասար՝
տղամարդ ես, էն վախտը մարդ բեր, որ ծանրացած թող քաշեն,
էդպես է, բա՛...

Ձկնորսները պատրաստվում էին պատերազմական տարվա
առաջին որսին: Շատ էին պակասում մարդիկ:

Վրթանեսը ծեծում էր տրեստի դրասենյակի դռները:

— Տո, մարդ տվեք է՛, մարդ: Երկու շաբաթից հետո ձուկը
կմոտենա, ես ինչ պիտի անեմ: Մեկ տարվա պլան եք տվել՝ մի
սեզոնի համար:

Նվ նա ամելի մոռյո ու քչախոս դարձավ: Անցնող յուրաքան-
չյուր օրը նոր վերք էր բացում նրա սրտում: Վրթանեսը հիշում էր
բանակ կանչված անվանի ձկնորսներին: Ուլքե՞ր են մնացել:
Միթե՞ հնարավոր է նրանցով պլան կատարել: Իսկ գյուղում մնա-
ցել էին ծերունիները: Ծերունիներ... վաղ առավոտից մինչ ուշ
երեկո հենված ձեռնափայտերին, կամ էլ նստած պատերի տակ,
նրանք իրենց օրը զրույցով էին անցկացնում: Իսկ կանա՞յք: Ե՞րբ
են կանայք ուռկան քաշել:

Մի օր էլ, երբ Վրթանեսը մի խումբ մարդկանց հետ խորհըր-
դակցում էր, Ռուբենը վերջում ասաց.

— Հարկավոր է խոսել հին ձկնորսների հետ: Նրանք մեզ
կօգնեն:

— Բան դուրս չի դա: Շատ են նրանք ծեր, — պատասխանեց
Վրթանեսը:



Հայրենական Պատերազմի ահեղ որոտը գնալով սաստկա-
նում էր: Հայոց աշխարհը հասան փրավորները: Այդ օրերին էր,
որ ձկնորսականը սկսեց ապրել մի ուրույն կյանքով: Վրթանե-
սին ներկայացան ծովակի հին ձկնորսները, որոնք մի տասնամ-
յակ առաջ հրաժեշտ էին տվել ուռկանին և խաղաղ ու հանգիստ
վայելում էին իրենց բազմամյա վաստակի համար տրվող պետա-
կան կենսաթոշակը:

Ծեր ձկնորսների գլուխն էր անցել նահապետ պապը: Անվանի
ձկնորսը սեղմելով Վրթանեսի ձեռքը, նայեց շուրջը հավաքված-
ներին ու ասաց.

— Եկե՛կ ենք աշխատելու: Կովո՞ղ զորքին ու ժողովրդին սը-
նունդ է պետք: Էդպես է ասում Ստալինը՝ մեր սիրտը:

Վրթանեսը դողաց հուզմունքից: Նա համբուրեց ծերունու ձեռ-
քը, սրբեկով արտասովաթոր աչքերը, հազիվ կարողացավ արտա-
սանել.

— Այո, կովո՞ղ զորքին ու ժողովրդին մեր օգնութ՛յունը ցույց
տանք:

Տեսիլեկ Ռուբենը ծերունիներին ընդունեց խորին հարգան-
քով.

— Աշխարհն էլ ձեզ չի մոռանա, — սեղմելով նրանցից յուրա-
քանչյուրի ձեռքը ասում էր նա...



Երիտասարդությունը կովի դաշտ մեկնելուց հետո Նահապետ
պապը հրաժարվեց լի սեղանից ու գինու բաժակից:

Ծերունիները վաղ առավոտից մինչ ուշ երեկո ուռկան էին
պարզում, ուռկան էին քաշում երիտասարդների հետ: Կանայք,
պատանիները տեսակավորում և արկղների մեջ ֆին դասավորում
ձկները:

Ծերունու մռայլ հայացքի տակ աշխատում էին նրա հարս-
ները, աղջիկները, թոռները: Անսովոր էր նրանց համար ձկնորսի
աշխատանքը: Բայց ինչպե՞ս չաշխատել, երբ ինքը Նահապետ
պապն էր աշխատում: Դժվար էր և իրեն ծերունու համար, անընդ-
հատ աշխատանքից տնքում էին ոսկորները, բայց նա չէր տրտըն-
ջում, խրոխտ ու բարձր էր պահում ծեր գլուխը, խրախուսակա՛ն
խոսքեր էր ասում ջահելներին:

Գիշերները, երբ գլուխը դնում էր բարձի վրա, պապի աչքի
առաջ էր գալիս սիրելի թոռը, նրա կողքին շարվում էին բարի ու
խելացի դեմքերով իր տոհմից ծնունդ առած էլի մի տասնյակ երի-
տասարդներ: Նա հիշում էր գյուղակից ու ձկնորսակայանից գնա-
ցած երիտասարդներին, մտքում թվում նրանց անունները: Ինքը՝
պապը փափախը թեք դրած պարել էր նրանցից շատերի հարսա-
նիքներում, մասնակցել նրանց զավակների ծննդյան տոներին...



Փարոսաւառ Աբելը, տասը տարուց ավելի էր, ինչ կատարում էր նաև նամակատարի պաշտոնը: Նա մինչև պատերազմը աննկատելի մարդ էր ձկնորսակայանում: Կարծես ծնվել էր նրա համար, որ ամեն երեկո վառեր փարոսի լույսերը, իսկ ցերեկը նամակներ ու թերթեր բաժաներ: Չնայած վաթսուն տարին թողել էր ետևում, առույգ էր, գլխի ու միտուքի մազերի մեջ դեռ իշխողը սեն էր: Կլոր դեմքի վրա միայն հաստ շրթունքներն էին սկսել մի փոքր դողդողալ: Կարծես մի ուժ ներքև էր քաշել վարի շրթունքը:

Նվ ահա ռադիկների մայրերի ու հարսների սիրելին դարձավ Աբելը: Էլ ոչ ոք նրան «կախ մոռլթ Աբել» չէր կանչում: «Մեր Աբելը ուշացավ», «Մեր Աբելին, երեկ վարդանիս նամակը բերելու համար մի փրկիջ տվեցի», «ոսկի սիրտ ունի մեր Աբելը» — այսպես էին խոսում նրա մասին կանայք: Երբ կեսօր էր դառնում ու նա չէր երևում, մարդիկ սկսում էին լուրջ կերպով անհանգստանալ:

— Ի՞նչ պատահեց մեր Աբելին, — սրտնեղած փնթփնթում էր մեկը:

— Հա՛, կարծես ուշացավ հալիվորը, — ասում էր Նահապետ պապն ու ձեռքը ճակատի վրա հովանի պահած երկար նայում խճուղու կողմը:

Դեռ շատ հեռվից ճանաչում էին նամակատարին: Ուռկան քաշողներն ուրախ բացազանչում էին.

— Եկա՛վ, եկա՛վ:

Բոլորը գիտեին ում մասին է խոսքը:

— Դե, մի ձեն տվեք, թող գա, — կարգադրում էր Նահապետ պապը:

Պատանիները սկսում էին բարձր կանչել:

— Աբել, հե՛յ, հե՛յ, այ Աբե՛լ...

— Էստեղ արի՛, էստեղ արի՛:

Լսելով իրեն կանչողների ձայները, Աբելը բարձրացնում էր ձեռքը: Այդ նշան էր, որ ինքը լսեց նրանց կանչերը:

— Այ դու աստծու բարին եկա՛ր, — ասում էր Նահապետ պապը, — մի տոպրակդ բաց արա, տեսնենք ինչ կա մեջը:

Աբելը բարևում էր ձկնորսներին, նստում ավազոտ ափին, աչքերին դնում հին ու մաշված ակնոցները, հետո հին ու տրորված

կաշվե պայուսակից հանում նամակները, սկսում էր կարդալ ու բաժանել.

— Էս մեկը Թուրքուշի մարդից՝ Հապետնակ տղեն է գրել, էս մեկն էլ վարժապետ Հոլեսի Վաղգեն տղից, էս էլ Նահապետ ախպորս թոռն է գրկել:

— Այ դու շատ ապրես, Աբել,— ձայնում է պապը, վերցնելով նամակը համբուրում ու տալիս է Իվանեին:

— Առ, կարդա մի տեսնեմ ինչ է գրել իգիթս,— ուրախացած ասում է նա:

— Էս մեկն էլ ուստա Վահանի տղա Մեսրոբից, էս էլ լոգկչի Կնյազի փեսա Սամվելից...

Աբելը նամակների բաժանումը վերջացնելուց հետո, անցնում էր թերթերին ու ամսագրերին:



Նահապետ պապը ամեն անգամ, երբ Ավետից ստացած նամակի մասին խոսում էր Վրթանեսի հետ ու թոռան ողջյունն էր հաղորդում, լսում էր «շնորհակալ եմ» բառը: Ներքուստ պապը վիժվորվում էր:

— Հա՛, շնորհանամ, Ավետիս անուշ բարեքը նվարդին էլ կհասցնես:

— Լավ,— ասում էր Վրթանեսը և լռում:

— Դուք բարեկամնե՞ք եք Նահապետ պապի հետ,— մի անգամ հարցրեց Ռուբենը, երբ ծերունին ուրախ ժպիտը դեմքին թոռան ողջույնը հաղորդելով Վրթանեսին, հեռացավ նրանից:

— Ձէ, բարեկամներ չենք,— եղավ Վրթանեսի պատասխանը:

— Բայց Ավետը չի մոռանում ձեզ և ամեն անգամ ջերմ բարեքներ է ուղարկում նվարդին:

— Մի դպրոցում են սովորել,— ցրված ուշադրությամբ պատասխանեց Վրթանեսը:

Նահապետ պապը չէր կարողանում տանել Վրթանեսի մասամբ սառը վերաբերմունքը: Ինչո՞ւ է նա այդպես, միթե՞ մոռացել է իր կյանքը փրկողին: Ձէ՞ որ իր թոռը ազատեց նրան, երբ կործանվում էր ալիքների խաղալիք դարձած նրա նավակը: Բայց երբ հանդիպում էր նվարդին ու նրան հաղորդում Ավետի ողջույնը, աչագեղ աղջիկը շիկնում էր մասրենու պես:

— Շատ և շատ շնորհակալ եմ պապի ջան: Նամակ գրելիս իմ կողմից, էլ բարև արեք: Գրեք, որ նրան չենք մոռանում մենք:

— Կգրենք, բալա ջան, բա չենք գրի: Դու էլ քո անուշ լեզվից մի նամակ գրի, որ թողս ուրախանա:



Ռուբենը ձկնորսական դալու առաջին օրվանից սիրեց Նվարդին: Նա հանդիստ շուներ: Սակայն՝ Նվարդը անտարբեր էր նրա նկատմամբ:

— Ինչո՞ւ Նվարդը չի շարունակում ուսումը, — մի օր հարցրեց նա Վրթանեսին:

— Երկու առարկայից շատ է կաղում: Պետք է պատրաստվի, որ գալուց տարի գնա սովորելու:

— Իսկ ո՞ր առարկաներից:

— Մաթեմատիկայից և ռուսաց լեզվից:

Ռուբենը ծիծաղեց:

Այդ հեշտ բան է: Այդ առարկաները ես բավական սովորել եմ Լենինգրադում, եթե ցանկանաք, ես կպարապեմ ձեր աղջկա հետ:

— Ուրախ կլինեմ:

Այդ օրվանից Ռուբենն սկսեց պարապել Նվարդի հետ:

Վրթանեսը սիրեց Ռուբենին:

— Կրակի կտոր է, — գլուխը երեբելով ասում էր նա, — այ, թե ինչ է նշանակում ուսումնական լինել: Տրեստում առաջվա նման էլ մեզ չեն հայհոյում. պահանջված ամեն մի հաշվետվություն, պլան, կազմում է ժամանակին: Լեզու է գտել ծերունիների հետ ու դործը առաջ է տանում: Չէ, Ռուբենը ազիզ աշխատող է:

Նվարդը լսում էր հոր գովեստները Ռուբենի մասին, հիշում պարապմունքների ժամերին նրա կրակոտ հայացքներն ու տըխրում:

Մի օր էլ, երբ սենյակում երկուսով էին, Ռուբենը մի խոր հայացքով աղջկա աչքերի մեջ նայելուց հետո, ասաց.

— Չէի՞ք պատմի ինձ Ավետի մասին:

— Ավետի՞ մասին: Ի՞նչ պատմեմ, — տարակուսած հարցրեց Նվարդը:

— Այ, կուզեի իմանալ, ինչպիսի՞ տղա է նա:

Նվարդը մի պահ լուռ էր:

— Ավետը քաջ տղա է,— ոտքի կանգնելով պատասխանեց նա:

— Միայն այդքա՞նը:

— Էլ ի՞նչ կցանկանայիք իմանալ նրա մասին,— սրտնեղած հարցրեց Նվարդը:

— Իսկ ինչո՞ւ նա իր նամակներն մեջ միշտ հիշատակում է ձեր անունը: Չէ՞ որ դուք բարեկամներ չեք: Ձեր հայրը ինձ ասաց, որ դուք բարեկամներ չեք, մի գուցե նա սիրում է ձեզ:

Նվարդի խաղաղ, պայծառորեն ժպտացող դեմքը մռայլվեց:

— Թողնենք,— խոստորեն ասաց նա:— Ես սիրով ընդունում եմ նրա բարենները և այդ իմ գործն է...

ԵՐԿՐՈՐԻ ՄԱՍ

ԳԼՈՒԽ ԱՌԱՋԻՆ

Ձկնորսակայանում մարդիկ ապրում ու շնչում էին ռազմաճակատի համար: Փարոսավառը Նահապետ պապի համար ամեն օր կարդում էր օրվա լրագիրը: Կարված հետաքրքրությամբ ծերունիները լսում վին նրան:

— Սերդ շմեռնի, ռո՛ւս,— ասում էր Նահապետ պապը,— ռսի հունարը ուրիշ է, ես նրանց հետ շատ եմ ախպերություն արել:

Ռուբենը սիրում էր Նահապետ պապին: Նա հաճախակի ներկա էր լինում նրա զրույցներին: Երիտասարդ մարդուն ուրախություն էին պատճառում այդ մարդիկ, որոնք գիտեն աշխատել, ունեն մեծ սիրտ և մի զարմանալի ջերմ սիրով սիրում են երիտասարդներին:

— Ուրեմն, Նահապետ պապի, գերմանացին չի՞ հաղթի,— ժպիտը դեմքին հարցնում էր Ռուբենը:

— Չէ,— պատասխանում էր պապը,— ֆրանցուզն էլ ուզեց տիրել, բան դուրս չեկալ: Կնյազ Կուտուզովը, լույս դառնա գերեզմանը հա՛, իր զորքով ջարդեց Նապոլեոնի զորքին: Հիմի էլ նեմեցն է ուզում աշխարհքս տիրել: Բան դուրս չի գա: Դրանք իրենց թափած արնի մեջ կխեղդվեն: Ստալին կա, Ստալին: Աշխարհքս նրա ետևից է գնում:

Այդ օրերին էր, որ զինվորական հիվանդանոցից տուն վերադարձավ ուսուցիչ Հովեսի տղան՝ Վազգենը:

Երբ նահապետ պապը ներս մտավ, ուսուցչի տանը ասել էր զգեղով տեղ չկար: Ձկնորսներն իրար սեղմելով ճանապարհ տվեցին նրան: Ծերունին համբուրելով երիտասարդ ռազմիկի ճակատը, նստեց նրա կողքին:

— Դե, մի ապրես, պատմի տեսնենք ինչպես են կռվում մեր տղերքը: Ո՞նց են, ո՞վ է սպանվել, ո՞վ կա, ո՞վ է յարալու:

Վազգենը շոյված ինքնասիրովթյամբ, որ իրեն նահապետ պապըն է լսելու, հայացքը չհեռացնելով նրա դեմքից, սկսեց հանգիստ պատմել այն զորագնդի մասին, որի կռվողների մեծ մասը պարզևատրության էր արժանացել: Վազգենի կրծքին էլ փայլում էր շքանշանը:

— Ավետն էլ, Հապետնակն էլ, Սամվելն էլ շքանշաներ են ստացել:

— Ապրեն մեր տղերքը, հա՛...— ընդհանուր հիացմունքով արձագանքում էին հավաքվածները:

— Չէ, հալալ կաթնակերներ են,— ձայնեց մի ուրիշ ծեր ձրկնորս:

— Իսկ Ավետին երկրորդ շքանշանի են ներկայացրել, աստիճանն էլ բարձրացրել են, հիմա նա ավագ է:

— Պա, ասա քաջ է էլի,— ձայնեց փարոսավառը:

— Ավագն ի՞նչ բան է, Վազգեն ջան,— խորհրդավորովթյամբ հարցրեց պապը:

— Ստարշինա,— կոմանդիրի օգնական:

Պապն ամբողջ դեմքով ժպտաց:

— Ասլանի բալա է, ասլանի բալա,— գլուխը տմբտմբացնելով բարձր ձայնով ասաց նա:

— Այ, հետս բերել եմ մեր ռազմաճակատի թերթը: Ավետի նկարն են տպել ու գրել, թե ոնց գերմանացու սավառնակը խփեց:

— Իի՛նչ,— կարծես նրա ասածին չհավատալով ձայնեցին այս ու այն կողմերից,— նեմեցի անրուպլան է խփե՞լ:

Վազգենը գոհ ժպտաց, որ իր հաղորդած լուրը նման տպավորություն գործեց ընդհանուրի վրա: Նա շտապով իր բերած կանաչ գույնի տոպրակի միջից հանեց մի քանի թերթեր:

— Ահա տեսեք: Էս հոգվածը մեր լեյտենանտն է գրել:

— Վայ, ես քո լեն դեմքին մեռնեմ, տղա, տո լսեցի՞ք ինչ է արել թոռս, վայ ումուդ, ես քո էդ աչքերիդ մեռնեմ, որ էդպես ուրախ են,— համբուրելով թոռան նկարը կրկնում էր պապը:

Թերթերը ձեռքից-ձեռք անցան:

— Ավետն ու նեմեցի աներուպլա՞ն, այ գիդի հա՛,— բացա-
գանշում էին ծերունիները:



Նվարդը սովորում էր մայրաքաղաքում: Նա կանոնավոր նա-
մակագրական կապ էր հաստատել Ավետի հետ: Այդ մասին չգի-
տեին նրանց ծնողները:

Պատերազմի վերջին տարում գյուղ հասավ նրանց նամակա-
դրություն լուրը: Հարեան ու բարեկամ շնորհավորում էին մայրե-
րին:

Լուրը տարածողը Նվարդի հորեղբոր աղջիկն էր, որի երիտա-
սարդ ամուսինը պատերազմի առաջին օրվանից անբաժան էր
Ավետից: Երիտասարդ ռազմիկը մեկ ամիս կնոջից նամակ չըս-
տանալով զայրացած գրել էր. «...Թուֆուշիկս ինչո՞ւ նամակ չես
գրում... Սի մոռանա, որ քո գրած նամակները կարոտած սրտիս
հանգստություն են տալիս: Գոնե ամաչիր Նվարդից: Նա Ավետին
էնքան նամակներ է գրել, որ խեղճ տղի գրպաններում էլ տեղ չի
մնացել: Երկու անգամ էլ նկարն է ուղարկել: Բա ինչո՞ւ մենք
իրար նեղացնենք, գոնե նամակով կարոտներս առնենք: Գրի՛ր
Թուֆուշիկս, անպայման գրիր»:

Երբ երիտասարդ աղջիկներից ու հարսներից մեկը չէր հավա-
տում իր լսածին, շտապում էր Թուֆուշի մոտ:

— Աղջի, Թուֆուշ, ճիշտ են ասում, որ Նվարդը Ավետին նա-
մակ է գրո՞ւմ:

— Սուտ բանը չի ասվի,— պատասխանում էր նա ու հանելով
ամուսնուց ստացած նամակը, բարձրաձայն կարդում էր այն տե-
ղը, որը վերաբերվում էր Ավետի ու Նվարդի նամակագրական կա-
պին:

Նվ լուրը պատվում էր տնից-տուն: Այդ մասին լսեցին և ծե-
րունիները, որոնք գլուխները տմբտմբացնելով ասում էին.

— Դա սեր է:

— Սե՛ր, էն էլ ինչ սե՛ր:

— Թե որ գնդակի առաջ կանգնած տղան իր սիրած աղջկան չի մոռանում ու աղջիկն էլ տղային, նրանք կյանքում ամենից բախտավորը կլինեն:



Ավետի ու Նվարդի նամակագրության մասին գիտեր Նահապետ պապը: Սակայն նա այդ մասին չէր խոսում որդու հետ, ինքնանքան մոտ եղած ժամանակ էլ ցույց էր տալիս, որ ինքը անտեղյակ է այն ամենից, ինչի մասին խոսում են ձկնորսները:

Երեկոները պապը սովորություն ուներ մտնել դրասենյակը: Հաշվապահ Տիրանի հետ տեսնվելուց հետո, անցնում էր վարիչի առանձնասենյակը, բարեւում նրան ու նստում իր սովորական տեղը՝ կապույտ մախմուրով ծածկված պատի դիմաց, ուր կախված էր Ստալինի մեծադիր նկարը, իսկ Առաջնորդի նկարի ներքևում՝ ձկնորսականից ռազմաճակատ գնացած երիտասարդների նկարները:

— Է՛, ինչպես է տրամադրությունդ,— աչքը չհեռացնելով թոռան նկարից, դիմում էր նա Վրթանեսին:

— Շնորհակալ եմ Նահապետ պապի, դուք որ կաք, մենք լավ կլինենք:

Նվ Վրթանեսը ծերունուն մեկ առ մեկ հաշիվ էր տալիս այդ օրվա կատարած աշխատանքի մասին: Պապը լսում էր նրան, ծըխում իր երկար շիբուխն ու ասում.

— Ուրեմա գործերը լա՛վ են:

— Ողջ կենաս, վատ չեն:

— Դեռ լավը նոր պիտի լինի: Հիմա տեսնում եմ, որ նեմեցի վերջը գալու է:



Ուրախ ու հպարտ էր Նահապետ պապը:

— Էնքան շմեռների,— ասում էր նա,— Ավետս տուն գար, մի նրա հարսանիքին էլ լավ պարերի ու նրանից հետո ինչ ուզում էր թող լիներ: Յոթ օր, յոթ գիշեր քեֆ եմ անելու հա՛...

Այդպէս ուրախ կանցնէին պապի օրերը, եթէ ձմռան կեսերին չդադարէին Ավետի նամակները: Երկու ամիս թոռից նամակ ու լուր չստանալով, Նահապետ պապը սոսկումով զգաց, որ ինքը ծեր է, զարմանալի ծեր, որ իր ապրելն աշխարհում ավելորդ է և նույնիսկ անտանելի բեռ հարազատների համար: Նա մռայլվեց: Սակայն ետ շկանգնեց աշխատանքից: Հին չովսան գցած ուսերին, նա ժամերով դուրս էր դալիս արհեստանոցից, ուր Իվանէի գըլխավորութեամբ մարդիկ վերանորոգում էին ուռկանները:

— Է՛, այ հեր,— Ավետիս նամակը շատ ուշացավ, ամեն անգամ ասում էր Իվանէն ու ծանր հառաչում:

— Գործիդ ելի, սիրտդ մի կոտրի: Մի օր էլ մենք լավ խաբար կստանանք:

Հարսն էր արտասովում: Դառնացած ծերունին ծծելով իր շիբուխը, նրան էլ էր հուսադրում.

— Մի լա, ումուղդ մի կտրի, ախր Վաչե Թաթոյի Զաքարե տղից կովի առաջին օրվանից խաբար չկար: Եկա՛ւ: Մենք էլ կուրախանանք:

Սակայն մենութեան ժամերին, երբ տարվում էր տխուր մըտքերով, ծեր աչքերից թափվում էին արտասուքներ:

— Զէ, չէ, իմ Ավետը կգա,— ինքն իրեն մրմնջում էր նա:

ԳԼՈՒԽ ԵՐԿՐՈՐԴ

Նվարդը գլուղ էր եկել ծնողների մոտ անցկացնելու ձմեռային կարճատև արձակուրդը:

Վրթանեսը՝ նրան ընդունեց առանց անհրաժեշտ ջերմութեան, սակայն ոչ մի խոսք չասաց ձկնորսականում ծալր առած խոսակցութունների մասին՝ հավատարիմ մնալով կնոջը տված իր խոստմանը— չկոտրել աղջկա սիրտը: Նրան ճնշում էր նաև Ավետի անհայտ վիճակը:

Ռուբենը Նվարդին դիմավորեց սրտի ցնծութեամբ: Սակայն տեսնելով աղջկա սառը, պաշտոնական վերաբերմունքը, տխրեց:

Նահապետ պապը լսելով՝ Նվարդի գալստյան լուրը, շտապեց նրան տեսութեան:

— Այ դու միշտ էդպէս շնորքով մնա՛ս,— համբուրելով աղջկա մետաքսի նման փափուկ և բուրումնալից մաղբիւր, ասաց պապն ու թույլ տվեց, որ նա հանի իր չուխան:

— Բարեւ, Ռուբեն ջան, էսօր քեզ չեմ տեսել: Բա Վրթանեսը ո՞ւր է,— տեսնելով ոտքի կանգնած երիտասարդ մարդուն, հարցրեց պապը:

— Նոր դուրս գնաց, հիմա կգա,— սեղանի վրա դնելով օղիով լիքը շիշը, պատասխանեց Նվարդի մայրը՝ Նունուֆարը:

— Բարով ես եկել աղջիկ ջան,— վերցնելով լիքը բաժակը բարեմաղթեց պապը,— չենք մեռնի՛ր ու մի օր էլ Ավետիս բարի տեսությանը կարժանանանք:

— Իհարկեւ, պապի ջան, սիրտդ լեն պահի, Ավետն էլ կգա,— կրկին նրա բաժակը լցնելով ասաց Նվարդը:

— Է՛, Ռուբեն ջան, դու ոնց ես, քիչ մնաց հա, դուրս կգանք որսի, էս տարի քամիները քիչ են, էդ նշան է, որ ձուկը շուտ կմոտենա:

— Շնորհակալ եմ, պապի ջան: Դու որ կաս, մենք լավ կլինենք: Ձեր կատարած գործը աշխարհը չի մոռանա: Ձմեռը դեռ կես չի եղել, համա ուռկաններն ու նավակները պատրաստ են: Ուստա Իվանեին օր չես տալիս, գիշեր ու ցերեկ աշխատեցնում ես մարդկանց, ինքդ էլ քուն ու դադար չունես:

— Բա գործը էդպես պիտի անես, թե չէ ծակ թռռով, որ ձուկ բռնելու գնացիր, ծակ շալվար կմնաս,— ծիծաղելով պատասխանեց պապը:

Հետո պապը երկար ու բարակ հարց ու փորձ էր անում Նվարդին մայրաքաղաքի կյանքի մասին:

— Թե որ Ավետս էս ամառ եկավ, գնալու եմ Երևան: Էնպես հավաս ունեմ խաս բաղերում քեֆ անելու, որ էլ ասել չեմ կարող:

Ռուբենը ոտքի կանգնեց:

— Ո՞ւր ես գնում,— հարցրեց Նունուֆարը:

— Գործ ունեմ. հարկավոր է մի գրասենյակ էլ հանդիպել:

Նվարդն ուղեկցեց նրան: Երբ նրանք դուրս ելան, Նունուֆարը ծանր հառաչեց.

— Տեսնում ես պապի ջան, Ռուբենն ինչ աղիզ տղա է: Երևում է Նվարդիս շատ է սիրում...

Սակայն Նունուֆարը չկարողացավ շարունակել խոսքը: Պապի դեմքն այլալիվեց, դողդողալ սկսեցին նրա ձեռքերը:

— Վա՛յ, քոռանամ ես, Նահապետ պապի, Նահապետ պա-

պի ինչ պատահեց: Աման, մարդը մեռնում է,— ձեռքերն իրար խփելով ցավազարի պես ճշաց խեղճ կիսն ու ուզեց դուրս թռչել օգնություն կանչելու համար:

Նահապետ պապը հազիվ կարողացավ բռնել նրա փեշից:

— Լից,— բաժակը ցույց տալով, հուզմունքից դողալով հազիվ կարողացավ արտասանել նա:

Իրար ետևից երկու բաժակ օղի խմելուց հետո, պապը մի փոքր հանդարտվեց, ապա լուռ ու անձայն ոտքի կանգնեց, հագավ շուխան, գլխին դրեց մոթալի մեծ ու սուր փափախը, վերցնելով ձեռնափայտը, արյունոտ աչքերը Նունուֆարի վրա հառելով, խոս ձայնով մոլտաց.

— Խելքի արի, Մնոյի աղջիկ: Իմ թոռը կա ու էս գլուխը դեռ չի մեռել, որ նրա ուզած աղջկա վրա խորթ նայող լինի:

Նունուֆարը, որ պատահարից հազիվ էր ուշքի եկել, սթափվեց, առաջ ընկավ:

— Նահապետ պապի, ոտքդ պաշեմ, ախր մի սպասի, ինչի՞ նեղացար: Ես խոմ չասացի, թե Նվարդն էլ սիրում է նրան:

— Զէ, վերջացավ,— զայրացած ասաց պապն ու իր ետևից փակեց դուռը:

Յանկապատի մոտ տեսնելով Նվարդին ու Ռուբենին, խոժոռված դեմքով նայեց նրանց:

— Ինչո՞ւ ես շտապում, պապի ջան, հայրիկս ուր որ է, կգա, զրույց կանեք,— մոտենալով ծերունուն, ժպտալով ասաց Նվարդը:

Ծերունին չպատասխանեց:

Տղան ու աղջիկը սառած հայացքով իրար նայեցին: Նվարդը կծկվելով ուսերին գցած վերարկուի մեջ, լուռ ու անձայն հեռացավ Ռուբենից:



Սկսվեցին դարնանային որսի աշխատանքները:

Ուռկաններով բարձած նավակները դուրս ելան բաց ծովակը:

Նահապետ պապն առաջինը նստելով նավակի մեջ, ասաց.

— Թող էս գարունը մեր հաղթանակի կանաչ գարունը լինի: Ռազմաճակատից հասնող լուրերը նոր խնդություններ էին լցնում ձկնորսների սրտերը: Հերթը հասել էր Գերմանիային: Պատերազմի հրով ու ծխով էին բռնկվել կենտրոնական Գերմանիայի քա-

ղաքներն ու գյուղերը և այդ իրավական հպարտութիւնն էր ծնում նրանց սրտերում:

Հուլիսով ու հաւիտով էր ապրում պապը:

— Աբել, էն օրը, որ Ալեքսիս նամակը բերիր, իմացիր, կարմիր ղոշը գետնով եմ տալու, — ամեն անգամ փարոսաւառին տեսնելով, ասում էր նա:

Տխուր ժպտում էր Աբելը և կամացուկ ասում.

— Համա խոսքիդ տերը կաց, ուստա Նահապետ, կարմիր ղոշը լավ պահի, որ չնիհարի:

— Դու գործիդ նայի, դմակը մի փթից ավելի կլինի:

Ծերունին կշտամբում էր որդուն:

— Փալաս մի դառնա, Ալեքս կա, ինչ անենք, որ նամակը ուշանում է: Գիտես ինչ կռիւմներ են գերմանու հոլում:

Սակայն պապին տանջում էր Նունուֆարի վերաբերմունքը: Նա այդ մասին չսոսեց ոչ ոքի հետ:

Երբ մի օր, աշխատանքից հետո, պապը նստած ձկնորսների սենյակում վառարանի մոտ շորերն էր շորացնում, ուրախ ժպտը դեմքին նրան մոտեցավ Ռուբենը:

— Բարով պապի:

— Շատ բարով, Ռուբեն ջան, տեսնում եմ ուրախ ես երևում:

— Բա ոնց ուրախ չլինել այս օրվա որսից հետո: Հինգ ուսկանով հանված է մեկ ամսվա պլանով տրված ձուկը: Ախր Սեանն իր պատմության մեջ այդպիսի բան չի տեսել: Այդ էլ դարձյալ ձեր շնորհիվ: Եթե Վրթանեսի ասածով Լոթոլանից սկսեինք, գուցե օրվա պլանն էլ չկարողանայինք կատարել: Իմաստուն ես, Նահապետ պապի:

— Մոտս նստի, Ռուբեն ջան, գործ ունեմ քեզ հետ, — տխուր թյամբ ասաց պապը, վառելով չիբուխը:

— Մի ծխախոտ չէիր ծխի՞, — նրա կողքին տեղավորվելով հարցրեց Ռուբենը, բաց անելով թանկարժեք գլանակների տուփը:

— Չէ, շատ սաղ լինես, ես չիբուխ եմ քաշում:

— Լսում եմ, պապի ջան:

— Գիտես ինչ կա, Ռուբեն ջան, դու էլ իմ թոռի տեղն ես: Վնաս չունի, լավ էլ գաղափարով տղա ես երևում: Համա սխալ գործ մի բռնի:

— Թե որ սխալ գործ եմ բռնել, ուղղիր, շատ շնորհակալ կլինեմ, պապի ջան,— ժպտալով պատասխանեց Ռուբենը:

— Դու իմ Ավետի մասին լսել ես,— ավելի մոայլվելով հարցրեց պապը:

— Լսել եմ,— սրտում ինչ որ տագնապ զգալով հուզված պատասխանեց Ռուբենը:

— Օղորմի պապերիդ: Գիտես չէ*, Ռուբեն ջան, նեմեցի դեմ է կռւում Ավետս: Գիտե՞ս, հը*: Բա դու ոնց ես աչք դրել նրա սիրածին: Բոլորն էլ էստեղ գիտեն, որ նա իմ Ավետի սիրածն է, պաղկցից էլ նամակ էր գրում նրան: Հիմի դու ուզում ես խելքից հանել աղջկա՞ն... բա դա նամարդություն չէ*:

Մերունին լռեց. ծանր տնքաց, ներս ծծելով դառը ծուխը, շարունակեց.

— Էդ որ լսել եմ քնից զրկվել եմ, էլ տուն, տեղ, սեպեցել են աչքիս: Էդ նամարդություն է: Դու նամարդ մարդ չես: Ձեռ քաշի... Մինչև կովի վերջանալը էլ նվարդի բոլորը շերևաս: Էն վախտը ով գիտե... Մի բան է... Ես էլ կմեռնեմ ու քեզ...

Մերունու ուսերը ցնցվեցին: Նա գլխից վերցնելով փափախը, դեմքը թաղեց նրա մեջ:

Ռուբենը օրորվելով դուրս ելավ սենյակից...

Դռան մոտ կանգնած հաշվապահ Տիրանը, որ ականջը դեռ արած լսում էր նրանց խոսակցությունը, տեսնելով Ռուբենին, շարախնդորեն ծամածոնեց դեմքը և, երբ նա միջանցքից դուրս գնաց, ակնոցները ճակատի վրա բարձրացնելով, ձեռքը նրա ետևից թափահարելով, ասաց.

— Ձէ, պապը լավ դաս տվեց: Դե հիմա դնա և ուրիշի սիրածին աչք քցի:

ԳԼՈՒԽ ԵՐԲԱՐԴ

Ամաչող առավոտը նոր էր բացվում ծովակի վրա, երբ ռազմական կոմիսարիատի պաշտոնյա — ավագ լեյտենանտ Սիմոնյանը բախեց Վրթանեսի տան դուռը:

— Ո՞վ է,— ներսից լսվեց տանտիրոջ խռպոտ, քնատ ձայներ:

— Ես եմ, Արամը:

— Սիմոնյանը: Խեղճ լինի Արամ,— նրա դեմ դուռը բաց անելով հարցրեց Վրթանեսը:

— Առանձին խոսելիք ունեմ քեզ հետ,— կամացուկ պատասխանեց Սիմոնյանը:

— Խնդրեմ, անցիր իմ սենյակը, ես իսկույն կհագնվեմ,— դուռը փակելով ասաց Վրթանեսը:

Մի քանի րոպե անց կիսահագնված Վրթանեսը հայտնվեց իր աշխատանոցում, ուր գրասեղանի մոտ նստած նրան էր սպասում խոժոռ դեմքով զինվորականը:

— Դե, խոսիր Արամ, լսում եմ քեզ:

— Տխուր լուր եմ բերել, Վրթանես,— խորը հառաչելով ասաց Սիմոնյանը:— Դիշերս ստացանք Ավետի սև թուղթը:

— Ի՞նչ, Ավետը զոհվե՞լ է,— խայթվածի պես վեր թռավ անդից Վրթանեսը:— Եվ այդ հաստա՞տ է:

— Դժբախտաբար այո: Կա և հրամանատարության նամակը: Առ և կարդա:

Վրթանեսը, որի ձեռքերը ջերմախտով հիվանդի նման սկսեցին դողդողալ, վերցրեց նամակը: Դրում էր գվարդիական զնյի հրամանատարը:

«... Մեր հարազատներ: Ձեր որդին Ավետ Իվանիչը Հայրենական Մեծ Պատերազմի հենց առաջին օրվանից գտնվում էր գվարդիական մեր զորամասում: Շնորհակալություն ձեզանից և Սևանի ձկնորսներից, որ դաստիարակել էիք այդպիսի մեծ սրտի տեր, անվեհեր մարտիկ: Հայ ժողովրդի պանծալի զավակ Ավետ Իվանիչը իրեն պսակեց փառքով, նա ցույց տվեց թշնամու դեմ մղվող կռիվներում բացառիկ արիություն և անձնազոհություն: Ձեր որդին պարգևատրված է հինգ շքանշանով և երկու մեդալով: Ինչպես ձեզ հայտնի է ինֆորմբյուրոյի հաղորդագրություններից վերջին ամիսների ընթացքում ծանր մարտեր մղվեցին Հունգարիայում: Մահվան սարսափ ապրող թշնամին կառչում էր ամեն մի թփից, քործի էր դնում ամեն մի ջոց՝ կասեցնելու մեր հաղթական ընթացքը: Իսկ մեր մարտիկները կռվում էին քաջի պես: Բուդապեշտի տակ տեղի ունեցան արյունալի մարտեր: Խելահորույս գերմանացիներն ու հունգարները չէին դադարեցնում հակազորոհները նույնիսկ զիշերները: Եղավ, որ շրջապատման վտանգի մեջ ընկավ մեր զորամասը: Ավետ Իվանիչը հրաման ստացավ ճեղքել

օղակը, անցնել թշնամու թիկունքը և իր վաշտով խուճապի մատնել նրանց, իսկ մեր գլխավոր ուժերը պետք է հարվածեին թշնամուն ձախ թևի վրա: Լուսաբացից առաջ կրտսեր լեյտենանտ Ավետ Իվանովիչը հանկարծակիի բերելով թշնամուն իր զնդացիրային ու ականանետային կենտրոնացրած կրակով, պատռեց շղթան, իսկ մեր ուժերը հրետանային ուժեղ պատրաստությունից հետո, զրոհի գնացին ձախ թևի վրա: Թշնամին շղիմացավ, փախուստի դիմեց, մենք մտանք քաղաքի գետափնյա արվարձանը և մեր գլխավոր ուժերի հետ միասին ավարտեցինք Բուդապեշտի պաշարումը: Այդ կռոււմ քաջի մահով ընկավ հայ ժողովրդի անվեհեր զավակ, կրտսեր լեյտենանտ Ավետ Իվանիչ Զարգանդյանը: Հավերժ հիշատակ նրան...»:

Վրթանեսը սեղանի վրա դրեց նամակը: Պահ մի նա լուռ էր, հանկարծ ցնցվել սկսեցին նրա ուսերը, գլուխը դնելով նամակի վրա նա դառը կերպով հեկեկաց: Սիմոնյանը շտապով գրպանից հանեց ծխախոտը:

— Դե՛, խոսիր Վրթանես: Տա՛լ Իվանեին նամակն ու սե թուղթը:

— Ո՛չ, ո՛չ, ինչ ես ասում: Այդ շատ ծանր կլինի: Թող ինձ մոտ մնա, թող առայժմ նրանք չխմանան այդ մասին: Պատերազմից հետո, ես ինքս կհայտնեմ:

Սիմոնյանը ոտքի կանգնեց:

— Թող այդպես լինի:



Վրթանեսը Սիմոնյանի դուրս գնալուց հետո բաց արեց աշխատասենյակի անկյունում դրված անկիզելի արկղը, նամակը դրեց այնտեղ իր անձնական փաստաթղթերի մեջ, հետո շտապով հագնվելով, դուրս ելավ տանից:

Հասնելով ձկնորսներին Վրթանեսը բարևեց նրանց, մոտեցավ և սեղմեց բրիգադիր Իվանեի ձեռքը:

— Ասում ես մինչև սեզոնի վերջը երկու տարվա պլան ես կատարելու:

— Թե որ էնպես գնա ու քամիները չխանգարեն, վայ թե երեք տարվա սլան էլ կատարենք: Բրիգադի անդամները էնպես

են տաքացել, որ կես գիշերին էլ թոռն են գցում: Ո՞վ էր տեսել էսպես բան: Պատերազմից առաջ հաղիվ էինք պլանը կատարում:

— Գիշերն ստացա տրեստի կառավարիչի հրամանը: Քո բրիգադայի անդամները սլարդեատրված են: Պահանջել են ամենից աչքի ընկնողներին ներկայացնել՝ կառավարական սլարդեի: Առաջին թեկնածուն դու ես: Շնորհավորում եմ: Այդ ասելով Վրթանեսը կրկին ամուր, շատ ամուր սեղմեց ի վանեի ձեռքը:

— Շնորհակալ եմ, ավելի լավ կաշխատենք: Այսօր մեր բրիգադի հերթն է զինվորս:կան հիվանդանոց գնալը:

— Գնացեք, բայց դատարկ չգնաք:

— Բացի անհատական նվերներից, որոշել ենք վերջին թոռից դուրս եկած ձուկն էլ տանել:

— Տարե՛ք, լավ եք մտածել:

Երբ Վրթանեսը հեռացավ, ի վանեն վեր քաշեց ուսերը:

— Զե, կասես բարոյթյուն է մտել սիրտը: Այ քեզ բա՛ն. էսօր երկու անգամ ձեռք տվեց: էստեղ են ասել՝ կակղես, կուտես,— կամացուկ փնթփնթաց նա ու ինքն իրեն ծիծաղեց:

Նրան սթափեցրեց քրոջ ձայնը:

— Ի վանե, հերս եկավ:

Ի վանեն ընդառաջ գնաց հօրը: Նա դժգոհ թոնթորաց.

— Գիշերս տաքության մեջ էր, հիմի էլ աշխատանքի ե գալիս: Ի՞նչ անեմ ես էս հալիվորին:

— Դուրս գալու մո՞տ է,— որդուն գլխի շարժումով ողջունելով հարցրեց Նահապետ պապը:

— Հա, շատ չի քաշի:

— Տեսնենք, էսօր ինչքան ձուկ կհանձնես:

— Տեղ ու դադար չկա: Թող քաշողներն ասում են, որ էսօր ավելի դժվար է թողը դուրս գալիս:

— Ուրեմն ծանրացել է. շատ լավ է: Համ մեր գործն է հաջող, համ էլ կուվող գործինը:

— Էդ բոլորը հասկանալի է, այ հեր: Բա դու ինչո՞ւ ես էսօր տանից դուրս եկել:

— Աշխատող մարդը տանը նստել չի կարող,— հպարտորեն պատասխանեց ծերունին: — Ոչինչ, որդի, թող իմ ջանն էլ Ստալինին մատաղ լինի:

Գարնանային լուսնկա գիշերն աստղերի մաղով սուզվել էր ծովակի անշարժացած ջրերի մեջ:

Շուրջը խաղաղ էր, խաղաղ ու լռին: Ձկները հմայված աստղային խաղով ջրերի տակից լողում էին վեր, վայրկենական թռիչքով պոկվում հարազատ տարերքից, խաղում օդի մեջ ու լուսնի փայլն առած թաց մարմիններին նորից ջուրն ընկնում: Լսվում էր նրանց ընկնելու շրմիռոցն ու նորից ամեն ինչ թաղվում էր անհուն լուռության մեջ:

Ձկնորսակայանում, գյուղակից չէր լսվում ոչ մի ձայն, թվում էր, որ այդ պահին ողջ աշխարհն է քուն մտել:

Սակայն կար մեկը, որ դեռ չէր քնել: Գրասենյակում վառվում էր լույսը: Նստած իր մեծ սեղանի մոտ, որի վրա թղթերի կույտեր կային, աշխատում էր հաշվապահ Տիրանը: Դժգոհ էր նրա դեմքը: Ակնոցների միջից դեմը փռված թերթերին էին նայում կարմիր կոպերով մանր աչքերը:

Գիշերվա ուշ ժամին Տիրանը ծալելով գրամատյանները, սեղանի վրայից հավաքեց ցրված թղթերը, ոտքի կանգնեց, ծմրկտաց, հանելով ակնոցները՝ տրորեց հոգնած աչքերը:

— Այսօր էլ չկարողացա վերջացնել,— թոնթորաց նա:

Գլխավերևում պատից կախած ռադիո-բարձրախոսը սկսեց խոխուռալ, ինչ որ անորոշ ձայներ արձակել: Տիրանը բարձրացրեց գլուխը, դարձացած հայացքով նայեց բարձրախոսին: Ու այդ պահին կարծես սրտի միջից ծոր տվեց հարազատ Մոսկվայից քաղցրալուր կանչը:

Տին տա, րա՛, տիրա՛, րա՛ րա՛-րա՛, տին, տա, րա՛, տիրա՛, րա՛, րա՛, -րա՛...

Հաշվապահի հոնքերը զարմանքից վեր բարձրացան:

— Վա՛, էս ինչ խաբար է, գիշերվա էս ժամի՞ն,— բարձրաձայն ասաց նա ու վերստին նստեց իր տեղը:

Եվ հետո գիշերվա մեջ որպես լույսի պայծառ խուրձեր սփռվեցին հաղթանակի ավետաբեր խոսքերը...



Տիրանը դիտարաց դուրս թռավ գրասենյակից: Նա ինքն էլ լիմացավ ինչպիսի հայտնվեց հրապարակի կենտրոնում, ուր ծածկույի տակ կախված էր մեծ զանգը:

Ու խավար գիշերը կարծես բուցավառվեց ահեղ ղողանջից:

Դըն'գ, դըն'գ, դըն'գ...

Դեպի հրապարակ էին վազում մարդիկ, լսվում էին խռպոտ բացագանչովթյուններ:

— Ի՞նչ է, որտե՞ղ է:

— Ասում են հրդեհ է:

— Կրակ չի՞ երևում...

Իսկ զանգը նոր ուժով ղողանջում էր:

Դըն'գ, դըն'գ, դըն'գ...

— Տիրանն է,— առաջինը հասնելով զանգի մոտ, բացագանչեց Ռուբենը:

— Տիրա՞նը,— ի՞նչ ես ասում,— լսվեց Վրթանեսի ձայնը: Նա մարդկանց հրելով հայտնվեց ծածկուցի տակ:

Ռուբենը հաշվապահի ձեռքից խլեց պարանը:

— Տո, էս ի՞նչ գործի ես, խոմ դու չես դժվել,— նրա վրա դուռաց Վրթանեսը, ի՞նչ է պատահել...

Տիրանը, որի դեմքը ողողված էր քրտինքով, լայն բաց արեց թևերը, գրկեց Վրթանեսին ու բոլորին լսելի ձայնով կանչեց.

— Հա՛ղթանակ, Մոսկվան հաղորդեց հաղթանա՛կ: Պատե՛րազմը վերջացել է...

Հրապարակը թնդաց ուրախ կանչերից ու մարդկանց դեմքերից օդի մեջ կախված մնաց հաղթանակ բառը:

Հրապարակը լուսավորվեց տասնյակ պայծառ լույսերով: Տեղ հասավ և Նահապետ պապը: Նա ծանր շունչ քաշելով հարցրեց.

— Ո՞վ առաջինն իմացավ:

— Տիրանը, բուխալտեր Տիրանը,— ձայնեցին մի քանիսը:

— Մաշալա, ես իմ հողին նամուսով մարդ է եղել: Թե որ առավոտը իմանայինք, խայտառակ կլինեիրք: — Մի հաշվապահին էս կողմ բերեք,— կարգադրեց նա:

— Շնորհավոր հաղթանակ,— բռնելով պապի ձեռքը ժպտալով ասաց Տիրանը:

— Շնորհքով մնաս. այ խալիս մի կամանց,— բարձր ձայ-

նով կանչեց նա,— հիշում եք չէ, կլինի շուրս տարի առաջ, որ տիպրի մոտ Տիրանի կռվի խաբարը բերեց: Էնվախտվանից աչքիս մի տեսակ փուշ էր դարձել: Հիմա ուրախության խաբարը էլի նա հասցրեց, սրտիս մարդը դարձավ,— ասաց նա ու զրկեց հաշվապահին:

Հրապարակը թնդաց ծափերից և ուրախ կանչերից: Գրասենյակի մոտ թնդաց թմբուկը:

— Դե, տղերք, մի ձեզ տեսնեմ,— զուռնաչիներին դիմելով ասաց վրթանեսը:

Երգում էին ու պարում ձկնորսները: Թե—թեի տված պարում էին վրթանեսը, Տիրանը, Իվանեն, Ռուբենը: Թե—թեի տված նրանց հետ ջահելի պես թռչում էր Նահապետ պապը: Զուռնի նվագի տակ շորորում էին հարսները, ջահել աղջիկները, ռազմիկների մայրերը... Այդ հաղթանակի կոոր պարն էր, նոր երջանկության սկիզբը...



Հաղթանակը նոր երջանկություն բերեց ձկնորսներին: Ռազմաճակատներից վերադառնալ սկսեցին մարտիկները: Նահապետ պապը բոլորից առաջ էր իմանում վերադարձող երիտասարդների մասին և շտապում էր նրանց տեսության գնալ: Հարազատի պես համբուրում էր նրանց, հարցնում առողջությունը, լսում նրանց պատմությունները կռիվների մասին և հետո հարց ու փորձ էր անում թոռան՝ Ավետի մասին:

— Ասում ես Ավետիս չես հանդիպել էլի:

— Չէ, պապի, ջան, չեմ հանդիպել: Տարբեր ռազմաճակատներ ենք ընկել:

Ամռան սկզբներին իր հարազատների գիրկը վերադարձավ լողիչի Կնյազի փեսա Սամվելը:

— Հիմա, որ կիմանամ Ավետիս մասին,— Սամվելի գալստյան լուրը լսելով տանեցիկներին ասաց պապն ու չուխան հագնելով շտապով դուրս գնաց տանից:

Նահապետ պապին տեսնելով, Սամվելը ոտքի կանգնեց, ընդառաջ գնաց նրան:

— Այ դու բարո՞վ, հազար բարո՞վ ես եկել, որդի,— երիտասարդի դեմքը համբույրներով օծելով ուրախաձայն ասաց պապը:

— Վերև համեցի, պապի ջան,— ծերունու թևից բռնելով խոսեց Սամվելը:

— Այ կանաչ մնա արևդ, որդի: Մի ասա տեսնենք, ասլան թոռս ուր է, բա երբ պիտի գա:

Սամվելը մի վայրկյան վարանեց, քրտինքի կաթիլներ երևացին նրա ճակատին, մեծ ձիգ գործ դնելով, նա կմկմաց.

— Ավետի՞ն, Ավետին, պապի ջան, հա, չեմ տեսել: Առաջ միասին էինք, հետո բաժանվեցինք:

— Յա՛, ուրեմն չես տեսել:

— Չէ, պապի ջան, չեմ տեսել,— ճակատի քրտինքը սրբելով պատասխանեց երիտասարդը:

Փարոսավառը, որ նստել էր Վրթանեսի կողքին, սեղանի տակ սեղմեց նրա ոտը:

— Ճիշտ չի ասում: Նս նրանից իմացա: Ասում է իր աչքի առաջ է իսկվել,— շշնջաց նա:

Վրթանեսը դժգոհ հայացքով նայեց փարոսավառին, ատամների արանքից մռլտաց.

— Դու լավ կաներիր, որ լռերիր:

— Բա ես գիտեի, որ միասին էիք,— ծանր ու ճնշող լռություներ խզելով և կարծես ոչ ոքի չդիմելով թոնթորաց պապն ու ոտքի կանգնեց:

Զնայած երիտասարդի, նավակավար Կնյազի ու Վրթանեսի խնդրանքին, պապը, հակառակ իր սովորության, չսպասեց ճաշի:

— Չէ, շնորհակալ եմ,— ընդհանուրին պատասխանեց նա,— լավ չեմ զգում, տուն պիտի գնամ:

Ծանր, հոգնատանջ քայլում էր պապը: Նա ընկել էր դառը մրտքերի ծովը: Ինչո՞ւ Ավետի անունը լսելիս գունատվեց Սամվելը: Ինչո՞ւ լեզուն կապ ընկավ ... Չէ, չէ, էստեղ մի բան կա, ինձանից պահում են,— մտածում էր նա: Պապը չէր նկատում իր կողքից անցնողներին, որոնք խոնարհ գլուխ էին տալիս նրան: Քայլում էր նա ու ծեր աչքերից թափվում էին արտասուքի խոշոր կաթիլները:

— Յարաք մեկ էլ անուշ ձենդ կլսեմ, Ավետ ջան,— մրմնջում էր նա:

ԳԼՈՒԽ ԵՐԿՐՈՐԴ

Վրթանեսը մի օր էլ հայտնվեց Իվանեի տանը:

Նահապետ պապը սիրով ընդունեց նրան: Վաղուց էր, ինչ չէին

հանդիպել և Վրթանեսը նկատեց, որ պապը զարմանալի փոխվել էր այդ օրերին: Նրանք առանձնացան:

— Շատ ես մտածում, Նահապետ պապի, այդպես չի կարելի: Ախր, մենք չենք, որ քեզ խելք պիտի սովորեցնենք: Նայիր շուրջդ, տես քանի-քանի մարդիկ քեզ են նայում: Թոռներ, հարսներ ունես, գոնե խնայիր դրանց:

— Հա, դրուստ ես ասում, համա ինչ արած չեմ կարողանում մոռանալ:

— Իսկ մենք կարողանում ենք մոռանալ: Ո՞վ կարող է մոռանալ Ավետին:

— Նա արդեն գիտեմ, որ էլ չկա թոռս: Նրա հետ եղել են ծովինարցի երկու տղա: Գնացի մոտները, աղաչանք արի, ասի ինձանից մի պահեք: Նրանք, պատմեցին եղելությունը: Վենգրում է զարկվել:

— Նա էլ այդ գիտեմ,— տխրությամբ ասաց Վրթանեսը,— իսկ Իվանեն գիտե՞:

— Հա, չկարողացա պահել, նրան էլ ասացի:

Վրթանեսը ծոցագրպանից հանեց Սիմոնյանի տված նամակը:

— Այ, էս նամակում գրված է, թե ինչպես է զոհվել,— ասաց նա և սկսեց հանդարտորեն կարդալ նամակը:

Նրկար չիբուխը ծխելով, պապը լսում էր, նրա ծեր աչքերից թափվում էին արտասուքի կաթիլները:

— Իմ հերոս բալա, իմ աղիզ Ավետ,— արտասուքների միջից մրմնջում էր նա:

Մինչ կես գիշեր Վրթանեսը, Նահապետ պապը և Իվանեն առանձնացած զրուցում էին:

— Անմահ կմնա Ավետի անունը մեզ համար,— ոտքի կանգնելով և ծերունու, Իվանեի ձեռքը սեղմելով ասաց Վրթանեսը:— Հավերժ հիշատակ նրան:

Վրթանեսի գնալուց հետո հայր և որդի պահ մի լուռ վիճին:

— Ինչ ասեմ, որդի: Ավետս էլ չկա: Բայց լաց ու կոծով էլ բան դուրս չի գա. թող մնացածները ողջ լինեն: Մարդա պետք է ցավին դիմացող լինի: Մարդկանց մոտ գլուխդ մի կախի: Այ, տես, թե Ավետիս մասին ինչ է գրել ուս հրամանատարը,— այդ ասելով ծերունին Իվանեին հանձնեց նամակը,— կարդա ու իմացիր, որ ասլանի պես է կովել:

Իվանեն նամակը կարդալուց հետո, այն սեղմեց դեմքին. թաց էին նրա աչքերը:

— Իմ բալի գերեզմանին մատաղ, նրա էն ձեռքերին ու խումար աչքերին մատաղ: Լավ ես ասում, այ հեր, ես գլուխս բարձր պիտի պահեմ, չէ որ մեր բալեն քաջի պես է ընկել...



Մայիս: Հաղթանակի առաջին տարին:

Ծովափին գտնվող ձկնորսակայանի ակումբը շողում էր պայծառ լույսերի մեջ: Երիտասարդները խումբ-խումբ զբոսնում էին կանաչ պուրակում: Նրանց մեջ էր նաև տխուր ու զխակոր նվարդը:

Վրթանեսը, Նահապետ պապը, Իվանեն, հաշվապահ Տիրանը, Ռուբենը կանգնած նալահանդստի տախտակամածի վրա զրուցում էին:

Վառվեցին փարոսի լույսերը: Լուսե ճառագայթները՝ պատռելով խավարը իջան ջրերի վրա:

— Ինչո՞ւ այսքան ուշ, — զարմացած հարցրեց Ռուբենը և մթության մեջ լայն բացվեցին նրա աչքերը, — նա էլի ինչ-որ բան էր ուղում ասել, բայց չկարողացավ, միայն անձայն շրթունքները շարժեց: Լռեց երգն ու ծիծաղը:

Լռությոն իջավ շրջապատի վրա, մարդիկ քարացան տեղներում, նրանց հայացքները բեռավեցին լույսի պայծառ շերտին: Ծովակի հարթության վրա լույսերով պարուրված Ավետի հարազատ պատկերն էր ժպտում ամենքին: Կարծես ջրերից ծնվեց զինվորի նկարը:

— Այ քեզ հրաշք, — շնչաց Տիրանը: — Եվ ո՞ւմ գործն է այդ:

— Միշտ էսպես պայծառ մնաս տղաս, — ուրախության արտասուքները աչքերին, մրմնաց Իվանեն:

Ծերունի Նահապետը լուռ էր: Նա մի անգամ ևս նայելով ծովակի կողմը, դանդաղ քայլերով հեռացավ: Փարոսի մոտ նստած էր Աբելը: Տեսնելով պատկառելի ծերունուն, նա ոտքի կանգնեց: Նահապետ պապը լուռ ու մունջ սեղմեց նրա ձեռքը, կանգնեց կողքին: Զրեբի վրա, փարոսի պայծառ լույսերով պարուրված՝ նորից ամենքին էր նայում Ավետի հարազատ պատկերը:

1946—1947

ՍԵՎԱՆ—ԱՐՏԱՇԱՏ

ՄԻՐՈՒԺԸ

ԱՌԱՋԻՆ ՄԱՍ

ԳԼՈՒԽ ԱՌԱՋԻՆ

1.

Առավոտյան աշխատանքային սովորական ժամին պահածո-
ների գործարանի դիրեկտորի տեղակալ Վարդան Ոսկանյանը գը-
լխավոր մուտքի առաջ ցած իջնելով մեքենայից, ժպիտը դեմքին
բարեկեց ափսոսելով հավաքված բանվորներին, ապա դանդաղ քայլե-
րով բարձրանալ սկսեց գրասենյակ տանող աստիճաններով:

Ընդունարանում երիտասարդ քարտուղարուհին տեսնելով
ներան, ոտքի կանգնեց, հարգալից բարեկեց, շտապով ետ քաշեց
գզրոցը, հանեց ափսոսելից առանձնասենյակի բանալին, մեկնեց
ներան: Վարդանը ներս մտավ իր առանձնասենյակը: Քիչ անց
գրասենյակի վրա դրված հեռախոսը ուժեղ զանգահարեց:

— Այո: Ես եմ, Վարդանը: Բարե ձեզ ընկեր մայրու: Շնորհա-
կալ եմ: Այսօր արդեն երկու անգամ զանգահարե՞լ եք: Կներեք,
շինարարական տրեստումն էի: Ի՞նչ, ուրեմն Կենտրոնական Կո-
միտեում համաձայնվեցի՞ն: Շատ ուրախ եմ: Ի՞նչ եք ասում. ժող-
կոմս աղմո՞ւկ բարձրացրեց: Ոչինչ: Ես Վահան Նիկիտիչի հետ
կիսոսեմ: Վաղը չէ, մյո՞ւս օրվա համար, ես պատրաստ եմ թեկուզ
այսօր ևեթ մեկնել:

Դնելով լսափողը Վարդանը բարձրացրեց գլուխն ու ժպտաց.

— Լավ է, լավ:

— Ուրեմն ղեկավարե՞մ եք, Վարդան Սարիբեկովիչ, — հարցրեց
քարտուղարուհին, որ ներս էր մտել և անխոս կանգնած էր կա-
պույտ մահուդով ծածկված սեղանի մոտ:

— Այո: Սակայն դուք չմոռանաք հեռագրերը:

Քարտուղարուհին մանրիկ քայլերով դուրս գնաց առանձնա-
սենյակից և շանցած մի քանի բոպե կրկին վերադարձավ՝ սեղանի
վրա դնելով հեռագրերը:

Վարդանը, հեռագրերն աչքի անց կացնելուց հետո, պատվի-
րեց կանչել գործերի կառավարչին: Նրան հանձնելով մակագր-
ված հեռագրերն ու մի շարք գրովթյուններ ոտքի կանգնեց, մոտե-

ցաւ լայն բաց արած պատուհանին: Խոհը դեմքին նա դիտում էր գործարանի կանաչապատ բակը, ուր հովասուն ծառերը խիտ շարքերով կարծես նիրհում էին ամռան արևի տակ: Շուրջը խաղաղ էր ու հանգիստ: Մարմարիոնապատ ավազանների միջից շատրվանները ջուրը ցայտում էին ծառերից էլ բարձր: Զրի թափվող կաթիլներն արևի ու կանաչի մեջ շողշողում էին ազամանդների ցուքով: Անուշ բուրմունք էին արձակում բազմերանգ ծաղիկները:

Ոսկանյանը քառասունի մոտ, միջահասակ մարդ էր: Մեծ, արծվի կտուցի նման կեռ քթով և կարճ խուզած բարակ ու սև բեղիկներով, որոնք ավելի սուղիդ էին դարձնում նրա դեմքը: Ոսկանյանին ինքնամոռացությունից հանեց գործարանի դիրեկտորը, որը շիտակ քայլերով մոտեցավ նրան: Վարդանը ջերմորեն ողջունեց Տիգրան Սիմոնիչին:

— Զմայլվո՞ւմ ես,— հարցրեց բարձրահասակ, ժամանակից շուտ ծերացած մարդու հոգնած լիքը դեմքով Տիգրան Սիմոնիչը ինքը ևս կանգնելով նրա կողքին:

— Այո, գուցե և վերջին անգամ,— հայացքը ցայտող ջրերից չկտրելով պատասխանեց Վարդանը:

— Արժե դմայլվել: Կատարյալ դրախտի տպավորություն է թողնում: Բայց դա ինչ բան է՝ վերջերս սկսել ես առանց մեղ գործեր բռնել: Այո՛, այդ արդեն աններելի է:

— Դու չպետք է նեղանաս ինձանից,— կռահելով Տիգրան Սիմոնիչի միտքը, մեղմորեն պատասխանեց Վարդանը,— հավատա, պատերազմը սկսվելու օրվանից անցած այս երեք շաբաթների ընթացքում չեմ կարողանում հանգիստ մնալ՝ կարծես ասեղների վրա նստած լինեմ: Դատիր ինքդ, արդյոք ներելի՞ է ինձ նման երիտասարդ մարդուն բազմել դիրեկտորական աթոռին, երբ արյունահեղ մարտեր են տեղի ունենում: Զե՛՛ ուր ես զինվորական եմ: Կարմիր Բանակում ծառայել եմ երկու տարի, համալսարանը վերջացնելուց հետո սովորել եմ հրամանատարական կուրսերում և վերջապես երեք տարիների մեր համատեղ աշխատանքից ձեզ հայտնի է, որ գրեթե ամեն տարի մեկ կամ երկու ամսով դնում էի վերապատրաստման: Այս բոլորից հետո, եթե դու լինեիր իմ տեղը, կհամբերե՞ր սիրտդ: Իհարկե ոչ: Դրա համար էլ դիմեցի մինչև Կենտրոնական Կոմիտե, խնդրեցի, որ ինձ ռազմաճակատ ուղարկեն և ահա հարգեցին խնդիրս:

— Կնա, բայց մի մոռանա մեզ: Ճիշտն ասած դժվար է ինձ համար այս ծանր օրերին բաժանվել քեզանից: Ժողկոմն էլ համաձայն չէ: Ի՞նչ արած: Թող լինի կամքդ: Ես միշտ էլ գոհ եմ եղել քեզանից,— արդեն հաշտ եղանակով ու մեղմույթյամբ ասաց Տիգրան Սիմոնիչը,— երեք տարի մենք աշխատեցինք միասին և ամոթով չմնացինք հայրենիքի առաջ:

2.

— Ինչո՞ւ այսպես վաղ,— դուռը բաց անելով Վարդանի առաջ, հարցրեց երիտասարդ կինը:

— Ձե՞ որ պատրաստվել է պետք, Հռիփսիկս,— գրկելով նրան ասաց Վարդանը,— վաղը չէ մյուս օրը մեկնելու եմ:

Հռիփսիմեն իր սև ու գեղեցիկ աչքերի հայացքով նայեց ամուսնուն, հարցնելով.

— Ուրեմն գնո՞ւմ ես: Արդեն վճույա՞ծ է:

— Այո՛: Հարկ չկա տխրելու,— պատասխանեց Վարդանը,— հույսով եմ, որ դու, իմ սիրունիկ, կհասկանաս ինձ: Ես պետք է դնամ:

— Ձե՛ի՛ր ցանկանա մի բան ուտել, չպատասխանելով Վարդանին հարցրեց Հռիփսիմեն:

— Դեռ ախորժակ չունեմ: Մի շտապիր, գիշերս գործարան չեմ գնալու:

Այդ ասելով Վարդանն անցավ իր առանձնասենյակը: Հռիփսիմեն մենակ թողեց նրան:

Իր ետևից փակելով դուռը Վարդանը նստեց բազմոցի վրա, ձեռքը վերցրեց գրասեղանի վրա դրված բաց գիրքը, սկսեց թերթել: Թերթեց մի քանի թերթ, ծալեց, վերստին դրեց նույն տեղը: Առանց կոշիկները հանելու, նա մեկնվեց բազմոցի վրա, գլխի տակ դնելով երկայն ու ջլուտ թևերը: «Ժողկոմն էլ դեմ է» հիշեց նա դիրեկտորի խոսքերն ու ժպտաց: Ի՞նչ հոգ. մի՞թե ինքը հանցանք է գործել՝ առանց նրան ասելու Կենտրոնական Կոմիտե դիմելով: Ձե՞ որ իր խնդիրն օրինական էր և դրա համար էլ գոհացում ստացավ:

Վարդանն ահամայից հիշեց իր կյանքը: Ութ տարին նոր էր բոլորել, երբ սպանվեց հայրը: Տասնմեկ տարիքի չէր հասել, երբ

մեռավ մայրը: Ինքը որը մնաց, բայց չխավարեց կյանքի արևը: Սովետական նոր հայրենիքում մեծացավ մանկատանը, ստացավ միջնակարգ կրթություն, երկու տարի ծառայեց Կարմիր Բանակում, սովորեց և ավարտեց Պետական համալսարանը, աշխատեց դավառական քաղաքի պահածոների գործարանում, հետո առաջ քաշեցին մայրաքաղաքի առաջնակարգ գործարաններից մեկի դիրեկտորի տեղակալի պաշտոնին, մի գործարան, որ տարեկան արտադրում է միլիոնավոր տուփ պահածոներ: Ինքը սիրեց բանվորներին և սիրվեց նրանց կողմից...

— Սակայն ինչու մոռացվեց Հռիփսիմեն: Ձե՞ որ նա պարտավոր է հասկանալ ու կարդալ իմ սիրտը, — ոտքի կանգնելով ինքն իրեն խոսեց Վարդանը:

3.

Իրիկնադեմին ընտանիքը սեղան նստեց: Իր սովորության համաձայն Վարդանը փորձեց կատակներ անել: Սակայն Հռիփսիմեն դժկամեց, կախեց գլուխը և մինչև ճաշի վերջը չնայեց նրա կողմը: Վարդանը չցանկացավ անհանգստացնել կնոջը: Երկար լուռ մնալուց հետո, լցրեց բաժակը և դիմելով Հռիփսիմեին, ասաց.

— Մի տխրիր: Ես չեմ կարող տանել տխուր մարդկանց: Հասկանում եմ քեզ: Լսիր խոսքս և հիշիր: Սպասիր իմ վերադարձին, իսկ եթե ես վերադարձա, կդամ փառքով: Խմում եմ մեր ապագա երջանկության կենացը...

Երբ Արարատյան դաշտից արևն իր ոսկեղեն շողերն էր հավաքում, Վարդանը ջութակը ձեռքին դուրս եկավ պատշգամբ: Այնտեղ էր Հռիփսիմեն: Ծնկներին դրած բաց գիրքը, ձեռքերը կրծքին ծալած, նա խորհում էր:

Հրաշագեղ ու հարուստ էին երիտասարդ կնոջ սև գիսակները: Ու ու խոշոր աչքերին՝ նայողը արևելքի հմայքը կգտներ այնտեղ: Հռիփսիմեն այնքան էր տարված մտքերով, որ չնկատեց ամուսնու հայտնվելը պատշգամբում:

Վարդանը մոտեցավ նրան, դեմքը մոտեցնելով նրա նրբագեղ գլխին, քնքշալիք, հարցրեց.

— Ասա, Հռիփսիկս, ի՞նչ կցանկանայիր, որ նվագեի քեզ համար:

— Ի՞նչ, — սթափվելով հարցրեց կինը, — նվագիր ինչ որ ցանկանում է սիրտդ:

Վարդանը մի քանի ռոպե խաղում էր ջութակի լարերի հետ, հետո սկսեց նվագել:

Եենքի մոտ բարձրացած ծառերից մեկը, որի ճյուղերը խոնարհվել էին պատշգամբի վրա, կանաչ վրան էր հիշեցնում: Կանգնած պատշգամբում, այդ կանաչ վրանի տակ, իր ջութակն էր խոսեցնում Վարդանը: Կանաչ ճյուղերի վրա խմբված թռչունները դադարել էին մեկ թփից մյուս թուփը ուսուստալուց: Կարծես նրանց էլ հմայել էր հոգեբուխ նվագը:

Հռիփսիմեն խոնարհել էր գլուխը: Տխուր էր նա: Տխուր և թախծոտ էր Վարդանի նվագը:

Գրեթե անկողնում պառկած՝ Վարդանը Հռիփսիմեին պատմում էր իր կյանքի, իր զգացումների մասին: Գրկած կնոջ պարանոցը, երբեմն էլ համբույրներ քաղելով նրա նուրբ շրթունքներից, նա երազանքով շշնջում էր: Ինչե՛ր, ինչե՛ր ասես, որ չէր երազել դառնալ... Նա պատմում էր Հռիփսիմեի հետ իր հանդիպումների մասին, երբ սիրո կրակն էր այրում սիրտը...

— Ինչպիսի դառնագին օրեր էի ապրում՝ կարծելով, որ դու կմերժես սերս: Իսկ նա... իմ վաղեմի ընկերը փայլում էր ժպիտից, այն մարդը, որ ուզում էր խլել քեզ, երջանկովթյունս...

Հռիփսիմեն լուռ էր: Նա իր քնքույշ մատներով խառնում էր ամուսնու մազերը, երբեմն էլ համբույրով պատասխանում նրա ջերմ համբույրներին:

— Չորս տարի է անցել Հռիփսիկս, չորս տարի... Բայց ինձ թվում է, որ այդ դեռ երեկ էր: Ա՛խ, ինչպես ցանկանում էի տեսնել մեր մանկիկին, հայր դառնալ... Իսկ հիմա բաժանվում ենք և այդ կարոտն է մնում սրտումս...

4.

Վարդանին ճանապարհելու համար երկաթուղային կայարան էին եկել ընկերները, պաշտոնակից մարդիկ, կնոջ ընկերուհիները: Տիգրանուհին՝ Հռիփսիմեի մանկովյան ընկերը կատակներ էր

անում ամենքի հետ: Այդ դուր էր գալիս Վարդանին: Նա սիրում էր Տիգրանուհուն նրա պարզ ու անկեղծ բնավորության համար: — Տես, հա, թե ուշացաք, քեզ էլ, Հակոբին էլ տուն չենք թողնի:

— Հակոբդ, Տիգուշ, ինձանից առաջ անցավ: Լավ կլիներ, որ միասին լինեիրք:

— Գտեք իրար: Հոփսիկը եթե յոթ սարի ետևն էլ գնացած լինի, ես կգտնեմ նրան:

Հոփսիմենն չէր խառնվում խոսակցությանը, նա և գրեթե չէր լսում ընկերուհիների կատակները:

Կառամատույցի առաջին գծի վրա կանգնած ապրանքատար վադոնների լայն բացված դռների առաջ գնալով սաստկանում էր աղմուկն ու իրարանցումը: Մոտենում էր գնացքի մեկնման ժամը: Մեկնողներին գրկում: համբուրում էին հարազատները: Կանալք շուտ-շուտ աչքերին էին սեղմում թաշկինակները:

Ոսկանյան զույգը բաժանվեց առանց արտասուքների:

Վարդանը ջերմորեն մնաս բարև անելով ընկերների հետ, քնքշանքով սեղմելով կնոջ ընկերուհիների ձեռքը, նրանցից յուրաքանչյուրին առանձին ասում էր.

— Չթողնեք, որ Հոփսիմեն տխրի:

Հետո բռնեց Հոփսիմենի ձեռքը, գրկեց նրան և նրանք պահ մի աշդպես գրկված մնացին: Համբուրելով կնոջ դողացող շրթունքները, Վարդանը բարձրացավ վագոն:

Գնացքը դանդաղորեն սկսեց առաջ շարժվել:

— Չտխրես, առաջին իսկ հարմար ըուպեին նամակ կգրեմ,— կանչեց նա:

Գնացքն արագացնելով ընթացքը, հեռացավ կայարանից:

Բազմությունն սկսեց ցրվել: Չնայած ամուսնու ընկերների խնդրանքին, Հոփսիմենն հրաժարվեց մեքենա նստելուց: Ընկերուհիների հետ լուռ ու անձայն քայլեց կայարանամերձ հրապարակով, ուր դեռ լսվում էին հեկեկոցներ:

Երբ ընկերուհիներից բաժանվելուց հետո մնացին երկուսով, Տիգրանուհին տխրությունից ասաց.

— Ինչ որ տարօրինակ է: Ինձ թվում է, որ վատ երազի մեջ եմ:

— Ի՞նչ երազի մասին ես խոսում, հարցրեց Հոփսիմեն:

— Զհասկացա քեզ: Ի՞նչ զարմանալի արարք էր քո արարքը:

— Չկարողացա,— ըմբռնելով ընկերուհու հանդիմանությունը իմաստը, դուվար խոնարհելով պատասխանեց նա ու հառաչեց:

— Ի՞նչ է նշանակում չկարողացա: Միթե՞ դու չէիր սիրում նրան: Երեւակայիր, այնպես սառն ու անտարբեր էիր պահում քեզ, որ ես ցավից ուտում էի ինքս ինձ, կարծես քարե արձան լինեիր: Ոչ ոք չէր ասի, որ դու կայարան էիր եկել ռազմաճակատ ճանապարհելու ամուսնուդ: Այո, քո սառնությունն զգաց և Վարդանը: Ես տեսա, թե ինչպես մի վայրկյան մռայլվեց ու դողաց նրա դեմքը: Իսկ Տիգրան Սիմոնիչը անտեսել ցանկացավ այդ և իբր թե ուրիշ տեղ նայելու պատրվակով, շրջեց դեմքը, վեր քաշեց ուսերը:

— Այդ ինձ այնքան էլ չի հետաքրքրում,— վրդովված պատասխանեց Հռիփսիմեն:

— Բայց ի՞նչ կկարծեն մարդիկ: Դու ցնդվել ես, ի՞նչ է: Օ՛, ես չգիտեի, որ դու այդպիսի քար սրտի տեր ես:

— Է՛, չարժե այդ մասին խոսել: Ինչ ուզում են թող այն էլ կարծեն մարդիկ: Իսկ դու չավր մի անցնի: Հարկավոր է հասկանալ: Չկարողացա և ուրիշ ոչինչ:

Կարծես առաջին անգամ տեսնելով նրան՝ մտերմուհին զարմացական կմկմաց.

— Դո՛ւ, դո՛ւ...

— Թողնենք այս դառը խոսակցությունը,— շտապով նրա խոսքը կտրեց նա: Խնդրում եմ, Տիգուշ, վերջ տուր, սիրտս նեղվում է:

Տիգրանուհին ծանոթ լինելով ընկերուհու բնավորությանը, հարկ համարեց լռել: Մինչ տրամվայի կանգառը նրանք քայլում էին գլխակոր ու լուռ: Վազոն բարձրացան, նստեցին առանձին տեղերում:

Մեծ հրապարակում Հռիփսիմեն ցած լիջավ: Նրան հետևեց Տիգրանուհին.

— Գնանք մեզ մոտ,— բռնելով ընկերուհու թևից, քնքշանքով ասաց նա:

— Չեմ կարող: Ինչ որ վատ եմ զգում: Ուզում եմ տուն գնալ:

— Այդ դեպքում երեկոյան ես կգամ քեզ մոտ:

Հռիփսիմեն չպատասխանեց: Ընկերուհիները բաժանվեցին:

Քայլում էր Հռիփսիմեն ու տխուր հայացքով նայում մարդկանց: Այդ ինչպե՞ս պատահեց, յուրովի հարց էր տալիս՝ նա, որ նույնիսկ բաժանման վերջին պահին ինքը չկարողացավ գեթ մի կաթիլ արցունք քամել աչքերից:

Երիտասարդ կինն այնքան էր տարված մտքերով, որ չէր նկատում ծանոթներին, սիրտը կարծես այրվում էր Վարդանի աչքերի վառվող հայացքից: Հռիփսիմեն չնկատեց իրեն մոտեցող բարձրահասակ, լայնաթիկունք մարդուն, որը դեռ հեռվից ուշադիր ու լարված հայացքով հետևում էր նրան: Բարձրահասակ մարդը հավասարվելով նրան, վերցնելով գլխարկը ողջունեց.

— Իմ ջերմ ողջունները Հռիփսիմեին:

Կսելով նրա ձայնը Հռիփսիմեն ցնցվեց, ասլա տիրապետելով իրեն, մեղապարտի պես ժպտաց:

— Այդ դու ես, Երվանդ: Ներիր, որ չնկատեցի:

— Ոչինչ, պատահում է,— քմծիծաղով պատասխանեց Երվանդը,— այդ ներելի է մանավանդ մեր այս օրերին: Սոսկալի պատերազմի լուրը ցնցել է բոլորին:

— Այո: Այդ այդպես է,— տխուր հարեց Հռիփսիմեն:

— Իսկ ինչպե՞ս է առողջությանդ:

— Շնորհակալ եմ: Ապրում ենք էլի:

— Ամուսնյակդ քաղաքումն է:

— Ոչ, ես նոր ճանապարհեցի նրան: Նա ռազմաճակատ գնաց:

— Ա՛, արդ հասկանում եմ տխուր և շփոթված լինելդ: Ի՞նչ արած, պատերազմ է: Մի գուցե վաղը հերթը մեզ էլ հասնի:

— Թերևս ոչ ձեզ,— պատասխանեց Հռիփսիմեն,— չէ որ դուք դիտական աշխարհի մարդ եք: Այստեղ էլ մեծ գործեր կան անելու, իսկ նա ժամանակին ստացել էր ռազմական դաստիարակություն:

— Այո: Նա սիրում էր ռազմական գործը,— նկատեց Երվանդը:

— Սիրում էր ու դրա համար կամավոր գնաց:

— Բայց դուք, Հռիփսիմե շատ գունատ եք երևում:

— Խոստովանանք լինի Երվանդ, մի փոքր վատ եմ զգում:

— Ձէի՞ր առարկի եթե ես ուղեկցելի:

— Շնորհակալ եմ, ես ինքս կգնամ:

— Խնդրեմ,— վիրավորված շեշտով ասաց Երվանդը և սեղմելով նրա ձեռքը, արագ քայլերով հեռացավ:

Քայլում էր Հռիփսիմեն դանդաղ, բարձր բռնած գլուխը: Վեհ ու հանդիսավոր էր նրա դիրքը: Քայլում էր նա ու մտածում թե ի՞նչպես, երբ միտքը տարված էր ամուսնով, կրկին հանդիպեց այն մարդուն, որին սիրել էր, որի համար տանջվել էր ամուսնական կյանքի շորս տարիների ընթացքում: Բայց ինչո՞ւ շցանկացավ կանգնել և զրուցել նրա հետ: Ի՞նչը հարկադրեց իրեն այդպես վարվել...

2.

Տուն հասնելով Հռիփսիմեն դուրս եկավ պատշգամբ: Նստեց սաղարթախիտ ճյուղերից հյուսված կանաչ վրանի տակ դրված բազկաթոռին: Տխուր էր: Ու նա վերհիշեց իր կյանքը. ամուսնուկյան պատմությունը:

... Լինելով ծնողների միակ զավակը, նրանց փայփայանքի ու սիրո առարկան՝ նա շատ էր երես առել: Աչքը բաց անելով տեսել էր դավառական փոքրիկ քաղաքը՝ թաղված հավիտենական կանաչի մեջ: Անտառապատ սարերից ծառերը կարծես իջել, հասել էին քաղաքի փողոցները, ու քաղաքն էլ իր գեղեցիկ պարտեզներով, մրգառատ այգիներով թվում էր անտառի շարունակություն է կազմում, ուր համատարած կանաչի միջից հազիվ են երևում կղմինդրածածկ կոտուրները:

Անտառին շատ մոտ գտնվում էր իրենց տունը, ուր ուրախ ու անհոգ անցավ մանկությունը: Խնձորի ընդարձակ այգում, թիթեռներ էր բռնում վարդի թփերի վրայից, նայում գլզան ջրերին, ժամերով պառկում առվակի ափին ու զմայլվում երկնքի անհուն կապույտով: Հետո սկսեց դպրոց հաճախել և մի զարմանալի սիրով սիրեց ծնողների արհեստը՝ գորգագործությունը: Նստում էր ծնողների կողքին ու նայում, թե ինչպես գույնզգույն թելերը վարժ ձեռքերի տակ հենքի վրա նոր փայլ էին ստանում ու այնտեղ վարդերն էին բացվում, կարծես ցողաթաթախ իսկական վարդեր լինեին դրանք, կամ էլ ծառերի արանքից անտառի քնքույշ հոնիկն է:

իրեն նայում անմեղ աչքերով այնպես իրական, այնպես կենդանի, որ թվում էր ահա ինքը կլսի կենդանու բառաչը: Սիրեց գորգագործուկունը: Տասներկու տարեկան հասակից սկսեց գործել: Ծնողները նայում էին իր գործվածքին ու հիանում. «Գործիր աղջիկս՝ փեշակը լավ բան է»,— ասում էր հայրը:

Երբ լրացավ տասնհինգ տարին՝ դպրոցական ամառային արձակուրդների ժամանակ ինքնուրույն գործեց առաջին փոքրիկ գորգը: Դադգահից հանելով փռեց հոր ոտքերի տակ: Հայրը գլուխը նրան ասաց. «Դու ուսումդ ավարտիր, ես քեզ համար այնպիսի խալի կգործեմ, որ երազումդ էլ տեսած չլինես»:

Ավարտեց միջնակարգ դպրոցը:

Ծնողները չցանկացան բաժանվել իրենից: «Ուսումը լավ բան է, համա առանց քեզ չենք կարող ապրել»,— ասաց հայրը: Ծնողները որոշեցին, որ Հռիփսիմեն հեռակայի մայրաքաղաքի ինստիտուտներից մեկին: Սիրով համաձայնվեց: Իրեն համար ևս դժվար էր բաժանվել սիրասուն ծնողներից:

Երկու տարի հեռակայեց ինստիտուտին: Գիշեր ու ցերեկ կարդում էր գրքեր, որ առատորեն գնում էին իր համար ծնողները և ինքը երջանկով լինում ու կյանքը դտնում էր այդ գրքերում, ծնողների գուրգուրանքի մեջ:

3.

...Քսան տարին նոր էր լրացել, երբ ձմռան մի օր տանը հայտնվեցին երկու ընկերները՝ Նրվանդն ու Վարդանը, որոնք եկել էին այդ քաղաքում պաշտոնավարելու: Վարդանը նշանակվել էր նորակառույց պահածոների գործարանում, իսկ Նրվանդը գլխավորելու էր էլեկտրո-բարձր-հոսանքի համար կառուցվող ենթակայանի սարքավորման աշխատանքները: Վարդանին ինքը ճանաչում էր դեռ մանկուց: Նա իր ծնողների ցանկալի հյուրն էր, նրանց սիրելին: Ուսանող եղած ժամանակն էլ Վարդանը ամառային արձակուրդն անց էր կացնում իրենց մոտ և հայրը սրտի ցնծությամբ էր խոսում նրա մասին. «Վարդանը հոգեախրորս պատկերն է,— նրա նման էլ մարիֆաթով: Լույս դառնա դերեզմանդ Սարիբեկ, էս ինչ լավ ծաղիկ ես թողել երկրիս վրա»:

Վարդանը կրթված, զուսպ երիտասարդ էր: Քիչ չէին եղել ժամեր, երբ հասունություն ապրող կուսական իր սիրտը տրոփել էր նրա համար...

Սակայն Երվանդը գերեց իր սիրտը: Ինքը սիրեց Երվանդին, Երվանդն էլ իրեն սիրեց: Ու մի օր գողումի հանդիպեցին խնձորի այգում: Գարուն էր. դարնանային աստղազարդ լուսրնկա գիշերն: էլ կարծես արեքցած էր ծաղկանց բույրով: Հռիփսիմեն իրեն զգաց Երվանդի բազուկների մեջ ու սիրտը դողաց կյանքի քաղցր դուրով: Այդ պահին սեր շնչացին երկուսով ու ջերմ համբույրով սիրո սուրբ ու անխախտ ուխտ կապեցին... Խաղում էր մեղմ հովը ու հովի քնքուշ մատների տակ ձյան փաթիլների նման իջնում էին խնձորենիների սպիտակ ծաղկաթերթիկները:

Վարդանն իր փեսացուն էր, այդ գիտեր Հռիփսիմեն: Ծնողները գոհ ու երջանիկ սպասում էին նրան և նա եկել էր: Սակայն ինքը չէր կարողանում տանել Վարդանի ներկայությունը...

Տոնջվում էր Երվանդը: Նա սկսեց իրենց տունը հաճախել առանց Վարդանի: Ծնողներն սկզբում ոչ մի վատ բան չէին մտածում, իսկ երբ տեսակցությունների ժամին նկատեցին իր ուրախությունը, սիրով լի հայացքները, այգում նրա հետ առանձնանալը, տխրեցին: Հայրը Երվանդի ջերմ ողջություններին սկսեց լռությամբ, ապա թշնամանքով պատասխանել: Մի օր էլ, նախամուտքից ետ դարձրեց նրան. «Մենք գործ ունենք, Հռիփսիմեն էլ հիվանդ է»:

Այդ լսեց ինքն ու սոսկաց: Գիշերն անկողնում պառկած լաց էր լինում:

Այդ օրվանից ծնողներն սկսեցին ավելի հաճախակի խոսել Վարդանի մասին:

Հայրն արտասուքն աչքերին պատմեց իր ուխտի մասին.

«... Երբ մենք մեր քաղաքից գաղթված էինք, էս կողմերը կգայինք, ճամփին մեզ թալանեցին: Ավազակ մարդիկ են դաշնակները: Ո՞վ էր նրանց օրենք ու թասիբ տվել: Թալանից հետո ձեռք գցեցին կանանց: Էն անիրավներից մեկը ձեռքը մորդ դռը տարավ: Մերդ էլ էն ժամանակ քեզ նման մի թաղան դուռ էր: Հոգեախպերս՝ Վարդանի հայրը, լուս դառնա նրա գերեզմանը, չտարավ էդ անպատվությունը: Դուրս քաշեց չուխի տակ պահած դա-

մեն ու անիրավի ջիգյարը խառնեց: Էդ որ տեսան սպանված ավագակի ընկերները, տասը գյուլլա զսրկին դռշին: Մենք ուշքի եկանք: Օղորմածիկ քեռուդ հետ դետին դլորեցինք երկուսին, հրացանները խլեցինք նրանց ձեռքից: Մեզ օգնության եկան ուրիշներն էլ. «Սպանեք դրանց» վերջին անգամ աչքերը բաց անելով ասաց Սարիբեկ հոգեախաբերս: Մենք էլ սպանեցինք նրա կյանքը մարողներին:

Հոգեախաբորս վերքերը շատ ծանր էին: Հոգին փռեց: Թաղեցինք աղբյուրի մոտ ու ես նրա դերեզմանի վրա ուխտ կապեցի, թե որ դու ու նրա մինուճար Վարդան տղեն անփորձ մնաք, բախտավոր զույգ պիտի դառնաք: Սիրի Վարդանին, աղջիկս ու դու բախտավոր կլինես»:

Մայրն էր համոզում. «Վարդանը լավ ծառի պտուղ է: Նրա հերը, թող լուս դառնա նրա արդար հոգին, ինձ խայտառակությունից ազատեց: Սիրե աղջիկս, Վարդանը լուսի պես տղա է»:

Իսկ ինքը չկարողացավ սիրել Վարդանին: Նրվանդի սիրո կայծերը հրդեհի փոխարինվեցին իր սրտում:

Վրդովեց ծնողների խաղաղ կյանքը: Հայրը շարունակ կշտամբում էր մորը, որի արտասուքի անսովոր աչքերը այդ օրվանից միշտ թաց էին լինում: Հայրը օրերով արհեստանոց չէր մտնում: Տուն էր գալիս ուշ գիշերներին: Գինին օրորում էր նրան: Գոռում էր ամպի պես ու ձեռք էր բարձրացնում մոր վրա. «աղջիկդ ինձ դերեզման կտանի, նա ուզում է, որ ես մեղանչեմ Սարիբեկիս դերեզմանի առաջ: Էդ բանը չի լինի... Մի օր էլ կիմեմ, կերթամ մեշի ծառերից կկախվեմ»:

Մայրը վշտից անկողին ընկավ: Անտեսանելի ցավը հալ ու մաշ էր անում նրան:

Ի՞նչ անել... ինչպես ամոքել ծնողների սիրտը: Ինքը եղավ նրանց խաղաղ կյանքը թունավորողը: Ի՞նչ արժե իր բախտավորությունն ու երջանկությունը, երբ վշտի մեջ տառապելու են նրանք: Օրեր շարունակ դառը արտասուք թափելով խորհում էր ինքը: Բայց ինչպե՞ս սիրել Վարդանին: Ուրիշ բան էր այն ժամանակ, երբ չկար նրվանդը: Մի գուցե կրկին վերադառնա այն սերը: Զէ՞ որ ինքը դրանով կփրկե ծնողների կյանքը... Ու դրժեց նրվանդին տված սիրո խոսքը:

Այդ վճիռն ընդունելուց հետո, տուն հրավիրեց Վարդանին։ Երկուսով նստած պատշգամբում զրույց էին անում, երբ գինուց շրորվելով ներս ընկավ հայրը։ Նա անակնկալի եկած մարդու պես ապշած հայացքով նայեց նրանց, կարծես չհավատալով տեսածին, տրորեց ուռած աչքերը։ Վարդանն ուրախ էր։ Տեսնելով հորը Հռիփսիմեն ինքը ևս ժպտաց... Ժպտաց, սակայն կրծքի տակ լալիս էր սիրտը։ Ժպտաց ու ձեռքը դրեց Վարդանի ձեռքին։

«— Փառք քեզ աստված» բացագանչեց հայրը։ Նա ուրախությունից լալիս էր։

4.

Նույն տարվա աշնանը եղավ նրանց հարսանիքը։

Հռիփսիմեն գլուխը ձեռքերի մեջ առած հիշում էր։ Նրա աչքերից առատորեն թափվում էին արտասուքները։

... Աշնանային գույների մեջ վառվող անտառի միջով շարժվում էր հարսանեական հանդեսը։ Պարում էին ընկերուհիները, պարում էր հայրը, չէ՞ որ նա հասել էր իր նպատակին։ Մեծ ուրախությամբ համար պատրաստված մարդիկ գինով ու խնդությունով անցկացրած գիշերից հետո էլ, առույգ էին ու զվարթ։ Երբ երևաց կարմիր ժայռն ու մենավոր շիրիմը, անտառը գրկեց զուռնի տխուր մեղեդին։ Լռեց աղմուկն ու խնդությունը և կարծես մարդկանց օրորել սկսեց թախիծը... Հասան աղբյուրին, կլոր շրջանի մեջ առան շիրիմը։ Առաջ եկավ հայրը։ Շիրիմաքարի վրա դրվեցին բաժակները։ Փրփրեց կարմիր գինին։ Մայրը, ինքը, Վարդանը շոքեցին շիրիմի առաջ։ Մեղմ խշշում էին ծառերը, իրենց խշշոցի հետ դեղնած տերևներն էին թափվում մարդկանց գլխներին։ Հայրը քրքրելով աչքերը, դիմեց վաղամեռիկ հոգեղբորը. «... Սարիբեկ ախպեր ջան, մուրազս կատարվեց, մի վեր կաց, ազիզ ախպեր, տես ովքեր են եկել քեզ տեսություն, տես, ինչքան ախպեր տղերք ունես»։

Հայրը համբուրեց շիրիմաքարը, վերցրեց գինով լիք բաժակը։ Նրա հետ բաժակ բարձրացրին էլի տասնյակ մարդիկ։ Շիրիմաքարի վրա դրեցին լիքը գավաթ, մի բրդոճ հաց ու միս, որի վրա իր ձեռքով աղ ցանեց հայրը։ Բոլոր բաժակները խփվեցին շիրիմաքարի վրա թողած գավաթին...

խաղաղվեց ծնողների կյանքը: Նորից գոհ ու երջանիկ էին նրանք:

Սակայն դառն ու տանջալի էր իր վիճակը: Չսիրել մեկին և ապրել նրա հետ... Չսիրելով Վարդանին, ինքը սեր էր ցույց տալիս նրան, որ շխտովի ծնողների սիրտը, որ շամպոտի խելագար կեդպով իրեն սիրող երիտասարդ մարդու հոգին: Երբ երեք տարի առաջ ամուսնուն աշխատանքի նշանակեցին մայրաքաղաքում, Հոփսիմեն գոհ մնաց դրանից: Գոնե հեռու կլինեն ծնողներից ու նրանք չէին տեսնի իր տանջանքները, չէր խավարի նրանց խաբուսիկ երջանկովունը, որ ինքն իր տառապանքների գնով վերադարձրեց:

Հոփսիմեն բարձրացրեց գլուխը: Արևը մայրամուտ էր ապրում: Երեկոյան համերգն էին սկսել ծառի ճյուղերի մեջ ոստոստացող թռչունները: Ահա այդ պահին պատշգամբ էր մտնում Վարդանը: Գոհ ու երջանիկ էր նա և ջութակի լարերը նրա վարժ մատների տակ գեղգեղում էին անուշ թովչանքով:

ԳԼՈՒԽ ԵՐԲՈՐԳ

1.

Ծանր ու ահավոր պատերազմն իր ահռելի շրջապտույտի մեջ էր առել սովետական ողջ երկիրը:

Լի կյանքով ապրող արևաշող քաղաքը, կարծես դատարկվել էր: Այլևս նրա ճոխ զբոսավայրերում, նորքի հայտնի ծառաստաններում խմբովին չէին ձեմում ուրախ երիտասարդները: Այգիներում լուել էր հայկական քաղցրալուր երգն ու նվագը:

Ամեն օր քաղաքային կայարանից շարժվում էին զինվորական գնացքները: Նրանք տանում էին թշնամու դեմ ատելությամբ լրջփառ երիտասարդ մարդկանց:

Թր-օրի վրա մուսյլ էր դառնում քաղաքը: Այլևս խանութների ցուցափեղկերում, բարձր տների մուտքերի վրա երեկոներին չէին փայլում բազմերանգ լույսերը, որոնք ստեղծագործ աշխատանքից հետո, հանգստի էին հրավիրում մարդկանց: Վրա էր հասնում խավարը և վարդագույն շենքերը դառնում էին գորշ, անհրապույր: Գիշերվա մեջ, մայիքերի վրա երբեմն լսվում էին զինվորականների հատու քայլվածքի ոտնաձայները:

Սակայն խաբուսիկ էր մայրաքաղաքի գիշերային այդ անդոր-
րը: Գործարաններում, արհեստանոցներում մարդիկ անդուլ գոր-
ծում էին:

Գործում էր և գիտական միտքը: Ամեն ինչ ռազմաճակատի
համար, ամեն ինչ հաղթանակի համար լուզունգը համակել էր
մարդկանց...

Հովիտի մեկից բաժանվելուց հետո, Սալյանը ինքնագոհ ժպտաց.

— Ուրեմն նա էլ գնաց, լավ, լավ,— ձեռքերը փրար շփելով կի-
սաձայն ինքն իրեն ասաց նա,— ինչ կա որ, իսկ ես կմնամ քա-
ղաքում, ես պիտի մնամ քաղաքում և դու, իմ սիրունիկ, ինձանից
հեռու չես թռչի...

Եվ երվանդ Սալյանը մնաց քաղաքում: Նա խուսափեց ստո-
բագրելու ինստիտուտում իր հետ աշխատող մի խումբ ճարտա-
րապետների և ինժեներների նամակը, որոնք կամենում էին ռազ-
մաճակատ մեկնել: Նա մնաց քաղաքում և սկսեց հաճախակի բա-
ղակայել աշխատանքից.

— Ինձ սպանում է ստամոքսային խոցը,— ասում էր նա իր
ընկերներին:— Է՛, եթե այս անիծված հիվանդությունը չունենայի,
կկամավորագրվեի, ռազմաճակատ կգնայի, ու այնտեղ ցույց կտա-
լի իմ ուժ լինելը. բայց ինչ արած, ինձ վիճակված է մնալ քաղա-
քում, երբեմն կինո գնալ ու էկրանի վրա դիտել այն ամենը, ինչ
կատարվում է մարտի դաշտերում:

Եվ մարդիկ հավատում էին նրան: Սակայն երվանդ Սալյանը
չէր բացակայում և ոչ մի ժողովից, նա գիտեր պաթոսով ճառ
ասել: Ներքուստ գոհ էր իրենից: Աշնանը, մեկ ամսից ավելի, նա
պառկած էր անկողնում և մարդիկ սկսեցին կարեկցանքով խոսել
նրա մասին:

— Լավ դասախոս է,— ասում էին ուսանողները,— բայց ինչ
արած, որ հաճախակի հիվանդանում է:

— Իսկ ես չեմ հավատում նրա հիվանդության սուր բնույ-
թին,— մի օր դասախոսների մոտ հայտարարեց ուսմասվարը, որը
տարիներ շարունակ ճանաչել էր երվանդին:— Ես չեմ հիշում,
որ պատերազմից առաջ նա մի օր դանդաղակներ այդ մասին...

— Կարիք չկա բամբասել մարդուն,— վրդովվեց ինստիտուտի

դիրեկտորը:— Այդ արդեն մեր խելքի բանը չէ, ես կարող եմ
ոյշուրին կերպով վճռել շինանյութերի դիմացկունության մասին
ամեն մի խնդիր, իսկ ստամոքսի խոցը եկեք թողնենք բժիշկներին:

Երվանդ Սալյանը երեսունհինգ տարին անց, բարձրահասակ,
լայնալանջ մի տղամարիդ էր՝ օժտված բնական գեղեցկությամբ:
Նրա սև աչքերի կրակոտ հայացքի տակ գեղեցիկ կանաչ խոնար-
հում էին գլուխները, նա ուներ ճարտար լեզու, գիտեր գրավել
մարդկանց: Հոփսիմեից մերժում ստանալուց հետո, նա չընկճվեց,
այլ բռնեց Վարդանից վրեժխնդիր լինելու ճանապարհը: Երբ Վար-
դանը ընտանիքով մայրաքաղաք տեղափոխվեց, ինքն էլ նրա-
նից մի ամիս հետո աշխատանքի անցավ ինստիտուտում: Քայլ առ
քայլ հետևում էր զույգին, — առիթ բաց չէր թողնում Հոփսիմեի
հետ հանդիպումներ ունենալու:

Երբ նոր բացված զինվորական հիվանդանոցները հասան:
Ուղղաճակատներից խոր թիկունք բուժման ուղարկված վիրավոր
ուղմիկները, Սալյանը ցանկություն հայտնեց տեսնվել նրանց
հետ: Նա նվերների կապոցը ձեռքին մի խումբ դասախոսների հետ
հայտնվեց ինստիտուտին մոտ գտնվող վիրաբուժական հիվանդա-
նոցում:

Զինվորական հիվանդանոցի պետը, երկարամյա մի բժիշկ,
նրանց առաջնորդեց երկրորդ հարկը, ուր պառկած էին ծանր վի-
րավորները:

Երվանդը զինվորական հիվանդանոցից դուրս եկավ ծանր
տպավորությամբ. ահա քեզ պատերազմ. կարծես դեռ աչքի
առաջն էր աջ ոտքից զրկված գումարտակի նախկին հրամանատա-
րը: Նա էլ էր ճարտարապետ եղել, իսկ երբ դերմանացիները հա-
սել էին հարազատ քաղաքին, ղենք էր վերցրել և անցած մի քանի
տասնյակ զինված բանվոր-ծառայողների գլուխ կռվել էր, հետո
միացել նահանջող Կարմիր Բանակի զորամասերին, թեժ կռիվնե-
րից մեկում փոխարինել գումարտակի հրամանատարին, ծանր վեր-
քեր ստանալով դուրս էր եկել շարքից...

Եվ մարդը պետք է ապրի առանց ոտքի, — ողջ ճանապարհին
ինքն իրեն մտածում էր նա:

Սալյանը ավելի՛ հաճախակի էր երևում հասարակական վայ-

բերում, նա մահվան երկյուղ էր ապրում, չլինի թե որևէ մեկը վատ բան մտածի իր մասին, չէ որ ընկերները չգիտեին, թե ինչ է կատարվում իր հոգում...

2.

Սակայն Հռիփսիմեն առանձնացել էր:

Թախիծն էր սողում նրա մենավոր հոգին: Ինչո՞ւ է ինքը տրամում: Ո՞ւմ համար. Վարդանի՞, որին չէր սիրում: Երբ թափառ մտքերը հեռու էին տանում, նա որոշում էր չմտածել և ոչ մի բանի մասին: Չէր կարողանում: Գալիս ու իր դեմ կանգնում էր Վարդանը: Նորից ապրանքատար վագոնի բաց դռան առաջ գրկում էր իրեն ու նրա վերջին հայացքը թրատում էր իր սիրտը: Ուզում էր վանել նրա պատկերը, չէր կարողանում: Ավելի պայծառ էր գծվում այն:

Հռիփսիմեն հիշում էր նրան, ապրում նրանով, նույնիսկ հաճելի էր դառնում հուշը և Վարդանին պատկերացնում էր այնպես, ինչպես էր նա գնալու օրը: Ահա նա դուրս եկավ պատշգամբ: Հաճելի էր լսել նրան, տեսնել խոհով պատած բարձր ու կանոնավոր ճակատը, տեսնել թարմ ու գեղեցիկ դեմքը, վեհօթյուն արտահայտող հայացքը:

Ամեն, ամեն բան այդ հարկի տակ Վարդանին էր հիշեցնում, այո, ամեն ինչ կարծես ստեղծված էր նրա երջանկության համար: Գեղեցիկ ճաշակով կահավորված սենյակների խաղաղօթյունն էլ նրա մեծագիր նկարի պայծառ հայացքի տակ դուրեկան ու հարազատ էր դառնում: Իսկ նրա վերջին հայացքը... Կարծես այդ հայացքով նա թափանցեց իր սրտի խորքը:

Ամուսնուն ճանապարհելուց հետո, մի օր Հռիփսիմեն մտավ նրա առանձնասենյակը: Նա տխուր հայացքով նայեց գրքերի մեծ պահարանին, պատից կախված նարնջագույն պատյանով ջութակին, զույգ փամփշտակալներով երկփողանի որսորդական հրացանին, գրասեղանին, որի վրա դրված օրացույցը ցույց էր տալիս նրա մեկնելու օրը, արծաթյա ոսկեզօծված շրջանակով իր լուսանկարին, որ ամուսնության առաջին օրվանից անբաժան էր նրա գրասեղանից: Վարդանն իր ճաշակով էր կահավորել այդ սենյակը: Հռիփսիմեն մի ժամի չափ այնտեղ մնալուց հետո, խնամքով

ծածկեց գրասեղանը, ջութակն ու հրացանը: Դուրս դալով սենյակից բանալիով փակեց դուռը:

Նույն գիշերը անկողին մտնելուց առաջ վարդապետն ծածկուցով ծածկեց ամուսնու մահճակալը:

3.

Երիտասարդ կնոջը թվում էր, որ երազ էր ամուսնուց բաժանվելը: Ճաշի ժամանակ ակամայից նայում էր ժամացույցին, իջնում էր երեկոն, ներքին մի ուժ նրան պատշգամբ էր մղում և նստած այնտեղ, կարծես սպասում էր, որ ահա ուր որ է Վարդանը դուրս կգա տնային խալաթը հագին ու ժպիտով կհարցնի. «Ասա, սիրելիս, այսօր ի՞նչ նվագեմ քեզ համար»: Գալիս էր հանգստի նախօրյակը, թվում էր, որ ահա կեսօրից առաջ պատշգամբի տակ ծանոթ սուլոցով կանգ կառնի մեքենան ու ինքը կլսի նրա ոտնաձայները աստիճանների վրա, ներս կմտնի Վարդանն ու ուրախ ժպիտը դեմքին կփարվի իրեն կանչելով. «Աղիզ, մեծ խմբով որսի ենք գնում Կարմիր սարը, տես, թե ինչպիսի վայրի այծ եմ բերելու»: Մտնում էր անկողին. թվում էր, որ կլսի նրա կանոնավոր շնչառությունը և ուր որ է նա կպարզի բազուկներն ու կգրկի իր պարանոցը...

Մինչ թմրությունն իջնելը հուշեր, հուշեր էին զարթնում Հռիփսիմեի հոգում, որոնց մեջ փայլում էր Վարդանի պայծառ պատկերը:

Սակայն ինքը չկարողացավ սիրել նրան: Բայց միթե՞ քիչ են եղել վայրկյաններ, երբ մոռացել է վիշտը, կարծել, թե արդեն սրտում հսրեղում է Երվանդի սիրո վերջին ճառագայթը, թե այլևս չի տանջվի նրա համար: Սակայն նա նորից հիշում էր առաջին համբույրը ծաղկած խնձորենիների այգում...

Հռիփսիմեին հանգիստ չէին տալիս Վարդանի գանդատները. կարծես կրկին լսում էր տխրությամբ լեցուն նրա խոսքերը. «...Միթե՞ Հռիփսիկս, մենք զավակ չենք ունենալու: Ա՛խ, այնպես եմ փափագում տեսնել, գրկել իմ մանկան»... Այդ պահերին ինքը ժպտում էր նրան: Սակայն լալիս էր սիրտը, թվում էր, թե կրծքի տակ կրկին զգում է ծանր զարկը: Հիշելով Երվանդին, դեռ երա-

զելով իր կորցրած սերը, չցանկացավ, որ կրճքի տակ աճեր ու յուլյս աշխարհ գար մանկիկը:

Վարդանն այդ օրերին տխուր էր: Արդյո՞ք նա հասկացավ, զգաց կնոջ կատարած հանցանքը ընտանիքի սրբության առաջ: Ինչպե՞ս էր տանջվում նա, երբ ինքը գունատ էր՝ ու դալով:

Հռիփսիմեն սկսեց անհանգիստ, անքուն գիշերներ լուսացնել: Ինչո՞ւ էր ինքը տանջվում: Չէ՞ որ ամուսնու ներկայությունը մինչև ռազմաճակատ գնալը իրեն համար հոգեկան անհրաժեշտ պահանջ էր եղել:

ԳՆՈՒՆ ԶՈՐՐՈՐԴ

1.

Վարդանի ռազմաճակատ մեկնելուց մի քանի ամիս անց Հռիփսիմեին տեսություն եկան ծնողները: Նա ծերունիներին ընդունեց գրկաբաց, սրտի բերկրանքով, ամբողջովին նվիրվեց նրանց:

Գիշերները մոր հետ պառկում էր մի անկողնում, հիշում էր մանկության օրերը, գրկում, համբուրում մայրական ջերմություն բուրոջ նրա կուրծքը: Հորը՝ ուստա Աբգարին խնդրում էր ուրախ պատմություններ պատմել: Նա կարծես ծնողների փաշփայլանքի ու սիրո մեջ ցանկանում էր խեղդել այն նոր թախիծը, որ սկսել էր պարուրել սիրտը:

Սակայն փորձառու և նրբազգաց ծնողները շուտ հասկացան իրենց դստեր հոգու անհանգիստ վիճակը: Նրանց տանջում էր նրա անհանգիստ քունը, երբեմն էլ ծանր հառաչանքները, որ դուրս էին թռչում կրճքից:

Երբ մայր ու աղջիկ տանը մենակ էին լինում, Հռիփսիմեն հաճախ մոռանում էր մոր ներկայությունը, մոռանում սկսած խոսքը, տխրում ու հայացքը ուղղում էր ամուսնու նկարին: Մայրը ձևացնում էր, որ չի նկատում այդ և երբ նա խաղաղվում էր, աղջկա վիշտը ցրելու համար սկսո՞ւմ էր որևէ պատմություն անել:

— Երեք տարվա պսակված էի, որ հորդ սաղաթություն տարան: Նոր էր ծնվել քեզանից մեծ Արտաշես ախպերդ: Ա՛խ, աչքս քոռանա, հորդ տանելուց հետո մեռավ տղան: Գիշեր ու զօր հորդ մասին կմտածեի, քիչ կմնար խելքս կորցնելի: Էդ օրերին էր, որ մերս եկավ մեր տունը: Տեսավ ինձ ու լացեց՝ «Վա՛յ, աղջի, ընչի տունդ կքանդես, մարդ է սաղաթություն է գնացել, մի օր էլ կգա:

Դու որ քեզ քարերին ծեփիր, օգուտդ ինչ»։ Լավ կասեր մերս։ Նրան ահանջ դրի։ Ձեռքս զարկի գործի։ Տուն ու տեղ կիստկեի, կովերը կկթեի, մեծ տալիս շորս երեխաներին կլողացնեի. մի խոսքով գործից աչք չէի բանա։ Ինչ ասես աղջիկս, գործը սրտիս մրմուռը թեթևացրեց։ Հմի քոնն է, բալես, շատ մտքերով մի տարվի։ Ո՞վ գիտե տերութունների գործը, մի օր էլ աստված էս կրակի վրա ջուր կլցնի, իրենց տուն ու տեղի վրա կդառնան ջահելները։ Վարդանն էլ կգա ու բախտավոր կապրենք...

— Ի՞նչ անեմ, մամա ջան, ուզում եմ շմտածել, բան դուրս չի գալիս,— անկեղծորեն խոստովանում էր Հռիփսիմեն,— միշտ մտքիս մեջ է... Ախր քանի այստեղ էր հեշ վեջս էլ չէր, չէի էլ սիրում, իսկ հիմա... դա է ինձ տանջողը։

— Գործի մտիր, տանը մենակ մի մնա։

— Է՞, կարծում ես մի բան դուրս կգա։

— Լավ, սիրտդ կթեթևանա։ Վարդանն էլ ուրախ կլինի։

Մայրն զգում էր, որ իր հորդորները չէին ազդում աղջկա վրա, նա շարունակում էր տարվել մտքերով։

Ամեն երեկո, սովորական ժամին, Հռիփսիմեն դուրս էր գալիս պատշգամբ, նույնիսկ երբեմն կիսատ թողնելով զրույցը։

— Մամ ջան, պատշգամբ գնանք,— ասում էր նա։

— Ախր, էդ ինչի՞՞ ամեն իրիկուն էս վախտ բալկոն կվազես։

— Գնանք, գնանք, էնտեղ լավ է, գուցե նվազ լսենք։

— Է՞, ով պիտի նվազե։

— Ոչ ոք, գնանք, սիրտս նեղվում է։

Մայրը նրա դուրս գնալուց հետո սրբում էր ծեր աչքերը։

— Խելքը կթոցնի,— ինքն իրեն մտմտում էր նա։

Տխուր էր նաև ուստա Աբգարը։ Միթե՞ այդքան զորեղ է եղել սերը, մտածում էր նա, որ այնպես հալումաշ է անում աղջկան։

— Աղջիկդ լավ վիճակի չէ, այ կնիկ,— ի վերջո ասաց նա։

— Ասա ձեռքից դնում է,— ազատություն տալով արտասուքներին, պատասխանեց կինը։

— Լավ, դու էլ քեզ մի տանջի, հնարքմ կգտնենք։

— Համոզի, որ մեր տունը տանենք,— պահանջեց կինը։

Ուստա Աբգարը բացասաբար շարժեց գլուխը։

— Ձէ, կնիկ ջան, թե Հռիփսիկս Վարդանին կսիրե, նա էս տնից դուրս եկողը չէ։ Թե բան գիտես, շնորհքդ ցույց տուր։

Մի օր էլ, երբ ճաշից հետո մայր ու աղջիկ գրույցի էին բռնովել, ուստա Աբգարը աչքով անելով իր կողակցին, դառնալով աղջկան կամացուկ ասաց.

— Հոփսիսիկ, աչքիս կերևա, որ կտխրես: Ասա, չէիր ուզի մեր տունը գնալինք: Էնտեղ դու լավ կլինես, օդն էլ վերցնում ես, մեռակ չես լինի, գալովն էլ ձմեռ է:

Հոփսիսիմեն գլուխը կախեց...

— Ինչ ունես էս քաղաքում: Որտեղ մենք, էնտեղ էլ դու,— աչքերը սրբելով սկսեց համոզել մայրը:— Մեր աչքի առաջ կլինես, մեր կերած հացն էլ հալալ կլինի, քոնն էլ: Լա՛վ, Հոփսիսիկ ջան, դու էստեղ, ես ու հերդ էլ էնտեղ: Ինչ դուրս կգա դրանից: Էլ քոնը մեր աչքին մոտ կգա՞, էլ մեր աշխատանքը կերևա՞:

Հոփսիսիմեն լուռ էր:

— Դե, խոսքդ ասա, աղջիկս, գալո՞ւ ես մեղ հետ: Կմնաս մեզ մոտ մինչև կռիվը վերջանա:

Ծերունին չկարողացավ շարունակել խոսքը, պիջակի գրպանից շտապով հանեց գունամկոր թաշկինակն ու սեղմեց աչքերին:

— Է՛, անբախտ մարդ եմ ես,— կերկերուն ձայնով շարունակեց նա,— թե բախտ ունենայի, հիշատակմ էլ հողեախապորտ տղից կունենայի:

— Դե ասա, բալիկ ջան, գալո՞ւ ես մեր քաղաքը:

Հոփսիսիմեն բարձրացրեց գլուխը. նրա աչքերը թաց էին:

— Չէ մամ ջան, ես իմ տանը կմնամ...

Այդ գիշեր ավելի անհանգիստ քնեց նա: Ողջ գիշեր իր հետ էր Վարդանը: Նա նորից հարցնում էր իրեն. «միթե՞ մենք զավակ չենք ունենալու, գիտես որքան եմ ուզում տեսնել իմ զավակին: Օ՞, այնպես կսիրեի նրան...»: Հետո նա տեսավ ամուսնուն շրջապատված ընկերներով, ինքն ու Տիգրանուհին կանգնել էին նրա կողքին: Վարդանը գրկեց իրեն, ինքն իր կրծքի վրա զգաց նրա սրտի զարկերն ու իրենց շրթունքներն իրար հանգիպեցին: Իսկ վերջին հայացքը համբույրի հե՛տ...

Լուսաբացից առաջ Հոփսիսիմեն բաց արեց աչքերը: Սենյակում խաղաղություն էր տիրում: Քնած էին ծնողները: Քունն ալյուս մոտ չեկավ նրա աչքերին: Նա չէր շարժվում պառկած տեղում, որ

չխանգարի իր կողքին, վերմակի տակ կծկված մոր քունը: Այնպե՛ս տանջված էր երևում մոր դեմքը: Ինքը որքան կցանկանար, որ ոչ մի վիշտ չխոցեր նրա սիրտը...

Նորից ընկավ մտքերի ծովը: Դարձյալ վարդանը: «Միթե՞ ես չեմ կարող մտածել ուրիշ բանի մասին», ինքն իրեն հարց էր տալիս Հռիփսիմեն և կրկին հիշում հրաժեշտի վերջին ժամը, Տիգրանուհու կշտամբանքը. «— Ինչ քար սիրտն ես եղել»: Հիշեց, միտքը տարված էր հեռացող վարդանով, երբ հանդիպեց Երվանդին... Այդ ի՞նչ զուգահեյպովթյուն էր: Սակայն ինչո՞ւ նրան տեսնելով սիրտն ուրիշ օրերի նման խնդովթյուն չապրեց: Այդ ի՞նչ սառնովթյուն էր, որ պարուրեց իր հոգին:

Հռիփսիմեն հիշեց մայրաքաղաքում ապրած երեք տարիները: Կակիծը, կորցրած սերը, երբեմն այնպես էր բռնկվում սրտում, որ նեղ ու ճնշող էր դառնում ամեն ինչ: Կարծես սիրտը կտրտվում էր ցավից ու խեղագարի պես ինքը փողոց էր դուրս գալիս: Շտապ քայլերով հասնում էր տրամվայի ծանոթ կանգառը, սրտի դողով սպասում աշխատանքի վերջանալու ժամին, որ դար ու անցներ Երվանդը և ինքը գոնե հեռվից տեսներ նրան: Եվ ահա գալիս ու անցնում էր Երվանդը: Նույնիսկ չէր էլ նկատում իրեն: Բայց ինքը դիտեր, որ անցնում է նա ու միտքը տարված է իրենով: Քանի տարի է անցել իրենց հանդիպման առաջին օրվանից: Ինքը չի կարողանում մոռանալ նրան, իսկ նա՞: Այո, նա ամելի է տանջվում: Եվ մի գուցե դեռ սպասում է...

3.

Լուսաբացի հետ տեղի մեջ շարժվեց հայրը: Նա մանր հազաց ու բաց արեց աչքերը:

— Զարթնեցի՞ր, հայրիկ:

— Հա՛, զարթնեցի, Հռիփսիկա: Էդ ինչո՞ւ ես վաղ զարթնել:

— Քունս չի տանում,— խոստովանեց նա,— վաղուց է, որ արթուն եմ:

— Մտածմունքից է,— եզրակացրեց ուստա Աբգարը ու նրստեց տեղում: Նա բարձի տակից հանեց ծխախոտի քսակը, անուշ բուրմունք արձակող ծխախոտը լցրեց ծխամորճը, որի վրայի արծաթյա նախշերը հին էին ու գեղեցիկ:

— Հայրիկ, երեկ ինձանից նեղացա՞ր,— քնքույշ հայացքով հորը նայելով հարցրեց Հռիփսիմեն:

— Ձէ, ընչի նեղնամ, աղջիկս: Ամեն մարդուս օջախն իրեն համար թանկ է: Համա ես ու մերդ քեզ համար ենք մտածում:

— Առտվուն կանուխ, էլի ինչ մասլահաթի եք նստել հեր ու աղջիկ,— աչքերը տրորելով խոսեց մայրը:

— Հռիփսիկս ինձանից շուտ է զարթնել,— պատասխանեց ուստան:

— Համաձայնվե՞ց մեզ հետ գալ,— ուրախաձայն հարցրեց Շողակաթը:

— Մերս, մենք ուրիշ բանի մասին էինք խոսում,— հոր փոխարեն պատասխանեց աղջիկը:

— Հա, ըսածս էն է, որ քեզ խնայես: Մենք էլ մեղք ենք: Ախր, մեր ուրախությունն էլ, տխրությունն էլ դու ես: Հանգիստ պահի քեզ, աղջիկս, մտածմունքը մարդուս տունը կքանդի:

— էլ շեմ տխրի:

— Լավ էլ կանես,— շրջազգեստը գլխին պցելով ասաց մայրն ու ցած իջավ մահճակալից:

— Դիտես ինչ հայրիկ,— երկար լռությունից հետո խոսեց Հռիփսիմեն,— ինքս ինձ միտք էի անում ու մի բան անցավ մըտքովս:

— Ասա տեսնենք, լավ բան ես մտածել:

— Ուզում եմ աշխատանքի անցնել:

— Ես իմ հոգին լավ միտք է,— ուրախացած ասաց հայրը,— աֆարիմ աղջիկս, շատ էլ լավ ես մտածել, հետո՞:

— Հետո էլ այն, հայրիկ ջան, որ աշխատանքից հետո տանն էլ մի զբաղմունք ունենամ: Դու ինձ պիտի օգնես:

— Դու ուզածդ ասա,— բերանից բաց թողնելով կապտագույն ծիւի քուլաները, պատրաստակամությամբ ասաց հայրը:

— Ինձ համար բեր քո ունեցած դազգահներից մեկը:

— Տո ի՞նչ ասիր. գորգագործական դազգահ՞ կուզես:

— Այո, գորգագործական, ինչո՞ւ զարմացար, հերս:

— Ձեմ հասկանում ախր, ինչիդ է պետք:

— Ասացի որ աշխատանքից հետո տանն էլ ուզում եմ մի բանով զբաղվել: Կբերե՞ս, հա, հեր ջան:

— Դատարկ բան է,— մռայլվեց ծերուկը,— դու էդ գործով պարպցողը չես:

Հոփսիսիմենն տխուր հայացքով նրան նայելուց հետո, հառաչեց:

— Միթե՞ մոռացել ես հայրիկ: Չէ՞ որ ես լավ գործել գիտեմ: Ծիշտ չէ՞, մամ ջան: Դու ասա, ախր միշտ դովում էիք ինձ:

— Հա՛, գիտեմ, լավ ես գործում,— հաստատեց արդեն շորերը հագած մայրը,— ասենք թե հերդ դազգահը բերեց: Հետո հօնշ:

— Բա չսեցի՞ր, որ ասացի: Ուզում եմ գործել:

Մնողներն իրար նայեցին հարցական հայացքով:

— Կատարիր աղջկանդ կամքը,— ժպտալով ասաց մայրը:

— Լավ,— կարճ լռությունից հետո համաձայնվեց հայրը,— ո՞ր սենյակում կուզես դնել դազգահը: Երկու օրից տանդ կլինի ուզածդ... Եվ Հայրը կատարեց աղջկան տված իր խոստումը:

ԳԼՈՒԽ ՀԵՂԵՐՈՐԳ.

1.

Մնողներին ճանապարհելուց հետո, Հոփսիսիմենն ժամերով դուրս չէր գալիս մեծ սենյակից, ուր այլևս չէին փայլում հայելազարդ պահարանը, կաշեպատ զույգ բազմոցները, կաղնյա մեծ սեղանը, որի վրայից միշտ անպակաս էր լինում թարմ ծաղկեփունջը: Պատերից հանված էին ոսկեզոծ շրջանակներով ծովանկարները, որոնց կապույտ ու դեղին փայլը հաճելի էր դարձնում սենյակը: Այդ բոլորը նա հոր պատվերով փոխադրել էր մյուս սենյակները, թողնելով միայն առաստաղից կախված գեղեցիկ ջահը, որ և ծածկել էր կերպասից պատրաստած ծածկոցով:

— Խալի գործողը ոչ մի բանի վրա ուշադրություն չպիտի դարձնի,— գնալիս պատվիրել էր ուստա Աբգարը:

Սենյակի մեջտեղում բոլոր գեղեցիկ իրերի փոխարեն դրված էր գորգագործական դազգահ, որի վրայից, ինչպես արևի տակ փայլող ջրվեժի ջրերը, իջնում էին հենքի սպիտակափառ թելերը:

Հոփսիսիմենն այդ անհրապույր դազգահն իր ուստայնով ուրախություն էր պատճառում: Օրեր շարունակ նա դժում էր ապագա գորգի զարդանկարները...

Այդ օրերին էր, որ ուազմաճակատից ստացվեց Վարդանի գրած առաջին նամակը:

«Իմ սիրելի Հոփսիսիմեն.

Մենք արդեն գտնվում ենք դիրքերում: Ռազմաճակատ. այդ պատկերացնելու և հասկանալու համար հարկավոր է տեսնել սեփական աչքերով, զգալ այն վտանգը, որ մեր ժողովրդի համար բերում են գերմանական լեշակերները: Այստեղ լուսաբացից մինչ գիշեր կրակ ու մետաղ են ժայթքում ամեն չափի ու հզորության հրանոթները, ականանետները, տանկերը: Նրանց դժոխային կրակին խառնվում է հրացանների, ավտոմատների, գնդացիների ձայնը, ռումբերի ու նռնակների պայթյունները: Հանգիստ չէ և երկինքը, ուր գիշերները, ուրուրների պես ճախրում են ինքնաթիռները: Թշնամին ավերում է մեր քաղաքներն ու գյուղերը: Նրանց ռումբերից ու գնդակներից զոհվում են և՛ կին, և՛ երեխա, և՛ ծերունիներ:

Հավատա սիրելիս, անարգ թշնամու ամեն մի վայրագություն ատելության նոր կրակ է բորբոքում մեր մարդկանց սրտերում: Լարված են անցնում օրերս: Ծիշտն ասած, հիմա ես նույնիսկ խառնում եմ օրերն ու շաբաթները: Սոսկալի էին առաջին օրերը: Ահեղ այս կուլի ընթացքում տեսա ու զգացի մեր մարդկանց ուժն ու կարողութունը: Մենք կհաղթենք: Այժմ կուլող ամեն մի մարտիկի համար պարզ է, որ արյունոտ կոիվները դեռ առաջիկայում են լինելու և որ այս պատերազմը կլինի երկար ու դժան...

Սիրելիս, կարոտում, շատ եմ կարոտում քեզ և ահա գիշերային՝ լուռության մեջ, երբ դեռ օդը հագեցած է լինում վառողի ծխով, և մարդիկ մի քանի ժամով հանգիստ են տալիս իրենց խոնջացած մարմիններին, ես քեզ հետ եմ լինում: Դու գալիս ես ինձ մոտ, կարծես զգում եմ նուրբ մատներիդ հպումը ճակատիս վրա և ցնդում է հոգնությունս, այն տառապանքները, որ բաժին են ընկնում ինձ:

Ես, սիրելի Հովհաննես, հասկանում եմ քեզ, գիտեմ քո հոգին: Չգիտեմ ինչո՞ւ միշտ հիշելով քեզ, հիշում եմ մեր բաժանման օրը: Դու լուռ էիր, արտաքուստ հանգիստ: Բայց գիտեի, որ լալիս էր սիրտդ: Այո, մենք լացով չպիտի բաժանվեինք և այդ էր պատճառը, որ այնպես դադրելի հնչեց ընկերներիցս մեկի բառերը, հոր նա ասաց՝ «Չեղավ բարեկամ, սիրունիկ կնոջդ աչքերը մինչև վերջըն էլ չոր մնացին»: Ինչ հոգ, թող այդպես խոսեն մարդիկ: Ես դիտեմ քեզ: Միշտ վեհ ու ազնիվ են հղել զգացմունքներդ: Եվ ահա

ուզում եմ խոսել քեզ հետ, ասել իմ խոսքը, որ սիրող սրտի խոսք է: Մի՛ տխրիր, մի՛ հեռանա ընկերուհիներիցդ: Մենավթյունը, սիրելիս, այդ ձանձրույթ է, իսկ ձանձրացող մարդկանց հոգում ծնվում է թուլովթյունը, նրանք կորցնում են հավատի մեծ զգացումը, աշխատիր և հոգիդ միշտ կմնա անբիծ:

Քո վարդան»:

2.

Ռազմաճակատում գտնվող ամուսնու նամակը Հովհաննեսն կարդաց հափշտակությամբ, կարդաց մի քանի անգամ և օրերով խորհում էր նամակի յուրաքանչյուր բառի մասին:

Նրա սիրտը սուր նշտարի պես ծակում էր ամուսնու ընկերոջ հասցրած վիրավորանքը:

Այո, սիրտը քարացել էր կրծքի տակ և ամեն ոք, ով ներկա էր իրենց բաժանման ժամին, ուներ իրավունք մտածել այնպես, ինչպես նրա ընկերը:

Սկսյալ բոլորից հետո վարդանն իր մեջ տեսնում է միայն լավը, ազնիվը:

Բայց միթե՞ ինքը՝ Հովհաննեսն արժանի է նման սիրո: Միթե՞ ազնիվ հոգու տեր, անզուգական այդ մարդը, որ բարձր, շատ բարձր է իր ձգտումներով և գիտե իր ողջ կարողությամբ սիրել, գեթ մի օր, մի վայրկյան չզգաց իր չսիրված լինելը, չթափանցեց կնոջ սիրտը, չզգաց, որ այնքան սիրելի կինը սիրում է մեկ ուրիշին, որ դեռ նրա սրտում վառվում է Երվանդի սիրո կրակը, որ ինքը լոկ ջերմություն է առնում ուրիշի սիրուց:

Ինչո՞ւ վարդանը չորս տարվա միատեղ կյանքում նույնիսկ ակնարկ չարավ Երվանդի մասին, որին ատեց իր ողջ կարողությամբ:

Դառնաթափիծ էին դառնում Հովհաննեսի մտածմունքները: Ինքը սրտով հանգիստ կլիներ, եթե վարդանն իր նամակում քարկոծեր, վատ, անհոգի, անսիրտ անվաներ իրեն: Չէ՞ որ ինքը արժանի է դրան:

Ինչո՞ւ ինքը չսիրեց վարդանին. այս միտքն էր, որ տանջում էր Հովհաննեսին: Չէ՞ որ ամենագեղեցիկ կինն անգամ, եթե նա

ունի սիրող սիրտ, ազնիւ զգացմունքներ, կարող էր բախտավոր
ու երջանիկ զգալ իրեն՝ վայելելով Վարդանի սերը, մարդ, որ գի-
տե սիրել և սիրու մեջ գտնել կյանքի երջանկությունը:

3.

Վարդանից նամակ ստանալուց մի քանի օր հետո, առավոտ-
յան երբ Հռիփսիմեն պատրաստվում էր տեսակցութեան գնալ Տիգ-
րանուհուն, հնչեց դռան զանգի ձայնը:

— Ո՞ւմն եք ցանկանում,— դուռը բաց անելով և այնտեղ
կանգնած երիտասարդ սիրունատես աղջկան տեսնելով, հարցրեց
նա:

— Տիկին Ոսկանյանին:

— Ես եմ: Խնդրեմ ներս համեցեք:

— Շնորհակալ եմ: Ես եկել եմ ձեր ետեից: Ինձ ուղարկել է

• Ժողկոմը:

— Ժողկոմը, իսկ ի՞նչ գործով:

— Զգիտեմ, նա ուզում է ձեզ տեսնել: Խնդրեմ վերցրեք այս
նամակը:

Հռիփսիմեն շնորհակալություն հայտնելով վերցրեց նամակը,
կարդալուց հետո ժպտաց.

— Շատ բարի: Ես կգամ ձեզ հետ: Իսկ նա ժամը տասին
կլինի՞ հիմնարկում:

— Այո, եթե գործարաններում չի լինում, ճիշտ ժամին գրա-
սենյակ է գալիս:

Հռիփսիմեն երիտասարդ աղջկա հետ դուրս ելավ փողոց...

Նշանակված ժամին նա հանդարտորեն բաց արեց Ժողկոմի
առանձնասենյակի դուռը:

Մեծ սեղանի մոտ նստած ալեխառն մազերով, գունատ ու
հիվանդոտ դեմքով մարդը տեսնելով Հռիփսիմեին դռների մեջ,
վեր կացավ նստած տեղից.

— Համեցեք,— ասաց նա ու մի քանի քայլ ընդառաջ գնաց
նրան:

Սեղմելով Հռիփսիմեի ձեռքը, Ժողկոմը սիրալիր ժպիտը դեմ-
քին, հրավիրեց նրան նստելու սեղանի մոտ դրած բաղկաթոռին:

— Գիտեք,— ծիախոտը վառելով ասաց նա,— ես նամակա-

դրական կապ եմ պահպանում մեր ժողովրդատի ձեռնարկություններին քանակ կանչված գրեթե բոլոր ընկերների հետ: Շնորհակալ եմ, բարեխղճորեն պատասխանում են նամակներին: Չնայած ինձ այնքան էլ իրավունք չեմ վերապահում պահանջկոտ լինել նրանց նկատմամբ: Օրերս, նամակ ստացա և Վարդան Սարիբեկովին: Ի սրտե շնորհակալ եմ նրանից այդ նամակի համար: Դուք գիտեք, որ Վարդան Սարիբեկովին արդեն դադարում է ռազմաճակատում:

— Այո, գիտեմ: Ես ևս նամակ եմ ստացել,— հանդարտորեն պատասխանեց Հովհաննիս:

— Վարդան Սարիբեկովին ստացած նամակներում կա մի հարց, որ անձնապես ձեզ է վերաբերում: Ասացեք խնդրեմ, չէ՞ք ցանկանա մեր սխտեմում աշխատել:

— Այո: Վատ չի լինի: Գիտեք, ես բոլորովին մենակ եմ: Հասկանում եմ, որ այս օրերին տանը անգործ նստելը պատիվ չի բերի. ես էլ կարող եմ օգտակար լինել: Ահա մի շաբաթ է, ինչ միտքս զբաղված է այդ խնդրով:

— Միանգամայն ճշմարիտ եք: Ասացեք խնդրեմ, Հովհաննիս Աբգարովնա, դուք որևէ մեկին դիմե՞լ եք աշխատանքի հարցով:

— Ո՛չ, ես այդ խնդրով և առհասարակ ոչ մի հարցով ոչ ոքի չեմ դիմել:

— Այն դեպքում ես եմ սխալ հասկացել,— ծիծաղելով ասաց ժողովուրդ,— ես կարծում էի, որ դուք դիմել եք որևէ մեկին, գոհացում չեք ստացել և դրա համար էլ Վարդան Սարիբեկովինը գրել է ինձ, որպեսզի օգնեմ ձեզ՝ աշխատանքի անցնելու համար:

— Նա այդպես է գրել քաջ գիտենալով, որ ես առհասարակ կոժվարանամ դիմել որևէ մեկին:

— Այժմ ինձ համար հասկանալի է: Ուրեմն, ուզո՞ւմ եք աշխատել:

— Այո, դժվար է տանը անգործ մնալ և վերջապես պարտքի զգացումը...

— Որտե՞ղ եք ցանկանում աշխատանքի անցնել, ժողովրդատում, թե...

— Իսկ աշխատանքի ինչպիսի՞ տեղեր ունեք:

— Եթե ցանկանում եք կարող եք վաղվանից աշխատանքի անցնել ժողովրդատում:

— Գիտեք ինչ,— մի փոքր լռությունից հետո խոսեց Հովհան-

մեն,— ես ուզում եմ աշխատանքի անցնել գործարաններին մեկում, թեկուզ և Տիգրան Սիմոնիչի մոտ:

Ժողկոմը մեղմորեն ժպտաց:

— Նա պաշտպանում եմ ձեր առաջարկությունը,— ասաց նա,— այդ հրաշալի միտք է:

— Դեռ մեր քաղաքում եղած ժամանակ,— իր միտքը հանգիստ բացատրեց Հռիփսիմեն,— երբ Վարդանն աշխատում էր այնտեղի գործարանում, սովորեցի դասընթացներում: Ունեմ լաբորանտի կոչում: Ուզում եմ այդ գծով էլ աշխատել:

— Ուրեմն, վճույժ համարենք հարցը:

— Այո:

— Այսօր եթե ես կզանգահարեմ Տիգրան Սիմոնիչին և դուրեկանցնեք աշխատանքի:

— Շնորհակալ եմ:

— Բայց ես, Հռիփսիմե Աբգարովնա, ձեզանից դժգոհ եմ: Այո, դժգոհ: Ձեզ քաջ հայտնի է իմ և Վարդանի մտերմությունը: Մենք սիրում ենք իրար և նա, նույնիսկ գտնվելով ռազմաճակատում, չի մոռանում ինձ, իմ ընտանիքին, նամակներ է գրում: Իսկ դուք չեք ցանկանում մեզ մոտ լինել: Ինչու՞ եք խուսափում բարեկամությունից: Սոֆիա Ալեքսեևնան նույնպես տարակուսում է: Մի օր էլ կպել էր գլուխս, թե գնանք ու Հռիփսիմե Աբգարովնային մի լավ դաս տանք, որ մեզնից չխուսափի: Զբաղված էի, թե չէ կգայի և ձեզ կամաչացնեինք: Եկեք, կարիքի դեպքում էլ դիմեցեք: Միթե՞ կարծում եք, որ հայրենիքի պաշտպանների ընտանիքներին օգնելու համար կմերժենք որևէ հնարավոր բան: Ամբողջ ընտանիքով Վարդան Սարիբեկովիչին պատասխան նամակ գրեցինք: Սոֆիա Ալեքսեևնան իր գրած նամակում գանգատ գրեց ձեր վրա և անշուշտ Վարդանը չի գովի ձեզ, ձեր այդ արարքի համար...

4.

Հռիփսիմեն ժողկոմի մոտից դուրս եկավ թեթևացած սրտով: Նա քայլում էր և ուրախ ժպտում վերհիշելով ժողկոմի նուրբ հանդիմանանքով ասված խոսքերը: Զարմանալի մարդ, մտածում էր նա ամուսնու մասին. մահու կենաց կռիվ մեջ էլ դարձյալ մտածում է կնոջ մասին, գրում է ընկերներին, որ աշխատանքի տեղա-

վորեն, որ չտխրի ինքը և չունենա ոչ մի հոգս: Միթե՞ կարելի է մոռանալ նման մարդուն: Որպիսի՞ սիրտ ունի Վարդանը: Պատահական չէր, որ ժողովոմը այնպիսի քնքշանքով էր խոսում նրա մասին:

— Ողջուն Նոյսիմենին: Ի՞նչ է, դարձյա՞լ չնկատեցիր,— մոտենալով հարցրեց Երվանդը:

Նոյսիմեն ժպտաց:

— Պատահում է: Մի՞թե, զայրանում ես դրա համար:

— Զայրանալու հարկ չկա: Սակայն ցավալի է:

— Դրա հարկն էլ չկա: Անցնում էի և չնկատեցի:

— Ի՞նչ արած: Թող այդպես լինի: Ես իմ կյանքում միշտ դիջող եմ եղել: Զիջում եմ և այս անգամ:

— Այդ դատարի բան է: Ասա, Երվանդ, ի՞նչպես է առողջությունդ: Ինչո՞ւլ ես զբաղված:

— Առողջությանս մասին ուրախալի բան չեմ կարող ասել: Կրկին ինձ տանջում է ստամոքսային խոցը: Ասենք ինչ հոգեկան հանգիստ կարող է ունենալ երեսուն և հինգ տարեկան ամուրին, գումարի դրան և պատերազմը:

— Եվ ամեն անգամ նույնը: Բայց դու կարող ես շատ երջանիկ ու բախտավոր լինել:

— Երջանիկ, և այն էլ շատ բախտավոր: Ինչ որ անասելի տարօրինակ է: Հուսամ, որ այդ միսիթարեկու իմաստով ասացիր:

— Միթե՞ իմ խոսքն այդքան մեծ նշանակություն ունի քեզ համար: Ինձ թվում է, որ դու միսիթարվելու, առավել, կարեկցանքի կարիք չունես:

— Այո,— ծանր շնչելով ասաց նա,— և ոչ էլ կարեկցանքի: Այդ լավ է: Շնորհակալ եմ:

— Թողնենք այս տհաճ խոսքերը: Դու չասացիր, թե ինչով ես զբաղված:

— Ինչով եմ զբաղված: Մի՞թե չգիտես: Նորից դասավանդում եմ. այս տարի ևս շրջանավարտներ կտանք: Իհարկե, այս բոլորը այնքան էլ չի հուզում ինձ: Սարսափով եմ կարդում այն ամենը, ինչ կատարվում է ռազմաճակատներում, իսկ գերմանացին առաջ է գալիս, շատ է խորանում և այդ ազդում է հոգուս վրա:

— Երբեք քեզ չե՞ն կանչել:

— Ո՛ւր,— վախեցած հարցրեց Երվանդը:

— Ռազմաճակատ ուղարկելու:

— Դու կատակում ես, ինչ է. դե ես ինչ կովոզ եմ. պարզապես ինձանից ձեռք քաշեցին: Հա՛, ուզեցին քաղաքից տանել, չհամաձայնվեցի. ինչպես կարող եմ դնալ ալատեղից, երբ դու ապրում ես իմ սրտում:

— Իսկ ես, Երվանդ, վճռել եմ աշխատել:

— Աշխատել,— տնքալով հարցրեց Երվանդը, չլինի կարիքի մեջ ես, եթե այդպիսի բան կա, ես պատրաստ եմ իմ ամբողջ ունեցածը դնել տրամադրությունդ տակ:

— Մի՞թե ես կարոտ եմ դրան:

— Ուրեմն չե՞ս սիրում ինձ:

— Ես պետք է աշխատեմ, այդ մեծ անհրաժեշտություն է:

— Երևի տխրում ես, Հովսիսիմե, — հարցրեց նա:

— Ո՛չ, ինչո՞ւ: Ես ի սրտե ուզում եմ աշխատել:

— Գուցե ամուսինդ է պահանջում:

— Պահանջել: Ինչո՞ւ ես այդպես կարծում: Նա երբեք ինձանից ոչինչ չի պահանջել: Այո, ոչինչ, թեպետ և ունի իրավունք պահանջելու: Սակայն նա գիտե գնահատել ինձ:

— Իսկ ի՞նչ աշխատանք ես կատարելու:

— Աշխատելու եմ պահածոների գործարանի լաբորատորիայում:

Երվանդը հեգնանքով ժպտաց:

— Ուրեմն գնում ես փոխարինելու ամուսնուդ:

— Է՛, դու արդեն ծաղրում ես: Այդ լավ բան չէ:

— Ձանձրալի կլինի քեզ համար աշխատել լաբորատորիայում: Գիտեմ, որ շուտով կհրաժարվես, — անփութորեն ասաց նա:

— Ոչ, ես սիրում եմ այդ աշխատանքը:

Հովսիսիմեն կանգ առավ: Հոգնատանջ դեմքով նրա կողքին կանգնեց Երվանդը: Նա նայեց ժամացույցին:

— Շտապո՞ւմ ես, — հարցրեց Հովսիսիմեն:

— Մի փոքր: Հարկավոր է ինստիտուտ գնալ:

— Շա՞տ ես աշխատում, Երվանդ:

— Չհաշված յոթ-ութ ժամ, որ հատկացնում եմ հանգստի, քնի և ուտելու, մոռացա ասել և լրագիր կարդալու, մնացած ամբողջ ժամանակ աշխատում եմ:

— Երևում է, հոգնած ես:

— Ո՛չ, հոգնած չեմ: Բայց սրտով ու հոգով, այո՛: Ծանր է այս բոլորը:

Եվ նրանք բաժանվեցին

— Փոխվել է նա,— նայելով հեռացող երվանդին շշուկով խոսեց Հռիփսիմեն,— շատ է փոխվել: Իսկ ինչու է նա այդպիսին դարձել... Պատերազմ... այո, պատերազմը փոխում է մարդկանց:

5.

Երեկոյան, երբ Հռիփսիմեն՝ նստած պատշգամբի կիսաբաց դռան մոտ՝ տխուր հայացքով նայում էր խոնարհված ծառի տերևաթափ ճյուղերին և մտքով տարված էր Վարդանով, ներքևում հայտնվեց Տիգրանուհին:

— Այդ լավ է, որ եկար: Չորս օր է, որ չեմ տեսել քեզ,— ուրախացած ասաց Հռիփսիմեն:

Ընկերուհիները երկար ժամանակ դրուցում էին: Տիգրանուհին լսելով Հռիփսիմեի վճիռը աշխատանքի անցնելու մասին, շատ ուրախացավ:

— Այդ ուղղակի հրաշալի է,— ասաց նա: Դու այլևս չեա տխրի: Պատկերացնում եմ, եթե այդ մասին Վարդանը լսի ո՛րքան կուրախանա:

— Իսկ դու ինչ ես մտածում, չե՞ս ուզում աշխատել,— իր հերթին հարցրեց Հռիփսիմեն:

— Ե՛ս: Ես մեծ սիրով կուզեի աշխատել: Ցավն այն է, որ իեսուրս է հիվանդ: Նրան խնամել է պետք: Երբ ոտքի կանգնի, ես աշխատանքի կանցնեմ: Ինձ պես տեխնիկ շինարարի կարիքը այժմ շատ մեծ է:

Երբ թեյի նստեցին, Տիգրանուհին հարցրեց.

— Հռիփսիմե, ամսթ չլինի ասել, ինչո՞ւ ես մեծ սենյակիդ իրերը փոխադրել այստեղ: Էլ չեմ ասում, որ խոհանոցում շարժվելու տեղ չես թողել:

— Դատարկել եմ էլի:

— Այսինքն ինչո՞ւ:

— Սիրտս այդպես է ուզում:

— Տարօրինակ ցանկություն, բոլորովին դատարկե՞լ ես:

— Բոլորովին:

— Հետաքրքիր է տեսնել այն գեղեցիկ, միշտ նախանձ շարժող սենյակը դատարկված:

— Ի՞նչ հետաքրքրություն կարող է ունենալ դատարկ սենյակը,— տհաճությամբ պատասխանեց նա:

— Բայց ի՞նչը ստիպեց քեզ դատարկել այն, վերջապես մի պատճառ պիտի լիներ:

— Ի՞նչ պատճառ: Յանկացա և դատարկեցի: Ուզում եմ տըն-վոր ունենալ,— ժպտաց նա:— Միթե՞ այդ վատ է: Երբ Վարդանը դա, նորից դատարկել կտամ և կուրենամ այն սենյակը, որ միշտ նախանձդ է շարժել:

— Շատ ես մտածում Վարդանի մասին,— ինչ որ թաքնված հեղինանքով հարցրեց Տիգրանուհին:

— Իսկ դու քո ամուսնու՝ Հակոբի մասին չես մտածո՞ւմ:

— Մտածում եմ:

— Ապա էլ ինչո՞ւ ես նման հարց տալիս:

— Կասեմ պարզը,— շեշտակի նայելով ընկերուհու աչքերի մեջ, ասաց նա,— այսօր մեկը քեզ տեսել է Երվանդի հետ: Չլինի՞ նորից միտքդ է ընկել նա: Այստեղ գալուս պատճառն էլ հենց այդ է: Իսկապես այդ ի՞նչ նորություն է:

Հռիփսիմեն նույնիսկ դեմքի հանգիստ արտահայտությունն էլ չփոխեց:

— Այո: Այսօր մենք հանդիպեցինք: Ի՞նչ կա որ: Միթե՞ այդ հանցանք է, ես իրավունք չունե՞մ որևէ մեկի հետ տեսնվելու:

— Իրավունքը քոնն է: Սակայն շարժե՞ այդ մարդու հետ կապեր ստեղծել: Այո, շարժե: Երևի հիմա նա իրեն շատ ազատ է զգում և ուզում է փորձել կամքդ:

— Կամքս փորձե՞լ:

— Այո: Մի գուցե ցանկանում է վրեժխնդիր լինել մերժված սիրո համար:

Հռիփսիմեն կամակոր աղջկա պես թափահարեց ձեռքը.

— Դատարկ բաներ ես ասում: Նա այդպիսի մարդ չէ:

— Մի օր էլ, քեզ նրա հետ կտեսնեն Վարդանի ընկերները և պարտք կհամարեն խոսել հետդ, ինչպես ես եմ այժմ խոսում: Դու չես ցանկանա լսել նրանց: Լուրը կհասնի Վարդանին՝ այն մարդուն, որ պաշտում է քեզ: Իսկ ինչ կստացվի դրանից: Ի սեթ

աստծո, մոտ մի թող նրան: Այդ մարդն ընդունակ է օձը բնից հանելու, ոչ թե օձը կխայթի նրան, այլ ինքը՝ օձին:

— Չարությամբ ես լցված այդ մարդու նկատմամբ: Սակայն ինչո՞ւ, այդ ես չգիտեմ: Չէ՞ որ կար ժամանակ, դու նրան շատ էիր հարգում:

— Ես ատում եմ բոլոր նրանց, ովքեր իրենց կեղտոտ ձեռքերն են պարզում դեպի ուրիշի ընտանիքը: Ո՞ւր էր նա առաջ, ինչո՞ւ հանդես էր դալիս այն ժամանակ, երբ այստեղ էր Վարդանը: Նա միանգամից վրեժխնդիր կլինի երկուսիցդ էլ, հավատացիր ինձ, նա ընդունակ է այդ բանին:

— Դու լավ չես ճանաչում Երվանդին,— տխրությամբ պատասխանեց Հռիփսիմեն,— նա ունի սիրող սիրտ: Մեր առաջին հանդիպումից անցել են տարիներ, սակայն չի կարողանում մոռանալ մեր սերը: Դժվար է և ինձ համար... Հասկացիր, նա չի կարող վրեժխնդիր լինել:

— Եվ դու չես պատկերացնում, թե ինչ կստացվի դրանից: Քեզանից երես կդարձնեն բոլորը, կդառնաս ծաղրանքի առարկա. վատհոգի, դավաճան կանվանեն քեզ: Կապրես նրա հետ մեկ, կամ երկո՞ւ տարի ու հետո ցույց կտա իր իսկական դեմքը, որովհետև հասած կլինի իր նպատակին, այնուհետև կսևացնի օրդ՝ երեսովդ տալով անցյալը: Հռիփսիմեն լուռ էր:

Այդ գիշեր քունը մոտ չեկավ Հռիփսիմեի աչքերին: Ծանր մտքերը տանջում էին նրան: Միթե՞ իրավացի է Տիգրանուհին: Արդյո՞ք կարող է սիրող մարդը վրեժխնդիր լինել:

Եվ ակամայից մտքերն սկսեցին պտտվել Երվանդի շուրջը: Հիշեց գարնանային այն կախարդ գիշերը, խնձորի այգին, թափվող ծաղկաթերթիկները, առաջին համբույրը: Կարծես այդ դեռ երեկ էր: Նա սիրում է իրեն, չի կարողանում մոռանալ և այսօր: Երվանդը ապրում, շնչում է իր համար: Բայց ինչո՞ւ իր սիրտը այժմ նրան չի ձգտում...

Երվանդի կողքին կանգնում է Վարդանը: Նա հպարտությամբ ասում է. «Վեհ ու աղնիվ է քո տխրությունը...»:

Ահա ինքն անցնում է փողոցով: Վարդանի ընկերները մոտենում են իրեն, սեղմում են՝ իր ձեռքը, հարցնում նրա մասին, իրենց տուն հրավիրում, որ շտաբի ինքը: Ահա ժողկոմի կինը նամակ է

դրում: Վարդանի մասին են հարցնում նույնիսկ իրեն բռնորոշին անծանոթ մարդիկ:

Հռիփսիմեն մտքի թևերով թռչում էր կանաչ քաղաքը, ուր ապրում են ծնողները: Մի գուցե այդ երջանիկ զույգը հիմա էլ նստած կարդում է Վարդանի նամակը: Նա ռազմաճակատումն է. նրանց սրտերը տրոփում են նրա համար: Կարդում են Վարդանի նամակն ու պատասխան նամակ գրում յուրաքանչյուր բառի մասին խորհրդակցելով միմյանց հետ: Մի գուցե հայրը նորից գրում է այնպիսի նամակ, ինչպիսին գրեց իր մոտ եղած ժամանակ «... Դու սիրտդ շեն պահի, Հռիփսիկս քեզ համար է մտածում ու կարոտդ է քաշում: Շուտ սատկցրեք Հիտլերին, որ նորից բախտավորվենք...»:

Լուսաբացից առաջ սկսեցին խառնվել մտքերը: Հռիփսիմեն ջանում էր փակել աչքերը, քնել, սակայն չէր կարողանում:

Կիսախուփ աչքերով նա նայում էր սենյակը ողողող կապույտ լույսին, որը գնալով բաց մանիշակի գույն էր ստանում:

Նրկու օրից հետո նա աշխատանքի անցավ լաբորատորիայում:

ԵՐԿՐՈՐԴ ՄԱՍ

ԳԼՈՒԽ Ա.ՈՍԶԻՆ.

1.

Լաբորատորիայում Հռիփսիմեն ընդունեցին սիրով: Գործարանում մարդիկ գիշեր ու ցերեկ աշխատում էին ռազմաճակատի համար, պահանջվում էր լաբորատոր մեծ աշխատանք: Պետք էր ժամանակին և ճիշտ որոշել արտադրվող պահածոների որակը, և լաբորատորիայի փոքրիկ կոլեկտիվն աշխատում էր լարած ժամացույցի պես:

Գործարանի լաբորատորիայում կատարած իր աշխատանքի մասին Հռիփսիմեն հաճախակի գրում էր ամուսնուն:

Հռիփսիմեն ընկերուհիների համար էլ հաճելի անձնավորություն դարձավ: Նա աշխատանքի մեջ համարձակ էր, ուրախությամբ լսում էր նրանց խորհուրդները: Արտաքուստ անմատչելի, ինքնամիտ քվացող երիտասարդ կինը ուներ պարզ բնավորություն և այդ ստիպում էր մարդկանց հարգել նրա անձնավորությունը, մոտ լինել նրան: Սակայն մեղմ տխրությունն անբաժան

էր նրա գեղեցիկ դեմքից: Ընկերուհիները ամեն կերպ շանում էին սրտակից լինել նրան, ուրախ զրույցներով փարատել տխրությունը: Լաբորատորիայում եղած ժամանակ, Հռիփսիմեն սովորություն էր դարձրել աշխատանքից հետո ձեռքը վերցնել դիտողությունների գիրքը: Ամեն անգամ այդ մեծ գիրքը թերթելիս, ակամայից բաց էր անում այն էջերը, ուր Վարդանը գրի էր առել իր դիտողությունները: Կարդում էր ու տարվում մտքերով: Որքան խորամիտ է եղել նա՝ թափանցել է ամեն մանրունքի մեջ, խնամքով շարադրել իր մտքերը, դրանով իսկ օգնել մարդկանց ավելի լավ աշխատելու:

Դործարանում, լաբորատորիայում բոլորը հետաքրքրվում էին Վարդանով: Ուրախանում էին, երբ Հռիփսիմեն նրանց պատմում էր նրանից ստացած նամակների բովանդակությունը: Ամենքն հիշում էին Վարդանին, չէին մոռանում նրա կատարած գործերը, ազնիվ վերաբերմունքը:

Հռիփսիմեն սիրեց գործարանում աշխատողներին: Այդ մարդիկ ունեին իրենց ուրույն աշխարհը: Նրանք կյանքին, մարդկանց նայում էին այլ աչքերով, միշտ փնտրելով լավը, ազնիվը: Եվ հաճախ նա ինքն իրեն հարց էր տալիս — ինչպե՞ս է, որ մինչ այդ ինքը չէր զգացել, չէր ճանաչել այդ մարդկանց:

Մի օր էլ, երբ աշխատանքից տուն վերադառնալիս, տրամվայի կանգառում սպասում էր վագոնի, նրան մոտեցավ բարձրահասակ մի կին, զարմանալի պարզ դիմադժերով, երկնքի նման կապույտ ու գեղեցիկ աչքերով: Անծանոթ կինը ժպտաց ու կանգնեց Հռիփսիմենի կողքին:

— Դուք, ընկեր Վարդանի կիսն եք, այնպես չէ՞, — զարմանալի անկեղծ տոնով, յուրահատուկ ժպիտով հարցրեց նա:

— Այո, — նայելով նրա գրավիչ ու անբիծ դեմքին, հաճույքով պատասխանեց Հռիփսիմեն:

— Ես ձեր մասին լսել եմ: Շատ ուրախ եմ, որ մեզ մոտ եք աշխատում. ձեզ տեսնելով մեր սիրելի ընկերոջ կարոտն ենք առնում. դիտեք, չենք կարողանում մոռանալ նրան: Նամակ ստանում եք:

— Այո, գրեթե ամեն շաբաթ նրանից նամակ եմ ստանում:

— Ես գիտեմ, որ նա չի թողնի, որ դուք տխրեք: Վարդանն անգին սրտի տեր, մարդ է:

Բաժանվելիս երիտասարդ կինը ասաց.

— Ծանոթներ լինենք. իմ անունը Արևհատ է, կոնսերվա եփող ցեխի վարպետի օգնականն եմ: Նա այստեղից շատ մոտիկ եմ ապրում: Այ, տեսնում եք դիմացի երեք հարկանի շենքը: Այդ շենքի երկրորդ հարկում եմ ապրում: Ամուսինս մեր գործարանումն էր աշխատում: Սիրում էր օդաչուի գործը: Պատերազմից առաջ ավարտեց կուրսերը և բանակ կանչվեց Վարդանի հետ միասին: Շատ ուրախ կլինեմ, եթե մեզ մոտ գաք: Նկեք, մեր տան դռները միշտ բաց են ձեր առաջ:

Մինչ տուն հասնելը Հովհիսիմեն մտածում էր այդ անծանոթ կնոջ մասին: Որքան ջերմ էին նրա խոսքերը: Նա Վարդանի մասին այնպես էր խոսում, կարծես նա այդ կնոջ հարազատը լիներ: Բայց չէ՞, որ բոլորն են այդպես: Ե՞րբ է կարողացել Վարդանը ճանաչել այդ մարդկանց, ե՞րբ է տիրել նրանց սրտերին:

Այո: Վարդանն իր ազնիվ գործերով զբաղվել է բոլորի սրտերը, արժանացել նրանց սիրուն ու հարգանքին: Իսկ ինքը ամուսնական չորս տարիների ընթացքում չի կարողացել հասկանալ նրան, սրտի մեջ խեղդել է նրա նկատմամբ ծնունդ առնող սերը: Բայց ինչո՞ւ...

2.

Ստալինգրադի պարիսպների տակ սովետական զորքերը տալիս էին մահու և վեճաց ճակատամարտ: Ողջ աշխարհը մի ականջ, մի սիրտ դարձած հետևում էր այդ արյունահեղ կռվին, ուր վճռվելու էր կռվող կողմերի բախտը:

Վարդանն անցած իր գումարտակի գլուխը Ստալինգրադում մասնակցում էր արյունահեղ կռիվներին: Հովհիսիմեն ամեն օր սրտի դողով սպասում էր նրա նամակներին:

Անցան օրեր ու ամիսներ: Հետո աշխարհով մեկ թնդաց Ստալինգրադում սովետական զորքերի տարած մեծ հաղթանակի լուրը:

Ամենուր խնդովթյուն էր: Գործարանում բանվորները, մասնագետները իրենց ելույթներում իրավացի հպարտությամբ սրտի խոսք էին ասում, նշում ստալինգրադյան մարտերին մասնակցած իրենց ընկերների անունները, խոսում ռադամաճակատ ուղարկած տասնյակ վագոն պահածոների մասին, որ արտադրել էին իրենք պլանից դուրս և ամեն տուփի վրա դրոշմել «Ստալինգրադի պաշտպաններին: Մերն է հաղթանակը» բառերը:

Մեծ հայրենիքում ծայր առավ սեփական միջոցներով ռազմա-
ճակատին օգնելու շարժումը: Այն, հասավ Հայաստան, անցավ
քաղաքից-քաղաք, գյուղից-գյուղ, գործարանից-գործարան, տնից-
տուն ու նորից վառ աստղի պես փայլեց հայի հոգին:

Երբ պահածոների գործարանի մեծ սրահում կարդում էին
Գերագույն Գլխավոր Հրամանատար Ստալինի հրամանը՝ Ստալին-
գրադում սովետական ղենքի տարած փառավոր՝ հաղթանակի մա-
սին, առաջ եկավ Արևհատը: Նրա դեմքը փայլում էր վճռականու-
թյամբ: Նա հանելով իր պարանոցը զարդարող ոսկյա շղթայով
մեղալիոնը, բաց արեց այն, նրա միջից հանեց ամուսնու լուսա-
նկարը և ասաց.

— Այս ոսկյա շղթան ու ոսկուց պատրաստած մեղալիոնը ես
նվեր եմ ստացել մորիցս, մեղալիոնի մեջ ես պահում էի Ստալին-
գրադում կռվող ամուսնուս պատկերը: Նրա պատկերը ես կպահեմ
սրտիս մեջ: Իսկ այս ոսկին պետք կգա մեր հայրենիքին: Լի սըր-
տով նվիրաբերում եմ պաշտպանության ֆոնդին: Չխնայենք մեր
ունեցածը, չխնայենք և մեր ուժերը, որ շուտ կործանվի թշնամին:

Մարդիկ միմյանց նայեցին քննող հայացքներով: Կանայք
առաջ նետվեցին, ոմանք մատներից հանում էին մատանիներ,
մյուսները՝ այլ զարդեր:

— Ի՛նձ գրեցեք, — բարձրանալով մեքենայի վրա բարձր ձայ-
նով կանչեց Արևհատի ծեր վարպետը, — Ի՛նձ գրեցեք, — ամբողջ
կոկորդով դռչեց նա:

Աղմուկը դադարեց: Հայացքները ուղղվեցին ծերունազարդ
մարդու կողմը:

— Յոթնասուն երկու տարեկան եմ, ինքս էլ պետական
թոշակառու: Գործարան վերադարձա, երբ որդիս այս ցեխից ռազ-
մաճակատ գնաց: Հինգ որդիներ եմ տվել հայրենիքին, հինգ ատե-
լությամբ վառվող սրտեր, որոնք կրակ են թափում հիտլերյան
մարդակերների գլխին: Պաշտպանության ֆոնդին տալիս եմ իմ
պսակի օրը հանգուցյալ ծնողներիցս նվեր ստացած արծաթյա գո-
տիս, տալիս եմ ոսկե ժամացույցս և հինգ որդիներիս ընտանիք-
ների կողմից հինգ հազար ռուբլի: Սուրբ Վ՛ մեր գործը, մեր թափ-
վող արյունը: Մոտ է հաղթանակը, օգնենք, որ շուտ լինի մեծ
հաղթանակը:

Ծերունին իջաւ մեքենայի վրայից, բոլորի խանդավառ հայացքների ներքո նա գրկեց ու համբուրեց Արևհատին:

— Ապրե՛ս աղջիկս, դու մեր սրտից խոսեցիր:

Ու ծայր առավ նվիրատվությունը:

— Գրեցեք երեք հազար կանխիկ, ութ հազար փոխառության պարտատոմս:

— Ինձ ևս գրեցեք, խնդրում եմ. տալիս եմ երկու մատանի՝ թանկագին քարերով...

Նվիրատվության լուրը պտտվեց գործարանի կամարների տակ, հասավ լաբորատորիա:

— Ինձ առաջինը գրեցեք,— ասաց Հռիփսիմեն,— տալիս եմ արծաթյա սկուտեղ մեկ կիլոգրամ քաշով և երկու հազար ռուբլի կանխիկ դրամ:

Գործարանի դրամարկղն ամեն օր ընդունում էր ոսկեղեն, արծաթեղեն, տասնյակ հազարների հասնող կանխիկ դրամ, փոխառությունների պարտատոմսեր:

Այդ օրերին էր, որ Հռիփսիմեն ծնողներից ստացավ գորգի համար պատվիրած թելը: Ամեն օր աշխատանքից տուն վերադառնալուց հետո, կամ ազատ օրերին նա իր ամբողջ ժամանակը անց էր կացնում մեծ սենյակում: Նրա նուրբ մատների տակ դանդաղ, բայց սիրով հյուսվում էին թելերը:

ԳԼՈՒԽ ԵՐԿՐՈՐԴ

1.

Ամեն անգամ Երվանդի հետ հանդիպելիս Հռիփսիմեն տագնապ էր ապրում. ինչո՞ւ այդ մարդը նորից հետամուտ է իրեն: Միգուցե ճիշտ է ասում Տիգրանուհին... Բայց մի օր էլ տրամվայում հանդիպելիս ինքը առաջինը մոտեցավ նրան.

— Չես երևում, Երվանդ,— ժպտալով ասաց նա,— երևի խուսափում ես ինձանից:

— Ինչ ես ասում, անգամ քո մի խոսքը բախտավորություն է ինձ համար,— նկատեց Երվանդը: Շատ և շատ շնորհակալ եմ ազնիվ վերաբերմունքիդ համար:

— Փոխվել ես, Երվանդ:

— Երևի կասես, որ ծերացել եմ,— ծիծաղեց նա:

— Չէ, այդ չէի ուզում ասել, հոգնած ես երևում:

— Բայց սրտով զվարթ, հոգով արի:

— Ուրեմն ալլես չես դժգոհում վիճակիցդ:

— Դժգոհելու հարց չկա: Ինչպես ամենքը, նույնպես և ես:

— Ի սրտե ուրախ եմ:

— Կրկին շնորհակալ եմ: Իսկ ինչպե՞ս է քո թանկագին առողջությունը: Գրո՞ւմ է ամուսնյակդ:

— Ես էլ վատ չեմ: Ամուսինս, որի անունը համառորեն շարունակում ես չտալ,— տխրությամբ ասաց Հռիփսիմեն,— նույնպես ողջ և առողջ է: Քաջություն համար պարգևատրվել է:

Երվանդը շտապով գրպանից հանեց ծխատուփը.

— Ուրեմն ձեզ էլ կարելի է շնորհավորել:

— Շնորհավորիր, եթե սիրտդ ցանկանում է: Այդ ասելով Հռիփսիմեն բաց արեց փառլոն ռիդիկուլը և Երվանդին մեկնեց փարդանի վերջին լուսանկարը, որ ստացել էր նամակի հետ միասին:— Տեսնո՞ւմ ես, նրան որքան է սազում զինվորական տարազը:

Երվանդը նրա ձեռքից վերցնելով իր վաղեմի ընկերոջ լուսանկարը լուռ ու անթարթ հայացքով նայում էր: Հետո ծանր հոգոց հանելով ասաց.

— Այո, ամուսինդ արժանի է շքանշանի: Օրերս հանդիպեցի մի զինվորականի, որ գալիս էր Ստալինգրադից: Պատմեց նրա մասին: Չգիտեմ, որքան ճիշտ էր նրա պատմածը, սակայն ինչի մասին նա ասաց, այդ հերոսություն է: Վիրավորվել է, բայց դուրս չի եկել մարտի դաշտից, մինչև վերջ մասնակցել է գերմանական պաշարված խմբավորման դեմ մղված կռիվներին:

Հռիփսիմեն, որ ուշադիր լսում էր Երվանդին, գունաթափվեց: Այդ արգեն նորություն էր:

— Վիրավորվե՞լ է,— ծանր շնչելով հարցրեց նա,— բայց ինչո՞ւ ինքը այդ մասին ոչինչ չի գրել ինձ:

— Չի ցանկացել, որ տխրես: Մի մոռանա, որ իմ նախկին բարեկամը՝ զինվորական լինելուց բացի նաև նուրբ դիվանագետ է:

Հռիփսիմեն տխուր ժպտաց:

— Ուրեմն երգվել ես չտալ նրա անունը:

— Այո, քանի սիրտս ալրվում է մերժված սիրուց, որի պատճառը հանդիսացավ նա, ես չեմ կարող ներել նրան: Օգտվելով

ծնողներէդ հովանավորութիւնից, նա տիրացաւ քեզ, իսկ դու, դու, որ սիրում էիր ինձ, բռնեցիր դիմադրութեան թույլ ճանապարհը: Բայց ինչու... Մի՞թե չգիտես, որ մինչև այժմ էլ տանջւում եմ հս: Դու էլ ես տանջւում, բայց մինչև ե՞րբ: Մի՞թե՞ դու իմը չես լինելու: Հռիփսիմեն բարովոր համարեց վերջ տալ անախորժ խոսակցութեանը:

— Երվանդ, — թախծագին ասաց նա, — մենք դեռ առիթ կու- նենանք երկար խոսելու և դու կհամոզվես, որ պետք է վերջ տալ այս պատմութեանը, իսկ այժմ ինձ պետք է իջնել այս կանգառում:

— Գնացեք բարով Հռիփսիմե Աբգարովնա և միք մոռանա ինձ:

2.

Տանը երիտասարդ կնոջը սպասում էր մի նոր տնակնկալ: Աստիճաններով վեր բարձրանալիս նկատեց իրենց դռան մոտ կանգնած անծանոթ մի զինվորականի: Սիրտը կրծքի տակ խփեց այնպիսի տագնապով, որ նա այլևս չկարողացաւ բարձրանալ և հենվեց աստիճանների բազրիքին:

— Ահա և նա, — ուրախացած բացադանչեց հարևանուհին: — Տիկին Հռիփսիմե, շուտ եկեք, ընկեր հրամանատարը Վարդանի մոտից է եկել:

Հռիփսիմեի սիրտը խաղաղվեց: Դեմքը ողողվեց պայծառ ժպիտով: Նա թեթևացած սրտով մոտեցավ անծանոթ մարդուն, սեղմեց նրա ձեռքը, դուռը բաց անելով ներս հրավիրեց նրան:

— Խնդրեմ, վերցրեք այս նամակը, — շնորհակալութիւն հայտնելով առաջարկված աթոռի համար, ասաց զինվորականը: — Ես կանցնեմ ձեզ մոտ երկու օրից հետո:

Երբ սովորական հարց ու փորձը վերջացավ, տանտիրուհին հյուրի առաջ դրեց կոնյակով լիքը շիշը: Հեռատես ծերունի հայրը գնալուց առաջ տուն բերելով կոնյակի այդ շիշը ասել էր. «Ով գիտե, ուրախութեան համար պետք կգա»:

— Անուշ արեք, — լիքը լցնելով ոսկեզօծ բաժակը անուշաբույր կոնյակով, — ասաց նա, — կներեք, ձեզ պես թանկագին հյուրին պետք էր ավելի լավ պատիւ տալ: Դուք ռազմաճակատից եկած հյուր եք և արժանի եք ամեն պատմի ու հարգանքի:

Զինվորականը, որ կոչումով ավագ լեյտենանտ էր, խորին շնորհակալութիւն հայտնելով տիկնոջը սրտառուչ ընդունելութեան

համար, փոքրիկ կոմսերով կոնյակին ըմպելուց հետո, ուրախաձայն ասաց.

— Հրաշալի է: Հիշում եմ: Այն ծանր օրերին վարդան Սարիբեկովիչը Ստալինգրադում փողոցային արյունահեղ մի մարտից հետո, ինձ կանչեց իր մոտ և խորամանկ ժպիտը դեմքին ասաց. «Վատ չի լինի, եթե միասին նախաճաշենք. մեզ բաժին է հասել երևանյան մեր դործարանի բանվորների կողմից Ստալինգրադի պաշտպաններին նվեր ուղարկած պահածոներից: Արարատցիներն էլ ետ չեն մնացել: Նրանք էլ կոնյակ են ուղարկել: Այդ ասելով նա աչքով արեց իր կապավորին. վերջինս գործի անցավ և մենք նստած մեծ շենքի երկրորդ հարկում, ուտում էինք, խմում և փառք տալիս մեր ժողովրդին, որը գիտե բարձր զնահատել իր պաշտպաններին: Իսկ մի քանի օր ուտելիք չստացած ֆրիցները հինգերորդ հարկում թուր էին կուլ տալիս: Մենք ամեն բոպե հիշում էինք, որ մեզ հետ է մեր ողջ ժողովուրդը, մեր ուժի ու հզորության հորդահոս, հավերժական անսպառ աղբյուրը:

Երիտասարդ կինը մեծագույն լարվածությամբ լսում էր հյուրին. երբեմն թրթռում էին նրա շուրթերը, սրտում ալեկոծվող հույզերը բոցավառում էին աչքերի հայացքը, ակամայից սեղմվում էին բռունցքները:

Ավագ լեյտենանտը նայելով ժամացույցին ոտքի կանգնեց.

— Ինձ կներեք,— ասաց նա,— շտապում եմ: Եկել եմ մի շաբաթով և դեռ շատ ու շատ հանձնարարություններ ունեմ կատարելու. ընկերներին հանձնարարությամբ պիտի տեսնեմ նրանց ընտանիքներին:

— Ներեցեք,— կարծես մի բան հիշելով հարցրեց Հռիփսիմեն,— վաղո՞ւց է ինչ Վարդանի հետ եք:

Ձինվորականն ուրախ ծիծաղեց:

— Այն օրվանից,— պատասխանեց նա,— երբ կայարանում դուք ճանապարհեցիք նրան: Ձեր կողքին կանգնած էին կինս, մայրս, աղջիկս:

Հռիփսիմեն ժպտաց: Այո, այո. ինքը հիշեց այդ մարդուն: Բայց որքան է փոխվել... Հիշեց ռազմաճակատից Վարդանի գրած առաջին նամակը. «... Ընկերներիցս մեկն ասաց՝ չեղավ բարեկամ, մինչև վերջն էլ չոր մնացին սիրունիկ կնոջդ աչքերը»: Արդյո՞ք ասողը այս մարդը չի եղել...

Զինվորականին ճանապարհելուց հետո, Հռիփսիմեն շտապով բաց արեց ամուսնու նամակը:

«Իմ սիրելի Հռիփսիմե,

Այս նամակը գրում եմ քեզ, երբ հեռու թիկունք է դարձել մեզ համար Ստալինգրադը:

Այժմ ես իմ գումարտակով գտնվում եմ նոր ու ծանր կռիվների մեջ:

Որքան ժամանակ է մեզ բաժանում իրարից: Կարոտում եմ քեզ. քո նամակներն են միայն, որ զովացնում են սիրտս:

Ես գիտեմ, որ կգա այն օրը, երբ մենք, սիրելի՛ս, կտեսնվենք նորից, երբ սիրով լի մեր սրտերը խաղաղությանմբ լեցուն մեր հարկի տակ կգտնեն իրար:

Ստալինգրադում ես երկու վերք ոտացա, մեկը ձախ թևիցս, իսկ մյուսը՝ կողքիցս: Թշնամու նշանառու ուզում էր իր երկու գնդակով վերջ տալ կյանքիս: Բայց ինչպես ասում են՝ շաբաթը ուրբաթից շուտ վրա հասավ: Նրան իր թաքստոցից վայր գլորեցին իմ արծիվները: Ես մնացի շարքում, այժմ բոլորովին առողջացել եմ վերքերս: Երկու անգամ մեծ Առաջնորդի շնորհավորանքին է արժանացել մեր ստորաբաժանումը: Շատերը, որոնց թվում և ես, արժանացել ենք բարձր պարգևի՝ այն էլ երրորդ անգամ: Հռիփսիկըս, թանկագինս, այնքան բանի մասին եմ ուզում գրել քեզ, որ չգիտեմ որից սկսեմ, որ գոհացում տամ հետաքրքրությանդ:

Ընկերոջս հետ ուղարկիր մանրամասն նամակ մեր գործարանի մարդկանց մասին, ինչպես ես ապրում, ինչպես են ծնողներդ, մի խոսքով գրիր այն ամենի մասին, ինչ անհրաժեշտ ես համարում: Զփոճես որևէ բան ուղարկել: Մենք ունենք այն ամենը, ինչ պետք է ունենա պատերազմող մարդը:

ՔՈ ՎԱՐՄԻԱՆ»:

3.

Ամուսնու նոր նամակը մի նոր ջերմությամբ լցրեց Հռիփսիմեի սիրտը: Կավ է ունենալ Վարդանի նման կյանքի ընկեր, որ գիտե թափանցել մարդկային հոգիները, իր մտքի լուսավոր թևերով ճանապարհ բաց անել սիրո և երջանկության համար: Նույն օրը Հռիփսիմեն պատասխան նամակ գրեց:

«Սիրելի, իմ անզուգական Վարդան,

Ուզում ես որ գրեմ մանրամասն նամակ: Սակայն անկարող եմ այդ բանին, քանի որ նոր եմ կյանք մտնում, նոր եմ ըմբռնում այն ամենը, ինչ վաղուց եղել է քո իմաստությունը: Այժմ ես հասկանում եմ քեզ և դա բախտավորություն է ինձ համար: Մի ժամանակ ես կյանքը պատկերացնում էի կարդացածս գրքերի և ծնողներիս գուրգուրանքի մեջ. նեղ, շատ նեղ էր իմ աշխարհայացքը: Քո բացակայությունը, այս պատերազմը բաց արեցին աչքերս և ես այժմ կյանքին ու մարդկանց նայում եմ իսկական կյանքը ճանաչող մարդու աչքերով: Գործի մեջ պետք է տեսնել, կարդալ մարդու սիրտն ու հոգին, զգալ կյանքի էությունը: Ամիսներ առաջ ես հանդիպեցի քո մտերիմ ընկերներից մեկի մինչ այդ ինձ անծանոթ կնոջը. անունը Արևհատ է:

Որքա՞ն ջերմ ու ազնիվ էր նրա վերաբերմունքը: Մեր առաջին հանդիպման օրվանից ես սիրեցի այդ կնոջը, սիրեցի բուռն կերպով և այժմ նա շատ բանով նույնիսկ առավել է մեր Տիգրանուհուց: Պատճառը կյանքի նրա ճանաչողությունն է, անբասիր, մաքուր սիրտ ունենալը: Գործարանում ամենքը խոսում են նրա մասին, նա օրինակ է բոլորիս համար: Կարծես այս րոպեիս էլ ես նրա շունչն եմ զգում. չեմ մոռանում այն օրը, երբ նա առաջինն իր պարանոցից հանեց ոսկյա մեզալիոնը, մի ձեռքում ամուսնու նկարը, մյուս ձեռքում ոսկեղեն այդ զարդը բռնած՝ նա հայրենիքի ազատության համար նվիրական խոսքն ասելուց հետո հաղթանակի համար նվիրեց իր վերջին ունեցվածքը: Նրա նկարը փակցրել են պատվո տախտակին՝ քո նկարի կողքին: Ձեր պատկերները պայծառ ժպտով իրար են նայում: Նա թիկունքի հերոս է, իսկ դու, իմ թանկագին, ուղմաճակատի:

Իմ անզուգական ընկեր.

Այս տողերը գրելիս սրտիս անհուն բերկրանքով շնորհակալական խոսքս դարձյալ քեզ եմ ուղղում և հաճույքով հիշում այն օրը, որ գործարան մտա: Այն մարդիկ, որոնց հետ աշխատել ես դու և որոնց հետ աշխատում եմ այժմ ես, շատ բան տվեցին ինձ, սովորեցրին ճանաչել իսկական կյանքը և թեթևամիտ չլինել մարդկանց նկատմամբ: Սիրելիս, ես ուզում եմ անել այն ամենը, ինչ արժանի է մարդ կոչվածին: Ես կլինեմ արժանավոր՝ հայրենիքիս

ու մարդկանց համար, այն մարդկանց համար, որոնք ինձ ցույց տվեցին ազնվության ճանապարհը:

Դու միշտ ինձ հետ ես. տխրության թե ուրախության ժամերին զգում եմ քեզ, ապրում եմ քեզնով և ավելի սիրելի են դառնում այն մարդիկ, որոնց սրտերը կարդացել ես դու: Ես չեմ հեռանա այդ շրջանից, ես կսպասեմ քեզ կարոտով ու սիրով: Գիտեմ, որ հաղթանակով կգաս տուն:

Մի մտածիր իմ և ծնողներիս մասին: Ինչպես ես, նույնպես և նրանք ոչ մի բանի կարիք չունենք:

Հազար, հազար անգամ զրկում ու համբուրում եմ քեզ...

Քո Հռիփսիմե:

4.

Տիգրանուհին, որ ընկերուհու սառնությունը զգալով, սկսել էր շատ հազվադեպ երեւալ նրա մոտ, Վարդանից ստացված նոր նամակի մասին լսելով, այցելության եկավ նրան:

Հռիփսիմեն ուրախ էր, որ կրկին տեսնվում է Տիգրանուհու հետ: Գրկելով նրան, ասաց.

— Շուտ ես խռովում: Առանց քեզ տխուր է սիրտս:

— Այնպես էիր կախում հոնքերդ, որ ահամայից սարսափում էի քեզանից:

— Բայց միթե՞ ամեն անգամ մարդ մի տրամադրության մեջ է լինում,— հաշտ եղանակով ասաց նա,— միթե՞ դու չգիտեիր, որ վաղուց Վարդանից նամակ չունեի և ոչ էլ որևէ տեղեկություն: Սիրտս շատ անհանգիստ էր:

— Բայց միթե՞ մեղավոր եմ ես: Ինձ թվում է, որ այդ չէր պատճառը:

— Է՛, մոռանանք: Ինչ ուզում է լինի, մենք չենք կարող իրարից բաժանվել: Ես սիրում եմ քեզ, իսկ դու... դու ավելի ես սիրում ինձ:

— Կարող է պատահել, որ ընդմիշտ բաժանվենք,— տխրությանմբ պատասխանեց Տիգրանուհին:

Հռիփսիմեն ծիծաղեց:

— Ո՛չ: Այդ արդեն անկարելի է: Ոչ ո՛ք, ոչ ո՛ք չի կարող բաժանել մեզ իրարից:

— Ես սիրում եմ քեզ, վկա է աստված: Բայց եթե դու շարու-

նակեա տեսակցություններ ունենալ երգվլալ ամուրիի հետ, այն դեպքում անխուտափելի է մեր բաժանումը: Կարծում ես չգիտեմ, որ դու տեսնվում ես նրա հետ: Ասա, մի շաբաթ առաջ նրա հետ չէի՞ր տրամվայի վագոնում: Որպիսի հայացքով էր նա քեզ նայում, աստված իմ: Տեսնելով նրա ժպիտը կրծքիս տակ սիրտս լալիս էր:

Հռիփսիմնի սիրուն դեմքը ջղաձգվեց. կարծես աներևույթ մի ձեռք սրբեց այնքան վեհ ու պայծառ հանգիստը, դողդողալ սկսեցին շրթունքները:

— Ես չգիտեի, որ դու ընդունակ ես նաև մարդկանց լրտեսելու: Սխալվել եմ: Ինչպես երևում է՝ ձեռնահաս ես այդ բանին:

— Այդ լրտեսել չի նշանակում: Ինձ տանջում էր քո վերաբերմունքը: Աստված իմ, միթե՞ դու չես մոռացել այդ զարշելուն: Հասկացիր, եթե ոչ այսօր, ապա վաղը դու կանգնած կլինես խորտակման վիհի եզրին: Նա վրեժխնդիր կլինի քեզանից: Կդա վարդանը, և դու ո՛չ միայն ամոթով կմնաս նրա առաջ, ա՛յլ և քեզ ճանաչող շատերի առաջ:

— Այդ արդեն իմ գործն է,— գրգռված պատասխանեց Հռիփսիմեն,— ոչ ոքի իրավունք չի տրված խառնվել իմ ներքին գործերին: Այո: Ես դայակի կարիք չեմ դգում:

— Յավում եմ, որ չես ճանաչում իսկական բարեկամիդ:

— Չեմ էլ ցանկանում ճանաչել: Ես իմ սեփական խելքն ունեմ, դու՝ քոնը քեզ պահիր և մի համարձակվիր...

— Թող այդպես լինի: Ինչ արած, կուրացել ես դու: Բայց իմացիր, կգա ժամանակ, որ դու քեզ կատես: Այս ասելով Տիգրանուհին ոտքի կանգնեց:

— Ես՝ գնում եմ: Ուրեմն չարն եմ, լավ: Կյանքը ցույց կտա, թե ով է մեզանից ողջամիտը:

Հռիփսիմեն չփորձեց կանգնեցնել ընկերուհուն: Երբ Տիգրանուհին ետևից փակեց դուռը, նա աչքերին սեղմեց թաշկինակը.

— Նույնիսկ սա էլ չի հասկանում ինձ...

ԳԼՈՒԽ ԵՐՐՈՐԴ

1.

Պատերազմի նախավերջին տարվա աշնանը մի անգամից դադարեցին Վարդանի նամակները:

Ամիսներ շարունակ ամուսնուց նամակ չստանալով, Հռիփսի-

մեն սոսկումով զգաց, որ կյանքը կարծես մի անգամից դատարկվեց իր համար:

Ընկերուհիների հորդորանքը, ամուսնու մտերիմների խորհուրդները չէին կարողանում փարատել նրա տխրությունը:

Հռիփսիմեն տագնապով լի նամակներ գրեց, հարցումներ արավ: Ժամանակներն այնպես էին, որ նա չստացավ և ո՛չ մի գուհացուցիչ պատասխան:

Նա ետ ստացավ իր դրած նամակը, որը հասցեագրել էր այն զորամասի դաշտային փոստակայանի համարով, որտեղից միշտ ստանում էր հուշտով ու հավատով լի ամուսնու նամակները. «Վերադարձվում է հասցեատիրոջ բացակայության պատճառով»: Եվ նա դառնազին լաց եղավ:

Վարդանի ընկերներն էլ ետ ստացան իրենց ուղարկած նամակները: Սակայն ոչ ոք չէր հավատում, որ նա չկա, որ իրենք այլևս չեն տեսնելու նրան:

Գործարանում, լաբորատորիայում ամենքն աշխատում էին ամոքել Հռիփսիմեի սիրտը, պատմում էին տասնյակ, նույնիսկ հարյուրավոր դեպքեր, երբ այս կամ այն ռազմիկից մեկ, նույնիսկ երկու տարով ո՛չ մի լուր չեն ունեցել հարազատները: Միթե՞ թերթերը քիչ են գրում թշնամու թիկունքում գործող պարտիզանների մասին: Մի գուցե Վարդանն էլ արժանացել է այդ բախտին:

Տիգրանուհին հայտնի միջադեպից հետո չէր ցանկանում տեսնել Հռիփսիմեին: Նույնիսկ փողոցում հանդիպելիս անխոս անցնում էր նրա մոտից... Արևհատից լսելով Վարդանի մասին պտուվոդ լուրերը թե երկար ժամանակ է, ինչ նրանից նամակ չի ստացվում, կուլ տալով ընկերուհու կողմից իրեն հասցրած դառուլ-թյունը, այցելության գնաց նրան: Հռիփսիմեն տխուր էր. տեսնելով ընկերուհուն արտասուքներով լցվեցին աչքերը:

— Հազի՞վ մտաբերեցիր,— շնջաց նա:

Տիգրանուհին չպատասխանեց: Նա երկար ժամանակ հարց ու փորձ էր անում Վարդանի մասին:

— Դատարկ բաներ են,— վերջում ասաց նա,— չարժե, որ դրա համար սիրտդ կոտրես: Չէ՞ որ ես էլ մի տարուց ավելի է, ինչ նամակ չեմ ստանում ամուսնուցս: Սակայն միտք չունեմ սուգ տնելու: Կարող է պատահել, որ նույնիսկ մինչև պատերազմի

վերջն էլ նամակ չստանամ: Բայց միթե՞ այդ նշանակում է, որ նա այլևս չկա:

Այդ օրվանից Տիգրանուհին հարմար առիթ բաց չէր թողնում տեսնվել Հռիփսիմեի հետ: Նա հաճախակի իրենց տուն էր հրավիրում, ժամերով հետաքրքիր պատմություններ էր պատմում նրան: Ծիծաղում էր երեք զավակների մայրը, որ հույսով ու հավատով էր լցված: Տիգրանուհին սպասում էր պատերազմի հաղթական վախճանին:

Սակայն ամուսնու անհայտ վիճակը ստիպում էր Հռիփսիմեին ժամերով տարվել ծանր մտքերով: Նա տխրում էր նաև լաբորատորիայում եղած ժամանակ: Այդ նկատում էին աշխատանքի ընկերուհիները:

Լաբորատորիայի վարիչը, որ ջերմ սիրով սիրում էր Հռիփսիմեին, իր զարմանալի պատմություններով հաճախ ստիպում էր նրան չմտածել այլ բաների մասին, հուսալ, որ նա՝ Վարդանը հաղթանակով տուն կվերադառնա:

— Գիտես, Հռիփսիկ, ինչ հետաքրքիր բանի ականատես եղա՞ օրերս: Ուղղակի չէի հավատում աչքիս տեսածին: Դե, լսիր, պատմեմ: Մեր շենքումն է ապրում ծերունի Վարդսն իր պառավի հետ: Նրանց որդին հին զինվորական է: Պատերազմն սկսվելու օրվանից նրանք ոչ մի լուր չունեին նրանից: Պառավը ծերուկին էր ասում. «Քա, վաչ թե մեռնեմ ու չտեսնեմ տղիս»: Ծերունին էր հիվանդանում ու ծանր բուժանքներն պառավին ասում. «Է՛, շուն դառնա Հիտլերի հերը՝ տղիս գլուխը կերավ: Այ պառավ, մեռնելու եմ ու նա մի բուռ հող էլ չի գցելու վրաս»: Եվ ահա տուն եմ գնում ու ինչ տեսնեմ. պառավը բակի մեջտեղը երգում է ու պարում: Խեղճ պառավ, անցավ մտքովս, երևի վշտից խելագարվել է: Իսկ նա, ինձ որ տեսավ ուրախ ձայն տվեց. «Մի արի, տես, թե ինչ թուղթ է ուղարկել թառուս տղես»:

Այո: Նա իր որդուց նամակ էր ստացել, իսկ նրա որդին հերոս է, կռվում է թշնամու թիկունքում: Տեսնում ես, թե ինչեր են կատարվում պատերազմի ժամանակ: Դու մի տանջիր քեզ: Վարդան Սարիբեկովիչը կենդանի է ու հաղթանակով տուն կվերադառնա...

Հռիփսիմեն տխուր էր, դադարեց մեծ սենյակը հաճախելուց, փակեց դուռը և դռան ամբողջ երկայնքով բաց թողեց ծանր վարագույրը:

Ձմռան վերջին ամիսն էր: Աշխատանքից տոնն դառնալով Հռիփսիմեն վառեց վառարանն ու նստեց կողքին: Ընկել էր մտքերի ծովը: Հնչեց դռան զանգի՝ ձայնը: Նա սթափվեց, մռայլ դեմքով վեր կացավ նստած տեղից:

— Ուֆ, այս աղջիկն էլ օր ու հանգիստ չի տալիս,— փնթփընթաց նա,— ուսերին գցելով թեթև շալը, մոտեցավ դռանը, ետ գցեց փականը և դժկամությամբ ասաց.

— Դե ներս արի, ինչ ես ցցվել դռան մոտ:

— Կարելի՞ է,— լսվեց Երվանդի բասը:

Հռիփսիմեն ցնցվեց, ետ-ետ գնաց: Տիրապետելով իրեն կամացուկ ասաց.

— Խնդրեմ, ես կարծում էի Տիգրանուհին է, ներեցեք անքաղաքավարությանս համար, որ այդպես խոսեցի:

Վերարկուն հանելով Երվանդը հարցրեց.

— Ի՞նչ է, նա հաճախակի՞ է լինում քեզ մոտ:

— Գրեթե միշտ, այսօր էլ սպասում էի նրան և կարծեցի, որ նա էր զանգահարողը, դրա համար առանց հարցնելու բաց արեցի դուռը:

— Իսկ եթե նա գա և ինձ տեսնի քեզ մոտ, անհարմար չե՞ս զգա:

Հռիփսիմեն դառը ժպտաց.

— Կարծում եմ, ես եմ այս տան տերը,— ասաց նա: Եթե չցանկանալի քեզ ընդունել, ապա ներս չէի հրավիրի:

— Ձգացված եմ սիրելիս: Դու միշտ էլ փայլել ես հոգուդ մաքրությամբ: Այդ կինը փողոցում հանդիպելիս դեի նման փնչացնում է, կրճտացնում ատամները: Ես համոզված եմ, որ նույնիսկ նա չի խորշի արյունս էլ թափելուց:

— Այդ ինչպես է Երվանդ Վառլամիչ, որ շնորհ բերեցիր ինձ մոտ,— տխրությամբ հարցրեց Հռիփսիմեն հրավիրելով նրան նստելու վառարանի մոտ:— Մրսած կլինես, տաքացիր:

— Վաղուց է, որ չէի տեսել քեզ: Ինձ համար դժվար էր մտնել այս տունը: Սակայն սիրտս ձգում էր և ահա եկա,— պատասխանեց Երվանդը, շնորհակալութուն հայտնելով առաջարկած աթոռի համար:

Հոփսիմենն լուռ էր: Չնայած սենյակը հագեցված էր հաճելի ջերմությամբ, նա ինչ-որ սարսուռ էր զգում. նուրբ մատները հանգուցված էին ուսերին գցած թեթև շալի ծայրերին, կարծես վախենում էր, թե մեկը կխլի այն իրանից ու ինքը կդողա ցրտից:

— Անճանաչելի ես դարձել Հոփսիկ, դժգույն է դեմքդ, կարծես հիվանդի մահճից նոր բարձրացած լինես: Չլինի տկար ես, — լռությունը խզելով հարցրեց Երվանդը:

— Ձէ, հիվանդ չեմ: Միտք էլ չունեմ տկար լինելու:

— Տա աստված, — հայացքը չհեռացնելով երիտասարդ կնոջ դեմքից, — կրկին խոսեց Երվանդը:

— Ձէի՞ր ցանկանա մի բաժակ թեյ, — հարցրեց Հոփսիմենն:

— Հաճույքով: Հիշիր, որքան ժամանակ է անցել այն օրից, երբ վերջին անգամ խմել եմ քո ձեռքով պատրաստած թեյը...

— Եվ չես մոռանում այդ:

— Ոչ, ոչինչ չեմ կարող մոռանալ: Երեակայիր, — ծխախոտը վառելով շարունակեց Երվանդը, — հիշում եմ ամեն մանրունք, որը կապված է մեր սիրո պատմության հետ: Այո: Այն ինչ հիշեցնում է քեզ, միշտ վառ է իմ սրտում: Կարող ես երեակայել, Հոփսիկ, նույնիսկ չեմ հավատում, չեմ կարողանում հաշտվել այն մտքի հետ, որ դու իմը չես, որ մենք հավիտենապես բաժանված ենք իրարից: Շատ հաճախ ինձ թվում է, որ այս բոլորը վատ երազ է:

— Ինչու տանջվել, — խորը հառաչելով պատասխանեց Հոփսիմենն, — միթե՞ չես կարող...

— Այդ հարցրու սրտիցս: Ինչպե՞ս կարող եմ մոռանալ քեզ:

— Դու հյուր ես իմ տանը և ես ուրախ եմ դրա համար: Ինչո՞ւ ես ուզում պլտորել մտքերս, ինչո՞ւ ես ուզում տանջել ինձ. միթե՞ քիչ եմ տանջվել ես: Եթե սիրում ես ինձ, թողնենք այս խոսակցությունը:

— Հասկանում եմ քեզ: Խուսափում ես ուղղակի պատասխան տալուց, և այդ սարսափելի է ինձ համար: Այո, օտար եմ դարձել քեզ համար:

Հոփսիմենն գլուխը կախ լսում էր Երվանդին: Նա վախենում էր նայել այն մարդու դեմքին, որի համար տանջվել էր շարունակ:

— Ների՛ր սիրելիս, ների՛ր որ խանգարում եմ քեզ, բայց դու էլ պարտավոր ես հասկանալ ինձ: Միշտ քեզ եմ հիշել և այսօր եկել եմ, որ մեկ ընդմիշտ վերջ տաս տառապանքներին:

— Այս բոլորը ծանր է ինձ համար,— կարկամելով խոսեց Հռիփսիմեն:— Ինձ ո՛չ ոք, ո՛չ ոք չի հասկանում:

— Նշիր վճռական սիրելիս: Դու կարող ես երջանիկ լինել, երջանկությունը մի վանիր քեզանից:

— Երջանի՞կ... Ի՞նչ երջանկության մասին կարող է խոսք լինել, որը պիտի ստեղծվի մեկ ուրիշի դժբախտության գնով:

Երվանդը ոտքի կանգնեց:

— Նա գնում եմ,— ասաց նա,— երբ խաղաղ կլինի հողիդ, մտածիր ասածներիս մասին:

3.

Հռիփսիմեն հանգցրեց լույսը: Գիշերը աղոտանում էր: Զերմությանմբ հագեցած ննջասենյակում, ուր խաղաղություն էր տիրում, անկողնու փափկության մեջ ծանր մտքերով տառապում էր երիտասար կինը:

— Ո՛չ, ո՛չ, Վարդանը կա, նա կգա,— շշնջաց նա և դեմքը թաղելով բարձերի մեջ, ազատություն տվեց արցունքներին:

4.

Մի քանի օր անց, երբ լաբորատորիայում աշխատանքը վերջացնելուց հետո Հռիփսիմեն տուն էր վերադառնում, հանդիպեց Տիգրանուհուն:

— Մոռացել ես ինձ,— հոգնածի հայացքով րնկերուհուն նայելով ասաց նա:

— Մոռանա՞լ, չէ, ես քեզ չեմ մոռանալ, բայց խճճվել եմ տան հոգսերի մեջ: Դժվար է դրությունս: Ծանր հիվանդ է մեծ տղաս, Հակոբից էլ նամակ չկա ու չկա: Զգիտեմ որի հոգսը տանեմ: Պառավն էլ իր ախ ու վախով սիրտս կերավ:

Հռիփսիմեն դառը ժպտաց:

— Ի՞նչ վե, հիմա էլ ե՞ս քեզ հուսադրեմ:

— Այո: Մտերիմ մարդու ամեն մի խոսքը սպեղանի է ցաված սրտիս համար:

— Գնանք մեզ մոտ, հետո միասին ձեր տունը կգնանք,— այդ

ասելով Հռիփսիմեն թեանցով արեց Տիգրանուհուն: Աստիճաններին բարձրանալիս հարեանի բնակարանի նախապոռնի դուռը կիսով չափ բացվեց ու այնտեղից դուրս նայեց տասնամյա աղջկա թուխ դեմքը:

— Մորաքույր, Հռիփսիմե, դուք նամակ ունեք: Մամաս աշխատանքի դնաց և պատվիրեց, որ եթե դուք գաք նամակն իսկույն հանձնեմ ձեզ:

— Իսկ եթե Վարդանի՞ց լինի նամակը, — ուրախությունից փայլելով հարցրեց Տիգրանուհին, — ասա քանի՞ համբույր կտաս:

— Է՛, մեզ ո՞վ է տվել նման բախտավորություն: Երեւի ծնողներիցս է:

Նամակը Վարդանից չէր:

Երբ երկուսով տուն մտան, Հռիփսիմեն բաց արեց նամակն ու սկսեց մտքի մեջ կարդալ: Նրա կողքին կանգնած Տիգրանուհին նույնպես լուռ հայացքով կարդում էր նամակը.

«Շատ հարգելի տիկին Հռիփսիմե.

Դուք ինձ ճանաչում եք դեռ անցյալ տարվանից, երբ եղա ձեզ մոտ, ես Վարդանի ընկերն եմ, ավագ լեյտենանտ Տիրատուրյանը:

Պարտքի զգացումն ստիպում է գրել այս նամակը Ձեզ: Ցավում եմ, որ ինձ չի վիճակվել հաղորդել ուրախալի լուր: Ձեռքերս դողում են, երբ գրում եմ այս տողերը: Բայց չգրել, չեմ կարող: Ձեր ամուսնուն՝ իմ մտերիմ ընկերոջ հետ մենք պայմանավորվել էինք դժբախտության դեպքում՝ մեզանից կենդանի մնացողը գրի տուժողի ընտանիքին: Եվ սրտիս դառը կսկիծով հայտնում եմ, որ այդ վիճակվեց ինձ՝ հաղորդել ձեզ այնպիսի մի լուր, որ տրոփումբ ու վշտով կհամակի ձեր ազնիվ սիրտը...

Ես բաժանվեցի ձեր ամուսնուց, ավելի շուտ դաժան կռվում մենք բաժանվեցինք, վերջին պահին չկարողացանք տեսնել միմյանց: Այդ այն օրերին էր, երբ մենք հասանք Կարպատները: Այդ լեռներից հարավ-արևմուտք, ուր կատաղի կռիվներ էին տեղի ունենում, հարձակվողների շարքումն էր արդեն նրա գումարտակը: Նույն գիշերը, երբ պատահեց՝ այն, ինչի մասին հարկ եմ համարում պատմել ձեզ, նա ինձ կանչեց իր մոտ և հրամայեց, որ ես իմ վաշտով կանգնեմ թշնամու ձախ թևում:

Ստանալով նրա հրամանը, ես հեռացա: Գիշերվա մի պահ մեր

գումարտակի դեմ կենտրոնացած կատաղի կրակով բարձրացան գերմանական «մեռած դանգեր» դիվիզիայի երկու գումարտակները: Եղավ ծանր մի գոտեմարտ: Երբ տեղ հասան օգնական ուժեր, և երբ թշնամին տրորելով յուրայինների դիակները, փախուստի դիմեց, նույնիսկ չկարողանալով հավաքել վիրավորներին, մենք այլևս չգտանք մեր սիրելի հրամանատարին: Նրա հետ անհետ կորան շտաբային երեք սպաներ, մի քանի տասնյակից ավելի զինվորներ, որոնց դիակները չգտնվեցին սպանվածների մեջ: Ի՞նչ պատահեց նրա և բախտակից մարդկանց հետ, ես չեմ կարող ասել: Այդ անհայտ է և մեզ համար: Պատերազմում ամեն բան պատահում է:

Սեղմում եմ ձեր ձեռքը: Վրեժխնդիր կլինենք: Առաջին հնարավոր դեպքում կուղարկեմ նրա անձնական իրերը, որ ամենայն սրբովթյամբ պահում եմ ինձ մոտ...»:

— Ուրեմն չկա Վարդանը, օ՛, աստված իմ, մարդիկ այդ մասին ինձանից վաղ էին իմացել: Հոփսիսիմեն գլուխը դրած նամակի վրա հեկեկաց: Դառնադին լալիս էր և Տիգրանուհին: Նա արտասուքներից խեղդվելով ասում էր.

— Բայց նա չի գրել, որ սպանվել է, ուշքի արի:

— Միթե՞ ես այլևս չեմ տեսնելու նրան,— դառն արտասուքների միջից հեկեկում էր Հոփսիսիմեն...

Սակայն երբ անցան առաջին օրերի կսկծալի ժամերը, երիտասարդ կինը սկսեց հաճախակի մտածել այդ նամակի մասին, կարդում էր օրը մի քանի անգամ և հայացքն ու միտքը պտտվում էր նամակի այն տողերի վրա, ուր ասված էր. «...ինչ պատահեց նրան և նրա բախտակից մարդկանց հետ, ես չեմ կարող ձեզ ասել, այդ անհայտ է և մեզ համար: Պատերազմում ամեն բան պատահում է...»:

Նա ծնողներից թաքցրեց բոթաբեր նամակը: Հաճախակի նամակներ էր գրում ծերունիներին, նույնիսկ հուսադրում նրանց, որ Վարդանը կա և կգա:

Զմռան վերջերին Մոսկվայից ստացվեց հարցման պատասխանը.

«... Ձեր ամուսնու անունը գտնվում է անհայտ կորածների ցուցակում: Լրացուցիչ տեղեկություններ ստացվելու դեպքում կըհայտնվի Ձեզ...»:

Հոփսիսիմեն ցավով ընդունեց այդ լուրը: Սակայն այն

դարձավ կարևոր փաստարկ Տիգրանուհու համար, որն ամեն անգամ Վարդանի մասին խոսելիս ասում էր.

— Դու սիրելիս, այլևս տխրելու ոչ մի հիմք չունես: Վարդանը կա, նա կգա:

Լաբորատորիայի փողոցը նայող պատի վրա բրոնզափայլ կամարով շրջանակի միջից ամենքին էր նայում խաղաղ ու առնական դեմքով Վարդանի նկարը: Գործարանի երիտասարդներն ամեն օր այնտեղ ավելացնում էին ռազմաճակատներում կռվող քաջակորով իրենց ընկերների նկարները:

Այդ օրերին էր:

Աշխատանքից տուն վերադառնալիս Հռիփսիմեն փողոցում նկատեց Երվանդին, Երվանդն էլ նրան տեսավ, սակայն ներքին մի սառնություն երիտասարդ կնոջը հակադիր մայթը մղեց: Նրա աչքի առաջից չէր հեռանում ամուսնու պատկերը:

ԳԼՈՒԽ ԶՈՐՐՈՐԴ

1.

Բացվում էր գարունը:

Գարնան բացվելուն հետ մայրաքաղաքը թոթափել սկսեց պատերազմի ծանր բեռը: Այլևս խավար չէին նրա գիշերները:

Իջնում էր գարնանային թխպոտ երեկոն և քաղաքը շողում էր լույսերի մեջ, մարդիկ փողոց էին դուրս գալիս զբոսանքի:

Գարնան առաջին օրերին, մեծ հայրենիքի հետ, ի պատիվ սովետական զորքերի տարած փայլուն հաղթանակների Արարատյան դաշտավայրից հարյուր հրանոթներ ուղջունի համադարկեր տվեցին: Մայրաքաղաքի երկնակամարը հավերժական ձյունածածկ Մասիսի հետ շողաց երկնեանդ լույսերից: Հաղթանակի գարունն էր իր կանաչ թևերը պարզում լեռնաստանների վրա:

Գարնան բացվելու հետ գործարանում, լաբորատորիայում լուրեր պլոտվեցին, որ ժողովմատում պատրաստվում են ձեռնարկությունների առաջավոր մարդկանց Մոսկվա կառավարական պարզեի ներկայացնել:

Այդ օրերին Հռիփսիմին տեսություն էին եկել ծնողները և նա ուրախ էր նրանց գալստյան առթիվ: Ազատ ժամերը ամբողջովին տրամադրում էր նրանց, աշխատում էր, որ տխուր չերևա նրանց

աչքում, օգնում էր մորը տնային գործերում, կատակում հոր հետ:

— Է՛, ինչ եղավ խալիդ,— մի օր էլ ծիծաղելով հարցրեց ուստա Աբգարը:

— Կիսատ թողեցի: Շատ եմ զբաղված, հայրիկ:

— Մի սենյակիդ դուռը բաց տեսնեմ: Ո՞վ գիտե, ձեռք էլ չես տվել:

Հռիփսիմեն ծիծաղեց:

— Զէ, մի քիչ գործել եմ: Սենյակի բանալին չգիտեմ որտեղ եմ գցել, կգտնեմ, բաց կանեմ:

— Կիսատ չթողնես, գործիւր աղջիկս, հո՛ւնարդ ցույց տուր:

Հռիփսիմեն զգում էր, որ գնալով հայրը մոռալովում էր: Տանը եղած ժամանակ ծալապատիկ նստում էր բազմոցի վրա ու տխուր հայացքով նայում Վարդանի նկարին, շրխկացնելով համբիշի խոշոր հատիկները նա, կարծես, վերանում էր աշխարհից:

2.

Ուստա Աբգարին չէին ուրախացնում գորգագործական վարչությունում եղած բարենպաստ կարծիքները իր գլխավորած արհեստանոցի մասին: Եվ երբ նրան առաջարկեցին կառավարական նոր պատվեր՝ գործելու մեծածավալ գորգ ժողովրդական բանաստեղծի դիմանկարով, եզրերին պատկերել նրա ստեղծագործություններից առանձին տեսարաններ, նա լռությամբ պատասխանեց:

Այդ զարմացրեց վարչության ղեկավարներին: Ժողովրդական բանաստեղծը ուստայի մոտիկ մարդն էր: Կանաչ քաղաքում ով չէր տեսել նրանց երկուսին խնձորի այգում նստած: Նա սիրում էր իր բարեկամին...

— Սիրտս տխուր է,— երկար լռությունից հետո հառաչելով ասաց նա:

— Բայց այդ մեծ պատիվ է ձեզ համար, ուստա՛,— հուզմունքով խոսեց նկարիչը, որը ներկայացրել էր ապագա գորգի զարդանկարները:

— Կհասկնամ տղաս, շատ էլ կուզեմ գործել...

Ու կրկին լռեց:

— Ուստա Աբգար, ախր ինքը՝ մեծ բանաստեղծը կվիրավորվի, երբ մի ուրիշը գործի այդ գորգը: Չէ որ դուք բարեկամներ եք, — նկատեց վարչության պետը:

— Լավ, կգործեն: Ո՞վ գիտե, մի գուցե երկու ուրախություն միատեղ տեսնենք, — վերջում, ոտքի կանգնելով ասաց նա:

Ուստա Աբգարի միտքը տարված էր Վարդանով: Միթե՞ հանգչելու է Սարիբեկի օջախի ծուխը, մտածում էր նա: Նրա համար ծանր էր մտածել այդ մասին: Փոխվել էր նաև Հոփսիմեն: Ո՞ւր է նրա ուրախ աչքերի փայլը: Այլևս այնպես հպարտ ու նազելի չէ կեցվածքը: Մենության ժամերին ուստան նախատում էր ինքն իրեն.

«— Է՛, Աբգար, քիչ ես հետաքրքրվում աղչկանդ վիճակով: Թող մայրը մնա նրա մոտ, դու կարող ես առանց նրան էլ ապրել»:

Ուստա Աբգարը, որ միշտ իր հարազատների հետ էր բաժանում ուրախությունը, գորգագործական վարչությունից տուն վերադառնալով, խոսք անդամ բաց չարեց այն մեծ պատվի մասին, որին արժանացրել էին իրեն: Իսկ եթե Վարդանից ուրախալի մի լուր ունենար, որախի հանդիսավորությամբ կնշեր այդ օրը...

Մոռյների ներկայությունը, որ առաջին օրերին ուրախություն էր պատճառում Հոփսիմեին, սկսեց ճնշող դառնալ: Ինչո՞ւ նրանք այնքան շատ են խոսում իր մենակ լինելու մասին, ինչո՞ւ հայրը օր-օրի վրա ավելի մռայլ է դառնում: Միթե՞ նրանք որևէ ստույգ բան գիտեն Վարդանի մասին և այն թաքցնում են իրենից: Երևի եկել են մխիթարելու: Մի գուցե նրանք վերջացած են համարում ամեն բան և կրկին փորձելու են իրենց հետ տանել իրեն: Դառը մտքերը կրկին ալեկոծել սկսեցին երիտասարդ կնոջ սիրտը և նա սկսեց դժկամություն ցույց տալ, ավելի ուշ վերադառնալ լաբորատորիայից:

3.

Ուշ երեկո էր: Ուստա Աբգարը սեղանի մոտ նստած կարդում էր օրվա թերթը: Հնչեց դռան զանգի ձայնը:

— Ո՞ւմ եք ուզում, — դռան մոտ տեսնելով բարձրահասակ, անծանոթ մարդուն, հարցրեց պառավը:

— Հոփսիմե Աբգարովնային: Արդյոք նա տա՞նք է:

— Տանն է, համեցեք,— վարանումով պատասխանեց մայրը:— Ի՞նչ է, գործարանի՞ց եք:

— Ոչ մայրիկ: Անձնական գործ ունեմ հետը:

Ուստան միջանցքում խոսակցության ձայներ լսելով, Քլուխը բարձրացրեց լրագիր: Դռների մեջ երևաց Երվանդը՝ գլխարկը ձեռքին: Նա խոնարհորեն ողջունեց ծերուկին:

— Ողջունյն պապաշա: Երևի չճանաչեցիր: Ես...

Ուստա Աբգարը խայթվածի նման վեր թռավ նստած տեղից:

— Յա: Դու էստեղ,— հազիվ կարողացավ արտասանել նա:

Այդ պահին իր ննջարանի դռների մեջ երևաց Հռիփսիմեն:

— Տո սա երա՞զ է,— դողդողացող ձայնով հարցրեց ուստա Աբգարը:

— Ի՞նչ երազ, պապա: Միթե չճանաչեցիր: Ինժեներ Երվանդն է:

— Յա՛, դեռ խոսում ես, ի՞նչ գործ ունի քո տանը:

— Ես, պապաշա, գործով անցա: Եկա, որ շնորհավորեմ Հռիփսիմե Աբգարովնային:

— Դու իմ անունս մի տու, ինձ հետ գործ չունես, երեսը նրանից դարձնելով մուտաց ծերուկը և Պրիկին ձեռքը վերցրեց լրագիրը:

Հռիփսիմեն մոտեցավ Երվանդին:

— Համեցեք, նստեք Երվանդ Վառլամովիչ:

Երվանդը շնորհակալություն հայտնելով, նստեց առաջարկած աթոռին:

— Ի սրտե շնորհավորում եմ Հռիփսիմե Աբգարովնա:

— Էլի իմ անունը..., — ատամների արանքից փնչաց ուստան:

Երիտասարդ կինը նշանակալից հայացքով նայեց հորը:

— Իսկ ինչ առիթով եք շնորհավորո՞ւմ ինձ, Երվանդ Վառլամովիչ:

— Միթե՞ չեք լսել, Նոր, միայն մի ժամ առաջ ռադիոն հաղորդեց Սնունդ Արդյունաբերության աշխատողներին շքանշաններով պարգևատրելու մասին: Ձեզ ևս պարգևատրել են «Պատվոնշան» շքանշանով: Շնորհավորում եմ:

— Զգացված եմ:

Երվանդը ոտքի կանգնեց:

— Ո՛ւր,— հարցրեց Հռիփսիմեն:

— Շտապում եմ, սիրելիս: Հարկավոր է ինստիտուտ գնալ:

— Սիրելիս, չէ մի...— անսովոր ձայնով գոռաց ուստա Աբգարը և ձեռքը խփեց սեղանին,— իմ աղջիկը քո սիրելին չի կարող լինել, որտեղից եկել ես, էնտեղ էլ դնա,— ցույց տալով դուռը ֆշշաց նա:

Հռիփսիմեն սոսկաց հոր խոսքերից:

— Հայրիկ, միթե՞ կարելի է: Նստեցեք խնդրեմ նրվանդ Վառլամովիչ,— մի գավաթ կոնյակ անուշ արեք:— Այդ ասելով նա փուխիկոտ քայլերով մոտեցավ պահարանին:

Թեյամանը ձեռքին ներս մտավ մայրը:

— Շնորհակալ եմ, Հռիփսիմե, շտապում եմ:

— Ինչի կվռաղեք: Նստեք թեյ լամենք,— անժանոթի խոսքերը լսելով ասաց մայրը:

— Ձեզանից ես շնորհակալ եմ:

Նրվանդը դիմեց միջանցքը տանող դուռը, Հռիփսիմեն հետևեց նրան: Արդեն միջանցքում նրանք լսեցին ծերունու հոխորտանքները:

— Իե նամուսով կնիկ լինեիր չայնիկը գյադի գլխին կզարկեիր, իսկ դու՝ «խնդրեմ, նստեք թեյ լամենք»:

— Քա, ո՞վ էր,— զարմացած հարցրեց կինը:

— Աչքդ հանուլը:

Արտասանողուքի գլխին նրվանդը բաժանվեց Հռիփսիմեից:

— Հայրդ նույնն է մնացել,— ասաց նա:

— Նույնն էլ կմնա,— նրա պարզած ձեռքը սեղմելով պատասխանեց Հռիփսիմեն:— Խնդրում եմ ներող եղեք:

4.

Միջանցքում Հռիփսիմեն լսելով հոր կատաղած խոսքերը, դռան մոտ կանգ առավ: Բռնելով ճակատը, նա հենվեց պատին, խորը հառաչեց:

Ուստան բարկացալ գոռում էր.

— Քեզ ասում եմ աղջիկդ սիրեկան է խաղացնում:

— Բերանդ խերով բաց, ամոթ է, ինչ ես ձենդ գլուխդ պցել,— խուլ ձայնով խրատում էր կինը.— Էդ լեր պակաս: Ինչ վատ բան տեսար: Վարդանի հին ընկերն է, համ էլ դու ես ասում եկել էր աղջկանդ շնորհավորելու:

— Տո, դու ինձ ես խրատում: Վայ Աբգարի գլուխը մեռնի, որ կնիկն էլ նրան խելք պիտի սովորեցնի: Քեզ ասում եմ՝ աղջիկդ սիրեկան է պահում:

— Սո՛ւս, սո՛ւս, անիրավ: Սալսեմ խելքդ թոցրիր:

Հռիփսիմեն այլևս համբերել չկարողանալով, զայրագին բաց արեց դուռը: Ուստան լսելով կնոջ վերջին խոսքերը, ցատկեց նրստած տեղից, մի ձեռքով բռնելով կնոջ օձիքից, իր հսկայական բռունցքը բարձրացրեց նրա վրա.

— Ի՞նչ է պատահել, հայրիկ, այդ ում վրա ես ձեռք բարձրացնում:

— Յա, տո դու էլ ես իմ վրա խոսում,— բացազանչեց Ուստան,— թե, որ էդպես է, ես գնացի:

Աղջիկը դողաց:

— Ինչ եմ արել, ինչ եմ արել,— հեկեկաց նա:— Ինչո՞ւ եք խաղաղացնում օրս:

Մայրը մոտեցավ նրան, թեվը մտած տարալ նրան իր ննջարանը:

— Դե, ես գնացի: Էս տունը այլևս խորթ է ինձ համար: Երկու ժամից հետո կգամ, մեր ունեցած չունեցածը կապիր: Թե դու էլ չես ուզի գալ, քեզնից էլ դատարկ կնստեմ: Ինձ Աբգար կասեն, ես է՛լ աղջիկ չունեմ. ես թքել եմ հարամ կաթնակերի վրա, մարդը դուշմանի դեմ է կռվում, ինքը ուրիշին է սիրում,— այդ ասելով նա այնպես թափով դուռը փակեց իր ետևից, որ պահարանում ամանեղենը զնգզնգաց:

— Օֆ, տրաքվեց սիրտս,— լսելով փակվող դռան զարկը մորմոքաց կիներ:— Էս երկնային պատիժ էր, որ մեր գլխին եկավ...

— Ի՞նչ եմ արել, ասեք մեղքս, ի՞նչ եմ արել,— հուզմունքից ու արտասուքներից խեղդվելով ճշաց Հռիփսիմեն ու գլուխն առավ ձեռքերի մեջ: Ինչ է, ես իրավունք չունեմ մարդկանց հետ խոսելու:

Մայրը սրբեց աչքերը:

— Ով է ասում, որ իրավունք չունես: Հերդ ճիշտ է ասում, ի՞նչ գործ ունի Երվանդը քո տանը: Իսկ եթե վաղը մարդդ գա:

— Ես խոմ նրան չեի խնդրել: Կամ էլ նա ինչ է արել: Որպես հին ծանոթ, եկել էր շնորհավորելու: Միթե՞ այդ հանցանք է: Սիրտս այլևս չի դիմանա այս բոլորին: Ամբողջ պատերազմի ըն-

թացքում միայն մեկ անգամ բախտ վիճակվեց ուրախանալ, էն էլ սեւացրիք գլխիս:

Եվ այլևս չկարողանալով զսպել իրեն, Հռիփսիմեն ազատություն տվեց արտասուքներին:

Մայրը հորդորում էր նրան.

— Հերդ տեղ էլ չի գնա, արխեին մնա: Մենք նամուսի համար մեռած մարդիկ ենք: Հորդ էլ մի մեղադրի: Նա էդպես բան տանողը չի, որ տամարը բռնեց, նա սատանեն էլ թարս կհեծնի: Դու հանդըստացիր աղջիկս, ես նրա հետ կխոսեմ:

5.

Ուշ գիշերին ուստա Աբգարը ծեծեց տան դուռը: Կինն շտապեց բաց անելու: Հռիփսիմեն մոր հետ միջանցք դուրս եկավ:

— Ային-օյինը բերեք, մնացողը չեմ,— գինուց օրորվելով բաց դռան առաջ կանգնած գոռաց նա:

Հռիփսիմեն մոտեցավ մորը:

— Դու տուն գնա,— ասաց նա և բռնեց ամուսնու թևից:

— Էս ինչ օրի ես ընկել: Մի քիչ, քիչ կխմեիր:

— Դարդիցս եմ խմել, դարդիցս: Քեզի ասի երթանք:

— Դու հըլա մի ներս արի, այ մարդ: Ես ամեն բան իմացա, ախր նա Վարդանի ընկերն է...

— Ընկե՛ր,— ուստին ցնցեց անասելի քրքիշը,— տո, ընկեր ասիր, վայ քո միամիտ գլխին, սիրուն կնկա հետ ամեն ջահել էլ ընկերություն կանի: Բա էդ շան ծիծ կերածը ինչո՞ւ չէր երևում, քանի ասլան փեսաս կռիվ չէր գնացել, հօ՛ր: Դե՛ խոսիր, ինչո՞ւ լեզուդ փաթ ընկավ:

Միշտ բարի, կարճահասակ, սիրունատես ծերունու դեմքը կարմրել էր գինուց, նա խոսելիս խռխռում էր, ցուցահանելով վզի երակների լարվածությունը, որոնք կարծես կարմրած մաշկի տակ ոլորված ճիպոտներ լինեին:

— Ընկեր, բա՛: Տո ես նրան դրողի ծոցը կուղարկեմ:

Կինն աղաչանքով ներս տարավ մարդուն: Հռիփսիմեն տեսնելով հոր վիճակը սփրթնած դեմքով անկյունում կանգնած մտածում էր՝ ինչպես կարող է փոխվել մարդը: Հարազատ հայրը իրեն է նայում թշնամական հայացքով, ուզում է հեռանալ այն տնից, որը

մի ժամանակ նրա ուրախության վայրն էր: Ուրեմն խորն էր հոր վիշտը: Երվանդի երեւալը վիրավորել էր նրա հպարտ ինքնասիրուն թյունը, տրորել սրտի ամենանուրբ լարը...

— Ուրեմն դու էլ չես ուզում գա՞լ, — կրկին ոտքի կանգնելով գոռաց ուստան, — լավ, քեզանից էլ դատարկ կ'նստեմ:

Երբ հայրը օրորվելով գնաց դեպի դուռը, Հռիփսիմեն ընկավ նրա առաջ:

— Միթե՞ ինձ չես սիրում, հայրիկ:

— Հեռու ինձանից, դու հոգեախալորս տղի պատիվը գետնովն ես տալիս: Ես է՛լ աղջիկ չունեմ:

Հռիփսիմեն սկսեց հեկեկալ, ծնկի եկավ նրա առաջ:

— Հայրիկ ջան, քո արեւ, Վարդանի արեւը վկա, ոչինչ չկա մեր մեջ, նա պատահական եկավ:

— Չեմ ուզում, չեմ ուզում, որ նա էս օջախը ոտք դնի:

— Չի դա, հայրիկ ջան, էլ չի դա, ես թույլ չեմ տա:

Մայրը բարձրացրեց աղջկան:

— Բավական է, — զայրույթով նայելով ամուսնու կարմրած դեմքին, լացակոմած ասաց նա, — տանջեցիր երեխիս: Հանգստացիր:

— Հիմա կհանգստանամ, — վերստին իր տեղը նստելով և ծանր տնքալով ասաց նա: — Ասա՛, Հռիփսիկ, նա էլ էս տունը չի մտնի հա:

— Երգվում եմ, հայրիկ, իմ մասին այդ կարծիք ունենալը հանցանք կլինի սրտիդ համար: Այո, նա էլ այս տունը չի մտնի:

Հռիփսիմեն հանեց հոր գլխարկն ու վերարկուն:

— Լիմոնով չաչ խմի, կհանգստանաս, — ասաց կինը:

— Շնորհակալ եմ պատվիդ համար, երկուսիցդ էլ շնորհակալ եմ: Վա՛յ, վա՛յ Աբգար, դու էս աշխարքում էլ ապրելու իրավունք չունես:

Ուստան գլուխը դնելով սեղանին սկսեց հեկեկալ: Նրա նիհար ուսերը ցնցվում էին, կարծես ներսում մի բան էր քանդվում:

— Բերեք, մի Վարդանիս նկարը բերեք տեսնեմ, որ սիրտս հանգստանա:

Վարդանի զինվորական համազգեստով նկարը դեմը դրած նա երկար ժամանակ լալիս էր ու խոսում նրա հետ:

— Նշանիդ մեռնեմ, ազիզ ախալոր տղա, թե սաղ ես, մի ձեռ-

հանի: Ախր, մենք քեզ համար ենք տանջվում, դու մեր համար ղնացիր, գոնե մի ժառանգ թողած լինեիր...

Հուսադեմին Վարդանի նկարը կրծքին դրած ուստա Աբգարը քուն մտավ:

ԵՐՐՈՐԳ ՄԱՍ

ԳԼՈՒԽ ԱՌԱՋԻՆ

1.

Ծնողների հեռանալուց հետո էլ Հռիփսիմեն երկար ժամանակ չէր կարողանում հոգեկան հանգիստ գտնել այն ծանր հարվածից, այն բուռն ապրումներից հետո, որ ունեցել էր այդ օրերին:

Հայրը նրանից բաժանվեց արտաքուստ ցույց տալով, որ մոռացել է Երվանդի հետ պատահածը, սակայն Հռիփսիմեն գիտեր, որ կրկին թունավորեց հարազատների կյանքը: Որքա՞ն է տանջվելու մայրը: Բայց ի՞նչ կարող է անել ինքը: Ինչպես նրանց սրտից հանի կասկածը: Եվ այդ տեղի ունեցավ այն ժամանակ, երբ Երվանդի սերը մայրամուտ էր ապրում իր սրտում, իսկ նորածագ արեգակի նման ճառագում է Վարդանի սերը: Ոչ, ո՛չ, ծնողները սպարտավոր են հավատալ իր անկեղծությունը: Այլևս չկա իր համար Երվանդը: Կա Վարդանը և ինքն սպասելու է նրան: Այո, նա չի հեռանա այն մարդկանց շրջանից, ուր նրա անունը հնչում է որպես նվիրական սիրո արտահայտություն, այն մարդկանց շրջանից, որոնք ատում են կեղծիքն ու խաբեությունը, որոնց հոգիները պարզ են և խոհեմ պայծառ, որոնք տագնապի դաժան օրերին հայրենիքին, նրա պաշտպաններին տվեցին այն, ինչ թանկ էր իրենց սրտին, հրաժարվեցին հանգստից: Առ չի հեռանա այդ մարդկանց շրջանից և հույսը սրտում կսպասի ամուսնուն, որ նա գա, վայելի իր սերը: Ինքը՝ Հռիփսիմեն երբեք պատճառ չի դառնա, որ Վարդանն իր հպարտ գլուխը կախի մարդկանց առաջ:

Երկար խորհելուց հետո Հռիփսիմեն ծնողներին գրեց հետևյալ նամակը:

«... Իմ սիրելի հայրիկ, և անգին մայրիկ ջան:

Ձեր զնալուց հետո էլ սիրտս ցավում է, չեմ կարողանում հանգրստանալ: Իսկապես, ինչպե՞ս պատահեց այս բոլորը: Ես չեմ կարողանում հաշիվ տալ ինձ: Ես կցանկանայի, որ դու, հայրիկ

ջան, չմնայիր այն թյուր կարծիքին, որը, գիտեմ, հիմա էլ տանջում է քեզ: Իմ մասին մի մտածիր այդպես. այդ հանցանք է: Ես ձեր աղջիկն եմ և դուք պարտավոր եք հավատալ ինձ, իմ ազնվությանը: Այժմ ինձ համար Վարդանի անունն է նվիրական: Եթե ես չսիրեի և չհասկանայի Վարդանին, ապա չէի գնա գործարան, չէի մոտենա այն մարդկանց որոնք իրենց հոգով ու գործերով նոր հույս ներշնչեցին, կյանքի կոչեցին ինձ: Դառն է ինձ համար, շատ դառն է մտածել, որ հայրը հարազատ աղջկա օջախից հեռացավ կասկածը սրտում և այժմ էլ մտածում է այն մասին, թե նա անհավատարիմ է գտնվել հայրենիքի պաշտպանի նկատմամբ: Հանիր այդ կասկածը սրտիցդ հայրիկ, և համոզված եղիր, որ ես անմեղ եմ:

Իմ անգին մայրիկ, շատ ես տանջվել իմ պատճառով, շատ անքուն գիշերներ ես լուսացրել: Սիրտս կտրտվում է, երբ հիշում եմ տանջված դեմքդ: Մամ ջան, մի մտածիր իմ մասին, հարամ չեմ անի այն կաթը, որ տվել ես ինձ: Մի մտածիր և Վարդանիս մասին: Սիրտս ասում է, որ նա կա և կգա ու դրա համար էլ ես չեմ տրևում: Ինչ օգուտ տխրությունից: Շուտ-շուտ նամակ գրեք ինձ, միք տանջվի ինձ համար: Եթե Վարդանից որևէ նոր տեղեկություն ստանամ, կհայտնեմ ձեզ...»:

Հոփսիսիմեն Տիգրանուհուց դադարի պահեց հոր և Երվանդի միջև պատահածը:

2.

Գործարանում, լաբորատորիայում շարունակվում էր լարված աշխատանքը: Որքան մոտենում էր պատերազմի հաղթական վախճանի օրը, մարդիկ այնքան ավելի ջերմ սիրով էին շրջապատում Հոփսիսիմենին: Հոփսիսիմեն արտաքուստ հանգիստ ու խաղաղ էր պահում իրեն: Նա ցույց չէր տալիս սիրտը կրծող ծանր վիշտն այն մարդկանց առաջ, որոնց համար թանկ էր Վարդանի անունը: Նա սկսեց հաճախակի լինել Տիգրանուհու մոտ: Հոփսիսիմենին սիրով ընդունում էին ընկերուհու ամուսնու ծնողները, որոնք իրենց պարզ խոսքերով ցանկանում էին ամոքել երիտասարդ կնոջ սիրտը:

— Աշխարհ է, պատերազմ: Աշխարհ՝ կմնա, պատերազմ կվերջանա ու մեր դարիբները տուն կգան,— ասում էր ծերուկը, շրբսկացնելով համրիչի հատիկները, կարծես իր մտքերն էր հաշվում համաչափ շրխկոցի հետ:

— Մի օր էլ մեզ համար արեւ կղարկի,— խրատում էր պառակտը:

Եւ Հռիփսիմեն սիրով լսում էր նրանց խորհուրդները:

— Մի տխրի աղջիկս, լեն պահի սիրտդ, քո էրիկն էլ կգա:

— Ինչ կանելի մայրիկ, եթե հանկարծ դուռը բացվեր ու ներս մտներ Հակոբը:

— Ինչ կանելի: Է՛, որդի՛: Աշխարքի շափ կուրախանայի, կելնելի նրա ոտքերը կպագնէի: Ո՛վ գիտե ինչեր կանէի: Թող մի բարի խաբար գա, կյանքս էլ մատաղ կանեմ նրան:

Եւ եկավ այդ բարի լուրը:

Երկու ընկերուհիները նստած Հռիփսիմեի տան դեղատեսիլ պատշգամբում զրուցյով էին տարված, երբ Տիգրանուհու ութնամյա տղան հեռապառ կանչեց.

— Մամա, շուտ հասիր, պապայից թուղթ եկավ: Պապան դաւիս է, տատի ուշքը դնաց, պապը վռազ կանչում է:

Երկու ընկերուհիներն իրար նայեցին: Հռիփսիմեն տարածեց թևերն ու գրկեց Տիգրանուհուն:

— Աչքդ լույս, հորդի՛ս, Հակոբդ դաւիս է:

Նրանք փողոց դուրս եկան:

— Արե՛ք, արե՛ք, ա բալեք, պառակտ ձեռքից քնաց,— տեսնելով նրանց գոչեց ծերունին:

Պառակտն ուշքի բերեցին, նա մի քանի կաթիլ ջուր կուլ տալուց հետո, թույլ ձայնով խնդրեց.

— Կարդացեք տղիս գիրը, բարձր կարդացեք, թող աշխարհը լսի:

— Մայրիկ, դե խոսքդ կատարիր,— ծիծաղելով ասաց Հռիփսիմեն,— դե աշխարհի շափ ուրախացիր:

— Կուրախանամ, կյանքս էլ նրան մատաղ կանեմ: Դու էլ մուրազիդ կհասնես, բալա ջան:

Ծերունիների ուրախությունը, ընկերուհու պայծառ ժպիտը, երեք մանուկների բերկրանքն ու խնդությունը համակել էին և Հռիփսիմեի սիրտը: Ծանր խոհերը տեղի էին տալիս մտքի զարմանալի պայծառության, հուլիսի ու սպասումի քաղցրությանը:

Մի օր էլ Հռիփսիմեն բաց արեց իր մեծ սենյակի դուռը, ետ գցեց կիսատ գործած գորդի վրայից ծածկոցը: Նայում էր գորգի եզրերին հյուսած վարդերին ու մտքով թռչում հայրական տունը:

Այնպես թարմ ու իրական էին իր գործած վարդերը, կարծես իրենց աչքում բուրոզ վարդերը լինեին դրանք:

3.

Հռիփսիմեի սիրտը այլևս այնպես տխրություն չէր ապրում:

Տիգրանուհին, ամուսնուց լուր ստանալուց հետո, ավելի հաճախակի էր լինում նրա մոտ, այնպիսի ջերմությամբ, այնպիսի հավատով էր խոսում Վարդանի վերադարձի մասին, որ Հռիփսիմեին թվում էր, ինքը չի ստացել ամուսնու ընկերոջ նամակը, որ երբեք էլ ինքը ետ չի ստացել իր գրած նամակները:

Ամեն անգամ, երբ լաբորատորիա էր մտնում, կարծես մի աներևույթ ձեռք սրբում էր դեմքի տխրությունը: Պայծառ ժպտից փայլում էր նրա դեմքը, սիրով ողջունում էր ընկերուհիներին, մասնակցում նրանց զրույցներին: Հռիփսիմեին չէր մոռանում Արևհատը, երկու-երեք օրը մեկ անգամ նա հայտնվում էր լաբորատորիայում մի քանի բոլակով, հարց ու փորձ անում, հետաքրքրվում նրա առողջությունով:

— Հռիփսիմե ջան, ախր ինչո՞ւ չես գալիս մեր տունը: Մայրիկս շատ է ուզում քեզ տեսնել: Մի բան էլ կա, որի մասին չեմ ասում: Երբ կգաս, կասեմ:

Մի օր էլ Հռիփսիմեն հայտնվեց Արևհատենց տանը:

Արևհատի մայրը ուրախությունից փայլող դեմքով գլկեց, համբուրեց երիտասարդ կնոջը, կարծես իր հարազատը լիներ նա:

— Արի, գնա, ուրախացիր, ինչ կարիք կա տխուր լինելու, — ասում էր նա:

Արևհատը սեղանի վրա դրեց նկարների փայլուն կազմով ավբոմը:

— Տես, թե որպիսի մտերիմներ են եղել Վարդանն ու Սահակը:

Հռիփսիմեն խորին հետաքրքրությամբ նայում էր լուսանկարների շարքը. ահա նրանք տասնամյա մանուկներ, գրքերը ձեռքներին նկարվել են մանկատան շենքի աստիճանների վրա: Երկրորդ նկարը՝ դարձյալ նրանք պատանեկական պայծառ դեմքերով: Ահա և մի ուրիշ նկար: Որսորդական հրացաններով զինված երկուսով կանգնած են Սևանի ժայռոտ ափին ու բարձրացող ալիքն է թա-

վալվում նրանց ոտքերի տակ: Եվս մի նկար ... Հոփսիմեն ավելի խոնարհեց գլուխը: Միթե՞ աչքերը չեն խաբում իրեն. ռազմական օդանավի կողքին կանգնած են երկուսը զինվորական համազգեստ-ներով: Վարդանի կրծքին զույգ շքանշաններ:

Նա բարձրացրեց գլուխն ու նայեց Արևհատին:

— Հետաքրքիր է: Ես այս նկարը չեմ ստացել:

Ուշ երեկոյան Հոփսիմեն հրաժեշտ տվեց իր նոր բարեկամ-ներին: Մինչ կենտրոնական հրասարակը նրան ուղեկցում էր Արև-հատը:

— Մի մոռանա մեզ: Տեսար մայրիկս ինչպես էր խնդրում: Միթե՞ այդ նկարները տեսնելուց հետո ինքդ քեզ հարց չտվեցիր, թե այդ ինչպե՞ս է, որ Վարդանն ու Սահակը այդքան մոտ ընկե-ր են եղել, իսկ մենք երկուսով նրանց այստեղ եղած ժամանակ նույնիսկ միմյանց չէինք ճանաչում:

— Այո, տարօրինակ է: Դու ինձանից շատ ես ապրելու, ճիշտն ասած, ես էի ուզում այդ հարցը տալ քեզ:

— Ըստ էության շատ անհաճո է ընկերների բաժանման սլա-տությունը: Այդ կապված է և քեզ հետ: Կարծեմ ճանաչում ես Եր-վանդ Սալյանին:

— Ճանաչում եմ:

— Երվանդը, Վարդանի ու Սահակի ամենամտերիմ ընկերնե-րից մեկն էր: Մի օր նա շրջանից մեզ մոտ եկավ և պատմեց, որ իբր Վարդանը մոռանալով ամեն ինչ, ոտնահարելով ընկերական սրբությունը, տիրել է իր սիրածին, այսինքն քեզ: Այդ շատ զայ-րացրեց Սահակին: Եվ ահա երկու ընկերներ հանդիպում են: Սա-հակը նույնիսկ չի ուզում լսել Վարդանին, նա իր խոսքերով վիրա-վորում է նրա ինքնասիրությունը: Վարդանն էլ իր հերթին ան-պատվում է նրան: Այդ օրվանից նրանք բաժանվեցին: Սահակը գործարանում աշխատում էր կադրերի պատրաստման գծով: Երբ Վարդանը նշանակվեց դիրեկտորի տեղակալ, նա չցանկացավ աշ-խատել Վարդանի հետ: Շատ ընկերներ միջամտեցին, սակայն նրանց մտերմական հարաբերությունն այնպես էլ չվերականգն-վեց: Ինչպես տեսնում ես, ռազմաճակատում նորից գտել են իրար, և ես շատ ու շատ ուրախ եմ դրա համար:

Հոփսիմեն լուռ մնաց:

— Վարդանը մեզ բոլորիս համար մնում է թանկագին բարի-

կամ, և մենք էլ այսուհետեւ կլինենք հարազատ քույրեր,— ավելի հիպ թեանցով անելով Հռիփսիմին, իր միտքն ավարտեց Արեհատը,— դու համաձայն ես դրան:

Հռիփսիմեն ժպտաց:

— Ես շատ ուրախ եմ անկեղծությանդ համար,— ասաց նա,— սակայն կցանկանայի փարատել թյուր կարծիքը: Վարդանը Երվանդից չի խլել նրա սիրածին, նա այնքան ազնիվ էր, որ չէր կարող ստնահարել ընկերական սրբությունը:

Արեհատից բաժանվելուց հետո տխրությունը կրկին համակեց Հռիփսիմեի սիրտը: Միթե՞ ես չեմ կարող գեթ մի վայրկյան ուրախ լինել: Մինչև ե՞րբ ուրվականի նման իմ ետեկից շրջի Երվանդը: Չէ որ նա կարող է սիրել մեկ ուրիշին, մտածում էր նա:

4.

Պատերազմի մոտալուտ վախճանի և հաղթանակի մասին գործարանում մարդիկ սկսեցին ավելի հաճախակի խոսել և ամեն մի սիրտ, որ ապրել էր վիշտ ու զրկանք և հաղթանակ էր երազել, սպասում էր այդ օրվան:

Այդ օրվանը լի հույսով ու հավատով սպասում էր և Հռիփսիմեն:

Մի օր, երբ Հռիփսիմեն աշխատանքից տուն էր վերադառնում, ահանառեւ եղավ բակում բարձրացած աղմուկի: Ներքեի հարկի սենյակի զույգ պատուհանների առաջ խռնվել էին մարդիկ:

— Ի՞նչ է պատահել,— մոտենալով այդ հարկում ապրող բժշկի հաստիկ կնոջը, հարցրեց նա:

— Միթե՞ չեք լսել:

— Նո՞ր բան է:

— Հիմա նոր բաներ ամեն օր և ամեն մի փողոցում են լինում,— սեղմելով նրա ձեռքը ուրախ կատակեց հաստիկը,— մեր դռնապանի որդին, որից վաղուց, շատ վաղուց լուր չկար, հայտնվել է Հարավ-Սլավիայում: Ծնողներին գրած նամակում նա հայտնում է, որ ինքը ողջ և առողջ է, շուտով տուն կգա:

Բժշկի կինը այդ ասելով անուշ ժպտաց, սակայն Հռիփսիմեի դռնաթափվելն ու հուզմունքը նկատելով չկարողացավ շարունակել միտքը:

— Ի՞նչ պատահեց ձեզ, Հռիփսիմե Աբգարովնա,— քաղաքա-
վարությամբ բռնելով նրա թևը ասաց նա,— զնանք մեզ մոտ,
հանգստացեք խնդրեմ:

— Շնորհակալ եմ,— հազիվ շնջալով պատասխանեց Հռիփ-
սիմեն,— ինչ որ վատ զգացի:

— Այդ թուլության նշան է, երևի շատ եք աշխատում:

Հռիփսիմեն ներողութուն խնդրելով երերուն քայլերով հեռա-
ցավ նրանից: «... Կովել է հարավսլավյան բանակում և շուտով
տուն է գալու...», կարծես դեռ ականջում հնչում էին հաստիկ
կնոջ խոսքերը, հետո մտքերն սկսեցին խառնվել: Այդ ի՞նչ նախա-
զգացում էր, որ ինքն ունեցավ, ինչո՞ւ այդ լուրը լսելիս, այնպես
արագ բաբախեց սիրտը...

Ողջ գիշեր նա մտածում էր դոնապանի որդուց ստացված նա-
մակի մասին:

Առավոտյան Հռիփսիմեն հայտնվեց ուրախությունից խենթա-
ցած ծերունիների մոտ: Շնորհավորեց նրանց, ապա խնդրեց նա-
մակը, որ սիրով նրան հանձնեց պառավը:

— Առ, կարգա, ես սրա գրողի ոտի տակին հողը պագնեմ, մի
տես, ինչ է գրել ասլան բալաս: Տառոցը քո մարդուն լինի, որդի:

Այդ, նամակը Հարավ-Սլավիայից էր, զարմանալի ուրախ նա-
մակ էր: Հռիփսիմեն մի քանի անգամ հուզմունքով կարգաց այն:
Պայծառ ու գերող ժպիտը դեմքին, ծերունիների տանից դուրս
եկավ Հռիփսիմեն: Նրա հոգին լաց չէր լինում այն օրերի պես, երբ
դեռ պատերազմ չէր գնացել Վարդանը, մի զմայլանք էր պարուրել
նրա էությունը: Հույսը ջերմ շողերով էր տաքացնում նրա սիրտը:
Շատ էր կարոտել Վարդանին: Ինչպե՞ս ինքն ուզում է, որ նորից
կրծքի տակ հարազատ ու մոտ զգար այն զարկը, որ զգաց ամուս-
նական երկրորդ տարում: Օ՜, եթե գար Վարդանը:

Բարձրանում էր իր դեմ Վարդանը խոհը դեմքին, ժպտեբես:
Ահա նա ջութակ է նվագում և սիրո մեղեդին է հուզում իր հոգին:
Ահա նա հրացանը գրկած վազում է որսի ետևից և տուն է վերա-
դառնում ընկերների հետ: Այս ամենը կինո-ժապավենի պես անց-
նում էր նրա մտքով. մի գուցե և պարտիզան է Վարդանը, մի գու-
ցե երկար մորուք է թողել: Ինչքան լավ կլինի պարտիզանական
տարագով տուն մտնի...

Նրբ մի օր Տիգրանուհուն նա պատմում էր իր զգացմունքնե-
րի մասին, ընկերուհին ասաց.

— Այդ սիրո ուժն, է, որ քեզ հաւատ է տալիս: Ես գիտեմ, որ կա վարդանը, նա կգա:

ԿԼՈՒՆ ԵՐԵՐՈՐԴ

1.

Եկաւ հաղթանակի օրը...

Մայիսյան գիշերը հանգիստ էր, խաղաղ ու խորը, հմայիչ իր խորհրդավորութեամբ:

Գիշերվա ուշ ժամին, երբ աստղերն ավելի էին փայլում անհուն ու մութ երկնակամարում, Հռիփսիմեն նստած լաբորատորիայի բաց լուսամուտի առաջ գրանցումներ էր կատարում վերջին անալիզի մասին: Հանկարծ գործարանի բակում սկիզբ առաւ մի անսովոր իրարանցում: Մեկը մյուսի ետեից լայն բացվեցին լուսամուտները, հետո աղմուկը գնալով սաստկացաւ, կարծես մութ գիշերը տեղի տվեց առավոտին և Հռիփսիմենին թվաց, որ ինքը երբեք էլ գիշեր չի ապրել:

Ցնծութեան ձայները, փողոցները լցվող մարդիկ, հրթիռների խաղը, նվազն ու երգը մի անգամից խառնվեցին իրար: Կանգնած լուսամուտի մոտ ծառերի արանքից նա նայում էր այդ անսովոր տեսարանին: Լաբորատորիայի ընդարձակ սրահը վազեցին Արևհատն ու նրա ծեր վարպետը:

— Հաղթանակ, Հռիփսիկս, — գրկելով և ջերմորեն համբուրվելով նրա հետ, բացազանչեց Արևհատը:

— Հաղթանակ, աղջիկս, — ուրախութեամբ փայլելով գոչեց վարպետը, գրկեց համբուրեց ճակատը, մազերը:

Ծերուկը խենթացած երիտասարդի պես պարեց նրանց առաջ:

— Գնա՛նք, դուրս գնա՛նք, — Հռիփսիմենի թեից քաշելով կանչեց Արևհատը: — Բոլորը փողոց են շտապում:

— Դուք գնացեք, ես կգամ, — հուզմունքից դողալով ասաց Հռիփսիմեն:

Ծերունին ու Արևհատը դուրս վազեցին: Վերջին խմբերով ներս էին գալիս մարդիկ, սեղմում նրա ձեռքը, շնորհավորում մեծ հաղթանակի համար:

— Կգա և մեր սիրելին, — գրկախառնվելով նրա հետ բացառանչեց լաբորատորիայի վարիչը, որ հաղթանակի լուրը լսելով, գործարանից շտապել էր նրա մոտ:

Երբ ցնծության աղաղակներով մարդիկ հեռացան, Հռիփսիմեն աչքերին սեղմեց թաշկինակը: Այդ ուրախության արցունքներ էին, որոնց ազատութուն տվեց նա:

Վերջացավ ծանր մղձավանջը, մարդկությունը կյանքի նոր դարուն է ապրելու, Հռիփսիմեի շուրթերը ջերմորեն շնջացին:

— Արդյոք ես կտեսնեմ նրան...

Ընդհատելով աշխատանքը, նա ևս փողոց շտապեց: Բայցում էր բազմամարդ, աղմկոտ փողոցներով և կրծքի տակ թունդ էր առնում սիրտը: Վերջացավ պատերազմը, հաղթանակով վերջացավ: Որքան է երազել այդ օրը:

Վեհաշուք էր նրա քայվածքը, հպարտ էր կեցվածքը: Աշխարհի ու մարդկանց հետ նա ապրում էր դարուն ու հաղթանակ: Հույսով ու հավատով լի էր աչքերի պայծառ հայացքը:

2.

Չնայած ողջ գիշերը Հռիփսիմեն անքուն էր լուսացրել, տուն մտնելով նոր զվարթություն զգաց: Բաց արեց լուսամուտները, դուրս եկավ պատշգամբ, ուր խոնարհված ծառի ճյուղերի վրա, թիփերի մեջ, լուսաբացի հետ ճռվողել էին սկսել սարյակները, հետո կարծես մի բան հիշելով ժպտաց, ներս մտավ: Փոքրիկ սեղանի գզրոցի միջևից վերցրեց բանալին, մոտեցավ մեծ սենյակի դռանը, ևս զցեց վարադույրի ծալքը, բաց անելով դուռը ներս մտավ:

— Ի դուր չեմ շարունակում... Կգա նա, հարկավոր է այս նվերը ևս...

Դուռը բախեցին, ապա անհանգիստ սկսեց զնգզնգալ զանգը: Հռիփսիմեն հանցանքի մեջ բռնված պատանու նման մի վայրկյան վարանած մնաց: Հետո շտապով կիմադործ գորգի վրա գնելով նկարը, դուրս ելավ սենյակից, բանալիով փակեց դուռը: Կրկին ծվծվաց զանգը: Նա նախամուտք ելավ:

— Ո՞վ է:

— Ով պիտի լինի,— լսվեց Տիգրանուհու ձայնը,— բաց արա, թե չէ դուռդ կջարդեմ:

Դռան բացվելն ու ընկերուհիների գրկախառնվելը մեկ եղավ:

— Հաղթանակ, հաղթանակ բերողներին մեռնեմ,— չղաղարելով Հռիփսիմեին համբուրելուց, հուղմունքով ասաց նա:

— Դե, ներս գնանք, տես պատրաստությունով եմ եկել: Այսօր

տոն է, հաղթանակի տոն, և մենք երկուսով մի լավ պիտի խմենք:
Հռիփսիմեն ծիծաղեց:

— Ուրեմն պատրաստովյունով ես եկել:

— Իհարկե,— սեղանի վրա դնելով զամբյուղը ասաց նա,—
մի տես փողոցներում ինչ են անում մարդիկ: Մենք ումնից ենք
պակաս: Կեսրայոս, երբ լսեց հաղթանակի լուրը, տանից ծլկվեց:
Նոր միայն վերադարձավ: Խմել է ու հնդկահավի պես ուռել: Պա-
ռավի հետ կատակներ է անում, թոռներին շալակած ման է գալիս
բախում:

Տիգրանուհին սեղանի վրա դրեց գինով լի շիշը, կանաչեղեն,
եփած միս, պանիր ու մի տոպի ձկան պահածո:

— Դու բաժակներն ու ամսենները բեր,— հրամայեց նա:

Երբ ամեն ինչ պատրաստ էր, երկուսով սեղան նստեցին:

— Հաղթանակի ու հաղթողների կենացը,— գավաթը գլխից
բարձր պահելով բարեմաղթեց Տիգրանուհին և մի շնչով դատար-
կեց այն:

Հետո առանձին առանձին խմեցին վարդանի ու Հակոբի կե-
նացը, նրանց լավը կամեցողների, ընկերների ու բարեկամների
կենացները: Երգում էր Տիգրանուհին ու նրա մեղմանուշ ձայնը
դուրս էր թռչում բաց պատուհաններից, խառնվում փողոցներում
զբոսնողների ուրախ երգերին ու աղաղակներին:

Տուն արի՛, շուտ արի՛

Անուշիկ յար ջա՛ն...

Բնկերուհու դնալուց հետո Հռիփսիմեն շմոտեցավ սեղանին:
Խմած մի քանի գավաթ գինին օրորում էր նրան: Հանվելով մտավ
անկողին, սակայն քունը մոտ չէր գալիս աչքերին: Հոլանի բա-
ղուկները դրած հարուստ մաղերով դլխի տակ, հաճելի թմրությամբ
մեջ ընկած, երազային աչքերով նա նայում էր ամուսնու նկարին.
նրա շուրթերը շնչացին:

Տուն արի՛, շուտ արի՛...

3.

Հաղթանակի լուրը վերածնեց մայրաքաղաքում ապրող մարդ-
կանց: Ամենուր շարունակվում էր երգը, ծիծաղը և թվում էր, որ
այդ մարդիկ ոչ վիշտ, ոչ էլ զրկանքներ են տեսել, կարծես զարթ-
նել էին կոշմարային երազից հետո:

Գարնանային պայծառ երեկոներին մեկն էր: Հռիփսիմեն, նստած պատշգամբի կանաչ վրանի տակ, նայում էր փողոցի աշխույժ երթևեկությանը, հոր հնչեց դռան վանգը:

Նա բաց արեց դուռը:

— Կարելի՞ քեզ ձեռք մոտ, — ժպտալով հարցրեց ժողկոմը:

— Ննդրեմ, — լսյն բաց անելով դուռը, հուզմունքով ասաց նա:

Հռիփսիմեի ձեռքը սեղմելուց հետո, Վահան Նիկիտիչը կատալիով ասաց.

— Հարկ չկա ներկայացնելու այս երկուտին, կարծեմ դուք հին ծանոթներ եք:

Հռիփսիմեն համբուրվեց Սոֆիա Ալեքսեևնայի ու նրա տասնութամյա սիրունատես աղջկա հետ, ապա հյուրերին առաջնորդեց դեպի պատշգամբ:

— Կատարյալ դրախտ է եղել ձեռք մոտ, — ասաց ժողկոմը, — այս կանաչ վրանը արժե ամեն տեսակ զոլյակ: Այստեղ մարդ կարող է շնչել ազատ ու իրեն զգալ բնության դրկում:

— Վարդանն էլ շատ էր սիրում պատշգամբում նստել և հիանալ կանաչ վրանով, — ժպտալով պատասխանեց Հռիփսիմեն:

— Դուք ճշմարիտ եք, Հռիփսիմե Աբգարովնա: Հավատացեք, որ այդ պատահականությունն չէ: Վարդան Սարիբեկովիչը ծառ ու ծաղկով պատեց և մեր գործարանը: Օրերս Մոսկվայից հյուրեր էին եկել, նրանք հիացմունքով խոսեցին մեր գործարանի մասին: Շատ անվանի մի պրոֆեսոր, ի միջի այլոց ասաց. «Ձեր պատրաստած պահածոներից ես վարդի բուրմունք եմ առնում»:

— Թողնենք այդ, — ասաց Սոֆիա Ալեքսեևնան, — դուք ամեն տեղ խոսում եք պահածոների մասին: Նա, Հռիփսիմե Աբգարովնա, նպատակով եմ եկել ձեռք մոտ: Կուրք կոխվ ունեմ ձեռք հետ:

— Ա՛յր հանցանքիս համար, — ծիծաղելով հարցրեց Հռիփսիմեն:

— Չորս տարուն մոտ է, ինչ Վարդան Սարիբեկովիչը գնացել է պատերազմ, և դուք ոչ մի անգամ շնորհ չեք բերել ձեռք մոտ:

— Գիտեք, շատ զբաղված եմ լինում: Առավոտյան աշխատանքի եմ դնում և վերադառնում եմ միայն երեկոյան, պատահում է աշխատում եմ նաև գիշերները:

— Այդ արդեն պատճառաբանություն չէ, — կարծես կնոջը

օգնութեան հասնելով, խոսեց ժողովոմբ:— Միթե օրերից մի օր ժամանակ չեղավ:

— Դուք միանգամայն ճիշտ եք Վահան Նիկիտիչ, — օրինական հպարտությամբ վրա բերեց Սոֆիա Ալեքսեևնան:

— Այո, այո, — պնդեց իր խոսքը Վահան Նիկիտիչը, — դուք, Հռիփսիմե Աբգարովնա, իրավունք չունեք մոռանալու մեզ: Ասենք դուք էլ մի փոքր հանցավոր եք Սոֆիա Ալեքսեևնա, — ձայնը ցածրացնելով շարունակեց Վահան Նիկիտիչը:— Դուք ես պարտավոր էիք տեսութեան գալ նրան:

Սոֆիա Ալեքսեևնան ու Հռիփսիմեն ծիծաղեցին:

— Գոնե քաջութիւն ունենալիք մինչև վերջ պաշտպանել ինձ, — սպիտակ պարանոցը սրբելով ասաց կինը:

— Ես արդարամիտ դատավոր եմ: Երկուսդ էլ հանցավոր եք: Կարծում եմ, որ այսուհետև դուք, Հռիփսիմե Աբգարովնա, հաճախակի կլինեք մեզ մօտ և մենք էլ ձեզ մօտ, ուստի նախ ատանք ինձ: Ինձ կներեք, ես զբաղված մարդ եմ: Սկսվում է աշխատանքի այնպիսի մի ժամանակաշրջան, որ ես գլուխ քորելու էլ ժամանակ չեմ ունենա:

Կրկին հնչեց դռան զանգը:

— Այդ երեկ ընկերուհիս է, — ոտքի կանգնելով ասաց Հռիփսիմեն և ներողութիւն խնդրելով հյուրերից, դուրս ելավ պատըշգամբից:

Նախամուտքում լսվեց Տիգրան Սիմոնիչի բասը:

— Ուրեմն մենք ուշացել ենք, — ծիծաղելով ասաց նա, — և այդ էլ քո հանցանքով: Այ կնիկ, ասացի մի քիչ շուտ դուրս դանք տնից, իսկ դու քոնը պնդեցիր և թէ՛ Վահան Նիկիտիչն ու Սոֆիա Ալեքսեևնան մեղանից առաջ են անցել:

Վահան Նիկիտիչը բարձրաձայն ծիծաղեց:

— Բայց ձեր պատշգամբը կտեղավորի՞ իմ գերդաստանը, — ճանապարհ տալով կնոջն ու երեք տղաներին, հարցրեց Տիգրան Սիմոնիչը:

Փոքրիկ տղան սլառշգամբում Հռիփսիմեին հանձնեց գեղեցիկ մի ծաղկեփունջ:

— Հաղթանակի ծաղկեփունջ, — ասաց նա ու կարմրեց, — ես եմ գնել ձեզ համար: Կպահեք, մինչև հորեղբայր Վարդանը գա:

Վահան Նիկիտիչը ծափահարեց:

— Խելոքն է երևում, — ասաց նա:

Մինչև ուշ երեկո հյուրերը մնացին պատշգամբում: Գնալիս Վահան Նիկիտիչն ասաց.

— Ես ալս մի բաժակ թեյն այնպիսի ակորժակով խմեցի, որ կարծես ողջ կյանքիս մեջ առաջին անգամ եմ թեյ խմում: Հոսանք, որ այս պատշգամբում էլ Վարդան Սարիբեկովիչի հետ շոտով նարդի կխաղանք:

Հյուրերը ղնալիս խոսք առին Հռիփսիմեից, որ նա ևս այցելի իրենց...

4.

Հռիփսիմեն ստացել էր ծնողների ուրախ նամակը:

«Մեր ազիզ բալիկ ջան.

Վերջացավ կռիվը: Աշխարքն ուրախություն է ապրում, դու էլ ուրախացիր, մեր բալիկ: Գիտես, որ մենք ապրում ենք քո ուրախության ու բախտավորության համար: Էս տարի էնպես սիրուն ծաղկել են մեր այգու ծառերը, որ կարծես երկնքից ձյուն են թափել ծառերի վրա, անուշ հոտից մարդ չի կշտանում: Լավ կլինե՞ր մի քանի օրով դայիր, սիրտդ էստեղ ավելի ուրախ կլինե՞ր: Երկու խնձորի ծառի վրա նշան արինք՝ մեկը քեզ մեկն էլ Վարդանի համար: Կգաք երկուսով ու ձեր ձեռքով կքաղեք բերքը:

Սիրտդ լեն պահի մեր ազիզ բալիկ, մեծ է աշխարքն ու հույսն էլ շատ:

Քնելու ժամանակ բալկոնի դուռը բաց չթողնես, կմրսես, քեզ լավ պահի: Թե որևէ բանի կարիք կունենաս, մեզ իմաց տուր: Երկուսով համբուրում ենք սիրուն թշերդ, նախշուն աչքերդ...

Քո ծնողներ՝ Աբգար և Շողակաթ»:

Հռիփսիմեն ուրախ էր: Նա նամակը տվեց Տիգրանուհուն կարդալու: Ուրախ ու գոհ էր, որ ծնողներն ապրում են հաշտ, որ չի արտասվում մայրը: Հաղթանակը, — մտածում էր նա, — հաշտեցրեց ծնողների խռոված սիրտը, մի գուցե նոր ուրախություն բերի և իմ սրտին...

Նստած պատշգամբում նա երազում էր այդ ուրախ օրը, երբ

ներքևում մայթի վրա նկատեց Երվանդին, որը շտապով սանդղ-
քատունը մտավ: Հռիփսիմեն լսեց և նրա ծանր քայլվածքի ձայնե-
րը, սակայն անշարժ մնաց: Հնչեց զանգի ձայնը, նա չբարձրացավ
նստած տեղից, խոնարհեց գլուխն ու ընկավ մտքերի ծովը...

Ինչո՞ւ ամեն անգամ, երբ միտքը տարված է լինում Վարդա-
նով, հանդես է գալիս Երվանդը... Միթե՞ ինքը չի տեսնելու նրան,
որին երազել է պատերազմի երկար ու ձիգ տարիներին... Այո,
այդպես էր: Չորս տարի առաջ Վարդանը ռազմաճակատ գնաց և
այդ չորս տարիներին իր միտքն ու հոգին տարվեցին նրանով:
Ամուսնու հոգու վեհությանը, սրտի մաքրությանն ու պայծառու-
թյունը, անկեղծ սերը, նոր զգացումներ, սեր ծնեցին նրա սրտում
և Երվանդի ներկայությունը լոկ բորբոքեց Վարդանի նկատմամբ
տածած սերը... Խուփ աչքերով նա պատկերացրեց իրար դեմ—
հանդիման կանգնած խնձորի զույգ ծառերը, որոնց ծաղիկների
բույրը կարծես շնչեց ինքը...

Ոչ, ինքն այլևս չի սիրում Երվանդին և սիրտը տափնապով
չխփեց, երբ նա հայտնվեց մայթերի վրա, երբ լսեց նրա քայլված-
քի ծանր ոտնաձայները, երբ հնչեց դռան զանգը: Կարծես մի ներ-
քին ուժ դամեց նրան նստած տեղում:

ԳԼՈՒԽ ԵՐԲՈՐԴ

1.

Ամառային հովասուն երեկոն էր կախվել մայրաքաղաքի վրա:
Հռիփսիմեն աշխատանքից հետո իր սովորության համաձայն նո-
րից նստած էր պատշգամբում:

Չորս տարի առաջ, ճիշտ նույն օրը, երեկոյան այդ ժամին
ռազմաճակատ մեկնելուց առաջ կանգնած կանաչ վրանի տակ իր
ջութակն էր խոսեցնում Վարդանը: Նա հիշեց և եղանակը, նուրբ
ու գրավիչ էր այն: Չորս տարի առաջ նրա վերջին նվագի տակ ին-
քը բարձրացրեց գլուխն ու նայեց նրա դեմքին: Այո, այդ չորս
տարի առաջ էր...

Հնչեց դռան զանգը, Հռիփսիմեն ոտքի կանգնեց

— Էի՛ն նա:

— Դո՞ւ ես Տիգուշ,— դուրս գալով նախամուտք,— հարցրեց

նա:

— Բայ արեք դուռը, տիկին:

— Ո՞ւմն եք ուզում:

— Ոսկանյանին: Հեռագիր ունեք:

— Հեռագիր: Ո՞ւմնից,— դողացող ձեռքերով բաց անելով դուռը հարցրեց նա:

— Ստորագրեցեք, խնդրեմ:

Հռիփսիմեն աչքն անցկացրեց հեռագիրը: Նրա թույլ ճիշդ դարմանք չպատճառեց հեռագրատան աշխատակցին: Նա ուրախ ժպտաց:

— Ստորագրեցեք, խնդրեմ, առանց սրան չի լինի,— իր խնդիրը կրկնեց հեռագրաբերը,— այսօր շատ հեռագրեր ունեմ, շտապել է պետք:

Հռիփսիմեն ինքն էլ չլմացավ, թե ինչպես ստորագրեց ստացման թերթիկը: Բայց ի՞նչ պատահեց, կարծես սիրտը մի պահ դադարեց գործելուց, ոտքերը չէին հնազանդվում իրեն: Նա ուզեց մի քայլ անել, չկարողացավ, հեռագիրը կրծքին սեղմած սկսեց հեկեկալ:

Աստիճանների վրա երեաց Տիգրանուհին: Հռիփսիմեի աչքերի առաջ խառնվեց ամեն ինչ: Նա ուզեց հիշել այդ դեմքը: Այո՛, նա էր, իր ընկերուհին: Տիգրանուհին գրկեց նրան:

— Ի՞նչ է պատահել, ջանիկս, տագնապով հարցրեց նա:

— Հեռագիր... Առ, կարդա:

— Ո՞ւմնից, Վարդանի՞ց, աստված իմ ճշաց նա:

Հռիփսիմեն դողում էր հուզմունքից:

— Զուր,— դժգույն շրթունքների արանքից միայն կարողացավ արտասանել նա:

— Ես քեզ ասում էի, տեսնում ես, իսկ դու լաց ես լինում: Ուրախանալ է պետք: Օ՛հ, ես հիմա քեզանից ավելի բախտավոր եմ: Վերջ արտասուքներիդ:

2.

— Վեր կաց,— երբ տանն էին, ասաց Տիգրանուհին, քաշելով նրա թևից,— պետք է ուրախացնել մեր բոլոր բարեկամներին, պետք է թնդացնել ծնողներիդ սիրտը:

— Զեմ կարող, չեմ կարող տեղիցս բարձրանալ: Ինձ թվում է, որ այս երազ է, մտածմունքներիս արդյունք:

Տիգրանուհին արտասուքների միջից ծիծաղեց:

— Երազ, հա, հա, հա, իսկ հեռագիրը: Այստեղ պարզ գրված է՝ «Բեկդրադից, ողջ և առողջ եմ, սպասիր նամակի: Վարդան»:

— Ես կխեղագարվեմ,— ոտքի կանգնելով խոսեց Հռիփսիմեն, սիրտս դժվար թե դիմանա այս ուրախությանը:

— Դու դեռ նոր պիտի փայլես,— հիացմունքով խոսեց Տիգրանուհին:

— Տիգուշ, խնդրում եմ ինձ մենակ չթողնես, չեմ կարող մենակ մնալ, աղերսեց նա,— գլուխս դեռ պտտվում է:

— Եթե փայտով էլ ծեծելու լինես, ես այստեղից գնացույր չեմ,— ասաց նա և ապա ձեռքերը կանթելով կողերին հարցրեց.

— Դե, սիրունիկս, ասա, ինչպես ես դիմավորելու նրան:

— Ինչպե՞ս: Ինքս էլ չգիտեմ:

— Իսկ ես գիտեմ: Ահա ձյսպես. մի օր էլ կգա հեռագիր՝ «Դիմավորիր այսինչ օրը, այսինչ գնացքին» և դու կհագնես կապույտ շորդ, թևիդ կկապես ոսկե ժամացույցդ ու կբուրես փառի նման: Շրջապատված հարյուրավոր մարդկանցով, որոնց մեջ և կլինեն գեղեցիկ կանայք, որոնք քեզ կնայեն ու կհառաչեն թե ինչու քեզ նման գեղեցիկ չեն, դու կդիմավորես նրան: Այո, և դու կնազես: Վաղոնից ցած կիջնի Վարդանը: Ահա այսպես,— այդ ասելով նա մի քայլ առաջ եկավ, տարածեց թևերն ու ընկավ Հռիփսիկի գիրկը, համբուրեց նրա աջ այտը ու գլուխը դրեց կրծքին,— ահա այսպես կգրկես նրան և երջանկությանից կփակես աչքերդ:

— Թող, ի սեր աստծո, դու արդեն էքստազի մեջ ես գտնվում, — ծիծաղելով ասաց նա:

— Միթե՞ այդպես չի լինելու:

— Թող գա, կտեսնենք:

— Իսկ այժմ ինձ, Հակոբ մեծի կնոջը հարկավոր է ուրախության բաժակ բարձրացնել: Ամուսնյակս գրում է, որ շուտով կժամանի քաղաքս:

Մինչ կես գիշեր նրանք զրույց էին անում, հետո հեռագիր կազմեցին ծնողներին, զատ զատ նամակ գրեցին նրանց: Տիգրանուհին իր նամակում գրեց. «... այնպես, որ Վարդանը շուտով կգա: Էն լավ, լավ խնձորներից, տանձերից մի-մի արկղ, համ էլ վարդի մուրաբա կբերեք հետներդ, երբ նոր հեռագիր կտանք...»:

— Լավ բան եմ գրել չէ,— ծիծաղելով հարցրեց Հռիփսիմէին,—
Ճիշտն ասած Վարդանը այդ բաների կարիքը չի զգա, բայց իմ
սիրտը շատ է ուզում:

Երկուսով էլ ծիծաղեցին:

Ողջ գիշեր Հռիփսիմէն չկարողացաւ աչք փակել:

3.

Վարդանից ստացած հեռագրի լուրը գործարանում մարդկոյ
քնդռնեցին ջերմորեն: Արեհատը, լաբորատորիայի վարիչն ու
այնտեղի աշխատողները Հռիփսիմէին գրկում էին, համբուրում:

— Իսկ դու տխրում էիր, թե կորաւ մարդը,— ասում էր Արե-
հատը:

— Սի օր էլ քեզ տեսել են արտասովելիս, ծիծաղելով պատմում
էր լաբորատորիայի վարիչը: Տեսնողն էլ Տիգրան Սիմոնիչն է
եղել: Դու այնքան տարված ես եղել մտքերով, որ նույնիսկ չես
լսել դռան բացվելու ձայնը: Պա ինքը պատմեց ինձ: Խեղճ մարդն
այնպես էր ազդվել, որ ամենքիս էլ նախատինք տվեց. «Դուք,—
ասում էր նա,— չեք կարողանում այնպիսի ջերմ ու անկեղծ շրջան
ստեղծել, որ Հռիփսիմէն շտաբի: Այո, ինձ էլ բաժին ընկաւ այդ
կշտամբանքից:

Հռիփսիմէն ուրախ էր:

— Դիտեք, անկախ իմ կամքից, երբեմն պատահում էր: Օ՛,
շատ դժվար էր:

Երկու օր շարունակ Ոսկանյանների տունը կարծես ուխտատե-
ղի էր դարձել. առաջին օրը նրան այցելության եկաւ իր ընտանի-
քով Տիգրան Սիմոնիչը:

— Կարծում եմ, այս անգամ մենք չենք ուշացել,— շնորհա-
վորելով Հռիփսիմէին, քնատ մարդու ձայնով խոսեց նա,— ժողկո-
մից էլ առաջ անցանք: Այո, միթե՞ այդպես չէ, ես նրա ձայնը չեմ
լսում:

— Դու պետք է պատրաստվես, սիրելիս,— համբուրվելով նրա
հետ ասաց գիրեկտորի կինը,— մեր սիրելուն, Վարդան Սարիբե-
կովիչին պետք է դիմավորել արժանավայել կերպով: Զէ՛ որ նա
դալիս է:

Հռիփսիմէին շնորհավորելու էին եկել և Վահան Նիկիտիչն ու
Սոֆիա Ալեքսեևնան իրենց աղջկա հետ միասին: Եկել էին Տիգրա-

նուհու ամուսնու՝ Հակոբի ծեր ծնողները: Ընկերուհու կեսրայրի կատարը տաք էր:

— Բախտդ բացվեց աղջիկս,— Հռիփսիմեի ճակատը համբուրելով ասաց ծերուկը,— գիտես, ոնց ուրախացանք, ոնց որ աշխարհը մեզ տվեցին:— Թու մոռացա, մի բաժակ էլ պիտի խմեի, որ խելքս տեղը գա:

— Ես Վարդանի հոգուն մեռնեմ, բա նա կորուզ մարդ է,— ասաց պառավը ծալապատիկ նստելով բազմոցի վրա:

Հռիփսիմեն հյուրերին ընդունում էր գրկաբաց, ջերմորեն, ամենքին պատմում հեռագրի բովանդակությունը:

— Սպասում եմ նամակի, տեսնենք որտեղ է գտնվում,— ասում էր նա:

— Մի հեռագիրը տվեք տեսնեմ,— սեղմելով Հռիփսիմեի ձեռքը ասաց Վահան Նիկիտիչը...

— Հեռագիր՞րը,— Հռիփսիմեն շփոթվեց,— հեռագիրը գործարանում առան ձեռքիցս, ամենքն էլ ուզում էին իրենց սեփական աչքերով կարդալ այն:

Վահան Նիկիտիչը ծիծաղեց:

— Տեսնում եք, Հռիփսիմե Աբգարովնա, ոչ միայն դուք էիք նրա մասին մտածում, այլ մենք բոլորս: Կգա Վարդան Սարիբեկովիչը և կգլխավորի նորակառույց կոմբինատի աշխատանքը: Օ՛խ,— ծանր տնքաց նա,— երանի շուտ գար: Մի շաբաթ էլ չէի թողնի, որ հանգստանա:

4.

Հեռագրին հաջորդեց Վարդանի նամակը:

«Իմ սիրելի Հռիփսիմե.

Ով գիտե որպիսի դառնություններ ես ապրել այս մեկ տարվա ընթացքում... Բայց հանցանքը իմը չէ: Ես էլ էի տանջվում: Ոչ մի հնար չունեի իմ գոյություն մասին քեզ հաղորդելու, որ դու չվշտանայիր:

Կարպատյան լեռներում ծանր մարտեր մղվեցին: Մի գիշեր գրոհի բարձրացավ թշնամին, մեր դեմ հանելով երեք անգամ ավելի ուժեր: Մեր դեմ սպանիչ կրակ բաց արեցին տասնյակ հրանոթներից, թշնամին տանկերի ու ինքնագնաց հրանոթների պաշտպանություն տակ հարձակման անցավ: Նահանջել մենք չէինք կա-

րող... Թուրք ուժերը դասավորելուց հետո, հրամայեցի իմ տեղակալին, որ նա պաշտպանվի, իսկ ես ինձ հետ վերցնելով մի դասակ զինված ավտոմատ հրացաններով, ղնդացիրներով ու նռնակներով, անցա թշնամու թիկունքը: Մինչ լուսաբաց կռվում էինք: Լուսաբացին զեկուցեցին, որ մեր շուրջը թշնամին սեղմում է օղակը: Պետք էր ելք փնտրել, և մենք պատռելով օլակը դուրս եկանք անտառի մեջ: Շատ էինք հեռացել մեր ուժերից: Գտնվում էինք թշնամու գլխավոր ուժերի թիկունքում: Այդ օրվանից սկսվեցին մեր դեգերումները անծանոթ անտառներում ու ճահիճներում: Յերեկները պահվում էինք, իսկ գիշերները շարժվում դեպի արևմուտք՝ ճանապարհին դատաստան տեսնելով թշնամու մանր խմբավորումների հետ: Մեկամսյա թափառումներից հետո մի օր մեզ միացան մի խումբ պարտիզաններ, և մենք ծանր փորձություններից հետո միացանք հարավսլավյան ժողովրդական բանակին:

Այդ օրվանից ձեռք ձեռքի տված նրանց հետ կռվեցինք գերմանական ֆաշիստների դեմ:

Եկավ սպասած օրը: Մեր խմբավորումը միացավ Կարմիր Բանակի հարձակվող հիմնական զորամասերի հետ: Մեր միավորման հրամանատարությունն ինձ սիրով ընդունեց:

Սկսվեց կատաղի ճակատամարտը Բելգրադի ազատագրման համար: Քաղաքի զրավման ժամանակ փողոցային մի կռվում ծանր վիրավորվեցի: Պառկած եմ նույն քաղաքի զինվորական հիվանդանոցում:

Այժմ այսքանը: Շնորհավորում եմ քեզ, թանկագինս, մեծ հաղթանակի համար և երազում եմ մեր մոտավուտ հանդիպումը:

Օ՜, որքան բաներ ունեմ քեզ պատմելու: Չորս տարի է անցել: Չորս երկար ու արշուճով լի տարիներ: Թշնամու թիկունքում, ուր ամեն վայրկյան մահն էր սավառնում մեր գլխի վրա, միշտ դու անբաժան էիր ինձնից: Սիրտս ասում քեզ, որ ես կանցնեմ այս կրակների միջով, կլինի հաղթանակ և մենք կհանդիպենք իրար: Հազար, հազար անգամ համբուրում եմ քեզ, մայրիկին ու հայրիկին, մեր սիրելի Տիգրանուհուն և բոլոր նրանց, ովքեր հարցնում ու հիշում են ինձ:

Քո Վարդան»:

Վարդանի նամակն ստանալուց հետո երբ անցան հուլիսի 1-ին օրը, Հռիփսիմեն աշխատանքից հետո, դուրս չէր գալիս մեծ սենյակից: Նա գործում էր կիսատ թողած գորգը:

Ամուսնու նամակը նա ուղարկեց ծնողներին:

«— Սիրելի հայրիկ ու մամա ջան,— գրել էր նա,— ուղարկում եմ Վարդանիս նամակը: Երբ Վարդանը գալու լինի անպայման դուք էլ կգաք:

Շուտով նա ստացավ ծնողների պատասխան նամակը:

«Մեր բալիկ, սիրունիկ մեր նախընտան Հռիփսիկ ջան.

Կարգացինք Վարդանի նամակն ու ուրախությունից կուշտ լաց եղանք: Սաղ քաղաքը մեր տունն էր թափվել: Վերջապես մենք էլ ուրախության արժանացանք, թող էդ ուրախությունը ամենին հասնի: Ամեն օր իջնում ենք բաղը ու մեր ուրախությունը ձեր երկուսի ծառերն են: Էնպես են պտղակալել, որ ասել չենք կարող:

Վարդանի նամակն ստանալու օրից մինչև հիմա քեֆի մեջ ենք:

Գնացինք հոգեխաղրու գերեզմանը տեսնելու, ծաղկունք սերմեր ցանեցինք: Վարդանս որ դա հոր գերեզմանը ծաղիկներով զարդարված կլինի:

Ուրախացի, բալիկ ջան, հմի ուրախանալու հերթը մերն է: Մերդ ասում է դազգահ՜ը դուրս գցի, դու գործողը չես: Մեծ սենյակիդ սարքի առջվան պես, որ Վարդանս դս: տեսնի ու ուրախանա:

Կգրկենք, կհամբուրենք քեզ. կսպասենք քո նոր ուրախությանը:

Քո հեր ու մեր՝ Աբգար և Շողակաթ»:

Հռիփսիմեն ծնողների նամակը կարդաց մի քանի անգամ, ժպտաց ինքն իրեն.

— Լավ, տեսնենք մերս, ինձանից գործող դուրս կգա, թե չէ.

ԳԼՈՒԽ ԶՈՐՐՈՐԴ

1.

Վարդանի գալու մասին հեռագիրը ստանալու գիշերը Հռիփսիմեն չկարողացավ աչք փակել: Նա զբաղված էր դազգահից նոր

դուրս բերած գորգի վրայի ավելորդ թելերը կտրատելով: Լուսա-
բացին գորգը մի քանի տակ ծալելով ծածկեց հաստ ծածկոցով:
Վաղ առավոտյան Տիգրանուհու հետ դասավորեցին մեծ սենյակի
իրերը...

— Ես այս սենյակը այլևս բաց չեմ անելու մինչև տուն չմտնի
Վարդանը,— ասաց նա:

— Վարդանը քեզ է կարոտել և ոչ թե սենյակին,— ծիծաղելով
պատասխանեց Տիգրանուհին:

Հռիփսիմեն իր օգնականների հետ գործի անցավ: Մեծ սեն-
յակի ամբողջ երկայնքով շարվեցին սեղաններ, որոնք ծածկվեցին
ձյունափայլ սփռոցներով:

Գիշերը, երբ Տիգրանուհին, Արևհատը և Վարդանի քարտու-
ղարուհի Սոնյան գնացին իրենց տները հանգստանալու, Հռիփսի-
մեն դուրս բերեց գորգը: Նախօրոք պատրաստած օղերը հագցնե-
լով մեխերին, հարդարեց այն, հետո փակեց դուռը, իջեցրեց վա-
րագույրները:

Առավոտյան, երբ հայտնվեցին նրանք, Հռիփսիմեն ասաց.

— Ամեն ինչ պատրաստում ենք խոհանոցում, միանգամից
ներս կտանենք, երբ բոլորը նստած կլինեն:

— Թող այդպես լինի,— ժպտալով ասաց Արևհատը:

— Մի բան կա, որ թաքցնում ես ինձանից,— թեքվելով ըն-
կերուհու կողմը շշուկով խոսեց Տիգրանուհին:

— Երեք ժամից հետո բաց կանեմ սենյակի դուռը և դու
կտեսնես, որ ոչ մի գաղտնիք չունեմ,— գրկելով նրան ասաց
Հռիփսիմեն:

— Կայարան գնալու ժամանակը չէ,— հարցրեց Տիգրանու-
հին:

— Երկու ժամից հետո կգա առաջին գնացքը, պետք է դիմա-
վորել ծնողներին,— ասաց Հռիփսիմեն:

Դրսում լավեց մեքենայի ազդանշանի ձայնը:

— Դե՛, սիրելի Արևհատ, մենք գնացինք,— բռնելով Տիգրա-
նուհու ձեռքից ասաց Հռիփսիմեն,— կգանք մեծ զորքով:

— Գնացեք, և ոչ մի բանի մասին չմտածեք: Ես թաց տեղը
պառկողը չեմ,— ծիծաղելով պատասխանեց Արևհատը:

Երկաթուղային կայարանում Վարդանին դիմավորելու համար հավաքվել էին ժողկոմատի, գործարանի աշխատողները: Այնտեղ էին Վահան Նիկիտիչը, Տիգրան Սիմոնիչը իրենց ընտանիքներով և շատ ուրիշներ:

Ծանր փնչոցով կառամատույցի երկրորդ դժի վրա կանգնեց առաջին գնացքը: Հոփսիսիմենս, Տիգրանուհու հետ, ընդառաջ գնաց վագոնից ցած իջնող ծնողներին:

— Աչքդ լույս, բալիկ ջան,— փաթաթվելով աղջկան արտասուքների միջից հազիվ կարողացավ արտասանել մայրը:

— Կաց լինելու ժամանակը չէ,— փնթփնթաց ուստան,— ուրխանալ է պետք,— ասաց նա ու համբուրվելով Հոփսիսիմենսի հետ, ուրախ ձայնով հարցրեց.

— Քանի օրից հետո է գալու Վարդանս:

Տիգրանուհին ինչ որ բան ուզեց ասել, նա նույնիսկ բաց արեց բերանը, սակայն նկատելով Հոփսիսիմենսի անհանգստությունը, լռեց:

— Շուտ կլինի, հայրիկ ջան:

— Գիտեմ, որ կգա, համա ասա շուտ գա: Տաս օր քեֆ եմ անելու հետը:

— Լավացել ես Հոփսիսիկ ջան,— գորովանքով ասաց մայրը,— ախ, ինչքան տանջվեցիր, աչքերս քոռանան...

— Էլի վսիվսաց, ասի վերջ տուր: Ուրախանալ է պետք,— ասաց ուստան, ապա դառնալով Հոփսիսիմենսին ժպտաց,— հմի մշակ կբռնեմ մեր բերածը տանելու, կվռագեմ աղջիկս, կուզեմ շուտ հասնենք տունդ:

Տիգրանուհին բարձրաձայն ծիծաղեց:

— Լավ չե՞մ ասում աղջիկս,— գոնավոր թաշկինակով քրտնած դեմքը սրբելով հարցրեց ուստա Աբգարը:

— Մի վռազի, մի, շատ չի քաշի՝ փեսայիդ հետ կխմես,— այլևս չկարողանալով իրեն պահել, փաթաթվելով հորը ասաց Հոփսիսիմենս:— Մի ժամից այստեղ կլինի Վարդանը:

— Յա՛, Շողակաթս, լսեցի՞ր ինչ ասավ: Վարդանս Բաքվի պոյեզով է գալիս, ուր որ է էստեղ կլինի:

Այդ լուրը անհուն հրճվանք պատճառեց ծերունի գորգագոր-

ծին: Աս մոռացաւ մշակ կանչելը, ինքն սկսեց բերած ճամբրուկները փոխադրել:

— Տեսնում ես, մամ ջան,— մտնելով մոր թևը ասաց Հռիփսիմեն,— որքան մարդիկ են եկել Վարդանին դիմաժորելու:

— Հա, բալա ջան: Վարդանը բոլորի համար ազիզ մարդ է: Բա հաղթող մարդուն Կյ ի նշպես կդիմաժորեն:

ԳԼՈՒԽ ՀԻՆԳԵՐՈՐԴ

1.

Մինչդեռ կայարանում հավաքված հարազատները խնդովյունով համակված հաշվում էին մոտեցող յուրաքանչյուր վայրկյանը, փոխգնդապետ Ոսկանյանը, կանգնած վագոնի բաց լուսամուտի առաջ, կարոտած հայացքով դիտում էր գնացքի դեմը պտտվող Արարատյան դաշտավայրը, ուր մարմանդ ծովան էր բարձրանում շեներից, ալդիներում բերքով իմաստավորվում էին ծառերը, կանոնավոր շարքերով դեպի վեր էին ձգվել բամբակենու աղնիվ բույսերը իրենց ծաղիկների սպիտակ ու նարնջագույն աչիկներով ժպտալով արևին: Հարուստ բերքով նազում էին ցորենի հասուն արտերը: Բոլորը, բոլորը և՛ ծառ, և՛ թուփ, և՛ ծփացող ցորենի արտերը հարազատ էին, այնքան գերող, որ նա չնկատեց, թե երբ գնացքը մտավ քաղաքի արվարձանը, ուր լիաթոք ծխում էին դործարանների ծխնելուղները:

Փոխվել էր Վարդանը: Լիքը դեմքի վրա ծիծեռնակի սուր թևերի նման փայլում էին բեղերը, քունքի մազերի մեջ երևում էին սպիտակ թելիկները, լայն կրծքի վրա շողշողում էր շքանշանների շարքը:

Շողեկառքը սուկեց,— գնացքը կանգ առավ առաջին դծի վրա:

— Վարդանը,— վագոնի բաց դռնակի հարթակի վրա տեսնելով նրան, կանչեց Տիգրանուհին:

Բազմովյունը շարժվեց մագոնների կողմը:

— Պառավա, դու մեր իրերին նայիր, ես վազեցի փեսիս մոտ, կասես եկավ,— ասաց ուստա Աբգարն ու չսպասելով կնոջ պատասխանին, բազի նման օրորվելով, մարդկանց հրելով առաջ վազեց:

— Տո, մի թողեք է,— Հռիփսիմեի թևից քաշելով կանչեց նա,— դուք տանն էլ կպագվեք, հերթը իմս է...

եւ ընդհանուր ծիծաղի տակ ուստան իր գրկի մեջ առաւ Վարդանին:

— Վայ, լուս դառնա հորդ. դերեզմանը տղա, վայ քու արեւին մեռնեմ,— կանչում էր նա աչքերից թափելով արցունքները:

Շրջապատված բարեկամներով՝ Վարդանը դուրս եկաւ կայաբանից:

— Գնում ենք իմ մեքենայով,— ասաց Վահան Նիկիտիչը, մտնելով նրա թևը:

Վարդանը կանգ առաւ:

— Ինչո՞ւ կանգնեցիր,— հարցրեց Վահան Նիկիտիչը,— աներդ էլ կգա մեզ հետ, մի վախենա,— և իր զննող հայացքով փնտրեց ու գտաւ ուստա Աբգարին—դնանք, ուստա Աբգար, ուրախանալ է պետք:

Մեկը մյուսի ետեից սլացան մեքենաները: Վարդանը հայացքը չէր կտրում փողոցներից:

— Հոյակապ արձան է,— մեծ հրապարակից անցնելու ժամանակ ասաց Վարդանը, ցույց տալով Լենինի արձանը:

— Նոր ու հոյակապ կդառնա մեր քաղաքը,— պատասխանեց Վահան Նիկիտիչը:

Տուն հասնելով առաջինը մեքենայից իջաւ Հռիփսիմեն:

Արեհատը Վարդանին զիմովորեց ինչպէս հարազատ եղբորը:

— Եվ դու ինձ չես մոռացել,— սեղմելով իր նախկին քարտուղարուհու ձեռքը ասաց Վարդանը,— բոլորիդ էլ ողջ և առողջ եմ տեսնում: Շատ ուրախ եմ:

Հյուրերը դուրս ելան պատշգամբ:

— Վարդան Սարիբեկովիչ, երկու օրից հետո կրկին գալու եմ ձեզ մոտ և այս սքանչելի, կանաչ վրանի տակ խաղալու ենք նարդի,— հիշելով իր խոսքը, ասաց Վահան Նիկիտիչը: Հավատացե՛ք, տանողը ես եմ լինեու: Չեք հավատում: Կտեսնեք:

— Չեք մոռանա և ինձ,— ասաց Տիգրան Սիմոնիչը:

Ուրախ ժպիտը դեմքին ամուսնուն մոտեցաւ Հռիփսիմեն:

— Վաղուց է, ինչ երեսովդ չես տվել Երեանի ջուրը, այժմ լվացարանը քեզ է սպասում:

Վարդանը ծիծաղելով հետևեց կնոջը:

Հյուրերն ուրախ զրուցցով էին զբաղված, մինչդեռ ուստա Աբգարը անհանգստանում էր: Այլևս չկարողանալով իրեն զսպել, գրպանը դնելով համրիչը, բարձր ձայնով դիմեց աղջկան.

— Հոխիսիկս, ախր մի սեղան բաց արա: Ուրախանալ է պետք:

Հոխիսիմեն կարծես դրան էր սպասում, լայն ժպտաց: Մոտենալով մեծ սենյակի դռանը, ետ քաշեց վարագույրները, գրպանից հանելով բանալին բաց արեց դուռը, դիմեց հորը, ապա հյուրերին.

— Հայրիկ ջան, սեղանը դեռ վաղ առավոտվանից է պատրաստ, — խնդրեմ, համեցեք:

Հյուրերը վահան նիկիտիչի գլխավորությամբ ներս մտան շքեղորեն զարդարված մեծ սենյակը և բոլորի հայացքները կարծես մի գորավոր ուժով դամվեցին հանդիպակաց պատին: Նրանց դեմ բազմերանգ գույների ներդաշնակ խաղով փայլում էր մի նոր գորգ: Նրբակերտ գորգի վրա Առաջնորդի նկարն էր գործված, իսկ գորգի եզրերին վարդեր, ցողաթաթախ վարդեր էին գործված և որպես մանկան պայծառ աչքեր՝ բոլորին ժպտում էին «Բարի գալուստ իմ սիրեցյալին» բառերը:

— Յա՛, էս երազ է, — ընդհանուր և հանդիսավոր լուովյան մեջ հնչեց Աբգարի ձայնը:

Հանկարծ սենյակը թնդաց ծափերից, մարդիկ բարձրացրին ըստակաները, լսվեցին ուժեղ բացազանչություններ:

— Սիրո և գեղեցկության կենացը:

— Հաղթողների կենացը:

— Սիրո ուժի կենացը, — արտասովթոր աչքերը սրբելով գուշեց ուստա Աբգարը:

Եվ խնդությունը ծայր առավ Ոսկանյանների հարկի տակ:

1946—47 թ.

Արտաշատ

Բ Ո Վ Ա Ն Դ Ա Կ Ո Ւ Թ Յ Ո Ւ Ն

I. Նայելներ

1. Նրեքը	5
2. Վիլի	27
3. Լեռնցին	39
4. Զինվորի նամակը	49
5. Քսանհինգ տարեկանը	55
6. Փարոսավառը	60
7. Իմ բնկեր Սուրենը	63
8. Անակնկալ հանդիպում	70
9. Առաջին անձրևը	86
10. Կարմրածաղիկ դեղձենին	91

II. Բնայտներ

1. Զինորսներ	98
2. Սիրո ուժը	131

Պատ. խմբագիր՝ Վ. ՊԱՐՏԻԶՈՒՆԻ
Տեխ. խմբագիր՝ Ս. ԼԱԹՈՅԱՆ
Կոնսուլ սրբագրիչ՝ Ե. ՊՏՈՒՂՅԱՆ



ՎՖ 01215 պատվեր 548, տիրաժ 4000, տպագրական 14 մամ.
Հանձնված է արտադրության 22/X148 թ. Ստորագրված է տպագր.

ՀՍՍՌ Մեխատրոնիկայի Գիտությունների Գերատեսչության
1 տպարան, Երևան, Լենինի փող. № 65, Երևան

ՆԿԱՏՎԱԾ ՎՐԻՊԱԿՆԵՐ


Էջ	Տող	Տպված է	Պեստ է լինի
49	7 Վ.	Նա փնթիփնթում էր	Սահերյանը փնթիփնթում էր
62	4 Ն.	Նրանց աստղակիր	Իրենց աստղակիր
82	3 Վ.	Եղբորը	Եղբոր


Նովեմբեր և վրիպակներ


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊՐԵՑԵԴԵՆՏԻ ԱՊՐԵՍՏԱԿՆԵՐԻ ԿՈՄԻՏԵ			
ԴՆԵՐ	ՏՆՈՒՄ	ԲԱՆԿ	ԴՆԵՐ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊՐԵՑԵԴԵՆՏԻ ԱՊՐԵՍՏԱԿՆԵՐԻ ԿՈՄԻՏԵ	ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊՐԵՑԵԴԵՆՏԻ ԱՊՐԵՍՏԱԿՆԵՐԻ ԿՈՄԻՏԵ	ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊՐԵՑԵԴԵՆՏԻ ԱՊՐԵՍՏԱԿՆԵՐԻ ԿՈՄԻՏԵ	ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊՐԵՑԵԴԵՆՏԻ ԱՊՐԵՍՏԱԿՆԵՐԻ ԿՈՄԻՏԵ

Վ.
Հան

ՀՍՍՐ Մեխատրոնիկայի և Գրառ. Վարչության
1 տղարան, Երևան, Լենինի փող. № 65, Երևան







ԳԻՆԸ 8 Վ.
ԳՍ.ԶՄԸ 2 Վ.